

5:1

my
/6

(12/2)

Willems 1185



84

A. Golnitz y
nlyer.



ABRAH: GÖLNITZL,

Dantisc.

VLYSSES

BELGICO-GALLICVS.

fidus tibi dux et Achates.

per

BELGIVM HISPAN:

REGNVM GALLIÆ.

DVCAT. SABAVDIE.

IVRINVM usq; Pedemontl

Metropolin.



Cum Privilegio.

Cornelis Cl: Dylend sculpsit

AMSTERODAMI.

Ex officina ELZEVIRIANA.

CLD IDC LV.



^{ble}
t Hon. George Earl of
pton Baron Compton
Compton 1703

*Illustrissimi & Celsissimi Principis
ac Domini,*

DN. JOHANNIS CHRISTIANI,
Ducis Silesiæ, Lignicensis & Bregen-
sis, &c. sacratissimi Romani Impera-
toris, nec non Hung. Bohemiæque
Regis CAMERARII, &c.

*Augustissimis Filiis, Paternarum Virtu-
tum heredibus, Illustrissimis & Ge-
nerosissimis Dominis,*

DNN. GEORGIO & LUDOVICO,
Fratribus germanis, Lignicensium &
Bregensium Ducibus, &c.

Dominis suis clementissimis.

INtempestivum duce, Illu-
strissimi Principes, rem
multis retrò sæculis strenuè
exercitam commendare, id
est, peregrinationi encomium suspende-
re. Probarunt olim Athenienses juvenes,
qui priusquam hereditati ad se devolu-
ta manus injicerent, ejicere se fuere
liti biennium in regiones limitaneas,
easque obire & circumire veluti tiro-
cinia armorum meditando: idque agen-
tes à decimo octavo, quo ex ephēbis

D E D I C A T I O.

egrediebantur, ad vigesimum, circum-
itores, regionumque inspectores diceban-
tur, non more Magistratûs, sed ut, re
& necessitate urgente, locorum, via-
rum & personarum acquisitam peri-
tiam ostenderent. Idem ferè mos apud
Venetos adhuc hodie obtinet.

E re verò esse duco dicere, cur Itine-
rarium hoc hisce lineis adumbratûm V.
Illustriss. Nomini sistam consecremque.

Ab argumento non novum est. Elabo-
rarunt in eo jam plures; quid præstite-
rint, testatur diligentia; quam admiror,
neque cum ea contendo: verûm ut vestis
non magnitudine, sed concinnitate asti-
manda est, sic scriptum. Hoc, certo con-
silio ipsâ tituli inscriptione mensus sum
Caletum Taurinum usque: via inter-
mediæ sunt Belgium Hispano parens,
Gallia & Sabaudia: agrarium istud
aquor, juvante methodo, quæ luce dispo-
sitionis memoriæ multum adminicula-
tur in urbibus delineandis, sine naufr-
gio, quod nulli alteri quàm bono meo
DEO inscribo, enavi. Concinnitati in-

textæ

DEDICATIO.

textæ sunt historia, lumen loco inferentes, cum auctores ipsi, quorum operâ utilissimâ in multis usus sum, (quod ingenuè fateor) mole suâ vialibus usibus non inserviant: diversoria utut ea habui, cum miliaribus, mantissam faciunt, ut adeas vel abeas. Hoc circo itinerarium claudò, exclusâ Parisiorum Lutetiâ, quam, ut est Mundi compendium, cum Theatro regni Galliæ, in lucem propediem, si Deus me diurnare volet, sistam mundam.

Primus hic meus fœtus est; cui Compares quærendi, quorum iudicio & tutelâ vivere debeat vel interire, surgere aut cadere, & perpetui neglectûs tenebris mulctari. Hunc libellum ipsius capiti suspendo, hanc sententiam fero; nam qualis est, illi iudicent. Ego quott à partu difficili matres facere solent, me ad quietem componam, sententias obstetricum de fœtu auditurus, quæ (Socratis vero verbo) longè melius quàm matres de fœtu iudicant. Si feliciter enixus sum, Vos Illustriiss. PP. compares & testes appello.

DEDICATIO:

Liceat, dum Patroni mihi capiendi sunt pro more antiquo, in devoti obsequii testimonium hoc, quidquid est literarii partûs, apud Vos deponere. Nec id arrogantiam aliquam, sed fiduciam spe contendo; fretus singulari Vestro & raro erga literas earumque cultores favore, quem geritis; cujus & ego si partem habeam, hoc ce tenuitatis meae fructus Vobis non ingratos fuisse edicam. Subest alia causa ab argumento: Itinerarium est, quod manibus Vestris Ill. PP. infero. Quidquid viarum in illis monstratur, vos trivistis, vel teritis: quidquid gestorum vel visorum in eo, vestrum tribunal & censionem requirit: ne quid alienum à vero subdolumve subrepat, vestrum iudicium & tabella exposcitur. Ad vos itaque, velut ad Quæsitores conjicio hanc causam, idque aliorum exemplo facio.

Iam si ab illustri tituli præscriptione splendor & tutela operi peti debet, possemne illustrius nomen augusto vestro stemmati præferre? Vos Regis Familiis innexi, locum & lucem inter primores

DEDICATIO.

res Orbis Duces semper tenuistis & tenetis. Illustrissimum Principem, è quo progeniti estis, cum Regiis Virtutibus, quod exprimere levi hoc penicillo minor sum, Timantem imitatus silentii velo heic tegam, semper autem laudabit inclyta SILEZIA, qui pacem hoc Tutore usque adhuc largitus est DEUS.

Sed & vos ipsi orbem rapitis in admirationem. Norunt mortales, quibus copiam vestri facitis. Si radios vestros minore aliquâ luce augere mihi sumerem, quid facerem aliud, quàm ut vili lacernâ tegerem

Sidereos artus, radiataque lumina cœlo?

Compono itaque me, & augustissimarum Vestrarum virtutum, quæ Vos ad summum fastigium sublimant, admirator malo esse quàm buccinator. Patiamini verò, Illustrissima Sidera, ut de luculentissimo vestro igne faculam meam succendam, & quæ sub vestro augustissimo Nomine publici juris facio, etiam sub vestro patrocinio publicè vivant.

Non

D E D I C A T I O.

Non dubito, si vobis placebunt, quin ab omnibus magno consensu probentur. Si qui erunt, quibus minus placeant, quæ vobis probabuntur, iniquis eorum iudiciis ut anciller tantum abest, ut eorum etiam errores silentio praterire flagitiosum ducam. Provoco ad vos, Illmi PP. ut quod Vestris Gratiis trado submissem, dico humiliter, offero devotè, in tutelam adversus malivolorum obtrectiones accipiatis, meque numero devotissimorum Vestrorum clientum adscribatis. Id si à vobis impetratum abstulero, impletum dico omne consilium, quo hoc opusculum Vestro Illmo Nomini lubens merito dedico consecroque. Voto finio ad supremum Numen, ut Vos Ill. PP. felices servet in itinere; eoq; exacto felicissimos & gloriosissimos domum reducat.

Lugduni Batavorum Kalend. Mart.

C I O I O C X X X I.

Illmarum Celsitud. Vrarum

Devotissimus cliens

ABRAHAM GÖLNITZ.

ABRA-

ABRAHAMI GÖLNITZ

ITINERARIUM
BELGICO-GALLICUM.

EX ANGLIA

In Galliam transfretatio & in Belgium ingressus.

Uod felix faustumque sit, auspiciaturi iter nostrum solvimus è portu *Doverano*; ubi prius conducto navâ, quem ordo è Gallis vel Anglis tangit, nomen oportet profiteri, quid in Anglia egeris, quòve iter dirigas: pòst veniâ abeundi datâ arculæ cum reculis visitantur à regiis ministris, & quantum pecuniæ tecum exportes inquiritur. nisi igitur velis cambio tuo fiscum regium augere, cave ultra decem libras Anglicas, quæ sunt xl. Joachimici, tecum habeas exportatum.

His peractis navem conscendimus Gallicam vigiliâ Philippi Jacobi circa vesperam, transfretaturi Hellespontum Britannicum. verùm nox insequens jubebat nos ponto incumbere quietos, nec sine submersionis periculo, quippe à navium rimarum & foraminum plenâ timebamus naufragium,

A

— di-

— *digitis à morte remoti*

Quattuor aut septem.

donec sequenti die, cum aurora serena Sacrum Philippi Jacobi produceret, remi *Caleto* advocarentur, qui è navi Gallicâ nos in portum suum VII milliar. Dovurâ distantem exponebant tutos à tempestate, mox prandium nostrum, in hospitio *à la Sirene sauvage* quod sumebamus, insequente.

C A L E T U M.

SUB adventum mox deambulare coepimus, lustraturi castellum cum præsidio; sed exesse iussimus, nescio Præfecti an militum austeritate. Opidum non inelegans, situm in plano, in Comitatu Oye. gaudet commodo portu. munitum insuper fossis profundis aquâ marinâ impletis. Olim obsessum & captum ab Anglis anno 1347. *Antiquitat. Gall. pag. 461.* qui, regnante Henrico II, Gall. Rege, à Guisio subacti & ejecti sunt, anno 1558. *Meter. lib. 1, pag. 32, & seq.* Ibi Capitaneus quidam Gallus Anglum Capitaneum annis gravem jamjam isthinc discessurum interrogavit, Quando redire vultis vos Angli? Cui Anglus respondit: Quando vestra peccata erunt nostris majora. hætenus vos superavimus vitiis: ubi nos rursus vitiis superaveritis, actum erit de vobis; nam tunc redibimus, & hæc loca occupabimus. Sed Albertus Archidux tunc Cardinalis prævenit, & Castellum cum opido vi expugnavit, anno 1596. *Meter. lib. 17, p. 752. fusè omnes circumstantias habet.* pace tamen Vervini, anno 1598, inter Hispanum & Gallum factâ, ad Galliarum Regem, cui etiamnum parer, rediit. *Met. lib. 19, p. 838. ubi articuli pacis.*

Caleti prandio refecti pars nostrum equis, pars curru

curru contendebamus *tribus milliaribus Gravelingam* opidum Flandriæ.

GRAVELINGA.

Quo antequam venis, necesse habes pontone transjicere flumen Aa, opidum ferè lambens, & discriminans Galliam & Flandriam. Ingressurus portam opidi audies tot campanarum pulsus, quot equites vestrum advenient. Heic coenaturi divertebamus ad hospitium, cui *Imago Angeli* præfixa est; ubi obsonii nihil, nisi aliunde coëmeris, habebis. Opidum perpetuo præsidio hodiè custoditur nomine Regis Catholici. Præfectus ei erat Gornowallius, gente Flander. Arce validâ à Carolo V. Imperatore anno 1528, & quinque propugnaculis firmatum, famam opidi munitissimi adeptum est. Auxit opidi celebritatem insignis conflictus anno 1558 juxtim initus finitusque, quo Thermus Galliæ Marechalculus exercitusque legatus, auspiciis Philippi Regis Hispaniæ, diligentiam audentiamque Larmoralli Egmondani, victus fuit, spoliis exutus atque captus: *Marchant. l. 1, in Flandr. Met l. 1, p. 34.*

Sidneius Anglus cum milite Vlissingâ veniens stratagemate inire voluit opidum, anno 1586, verum à præsidio vapulans retronavigare coactus fuit. *Met. lib. 13, p. 530.*

Quidquid lanarum ex Angliâ Galliâve in Flandriam advehitur, heic portorium solvit.

Manè aëre sereno, itinere verò ab arenâ incommodo, Gravelingâ relictâ perreximus, & circa undecimam diei horam 3 *milliaria*, Dünkerckam usque, emensi sumus.

DUNKERCKA.

Opidum nomen acquisivit ab Abbatia *Dünen*, (Græcis *Σίρες*, Latinis arenacei litoris colles,

les, (quæ uno lapide & amplius, isthinc distat, & templi turri excelsâ, graduum 273, è cocto latere; ex qua candicantes Angliæ circa Dovuram montes cœlo sereno clarè conspiciere habes. Oblectavit nos opidum nitidum plateis & ordine, inprimis templi altare sumtuosum & amplum, ex marmore variegato, lapide Lydio & alabastrite in altum surgens, impendio plusquam viginti millium florenorum, tantoque splendore, ut adspiret ad fastigium admirationis. Si otium est, cœnôbium Franciscanorum utriusque sexus heic lustrabis. De cetero, opidum parum est munitum; quippe incumbenribus undique arenariis collibus varii rivuli sabulum secum trahentes locum circumfluunt, & portum navium majorum, quæ recedente æstu plerunque in sicco destituuntur, minimè patientem efficiunt. *Thuan. lib. 77, pag. 322.* Carolus V, 1535, propugnaculum & præsidium ibi locavit. Illi augmentum dedit nuperis annis Spinola, novâ defensione in mare protensâ. isti, quod erat sex cohortum è Germanis & Neapolitanis, præerat Antonius Gonzaga Hispanus. Famam tamen à captura & salitura halecum, mercatu & teloniorum per totam Flandriam immunitate, non tam habet, *Thuan. lib. 77. Marchant. lib. 1, p. 68. Met. lib. 11, p. 455.* quam à crebris prædiariorum piraticorum excursionibus in Anglos, Hollandos & Zelandos, quorum prædâ & spoliis opimifacti sunt. *Guicciard. heic. Meter. lib. 16, pag. 650. & lib. 19, pag. 828. & lib. 21, pag. 969.*

Non rarò autem militem extraneum habuit hostem. Anno 1558 Termesius Gallus militem in opidum induxit, idq; non modò spoliandum, sed destruendum & comburendum commisit. *Guicciard. heic. Meter. lib. 1, pag. 34. Thuan. lib. 20.*

Huic

Huic successit Chamofius, qui anno 1583, nomine Ducis Andini ibi legionem suam habens in præsidio, rixâ de industria excitatâ ob prædam à nautis præfidiariis factam, arma contra opidanos capit, nonnullisque interfectis præfidiarioque Belgicò milite ejecto opidum sibi subegit. *Thuan. lib. 77. Met. lib. 11, pag. 439.* Qui tamen, non multò post copiis Parmensibus obsessus, & ad extremum necessitate victus, cum nulla ulterius auxiliorum spes esset, cum Parmensi de ditione transegit, his conditionibus, ut ipse cum suis vitâ salvâ, gladiis tantum accinctus, urbe exiret, *Thuan. lib. 77, p. 324. Meter. lib. 11, p. 456.* Mauritius Arausionensis, anno 1590, opidum noctu scalis admotis invadere animum habuit; sed vento adverso res aperta & infecta mansit. *Met. lib. 16, p. 669.* Ubi prandio satis lauto heic, apud *Iacobum de Brûen, sub insigni Clavis*, refecti, equis & curru conscensis, arenaceos litoris colles pro viâ habuimus *quinque continuis milliaribus* Neoportum usque; ubi à l'Esca de France cœnati sumus, & cubuimus.

N E O P O R T U S.

Medio itinere singulare spectaculum, sed non sine periculo, ab explosionibus tormentorum fuit in litus è mari, cui incumbibat Hollandica navis cum Dünkerckana, quæ ab æstu in sicco tantum non tota residebat, prælians; quam deinde æstu redeunte cum exuviis pro trophæo sub vesperam avehebat.

Opidum olim *Zandhoof* seu *arena caput* dictum. Nomen *Neoporti* trahit à novo porto sive opido, non à portu. antiquitus siquidem Latine *Porti* vocabulo dicimus conclusum mercibus opibusque recipiendis & exportandis opidum.

Portum habet securum, sed oblongum. Ostentat Pharum lapideam, è quâ ad regendos navium cursus & præcavenda vada ignes ex arundine stipulâve noctu emicant, quamdiu maris fervor allabitur. Plateæ symmetriam habent & ordinem. Plebecula halecum capturâ & mercatu alitur. à navigatione cessans, in texendis tragulis, verriculis, sagenisque canabinis, restibusque contorquendis occupatur. Legibus miris à Philippo Alfatio olim dotata. quibus cavetur: Si quis noctu vulneratus, hoc alii imputaverit, ut accusatus ferro candenti sese purget, si scabinis dignum videatur; aut recusans manum amittat. Ut furti postulatus ab auctore apud iudices jurato, vel expurget se ferro simili, aut laqueo suspendatur. *Marchant. lib. 1, p. 55, & seq.* Præter templum spatiosum & coenobia Franciscanorum hîc nihil notabile. Famam verò habet à memorabili proelio anno 1600; quo Mauritius victoriâ potitus, Albertus Austriacus fugatus, Hispani victi fusi que sunt. Strages hæc comparatur cum illa, quâ retrioribus sæculis anno 1298, eodem mense & die, Adolphus Comes Nassovicus Albertum Austriacum Imperatorem fudit. *Met. lib. 21, p. 962.* Erepta Hispanis centum & quinque signa militaria peditum, cum 14 equitum; & Hagam-Comitis testimonium victoriæ transmissa. *Kærius in Fland. pag. 44. Met. lib. 21. p. 953, & seqq. de his suis. Loorberkrantz, pag. 164.* Trophæum sequens Mauritio erectum est: *Anno 1609, 2. Non. Quint. Mauritius Araus. Pr. in Flandriam terram hostilem traducto exercitu cum Alberto Arch. Austr. conflixit, copias ejus cecidit, Duces multos, primumque Franc. Mendozam cepit: reversus ad suos victor signa hostium centum quinque in Hagensi Capitolio suspendit Deo bellatori. Rem militarem*

litarem tenentes, singularia prudentiæ Mauriti-
 næ argumenta notant septem in hoc prælio, qui-
 bus victor evasit. quæ sunt : 1. Ventus contra ho-
 stes. 2. Sol in oculos hostium resplendens. 3. Sex
 tormenta bellica non in arena sed in solido li-
 gnis substratis benè locata. 4. Nullus fugæ locus.
 5. Nulla spes salutis (juratum enim erat, omnes
 occidere, præter Mauritium *wegen der tugendt*, &
 Henricum Fredericum *wegen der jugendt*, ou pour
 luy servir de trophée. (*l'Histoire de Pays-bas*, lib. 8,
 fol. 675.) 6. Callidè à Principe Mauritio dissi-
 mulata cædes militum Comitis Ernesti. 7. Acies
 mirandum in modum instructa. Locus prælii di-
 stat uno lapide ab opido, intra pagos Westende
 & Wilkens-kerck, viâ quâ itur Ostendam. quem
 & sequenti luce viâ supra modum molestâ ab
 arena gressum sufflaminante prorepando supera-
 vimus: ad sinistram ad colles arenaceos Crux ni-
 gri coloris lignea in perpetuam cladis Hispani-
 cæ memoriam erecta conspicitur.

O S T E N D A.

Ostendam Neoporto tertio lapide dissitam
 ubi venimus, ante prandium, quod tenui ap-
 paratu, sed magno impendio, *in diversorio cui pro
 insigni Stella est*, constabat, salutatum & rogatum
 ivimus Præfectum Franciscum Monterum Hi-
 spanum, nobis copiam faceret visendi propugna-
 cula. affatu obtinuimus ducentem Hispanum, &
 singula multis nos docentem;

Hic illius arma, hic currus fuit.

Nomen habet à termino Soli orienti opposito,
 ut è diverso pagus ad occidentem vergens dici-
 tur Westenda. Tecta ædium arundineo tegulo
 adhuc hodiè ferè omnia obducta nihil ornati ha-
 bent. Opidum portu locuples à piscatoribus pri-
 mum

mum inhabitato, qui autores dicuntur salislaginis & halecum conditorum. *Met. lib. 22, p. 990.* Est alioquin exigua magnitudinis, sed magni nominis; vallis & propugnaculis eminens, ita ut munitissimus totius Europæ audiat locus. Schola militiæ & altera Troja hodiè ab effuso copiosè sanguine & longâ obsidione. hæc annos tres, menses duos, dies quindecim duravit. annos obsidionis coeptæ ex hoc lemmate nota:

Osten De nobis paCeM.

annos obsidionis solutæ:

Osten DaM In Itla paCIs.

(*Meter. lib. 24, pag. 1095.*) Numerus castrorum ibidem à parte Hispani refertur 78124: dixerim ego cum Admirallio Gallia Mr de Chastillon; Diurnæ magnarum urbium obsidiones sunt magnorum castrorum cœmeteria & sepultura. *Remitto te hinc, amice lector, ad Meter. lib. 21, & tres seqq., ut & libros Mauritiados den Loorberkvanx, pag. 282, & seqq.* Ordinum Unitorum numisma non possum quin heic adponam ob Ostendam defensatam & Slusam captam: *Dei Omnip. gratia, Ord. Fœd. Provinc. Belg. Illustriss. P. Mauric. Aurang. ductu, post strenuam xxxviii. mens. Ostendæ defens. fugatis, casis & repulsis Hiss. cop. Cadfand, Ysendijck, Ardenb. Slusam & xii. triremes Hiss. pro ruderibus Ostendæ, capiunt mununtque, anno 1604. (Met. lib. 24, p. 1096.)*

Visâ hac novâ Trojâ cum Capuzinorum æde, iter quinque milliar. Brugas aggressi sumus, illasque sub vesperam felici pede ingressi: contigit enim cænare & pernoctare lautè & commodè in diversorio, cui aurea portula nomen est.

B R U G Æ.

HUc ubi ventum, equorum numerum campanæ pulsus æquant, nec nisi salutato & sciente
Præ-

Præfecto ullus in urbem ingressus, ullusve sine scriptis nominibus accubitus. Nomen non à multitudine ex lapide & ligno pulcherrimi operis pontium, passim per urbem visendorum, sed à ligneo ponte, olim *Brugstock*, (unde ei nomen *Brugæ*, non *Brugarum*, dicit Marchantius,) qui transitum antiquitus pandebat commeantibus ab Audenburgo Thorhoutoque ad nundinas Rodenburgias, traxisse volunt. *Guicciard. heic, & Marchant. lib. 1, p. 121.* Sita est urbs tribus leucis ab ora maritima in latissima quadam planitie, ambitum murorum introrsum habens quatuor præterpropter Italicorum miliarium cum quadrante, extrorsum verò miliar. paulo minus sex. *Guicciard. heic.* Eam divisam in sex regiones quas sextas vocant, perrepit fluvius Reya, fuscus & cunctabundus, multasque in urbis regiones deductus, & plurimis lapideis pontibus arcuatis instructus, ripis hinc inde muratis; ad Damum Slusamque & Oceanum tribus miliaribus distitum æstu augescente navigabilis, vel immissus in novum alveum, à porta Leonardina ad Slusam usque maximo impendio perfossus, neque obnoxium propter ingens repagulum mari reciprocanti. *March. p. 122.*

Eamus ad templa; quæ sunt circiter sexaginta; in iisque tria Canoniorum Collegia, Donatiani Romani, Deiparæ Virginis, & Servatoris. Præpositus Donatianus, perpetuus Flandriæ Cancellarius, ad Episcopale fastigium evectus, ostender tibi in æde sua tumulum Joh. Lud. Vivis, gente Hispani, domo Valentini, heic cum uxore denati. Christophori Magni effigiem lapidi incisam in templo D. Virginis videre habes. nota, si lubet, staturam, & compara cum Parisiensi. Chorus principalis in utroque hæc, ut &

Servatoris, tibi ostendet utrimque depicta inscriptaque insignia Equitum Aurei Velleris, eo splendore illic ornatorum. Jesuitarum Cœnobium superioribus annis Reipublicæ sumptibus conditum, meretur videri: Patres ostenso theatro Comico, Classibus, & bibliothecâ Facultatibus divite & variegatâ, nos deduxerunt in hortum deambulatum, ubi tuliparum amœnitas, pro anni tempore, colloquium, antequam dimitteremur, mantissâ beavit. Supra ad circumitum ædificii galeam cum culicibus circumvolitantibus depictam videbis; interpretabantur quidam denotare robur Hispaniæ cum Principibus & Rebusplicis. In Abbatia S. Bartholomæi tabellam membranaceam Luberti Hautschilti Mathematici & Abbatis ejus loci miraberis, cujus descriptionem è Marchantio hanc habet: Præfert figuram mulieris, stantis, nudæ, passis capillis, pedibus instabilibus: capiti serpens auritus bipesque, caudam suam mordens, supervolvitur; ubera duo lupi sugunt. characteres G, capiti: B. manui dextræ: Y, levæ: I, pedi dextro, D, sinistro ascribuntur: quibus Gandavum, Bruga, Ypra, Insula sive Lila, & Duacum denotantur, Flandriæ matrices. Lateri dextro proximè occurrit hic versiculus;

Gyb fiet ex Gybid, cùm Deca Decas ibit.

Mulieris imago duobus circulis, notabili intermedio distinctis, circumscripta est; & in propinquiori hi versus imagis veri quàm tersi circummeunt:

Gybid va tibi; nam de te facis ipsa ruinam:

Deficiunt vires, nec probitate vires.

Vberibus plenis lac nostrum das alienis;

Lacte lupos resoves, sellesque pascis oves.

Non est, dum spiras, qui nostras mitiget iras.

Va

Væ capiti, manibus, proh dolor, ac pedibus.

Dextra manus vana, nec laeva fuit benè sana;

Pes tuus instabilis quilibet, ac labilis.

Heu fortuna mala, cur nos fallit tua scala!

Est sedes tibi, lis & gradus instabilis.

Heu vicino bis das anno vulnera nobis;

More modoque secas, ense ferroque necas.

Infelix natus à paucis es veneratus;

Nuda cares caris, lacte parente paris.

Gybid dilecta, quia mens mala, nec via recta,

Hoc in perpetuum sit diadema tuum.

Est tibi principium, finis, caput, ac tibi cauda;

Devorat hoc illam, destruit illud eam.

In superiori circulo duodecim opida, inter quæ sunt illæ quinque Flandriæ metropoles, continentur: Supra illam hi versus:

Forma cecas clavis; hinc bona surget avis.

Hostibus introitus hæ villæ sunt prohibentes;

Sed nequeunt forte majorum traditione.

Inter utrumque circum hi pentametri:

Iudaico more, qui legis, ista lege.

Sena bis sedis clave resolve, seras.

atque hoc distichon:

Landria les letu, lectes allacia rena.

Landria los lorum, ormidas raude ruentes.

quibus singulis F littera, tamquam clavis bis sена, præposita, hunc sensum exprimit:

Flandria fies fletu, flectes fallacia frena.

Flandria flos florum, formidas fraude fruenter.

Porro hujus tabellæ Flandriæ, & forsitan synecdochicòs Belgicæ calamitatum, quibus jam pridem obruitur, prænunciæ apocalypsim, quidam pro sensu dissensuque quisque suo, ut ferè contingit in civilibus dissidiis, meditati sunt. hoc tamen non obscurum videtur per hunc versum,

Gyb fiet ex Gybid, cum Deca Decas ibit,

prælagiri , Insulam sive Lilam ac Duacum à Gandavo, Bruga, Ypra distractum iri post decies decem sive centum annos , numerandos à tempore scripti hujus prognostici, significato per literas numerales illius versiculi:

ForMa CeCas CLaVIs , hInC bona sVrget aVIs :
 ab anno puta millesimo quadringentesimo sexagesimo octavo : Constat enim, centum post annos , nimirum ad annum sexagesimum octavum supra ter quingentesimum, sonuisse funesti apertique civilis Martis classicum , & decimo postea anno Insulam sive Lilam atque Duacum à societate trium illarum ceterarumque Flandriæ urbium ad Artesios Hannonasque discessisse. Sed jam manum illâ de tabulâ. *Hucusque Marchant.* p. 128, & seqq. Si FRATRIS CORNELI ADRIANI, Dordraco oriundi, celeberrimi quondam anno 1578 ad populum Doctoris, *de quo Merer. lib. 8, p. 303, & seqq. vide*, domicilium & cathedram lustrare placet, ingredi cœnobium Franciscanorum.

Ædibus his sacris ubi operatus es , togam sume in forum iturus ad Prætorium curiale in *Bayge*; cuius nomen, Scabinorum domus; in qua Iustitiæ sacra peraguntur Senorum Magistratuum nomine; ac primò quidem ipsius Urbani; hinc Franconatus , & Curie rei clientelaris; Præposituræ item Divi Donatiani; ac Toparchiarum Sisselcensis, & Mandaschensis: sic ut uno nonnumquam & eodem die variis in hoc foro suppliciorum generibus affici videas singularum illarum jurisdictionum facinorosos. *Guicciard. de Brugis : Abrah. Guos, p. 71. in Fland.*

Forum rerum venalium pulchrum habet ad spectum , ita ut sex primariæ urbis viæ ad totidem ejus præcipuas portas deducantur. Foro imminet

minet turris graduum 343. Ad horologium ubi veneris, urbem & circumfita loca oculis habebis distinctè usurpanda: Primo graduum ascensu ferrum monstratur, murum & columnam juxtim tenens, cujus medium maligni Spiritus vi ruptum & ablatum.

A foro ascende Curiam & Palatium *la Franche*; miraberis in utroque icones & statuas Imperatorum, Regum, Archiducum: digna singula visu & notatu.

Forum Mercatorum sub meridiem vesperamque convenientium ingredere: *Bursa* dicitur (Ludovico Vivi *Ianimedium*) ab ædibus eo loci splendidis familiæ *Bursæ*, extinctæ, tres *bursas* seu marsupia insignibus & supra ædium fores ostentantis. *Marchant. pag. 122.* Mercatorum causa heic emporium, quod *stapulam* vocant, olim stabilitum est: Est autem *stapula* privilegium urbi collatum sistendi & stabulandi merces exoticas, venumque illic tantummodò prostituendi, nisi institor vectorque malit recurrere unde venerat. *March. p. 122.* Emporium hoc septemdecim regionum negotiantes tribus continuit: Singulæ suis ædibus & collegiis clarebant, Antverpia cum ancillaretur mercaturæ Brugensi: Eò verò ubi migrarunt hæc sodalitia, Hispani in parte substituerunt, adhuc hodie divites lanarum Hispanicarum mercaturâ, quarum ceu magni inprimis momenti mercium heic est emporium. Accedit ab Anglis, Caleto amissò 1558, Anglicarum quoque lanarum emporium huc translatum, cum non poenitendo urbis & civium fructu. *Guicciard. heic.*

Præter Mercaturam octo & sexaginta collegia mechanica heic numerabis, inter quæ præcipua sunt sodalitia lanionum, piscariorum, proxenerarum

tarum & nauclerorum. Texuntur arte mechanicâ panni gossypini, subserici, serici, lanei, linei, tapetes rarissimæ varietatis & elegantix. His collegiis excludi non debent, ubi libenter habitant ac pinxere, Michaël Angelus & Bonarotus Florentini: Joannes Vaneickius item summi nominis pictor, qui primus oleo ex lini seminibus extuso, cepit picturæ colores Brugæ miscere ac perpetuare. *Marchant. pag. 132.*

Si otium est, hortum Sagittariorum vide; qui tibi mensam prægrandem è balenæ ossæ confectam ostendet. Fossis aggeribusque, molendinorum qui superbiunt tumulis, quibus tormenta imponi & hostes arceri possunt, visis, portas, quæ novem sunt, respice: intra earum duas, nimirum *fabrorum & nequitia (de smee-poort ende de boeverye-poort)* situm est Castellum & receptaculum aquarum, ubi per 37 lebetes aeneos rotæ equo ceu pistrinensi gyrante versatili insertos, aqua 27 pedes è profundo sursum attrahitur in aquæductus, varicque per fistulas plumbeas subterraneas in publicos puteos usumque salubriter distribuitur. *Marchant. pag. 126. & Guicciard. h.* In obsidione Ostendana tantum aquæ singulis diebus bijugo inde extractum, quantum coctura cervisiæ pro universo exercitu postulabat. In area illic subdiali Neptunum Delphino inequitantem, virginem, id quod præ pudore naturâ tegunt, herbâ operientem, alia aliaque videbis: mox aquæ ex insidiosis fistulis asperguntur nec opinantibus magnâ arte & joco. Vultus & vestes heic sacrantur Neptuno, veluti ad S. Germanum in confinio Parisiensi. Marchantius dicit, non secus atque in Poggio regali ad Neapolim, in Belvedejo insulari ad Ferrariam, in Mirmiroli Palatio circa Mantuam, *Marchant. p. 126.*

Mo-

Monetarum officinam ædes splendidæ atque immunes constituunt. simile argyrocopium, Gandavum facit illustre.

Cives hic ut sunt naturâ liberales, morum dexteritate fortunati, ingeniis candidissimi, *Marchant. p. 130.* Atticisque per similes, teste Erasmo: ita fœminæ heic venustæ & dotibus meræ Helenæ sunt. quam ob causam excanduit Johanna Navarræ Regina Philippi Pulchri Gall. Regis uxor; ingressa urbem anno 1301, & intuita fœminarum in forma præstantiam & in amictu luxum, fœmineo quodam livore plena exclamavit: *Ego me solam Reginam esse arbitrata, sexcentas heic conspicio.* (*Marchant. pag. 124. & Guicciard. heic.*)

Concludam cum Hadriano Barlando Zelando & Ænea Sylvio urbis hujus elogium: Publicarum privatarumque ædium in hoc opido splendor & magnificentia, omnem orationem, omnem dicendi facultatem supergreditur: ut paucis omnia dicam, totus hic locus pascendis oculis, recreandis animis dicatus est: pulchra sunt opida Gandavum, Antverpia, Bruxella, Lovanium, Mechlinia; sed nihil ad Brugas. Sicille. Iste verò, post Pius II Pontifex, totius ferè Europæ peragrat, illam inter tres urbes numerat, quas unquam viderit pulcherrimas.

Verum utut hæc famam ei dant; sicut & cunæ Philippi I, Maximiliani I Imper. Rom. filii, heic anno 1478 nati: Ita rursus non parum vituperii captivitas Maximiliani I, Imperatoris, anno 1488, cujus consilarii heic non pauci truncati. *Meyer. lib. 1. p. 7, & seqq.*

Motus sub Andino & Cimæo Ducibus diversos sustulerunt Brugeses: tandem æquis satis conditionibus Philippo II reconciliantur, quas

quas afficus lector apud *Thuan. lib. 79, & Me-
ter. lib. 12, p. 266*, leget.

Relictâ Brugâ urbe delitiosâ, cymbâ per fos-
sam novam, Spinolâ autore factam, iter Gan-
davum octo leucarum instituimus; commoditas,
& pro mercibus ultrò citroque vehendis firma
securitas: castella siquidem & receptus (quo-
rum nomina adjicere supersedeo) ripam munien-
tes numerabis viginti & amplius; nec minori co-
hortes sunt numero cum turmis equitum sex ibi
in præsidio. Securus hoc nobis ut iter esset, sex
militibus opus erat pro salvo conductu. (vulgò
dicuntur *körling*; item *waghälser*.) hi effundunt se
clâm in vias publicas, & ab hoste auferunt quod
possunt: si aliquem offendunt sine litteris com-
meatûs, eum abducunt vivum vel mortuum: si vi-
vum non possunt, occidunt, & aurem abscin-
dunt, Præfecto Brugas quam offerunt, à quo pro
singulis individuâ 50 fl. reportant. milites sunt
pedestres, armati gladio curto & sclopo; sed sine
igniario fomite; hic enim si noctu aleretur, fa-
cile visu & odore à viatoribus observaretur.

G A N D A V U M.

Civitatem hanc (cum qua, Erasmi verbo in
litteris ad Utenhovium, in tota Christiana
ditione nulla potest conferri, sive spectes am-
plitudinem urbis, sive politiam, sive gentis in-
dolem) sub vesperam navigio ante portam reli-
cto ingressi sumus, divertentes benè habituri;
quod & factum, ad *insigne Stellæ*.

Urbs Latinis *Ganda* & *Gandarum* dicitur, Ju-
lii Cæsaris tempore *Gaida*; (qui & ejus condi-
tor Petrarchæ verbo est.) pòst à Vandalis occu-
pata, *VVanda* dici cœpta est. mutatâ leviter vo-
ce, Galli ac Flandri eam *Gand* & *Gend* appel-
larunt. *Guicciard. heic & Marchant. pag. 111.*

Sita

Sita est loco opportuno, quatuor milliarium navigatione, anno 1551, quadriennii labore sumptuque perfossâ, à Sasso marique distat: Scaldim, Lizam, Mourwateram, Liviamque navigabiles fluvios in sinum suum recipit; quæ oportunitas granorum sive frumenti stapulam ipsi conciliat. (*Marchant. pag. 113.*) Circuitus mœnium ingens est. invenitur scriptum: initâ anno 1427 inter Bergæ Opzomiæ, Dieftæ & Wesemalæ Barones Brabantos sponsione, sumptu mille & trecentorum florenorum, compertum esse Gandavum Lovanio in circuitu tribus virgis minus; Leodio quinque; Colonix Agrippinæ quindecim, Lutetiæ Parisiorum septem virgis antevertisse magnitudine. *Marchant. p. 113.* Confertur hodiè cum Mediolano. Ambitus, si introrsum dimetiaris, continet Italica milliaria paulo plus septem; extrorsus verò si metiaris, deprehendes decem & amplius. non verò, si populum numerare voles, cum Mediolano est æquanda; sunt siquidem immensa in Urbe spatia ædificiis & cultoribus vacua. Numerantur angustiores cum minoribus templorum, cœnobiorum, xenodochiorum, aliorumque sacris usibus destinatorum locorum moles quinquaginta quinque. Primarium verò locum obtinet D. Bavonis quod vocant templum. in quo Carolus V anno 1500 sacri baptismatis aquâ lotus: Philippo II præsentè, Anno 1559 Ordo aurei velleris debita pompâ repetitus; Equitum numerus choro continetur. Antequam in Episcopatum surgebat, præpositurâ luculentâ potenteque constabat. Heic Viglius Zuichemus, Ictus celeberrimus, in viduitate senectaque sacris initiatus est, & ad illam administrandam electus. heic splendidum sepulchri monumentum, in quod illa-

tus

tus est, contemplari habes. Augmentum templorum Jesuitarum Collegium fecit; quod, ubi commodum, usurpabis. In D. Michaëlis ædificiuras cum stupore videbis, miraberis & judicabis. Arx famam dedit urbi, dum Patricium ei Carolum quintum Imperatorem produxit; dicitur *la cour de Prince*: ædificium trecentis cameris superbum est: è quibus illam, quæ quatuor ulnarum vix latitudinem & longitudinem habet, Inviçtissimi Cæsaris primum domicilium tibi monstrari cura. Subtus juxta ædes Palatinas leones ostenduntur; seniori nomen *Austria*, junioribus binis *Burgundia* & *Flandria* erat. Enutriti solent hîc plures exoticæ & feroces belluæ, ut obtinet mos apud Florentinos. Fortalitium quinque propugnaculis & fossis profundis munitum; cui cum præsidio sex cohortum Hispan. præfectus erat Gaspar de Waldefo Hispanus. urbis dicitur frenum; nec injuriâ; Flandti siquidem sunt turbulenti. Serres ait in vita Caroli VI: *La Flandre nourrit tousjours quelque monstre*. Communi verbo aliàs quatuor hæc urbes in Europa audiunt rebelles; Parisii, Gandavum, Leodicum & Pictavium. Audi Serrem in vita Caroli V & Ludovici XI: *Ceux de la ville de Gand, peuple naturellement motif*. Item: *Grand ville & autant grosse de humeur, chagrine & querrelleuse*. Item: *Peuple remuant, & second en inconstance aux Ligéois*. Exempla rebellionis in vita Caroli VI ponit: Ejecerunt Comitem Dominum suum hereditarium, ob litem coctoris cerevisiæ; Carolus Audax eos subegit, sed Carolus V Imperat. subactionem sigillo munivit, securitatem castello perpetuavit, veluti Neapolitanis factum cum castello S. Elmi, *la Briglia* quod vulgari vocant.

E t u r r i

E turri *Bellaforti* urbs & castellum cum situatione circumcirca emensurari possunt. Altitudo 500 est graduum. continet in se campanam horarum nunciam, cui Rolando nomen, undecies mille pondo gravem, olim armatis collegiis sapius quæ classicum sonuit. hæc inscriptio est in ambitu :

Rolant, Rolant, als ick kleppe dan is't brant,

Als ick luyt, dan is't Oorloge in Vlaenderlant.

Rariùs in *Flandria*. In culmine draconem cupreum inauratum, alis expansis, magnitudine tauri, portat, tempore Balduini *Flandriæ* Comit^{is} Constantinopoli huc missum.

Fora rerum venalium hîc videbis tredecim. inter quæ potissimum eminet id quod vulgò diebus Veneris, hebdomadario urbis mercatui dedicatis, frequentatur, *der Freydags-marckt*. In hoc foro Hispaniarum Infans *Isabella* statuam posuit *Carolo V* Imperatori avo suo paterno, gloriosæ memoriæ Principi, cum inscriptione :

D. Carolo V. Imp. Cas. Aug. Pio, felici, Turc. German. Gall. Ital. Hisp. Sicil. & Ind. Regi, Flandr. Comiti, PP. Sac. Imp. Vindici, quietis auspici, D. N. Principi potentiss. victori ac triumphatori perpetuo Magno; Max. universi Christiani orbis bono, Deo volente, cælo favente, huic urbi suæ Flandr. max. feliciter innato.

Altero latere: *Alberto Austriaco, Maximiliani II. Imp. F. & Isabella Clara Eugenia Philippi II Hisp. Regis filia, Austriæ Archiducibus, Belgicæ PP. hanc urbem latiss. civium applausu ingredientibus, anno Salut. Christi cId Id xcix, &c. Coss. S. P. Q. G.*

Foro relicto te in Curiam confer, renovatam anno 1618. In summitate videbis *A & I* coronatas, (*Albert. & Isabell.*) subtus, *Sol & Luna*; item,

item, *Semel & Semper*, scripta sunt vocabula. Inferius ingredienti mox obvenit *Justitiæ theatrum*: parietibus *Fortitudinis imago & Constantiæ adpicta*: *Pro Virgine virgo*: *Pro aris & focis*.

Virginis æternæ muros & templa tuemur.

Innuba Virgo armis, innuba Virgo sacris.

Ibidem statux in sago & toga cum hoc versu:

Quam tu olim hanc urbem cernis, non altera Divûm

Auspiciis cælo tantum caput efferet alto.

Ingrediendi monstrabuntur ibidem spolia Alberti honoribus suspensa:

1. *Ardesio obsessio & clementi Marte subactio.*

2. *Viso, icto, victo celeri virtute Calecto.*

3. *Hostibus erepto Solido, atque è fluctibus Hulsfo.*

Omnia verò hæc rursus amissa sunt præter Hulsfum. Superius ingredi Capellam, si licet, & Conclavia, à statuis & inscriptionibus dignissima visû: Ibi Neptunus & Ceres, Albertus & Isabella, ad dextram, & alii: Maximilianus & Rodolphus ad sinistram. Ibidem tabula elegantissimæ picturæ matrimonii Austriaci, refert Principum, filiorum Manassæ de stirpe Josephi, propositionem ab una parte: ab altera nubunt filix Sulpha familiæ ad tribus patrum suorum. Effigies ibidem Judæorum connubentium ex una, ex altera domûs Austriacæ, ut Caroli V & Philippi II. In medio Albertus cum Isabella. sub quibus sequentia: *Deo jubente, Rege sequente, Principe obsequente.* & ad latus transversim:

*Volvenda dies
en attulit ultro.*

Ita

Ita visâ curiâ descende ad pontes ; qui hic nonaginta octo majores, præter complusculos minutos, enumerantur. hi juxta magnitudinis acturias naves, annonâ & mercibus oneratas nullâ difficultate transmittunt. In ponte, qui dicitur *Doegbruck*, statua ex ære est filii, patrem oculos præligatum decollantis, & inde vitâ donati. Molæ, aquarum vi quæ rotantur, potissimum sex sunt : quæ vento circumaguntur, suprâ centum viginti, ne quid dixerim de machinariis, quas vel homines vel jumenta versant. *Guicciard. heic*. Insulæ intra urbis pomerium sunt viginti sex, à fluminibus & canalibus factæ, ac publicis privatisque domibus occupatæ.

Portæ octo obserant urbem. Domus plusquam triginta quinque millia civibus & inquilinis largiuntur mansiones. *Marchant. pag. 113*. Aræ sagittariorum binæ exercent cives ; uti his quæ proximè adjacet palæstra, athletas singulis diebus Dominicalibus.

Ab ædificiis eamus ad Politiam, Mercaturam & Opificia. Sedem habet Gandavi Provinciale totius terræ Consilium, constans ex unico Præsidente, duodecim Senatoribus, Procuratore generali, Advocato fiscali, & aliis ministris. Deferuntur ad hunc Senatum omnes totius Flandriæ provocationes ; sed provocare rursus ab eo fas ad supremum Consilium Mechliniense ; ubi cessat omnis deinde lis, & acquiescimus in causa. *Guicciard. heic*. Urbis verò & Reipublicæ gerundæ forma multoties per Principes immutata est. hodiè ejus regimen & ordinaria juris administratio penes honestissimos quosque & nobilissimos cives est, tum & magnum Prætorem urbanum, qui vulgò audit *den hoogh-bailju*.

Mercatura crevit opportunitate sitûs, fluminumque ;

numque; pannorum item laneorum lineorum-
que textrinis, aliisque artificiis. Flumina grana
important; quorum heic stapula, pro omni fru-
mento, quod Scaldi invehitur, quadrans; aliis ve-
rò fluminibus, sextans à publicis Curatoribus
in urbis usum pretio retineri potest, cetero libe-
rè dimisso. *Marchant. pag. 113.* Textrinis multum
etiamnum augmenti habet. texuntur enim panni
heic è lana & lino, tum subserica quoque aulæa,
grograni, mocajarri, fustanei, telæ cannabinæ le-
vigatæ, & id genus alia. *Guicciard. heic.* Opifices
Gandavum alit numerosos, quinquaginta colle-
giis inclusos; extra quæ est collegium textorum,
quod seorsim in viginti & septem ordines ramos
ducit, & ob amplitudinem suam & dignitatem
reipublicæ tertium membrum constituit.

Ne vero inscius sis; Mercurio non tantum
heic litatur, sed & Musis, quæ domicilium in Ab-
batia D. Petri in monte Blandinio sibi constitue-
runt; ubi pulcherrimæ Bibliothecæ thesaurus; quo
nomine sodales Dominicani se quoque jactant,
nec non Carthusiani & Carmelitæ. Guicciardi-
nus non erubescit dicere, florere Gandavum hoc
tam honesto thesauro supra omnes quotquot
sunt urbes Belgicæ. Inde fortè illis encomium,
quòd sint homines valdè civiles, legum & juris
servantes, severi, graves, & bellicosi. Barlandus
Zelandus heic non deesse videtur, asseverans, vi-
ros esse facundis ingeniis, antiquis moribus, ma-
gis frugalibus quàm parcis: benè hæc omnia, ubi
nihil rebellionis intermiscetur: hanc Gandaven-
sibus innatam Meteranus passim, Thuanus, &
Serres, in historiis docent: Causam adhuc hodiè
bellorum & omnium malorum hanc verè dixe-
ris. Gandavenses ob rebellionem à Friderico
Maximiliani I patre obsessi, (*Met. lib. 1.*) ipsimet
mem-

membra aliquot è Republ. capite privant & honoribus. *ibidem*. Pax ei sancitur, (quam Pacificationem Gandensem vocant, *Thuan. lib. 68.*) anno 1576. *Met. pag. 246, lib. 6.* mox rursus rumpitur, anno 1579. *Met. lib. 9, p. 333, & 358.* Historiam Gandensem hic scribere mihi non mens est; legantur Thuanus & Meteranus, ibi acta & motus seditiosi Gandavensium frequentes; mox cum Auriaco, mox cum Parmensi, cum Andino, cum Condeo Ducibus rem fecerunt; mox inverso ordine actis se opposuerunt: ita ut, Serris mentem supra à me notatam heic locum habere, non erubescam dicere. Sed è Flandria migrandum in Brabantiam.

Non malè feres, amice lector, si, quàm in Brabantiam te mecum abducam, priùs tibi FLANDRIAM CVM INCOLIS levi penicillo deformem, & ita hoc auctario educam. Ne verò aberres in illustri hoc comitatu, en metas cogitationum pono, Flandriæ nimirum SITVM, QVANTITATEM, QVALITATEM, DIVISIONEM.

SITVS præbet faciem peninsula, spectantibus ad Boream mare: ab occidente Agnionam novamque fossam: ab oriente Scaldim Teneramque: à meridie Lizam, Scarpumque flumina. Sed ad Euronotum ex Alestano tractu & Gerardi monte, Hannonibus adjungitur continenti. Ita & Terram & Aquam respicit. Utrique sua bona innata, videnda, noscenda, usurpanda. Terra ipsa ferè plana est, aut collibus non difficilis, inutilisque: Si qui montes sunt, aut impositis urbibus habitantur, ut Casletanus & Gheersbergius, ad quem tractum sæpius Flandria intumescit; aut opportuni sunt superstructis molis sive granariis sive oleariis, assiduo vento agitatis, velut Mons acutus, Cattozum, aliique. Arborum cujusque ferè

ferè generis ferax, si loca maritima excipias, quæ focum instruunt; vel bituminosis cespitibus subterraneis ibi fossilibus, scissisque in tesseras pedales, & Sole excoctis, ventoque arefactis, at nitrosa fuligine oculos vultumque mordicantibus, quas *daryncas* vocant; vel lignis ex vicinia advectis ignem accendunt. Quâ *Aquam*: Fluminibus lacubusque navigabilibus irrigua est; ac sæpe nemoralis ex laciniis Arduennæ: quam à Rheni ripis usque ad Eburones, Menapios, Nervios, Morinos, Atrebatesque fuisse protensam, Cæsar asserit atque Strabo. Diversissimi generis piscium copia ex oceano alluente, lacubus fluviiisque interlabentibus, tam indigenis, quam Artelsiis Hannonibusque suppeditatur.

Altera meta est *Q*UANTITAS: *Longitudo*, cuius alterum latus pisculento mari totum prætexitur, per lunares motus affluente vicissim & relabente, à Scaldi Antverpiaque ad Grevelingam, Agnioni incumbentem, triginta tribus miliaribus terminatur; *Latitudo*, ubi maxima est, à Duaco Scarpoque ad Breskinam, pagum Vlissingæ oppositum, miliaribus viginti quatuor: hæc autem singula, unius horæ spatio metitur.

*Q*UALITAS tertia est meta: & hæc in *aëris salubritate & terra fertilitate*: Siquidem neque hiemis rigore nimio exasperatur, neque æstatis fervore exurit: aëre salubri, auris marinis terrestres noxiosque spiritus eventilantibus. Terra proma est omnis boni: ferens *boves* opimos: parens atque nutrix, ubi ad occidentem Boreamque vergit, partim *equorum*, robore ad ferendam panopliam, agilitate & forma præstantium, adeo ut pulli aliunde huc adducti, ex tenui origine grandescant, ex deformi enitescant: partim *ovium*, unâ fæturâ quinque aut sex sæpe eni-

enitentium, tres aut quatuor ferè semper; in Fuernenſi nimirum caſtellania, ubi ea fœcunditas vulgaris; in cetero penè Belgicæ tractu incomperta eſt. *Cervorum* inſuper, *aprorum*, *leporum*, *cuniculorum*, *apum*, variarumque alituum eſt copioſa. *Butyri* ſapidiſſimi, *caſei*que multiplicis tam vaccini quàm ovilli abundans, fenſeciique in locis declivioribus: luxurians in herbarum odoriferarum medicarumque ſpecies infinitas: tam eximie ad opimandos boves, paſcuorum pinguedinis & velut arvinæ, præſertim inter Feurnam, Dixmudam atque Loain, ubi ferè in umbilico Lamprenèſa eſt, neque non in terra Franca ad Occidentem Boreamque obverſa, ut nulli terrarum herbam porrigere, palmamque cedere debeat, omnibus ferè anteponatur. *Granorum leguminumque* omnis ferè generis fertilis: *frumentum* tamen domeſticum ſæpe tantæ multitudini non eſt nutriendæ abſque ſubſidiario exterorum: *pomorum* etiam exoticorum, ut cotoneorum, perſicorum, bericoceiorum locuples: cytriorum, aurantiorum, limoniorum, ficuumque interdum calidioribus in locis nec inops, nec omninò inſuavis.

Quartam metam tibi dat PARTITIO FLANDRIÆ in occiduam & orientalem; non tam ob exactam cœli poſituram quàm ob uſum, ut nimirum diſtinctius expeditiusque ſuis quaſtoris duo patrimonii dominici coactores perſungantur. Nam quaſtor occidentalis ab Agniona ad Iſaram & in Ypram, Curtracum, Audenardam, adjunctosque agros ſe porrigit, neque omninò abſtinet à Lilana Caſtellania in quibuſdam muniis elocandis. Orientalis verò ceterum ferè tractum regionis complectitur, & inter Dunkercam Nieuportumque (quæ plaga occidentem

boreamque evidenter spectat) diinos cuniculiferos, annexaque pascua & ericeta annuo pretio oblocandi habet potestatem. Olim universa Flandria partim *Franciæ* Regibus, partim *Cæsariibus* fidelitatis iusjurandum dabat; partim superiorem præter *Flandriæ Principem* non agnoscebat. Hæc *Proprietaria* dicebatur; Principi Flandriæ tam propria & peculiaris, ut neque Galliæ Regi, neque Cæsari, neque, præterquam ipsi, mortalium ulli subjectionem fideique sacramentum debeat. Ista, *Imperialis* nimirum, dominus titulum habebat, tum quod distinctis Dominis parebat, tum quod supremæ cognitionis auctoritate, mero in omnibus imperio, liberiusque quam in parte Gallis obnoxia, Flandriæ Comitibus ibi pollebant. Illa *Comitatus* titulo gaudebat: & in *Teutonicam*, quam absolute Flandriam; & *Gallicam*, quam Gallo-Flandriam adpellamus, dividebatur. Verum integram Carolus Quintus Imperator, cum Francisco I Gall. Rege Madrilii anno vigesimo sexto in Octobri supra ter quingentesimum & tertio post anno in Augusto Cameraci iterum pactus, perpetuo emancipavit ab omni fidei iuramento, patrocinii jure, supremo imperio, ultimæ cognitionis potestate, & qualicunque obsequio, quibus Franciæ prius obstringebatur: non secus ac Artesiam, Tornacum ejusque agrum: exempta etiam Gallo-Flandria ab omni retractus jure, quod ex conventionem Ludovici Malensis (quoties herede masculo Flandria careret) in illam sibi Galli arrogabant. Quæ pacificatio in libris actorum, tabulisque Curie Parisiensis, aliarumque in Galliis, & apud supremos Cæsareæ Aulae judices, perscripta fuit, ad perpetuam memoriam atque robur. *March. lib. 1. p. 29, & seq.*

Heic

Heic summam urbium & pagorum numerum adjiciemus ; quippe nulla Belgii provincia numero, situ & opulentiâ Flandriam antevertit. Si actò per Lud. Guicciardinum censui subscribimus , *Brabantia* opida , seu mœnita sint , sive mœnibus egeant , 44, pagos 700: *Geldria* cum *Zutphania* opida 30, pagos paulò amplius 300: *Luxemburgum* opida 23, pagos 1159 comprehendunt. *Hollandia* opida 37, pagos paulò supra 400: *Zeelandia* opida 12, pagos 102: *Vericesium* opida 5, pagos 70: *Transiselana* cum *Drento Twentòque* opida 18, pagos aliquanto plures centenis: *Frisia* cum *Groeninga* opida 13, pagos 490 continent. *Artesia* opida 11, pagos 854: *Hannonia* opida 24, pagos 950: *Namurcum* opida 4, pagos 182 complectuntur. At FLANDRIA , opida partim muris saxeis cincta , partim illis destituta 62, pagos 1154 comprehendit : qui pagorum numerus verisimilior erit, si dynastias plusquam ducentas quiquaginta , pagis inclusas , templi communione , jurisdictione separatas, pagorum nomine vestias. His includuntur Baroniæ supra 27: Coenobia plusquam 130, in iisque Abbatia 57, quarum aliquot possident Satrapias principe viro dignas : Collegia Canonicorum unum & viginti : Episcopatus nostrâ tempestate ex quinque in septem aucti, quorum tres hîc cathedram, domiciliumque figunt. *Marchant. p. 11.* Quantum verò reliquas præverit canonis dominici aliisque emolumentis annuis , palam est ex regeſto Ypræ asservato. ubi videre est , quomodo Maximilianus Austrius , statim post aditum per uxorem Belgii principatum , ut indicaret Belgii Ordinibus dotantium redituum decrementsa , demonstrat , ad Carolum socerum anno 1475 liquide pervenisse; Ex Burgundiæ Ducatu Comi-

tatuque junctis 27 milia, 400 lib. Turonenses; ex Brabantia 12 mil. 754; Luxemburgo 1180; Geldria 13 mil. 885; Hollandia 14 mil. 300; Zelandia 2685; Artesia 17 mil. 683; Hannonia 12 mil. 193; Namurco 5936; Ex FLANDRIA autem 42 mil. 390 rediisse. *Marchant. lib. 1, p. 15.*

Visâ ita Flandriæ Regione, INCOLAS ejus in lingua & constitutione paucis adjiciemus. *Lingua est Teutonica*, ceteris Belgis Germanissantibus communis, quam Goropius Cymbricam vetustissimamque dicit, & artificio humanique ingenii præstantiâ omnibus præferendam, atque ad sensum animi indicandum Transrhenanâ faciliorem, promptiorem, suaviorem: neque non quàm reliquas linguas aptiorem ad quamvis cujusvis idiomatis prosodiam accuratè imitandam. Facit autem asperitas roburque spiritosum Transrhenanæ, inprimis Suevicæ, ut mutua inter hanc & Flandricam intelligentia sæpenumero impediat. Saxonum tamen, eorumque quæ Oosteringi vocantur, & Dacicorum Transilvanorum magnæ partis, Helvetiorumque sermo à Flandris non difficilimè percipitur: quamvis *Alb. Crantzius in historia* sua anno 1520 edita, conqueritur, Saxones, (quo nomine etiam Brunsvicenses, Luneburgios, Magdenburgenses ac Brandeburgios complectitur) puro facilique sono verba enunciare solitos, non inversa stridoribus, non contorta diphthongis, suo tum ævo studuisse, ut superiorum Germanorum frendores imitarentur. Quemadmodum è diverso Flandriurbani, Gallicæ linguæ suavem alacritatem, aut adjungunt suæ genuinæ, aut (quod indignum) præferunt, sive propter commercia, viciniamque regionum, sive exemplum aulae Principalis, solâ Gallicâ jam pridem utentis. *Marchant. p. 24.*

CON-

CONSTITVTIONEM Incolarum videbimus in corporibus, animis, & moribus. Corpore & staturâ viri sunt decenti, vultu flammeo; manu promptâ & bellicosâ, nisi opibus luxuque (ut olim, ex Crœsi consilio, Sardes) enervarentur. Inde fit ut domesticis suppellectilis sint copiosi, vestibulisque utuntur sumptuosos & variabilibus: ædificandi eleganter & commodè curiosi; interstitio parietum metiente longitudinem cantheriorum in culmine sic conjugatorum, ut angulos faciant acutos ad iuvandum pluviarum præcipitium, ventorumque impetum extenuandum. ceteroquin culinæ in longum tempus bovinâ porcinaque salitis providendæ studiosi. Gens Vlamingorum (dicit *Marchant. p. 17*) totam aut servitutem aut libertatem pati nescia. *Barclains, c. 5, in Icone*: Ingenium populi neque capax neque patiens fraudum. Indoles ad omnes scientias & disciplinas apposita, nisi luxu velut in herba, aut lucrosis artibus quasi spinis protereretur: plerumque aperti, promptumque vultu cor gerentes; sanguinis enim spirituumque motu genuino fit ut citò & virtutis purpurâ erubescant, & aliis perturbationibus commoveantur: at humidior corporum calore efficitur, ut ad accipiendam & deponendam offensionem sint molliores. *March. pag. 18*. Gens nativo & exotico sermone diserta, artium rapax & capax: neque, ut quædam fruges, degenerans, imò permaturescens in alieno solo; ac, ceu inter metalla Mercurialis, cunctis sese nationibus facillimè accommodans. *March. p. 17*. Accedunt his naturæ bonis aliundè acquisita; nam picturâ, sculpturâ, agriculturâ, ceterisque artibus manuariis efflorescit: Innotuit insuper tum suistum ferè totius Europæ foris, equorum præstantium,

bouum opimorum, butyri sapidissimi, alecum aliorumque piscium aptè salitorum mercimoniis: telarumque partim linearum, varietate, candore, subtilitate & quasi flosculis; partim xylinarum, quas Arabes bombaxinas vocant, diversimodis textrinis expetitis, sericisque textis non omninò contemnendis; partim pannorum laneorum, tum denforum, tum levidensium, texturatineturaque proba & ubique terrarum jam olim laudata; ceterisque mechanicis artibus ingeniosis ac laboriosis: aulaorum denique tapetiumque artificiiis & velut picturis admirandis. Ex lini & rapi seminibus, nucibusque juglandibus oleum extundunt: Sal crudum, pullum asperumque, ex Gallia Hispaniaque advectum, in magnum candorem, saporem, augmentumque amplis sartaginibus excoquere non ignorant. Aleces sub Angliæ Scotiæque ora, ab Augusto in autumnum capiunt, illuc infinito exercitu circa litora adpellentes, ad evitandum maris septentrionalis, ubi nascuntur, gelidissimum frigus; dein captos, statimque deserto Neptuno expirantes, exenterant, condiunt, stipantque cadis falsamentariis, sigillo opidorum unde advehuntur, inuistis, prius ex lege exploratos; vel leviter salitos, fumo durant, inficiuntque colore foro, qui Gothis (*teste Hadr. Iunio*) subrufum sonat ad atrum accedentem: unde equis foris in Italia, & alecibus foretis in Gallia (*hærens for su fore*) nomen est, & apud veteres, *teste Athenæo*, ab æris colore chalcidibus. *Marchant. p. 18. Vinum*, licet uvas maturas habeant, aliunde accipiunt magnâ copiâ & diversitate: quamvis dolendum est, vina vulgò venalia tam sæpe impunèque adulterari calce, sulphurèque & aliis nocumentis, unde in viris arthritici dolores visce-

viscerum corrosiones, renum cruces; in foemini-
 nis abortus sterilitasque oriuntur. Vinique ad
 imitationem largissimè conficiunt siti ac hilari-
 tati ex melle aquato, coctoque *medonem*: aut ex
 pomis pyrisque contusis & expressis; ex quibus
 saccaro mixtis, Davidi Petro Jano, Æthiopiæ
 Regi, potum in calice crystallino porrigi soli-
 tum, P. Jovius scribit. *Sisaram* juxta ac *byriam*
 sive *cerevisiam*; quam non esse tam aspernabi-
 lem, ut Byrrhiæ Terentiano relinquenda sit se-
 cundum And. Lacunam medicum Hispanum;
 sed salubritate, robore & forma bibentes im-
 buere, Manardus Italus insignisque Medicus
 asserit. Hæc, velut *Cereris vinum*; quam olim
 Hispani coeliam, ceriamque, Thraces Illyrici-
 que sabaïam, Ægyptii zythum vocitabant, com-
 munis gentis potus ex hordeo avenaque madi-
 dis, dein torrefactis, triticeo farre, lupoque fa-
 lictario commixtis, in aqua concoquitur: diffe-
 rens in eo à zytho, teste *Hadr. Junio*, quod hic
 ex hordeo triticove molito, in aqua maceraba-
 tur absque coctione, donec ex putrelagine aco-
 rem vinique saporem indueret; mirâ, ut ait *Pli-
 nius*, viciorum solertia; nam inventum est,
 quemadmodum aqua quoque inebriaret. *March.*
p. 20.

Viris nec cedunt *fœmina*: quippe pari ferè col-
 loquiorum conviviorumque virilium familiari-
 tate atque pudicitia, formæ, sermonis, amictus-
 que suavitate, œconomix procuratione, soler-
 tiq; labore commendantur: Nam aut pensa
 trahunt, aut rotulâ versatili in cannas fila aggro-
 merant, aut pepla spectabili arte consuunt exor-
 nantque, aut lineas vestes ad solem, undarum
 aspergine, candore inficiunt; aut ruri, lacti
 emulgendo, butyroque (quod *Plinius* barbararum

rum gentium laudatissimum cibum nuncupat) extundendo, versandóque & formando, aut cafeo coagulando comprimendoque operantur. Literarum formandarum, rationumque subduendarum, præsertim in opidis, non imperitæ.

Pecunias in usuras extendere Flandris infame, dicit *Marchant. p. 21.* sed ne otiosæ maneant, fundo hypothecæ opposito, neque luendo nisi debitoris arbitrio, servatur usura semissis; exceptâ Mercurii prole, in amplis emporiis mercaturam faciente, cui plus licet aut lubet.

Auctiones heic addam quæ sunt publicæ rerum privatarum venditiones. & aliæ, auctore præsentéque iudice, fiunt, aliæ non item: sed hæc ordinariam solum actionem, illæ paratam executionem, manusque injectionem adferunt in non solventem tempestivè debitorem. Exercentur autem utraque diversis locis, diverso modo. In quibusdam enim bona venalia addicuntur propositum à præcone pretium augenti, & plus ceteris offerenti: unde *auctionis* nomen: In aliis præco institutum à se pretium tamdiu gradatim diminuit, donec ex circumstantibus emacibus quispiam indubitatè acclamet, *MEVM EST*, quod vernaculè *mijnen* vocant. Quo genere auctionis piscatoria fora mari proxima, in distrahendis primo appulsu piscium capturis, potissimum utuntur. *Marchant. pag. 22.*

In omnibus apparet elegans methodus & ordo: tam frugali disciplina artificiorum vis ingens opulentiam illustrat civitatum, paucique in mendicitatis veterino acquiescunt: Nam plurimi Magistratus improbam mendicitatem excludunt: senio morboque viciòve corporis laborantem admittunt: civium tenuiorum liberos ex publico alunt, vestiunt, literas aut opificia

cia docent: alienigenas xenodochiis recipiunt; validos unam noctem, ægros quoad reualeſcant.

Marchant. p. 20. Otium (*dicit Barclaius*) pluſquam Atticâ ſeveritate multaverunt; omnem ætatem idoneus ſudor exercet, & à puero familiaris labor ignotam ſegniciem vel ipſa conſuetudine nescit amare.

Virtutes gentis diximus, quæ moribus eſt, vel exterorum ſcriptorum teſtimonio, ex Germanica gravitate, & Gallicâ alacritate temperatis. (*Marchant. pag. 17.*) Galli dicunt: *Pour faire un bon temperament, il faut meſler le viſ argent de France avec le plomb d' Alemagne.* Cui noſtrum hoc reſpondet:

Plumbo Germano Gallum miſcere neceſſe eſt

Argentum vivum: hinc fit bona temperies.

Ex oppoſito gens hæc nec ſuis caret vitiis, quæ cum legibus, quibus puniantur, aliorum verbo heic adſcribemus. *Marchant. pag. 18.* ait: Sympoſiis mutuſque invitationibus gaudent & incaleſcunt, ſæpe ad ebrietatem, rixas, cædeſque, ſæpius ad benevolentiam ineundam aut recuperandam; ceu chariſtiis & philotheſiis efficaciſ, uſque adedò ut illis graviffimæ ſimultates cædeſque datis mutuſ dextris obruantur, & abſque illis nulla reconciliatio firma ſit & velut ſigillata. Hoc gemendum eſt, tot permitti popinas, ebrietatis, libidinis, alex officinas, & patrimoniorum, conjugiorumque carcinomata; atque etiam multis non modò in uſu convivali eſſe capacium poculorum ingentes mutuſque hauſtus, ſed in gloria poni, ceu probato animi ac cerebri ſpeculo, corporiſque firmitate: (quo argumento Cyrus Perſa apud Lacedæmonios ſeſe regno quàm fratrem eſſe digniorem volebat perſuadere.) defendique exemplis,

vel gentium *Arctiorum*, à quibus ille mos huc
 serpsisse videtur; vel *Græcorum*, unde pergræ-
 candi proverbium; vel *Romanorum*, apud quos
 Torquati, Pisones, Antonii, Cicerones, Claudii
 eâ laude sese venditabant. Barclaius *cap. v. in*
Icone dicit de Batavis & Flandris: Distinctis in
 duo imperia populis, idem tamen genius, iidem
 mores manent. Candida quidem, sed veluti cœ-
 li vitio depressa ingenia, quæ etiam gravius bi-
 bendi intemperie stipant, sive hanc sitim fortu-
 na terrarum, & ex majoris Germaniæ vicinia
 velut spiritus, sive mos educandæ infantia ac-
 cendit. Quippe adhuc ab ubere pendentibus,
 quo paulatim lactis desiderium minuunt, lagun-
 culas ad similitudinem uberis effictas, & hor-
 deaceo potu plenas tradunt in manu: tum rudis
 & incuriosa ætas subindè ad os referens tardè
 meantem potum, sugendi similitudine capitur,
 tum etiam innocentis otii fastidium levat. Nec
 utilitate res caret, si ex primis incrementis rem
 æstimes: quippe valida membra succoque latissi-
 mo ad venustatem florentia ita institutam infan-
 tiam decorant: sed assidua bibendi ratio ipso usu
 in perpetuam voluptatem transiens, subinde pa-
 lati aviditatem sollicitat, semper utique post
 hunc morem aut natantem aut arentem. Accedit
 illius potus conditio, non ad diluti vini con-
 suetudinem, sitim satians, sed crasso liquore
 identidem faucibus relinquens quod succedenti
 potu diluendum sit. Illa tamen perpotandi dul-
 cedine (quod mireris) in segniciem non mergun-
 tur obrutæ mentes; sed, ultra ceterarum gentium
 sedulitatem, mercaturæ, artificii incumbunt.
 Assuefactis scilicet robustisque corporibus, illi
 vitio pares sunt, & haustas inter convivia nebu-
 las mirabili felicitate exsolvunt, aded ut mul-
 tam

tam noctem producta temulentia postero mane ad negotia vacaturis pigritiam non imponat, *Hæc ille.*

Non abhorrent à subitariis conflictibus : Belgis enim à *Belgen*, aut *Balgen*, quorum illud irasci, hoc pugnare significat, nomen indit *Goropius*. Longius absunt ab homicidiis meditati : quæ, nisi tutelæ inculpatæ necessitate eluantur, cujuscunque modi sint, supplicio non eximuntur, nisi vel fugâ templorumve asylo, vel Principis condonatione, occisique proximo consanguineo transactione & supplici ingeniculatione placato. *Marchant. pag. 19.*

Legibus alioquin Flandri utuntur municipilibus, & cuique opido aut castellanix assuetis, tam in judiciis, quàm in familiis heriscundis, & ubi illæ desunt, Justinianeis. Peculiare heic est, quod, ad imitationem Senatus-consulti Orphitiani, nullus ex matre nothus perhibetur, hoc est, Nemo ob illegitimos natales materna hereditate privatur : unde ne illustris quidem femina concubinx liberos Flandrix leges eximunt; nisi illis statutum municipale à Principe sanctum derogat. Durum nec à lege Julia, de vigesima hereditatum apud Romanos (cujus vi hereditatum legatorum, causâ mortis donationum ad extraneos devolutarum, vigesima ad fiscum pertinebat) alienum est *Ius issuarum*, exitusve, quod adpellant, quo hereditate civis, non civi delatâ, etiam filio fratrique urbium curatores ex ea decimam bonorum non feudaliū in publicum vertunt, & quo nemo in alterius cujuscunque urbis aut castellanix jus corpusque cooptari permittitur, præterquam decimis, eo quo diximus modo, persolutis Magistratui loci; à cujus jure & quasi complexu disceditur, nisi ea socie-

tas locorum contracta (quam *Hansam* vocant) interveniat. Quod ex iis exemplis est, quæ ali- quid ex iniquo habent, quod publicâ utilitate compensatur: quod tributum *Plinius secundus extraneis dicit esse tolerabile, domesticis grave*: itaque his remissum ne lachrymæ parentum aut filiorum sint vestigales. Videtur enim primitus invaluisse ad alendam frequentiam populorum in suis sedibus, & ad familias ibi conservandas; veluti Israëlitis bona filiasque extra tribum transferre non licebat. *Testamento* supra tertiam bonorum, quibus feuda continentur, partem legare Flandriæ leges prohibent; exterisque ad Magistratus hic gerendos accessum; ex Caroli V Cæsaris anno 1555 sanctione, illis nimirum qui à se Flandros excludunt. Utuntur *jure sistendi, manusque injectione*, tam in personas, quam bona eorum, qui cives non sunt, incipientes contra Juris civilis præscriptum, ab executione: quod mercatorum peregrè venientium commoditas introduxit. *Peregrinis licet in Flandria adire hereditatem sanguine conjunctorum*; quod in Galliis, Anglia, Scotiaque, illis nefas est, ubi Principes quo jure quâve injuriâ *Albinagii*, morientium ab intestato, nullisque ibi liberis relictis, exterorum bona occupant. *March. p. 23.*

Hactenus Flandriæ situm & commoditates; incolarum artes, mores & viria, aliis verba præeuntibus, tibi amice lector, speculo & spectaculo exhibuimus: discessum ex ea nostrum Franci Poëta de Flandria testimonio corollarii vice obsignabimus:

*Flandria Marte potens, armis exercita crebris,
Flandria gens opibus variis & rebus abundans.
Gens intestinis sibi met damnosa ruinis.
Parca cibis, facilis expensâ, sobria potu,*

Veste

*Vesle nitens, membris procera, venusta decore,
 Splendida casarie, vultu rubra, candida carne,
 Innumeris piscosa vadis, Et flumine multo.
 Frumento quam ditat ager, navalia merce,
 Lacte pecus, butyris armentum, piscibus aquor.
 Multis silva locis facit umbram ore,
 Nervius armipotens ubi bella frequentia gessit.*

Sufficiant hæc de Flandria, fastidium fortè
 paritura si accumulentur. Cum N. Chytræo oc-
 cipiamus ire in Brabantiam:

—— Gandâ

*Rixosum genus, aurigæ, per compita rhedis
 Nos cursu tropicante vehunt, Antverpia donec
 Heic, ubi navigerâ Scaldis se proluit undâ,
 Ostentare procul nitidas ditissima turres
 Inciperet, vallumq; altum, fossasq; profundas.*
 Priusquam tamen Scaldim trajiceremus, pran-
 dium in diversorio mediâ viâ sumendum erat:
 Unde egressi viam habuimus nitidam, elegan-
 tique pavimento stratam, quæ nos duxit rectâ ad
 propugnaculum dictum 'T VEER, ad oram Scal-
 dis; quod pervium est, & fluminis trajectum
 liberum præstat in ipsam urbem ANTVERPIAM,
 decem leucis Gandavo distitam; ubi hospitium,
 non tamen satis commodum, obtigit in inter-
 signio trium luciorum, sub imam vesperam.

Locus hic 'T VEER anno 1599, 18 Januarii,
 à milite præsidario utriusque propugnaculi Lil-
 lo & Liefkenshocck de improvise est occupa-
 tus, miles intus resistens trucidatus; omnibus
 è castello Antverpiano propter rebellem mili-
 tem eò deportatis bonis (magni æstimii certè,
 cum arca inter ea fuerit margaritis plena) abla-
 tis. *Meter. lib. 20, p. 890.* Sequenti anno Scaldis
 eò loci non minus infestum vidit. & habuit Ba-
 tavum militem, qui triremi Dordracenæ (de

fwarte Galeye van Dort) impositus, noctu navim prætoriam in Scaldi quiescentem propellocum ³TVEER invasit, prædamque inde avectam septem aliis juxta navibus divitem ad Zeelandiæ oram exposuit. *Met. lib. 21, p. 970. b. Loorbeerkrantz pag. 272.* Hæ causæ Arenbergium moverunt. heic loci propugnaculum poneret multo præsidio munitum pro secura navium statione. Quo viso, penetrato, flumineque superato, recto pede ipsam VREIVM VREEM, VREIVM OCELLVM (Lipsii verbo) inis. In hanc nunc ductus, haut exorbitante oculo menté velustra & cogitamecum sequentia.

A N T V E R P I A.

VERum non temorabor multum in etymo; nec excutiam gygantræ fabulam, (*vide, si placeat, Scriban. & Grammaye*) *Adversa Aversa*que derivationem; minusque *Verpum*; (quo nomine his locis Priapum cultum & urbem nominatam contendunt aliqui:) afferam cum ratione & emundioribus, Antverpiam ab *adjectu* dici *Adjectam*, (quod lingua Belgicâ *Aenwerp* sonat:) sed non propterea, quod olim positis mœnibus ter adjecta sint mœnia: & inde in eam, quâ nunc est, excreverit magnitudinem; quod quidem & aliis opidis incrementa sumentibus accidere potest: sed cum longè lateque Scaldis fluvius, qui nullis coërcebatur aggeribus, nullo certo continebatur alveo, per loca paludosa, uliginosa atque arundineta liberè exspatiaretur, effectum esse, ut & crebro æstu & quotidiano accessu recessuque maris, crebrisque alluvionibus paulatim ea editiora fierent; ut hinc nomen sortitam esse, non alienum à verò compareat. A *Becano* habet *Scribanius*, dicens, Antverpiam à Belgico *Aenwerpen*,

werpen, adiectu, vel *aen de werve*, apud aggerem, deduci. *Grammaye à werp*, quod projectum sonat, derivare vult; ita ut urbi nomen manserit ab aggestu terræ, quo accolæ littoris & flumen angustius & alveum ejus reddiderunt profundiore; manente adhuc nominis vestigio in ripa juxta arcem veterem quæ *werve* nuncupatur. Pluria de his qui volet, videat apud Guicciardinum, Scribanium, & Grammaye; ubi simul insignia urbis cum binis manibus, quid sibi velint, enodantur.

Externa hæc sunt: *Interna*, quæ nobis paginam facient, videamus in MATERIA & FORMA. Materiale INANIMATO & ANIMATO suo heic illustre est. Prius in SITV, QVANTITATE, & PARTIBVS consistit.

Situm universum semilunaris forma repræsentat, vel arcum intensum, cujus nervus est ipsa fluvii ripa: sub grad. 26, minut. 42, quoad longitudinem: quoad latitudinem vero grad. 51, minut. 20: estque signum ejus cœleste *Virgo*. Distinctum quod attinet situm, quâ terram quâ aquam: Sita est urbs in egregia quadam lateque diffusa planitie ad dexteram Scaldis ripam, quam longo tractu mœnibus & turribus coronat; ab Oceano secundum flumen quindecim circiter miliaribus Brabantinis distans, quorum singula in terra tantum spatii complectuntur, quantum, si expeditus pedes, statò & ordinario gradu intra horam unam absolvat, & laboris satis sit habiturus, & non nimium difficultatis. Flumen adeò latum & profundum est, ut quantumlibet magnæ naves inde ab ipso mari usque ad portum & geranium ipsum urbis confidenter possint appellere; quoniam muro, cui superstructa versatilis illa machina, ita propinquum, imò verò

con-

conjunctum est flumen, ut inde à ripa navigia manibus queant contingi, quæ in aream inibi lapide stratam, atque in siccum merces suas exponunt, & in summo Scaldis æstu etiam ipsa eò possent subduci. Commoditas, ut affirmant peritissimi quidam & majorem orbis terræ partem pervagati naucleri, cui in paucis admodum portubus invenias parem: cum ad hanc urbem flumen *ulnis amplius quingentis Antverpiensibus in latitudinem pateat; altitudine vero ulnas præterpropter viginti duas exæquet*: quæ latitudo quidem atque profunditas non potest quin pulcherrimum juxta & magnificum reddat adspectum, tunc præsertim cum in culmine, ut sic dicam, est mare, & flumen ad duodecim ferè pedes attollit. Unde expeditum est colligere quâ solertiâ Parmensis, anno 1584, dum obsidere pararet hanc urbem, usus sit in opere illo planè stupendo pontis, (sive *la steccada*, ut habet *Meteran. lib. 12, p. 482,*) quem flumini huic imposuit ad Ordamum, pagum citra Lilloam non procul Antverpiâ dissitum: ubi, ut commodissimum etiam investiges locum, Scaldis pedibus bis mille quadringentis in latitudinem patet; minimum sexaginta, etiam extra æstum, altus est. *Guicciard. in Antwerp.* Pontis illius descriptionem habet Meteranus dicto modò loco: structuram verò ejus vidi Romæ in palatio Farnesiano, formâ contracta, cujus inscriptionem en heic adpono:

PONS AB ALEXANDRO FARNESIO IN GAL-
LIA-BELGICA PHILIPPI REGIS CATHOLICI
PRAEFECTO MAXIMO SUPRA SCHALDEM FLV-
MEN IN OBSIDIONE ANTVERPIENSI CON-
STRUCTVS M D LXXXV.

Qui potuit rigidas Belgarum subdere mentes;

Hic

Hic docuit durum flumina ferre jugum.

SCALA FVIT 100 PEDVM.

Ambitus urbis rectè demensus continet passus Antverpienses sex mille centum & septuaginta novem, id est, pedestricies mille octingentos nonaginta quinque; ita ut in circuitum pateat millibus quinque Italicis, trecentis tantum & uno passibus minus: idque non comprehensa arce; quam si includas, millia fient paulo plus fena. Diameter ejus in longitudinem incipiendo ab eâ portâ, dictâ *de Slyckpoort*, usque ad pontem ipsum arcis, mille & octingentorum est passuum, id est, pedum novies mille. In latitudinem verò, factò initio à porta *Kijpderpica* sive *Iacobi*, usque ad turrim fori piscarii, pedum quinquies mille & centum.

Sed lustremus urbem *extus & intus in suis Partibus*. Interexternas agmen ducit CASTELLVM. Quod Praefecti permissu ingredi, aream & domicilia lustrare concessum nobis, secus propugnacula, à quibus exteri arcentur. Porta (præter hanc duæ adhuc aliæ arcem firmant; altera quarum Scaldi fluvio, terrâ altera militem, ignorante urbe, intromittere potest) ad ingressum habet: SOLI DEO GLORIA. Coeptum verò est strui jussu Catholici Regis ab Albano, anno 1567; absolutumque anno non toto; nec, omnibus computatis, constitit plus quingentis millibus aureorum: etsi multi, etiam hujus istius professionis, structuram hanc longè plus millione taxarint. Facta fuerat prius ex terra, sed postmodum opere lateritio partim & saxo vestita, & quinque adeò vallis munita, ambitu paulò plus miliaris Italici. *Gucciard. heic.* Arx hæc quinque validissimis propugnaculis firmata, mutuum defensantibus, insignitisque nomi-
bus

bus fundatoris & structoris sive architecti, nimirum, DVCIS FERDINANDI TOLETANI ALBANI, PACIOTTI. (hic erat gente Sabaudus.) *Meter. lib. 3, p. 108, b.* Montibus deinde, qui omnem circa regionem agrumque retegant, & ab hostili procurfione ingentibus tormentis bellicis arceant, mœnibus inclusis, in tutelam raramque amœnissimi prospectus venustatem se in immensum attollit. Sed & extra mœnia humilia propugnacula egestâ terrâ equiti procursum præbent, tutumque receptui locum. Armamentaria verò & com meatuum reconditoria ad miraculum in immanem excurrunt vastitatem: stabulandis etiam equis ingens laxitas: & super hæc militi certa tutaque domicilia, qualia in medio magnarum urbium desideres: & millibus facillè tribus locum præbeant; pluribus etiam, si qua necessitas arctare cogat domus. Templum hic non maximum, sed pulcrum inter plurima est, scitè & ex arte constructum. Laxissima in arcis medio area, militari delectui commodissima, quæ justo etiam exercitui satis sit. *Scriban. in orig. Ant. cap. 14.*

Huic areae Albanus statuam formæ ac stature suæ, imò gloriæ suæ apud posteros monumentum, è tormentis pridem ad Geringam captis, per Jacobum Jungelingum, imposuit, nudo capite, brachioque dextro inermi; ceterum corpus armis indutum: sub pedibus calcabatur homo gemino capite, manibus quatuor; in quarum primâ, fax accensa; in secundâ, malleus fractus; terriâ, clavam nodosam; quartâ securim tenebat: è collo ejus, appensa bulga, è qua serpentes proserpebant: subter larva conspiciabatur, ad cujus aures mendicorum gemina paropsis; inde scriptum, JUNGELINGI OPVS EX

AERE

AERE CAPTIVO. Inferius paullo in laminâ, top-
 pho innixâ: FERDINANDO ALVAREZ A TOLEDO
 ALBAEDVC. PHILIPPI II HISP. REGIS APVD
 BELGAS PRAEFEC. QVOD EXSTINCTA SEDI-
 TIONE, REBELLIB. PVLSIS, RELIGIONE PRO-
 CVRATA, IVSTITIA CVLTA, PROVINCIÆ PA-
 CEM FIRMARIT, REGIS OPTIMI MINISTRO FI-
 DELISS. POSITVM. Universi operis altitudo pe-
 des xv. Ab una parte, ara erat; inscripta, DEO
 PATRVM NOSTRORVM. ab alterâ, opilio spe-
 ctabatur ad pascua gregem educens, quem lupi
 ac leones fugerent: item aurora noctis tenebras
 dispellens, cum inscriptione Græca, ΑΛΕΞΙ-
 ΚΑΚΟΣ ΗΩΣ. Utrunque tamquam belli
 spolia, variæ armorum species cingere. in basi
 autem scriptum, PIETAS. Hujus statuæ invidia
 ingens apud plurimos; etiam Hispanos, qui de-
 beri Regi potius arbitrari: cujus armis ac sti-
 pendio omnia gesta. *Meursius in Guil. Auriaco,*
lib. 4, pag. 147. Non possum quin huc bina di-
 sticha adponam:

Cur statuam vivo tibi Dux Albane dedisti?

An quia defuncto nemo daturus erat?

Non malè conjectas; neque enim crudelia laudens

Facta tua, infamem sed meruêre crucem.

(*Meteran. lib. 4, pag. 133, & seq.*) Accedunt
 conjecturæ variæ, prout animi quisque adfectus.
 ac effigiem bicipitem, quæ subjecta, Egmun-
 dadum Hornanumque nuper casos, pars putare:
 alii Auriacum & Nassovium, Belgio exactos:
 erant qui interpretari ordines Belgii, in nobili-
 tatem & plebem distinctos, quos ereptâ liber-
 tate conculcabat. Atscoranus vir liberrimæ in
 aulâ urbanitatis & gratiosæ, cum Albano eam
 aliquando spectans, ac rogatus quid videretur,
 per risum illuisse dicitur: *Eorum vultus, quos*
cal-

calcavet, ira manifestos, si resurgerent, vindictam minari. Idque dictum oraculi instar multis habere visum fuit. Et Antverpienses postea, recuperatâ libertate, opus istud confregerunt. alii memorant, à successore, Ludovico Requesensio, tolli jussum. *Meurs. lib. 4, pag. 148, in Guil. Aur.* Imò non tantùm statua illa dejecta, sed per seditiones civiles exterior arcis murus dirutus & vallum, quâ videlicet adspiciebat Antverpiam. *Meter. lib. 7, pag. 277, a.* Sed eâ post Regi reconciliatâ, arx communi consensu restituta, & in pristinum statum redintegrata; adeò ut pulchra hodiè & quàm unquam antè munitior. *Guicciard. in Antwerp.* Nullum viderat Europa validius propugnaculum. Vix decem annis steterat (nam cœpta 1567, diruta 1577) cùm pars maxima æquata solo. nec multò, surrexit iterùm tamquam post busta phoenix funeri superstes suo. *Scriban. cap. ix, in orig.*

MOENIA quæ curiosius speculatus, facilè videbit, nullis Europâ torâ cedere, ita è vivo sectoque lapide solidè firmata, procurrentibus OCTO validissimis PROPUGNACVLIS in mutuam tuitionem mutuum prospectantibus. Opus horratu Mariæ Hungariæ Reginæ anno 1552. structum: testatur eximie pietatis S. P. Q. ANTVERPIENSIS nuncupatio:

DIVAE MARIAE HUNG. REG. DIVI CAROLI V CAES. SORORI PATRIAE EX FRATRIS AVCTORITATE TVTRICI, S. P. Q. A. HANC MOLEM EX EIVS NOMINE MARIANAM NVNCVPANTES, PIIS VOTIS DD. QVOD SOLLICITO ILLIVS HORTATV TANTAE HAEC VASTITATIS MOENIA, GRAVISS. REIP. IMPENSIS, VEL QVADRIMESTRI SPATIO, AD MILLE PASSVVM LONGITVDINEM, IN SVPERIOREM VSQVE LIMBVM

EXCI-

EXCITATASINT, VNIVERSVMQVE VRBIS AMBI-
TVM HAC PARTE COMPLERINT, MENSE AV-
GVSTO MCCCC LII.

CONSTANT. HALMALVS EQVES AVRATVS,
HVIC MOLI PRIMVM IECIT LAPIDEM DIE XVII
JVLII, MCCCC LII.

In altera mole hunc in modum legitur:

IUSSV CAROLI V CAES.

JOANNES A CROMBACH, EQVES AVRATVS, HV-
IVS VRBIS SENATOR, HVIC MOLI, INDITO
NOMINE DIVI JACOBI, PRIMVM IECIT LAPI-
DEM, ANNO MCCCC XLII, DIE III JVNII.

Scribanius *cap. VII* ait: De propugnaculis
hoc audeo: Certasse hîc omnium artificum in-
genia, hostibus ad terrorem, civibus in præsi-
dium: tantâ interludente venustate, ut, dum
molem spectas roburque, arbitreris omnem ab-
esse elegantiam; hanc si intuearis, putes deesse
robur: rarâ in humanis mistione, roboris & ve-
nustatis. Si latitudinem quæris, patentissima
est: nam & in suprema planitie, tamquam in
summo vertice procurrat in pedes ex. Validum
opus, &, quod magis mireris, arboribus perpe-
tuis (quaternis quinisque tiliarum ordinibus) con-
situm, tam scitè & ad lineam, ut nulla, conetur
licet, dentem imprimat invidia. Ita extra etiam
omnem contumeliam elegantia est. Ludi, sed
veriverbio, VALLVM nuncupant *der Genssen Te-
stament*, eò quòd præter insitas ibi tilias, ab Al-
bano exacti, nihil Antverpiæ reliquerint.

PORTAE magnificæ & sumtuosæ ex lapide vi-
vo, pulchro, opere Dorico stant, ita structæ, ut
meritò dubites elegantia an firmitas vincat. Sunt
verò universim *tredecim*: *agrariæ quinque*: reli-
quæ ad flumen ducunt.

Agrariarum juvat nosse nomina.

I. Or-

I. Ortum petentibus est *porta Beginarum*, de *Begijne poort*.

II. Porta Georgii, magnifico sanè & egregio opere, quæ tamen magis propriè Cæsarea, de *Keyfers poort*, nomine à Carolo V Cæs. ei imposito, qui videlicet primus devirginavit (ut dicit Guicciard.) & per eam jam absolutam ingressus est; prout litteris beffalibus frontispicio (ubi Aquila & columnæ duæ; *PLVS OVLTRE*) est incisum:

CAROLVS V CAES. HANC PORTAM PRIMVS MORTALIVM INTROGRESSVS CAESAREAM NVNCIPAVIT, DIE XXV. NOV. ANNO CLD IO XLV.

Cui adposita alia inscriptio:

ALBERTO ET ISABELLAE PER MAIORVM VESTIGIA ANTVERPIAM INGREDIENTIBVS, ET EORVM EXEMPLO PIE AC PRVDENTER RECTVRIS, S. P. Q. A.

III. Est Porta Jacobi, quæ & *Kijpdrpica* dicitur.

IV. Dicitur rubra, de *Roy-poort*, sive *Bergensis*, quod petentibus Bergezomium eâ pertranseundum.

V. In exitu ferè urbis prope flumen & ad septemtriones obversa, à locis circumvicinis, quæ depressa nimirum & paludosa, vulgo dicitur de *Slijck-poort*, *porta lutofa*.

Habent hæ portæ extrorsus singulos pontes è vivo lapide, magnos, pulchros, & ponticulis versatilibus ac portis anterioribus, quibus nempe clauduntur custodiunturque, munitos.

Ad flumen ducentes sunt octo portæ; quarum præcipuæ, *Divi Michaëlis*, sive *Cronenburgensis*; &, à geranio nomen habens, de *Kraen-poort*: hæc flumini obversa ubi geranium positum, munita

nita & in amœnam faciem posita ; ibi moles areâ spatiosâ insignis, *de VVerf.* illa etiam secundum flumen & austro obversa, nomen habet Cronenburgensis, quia nempe turrim habet, ornatam Imperiali ex ferro coronâ, tum & aquilâ quoque, urbi olim, ut ferunt, donatis ab Imperatore : qui significare voluerit, eam esse Marchionatûs sacri Imperii caput : quam turrim Dux Albanus, suspectis belli temporibus, solo æquavit. Portis flumen respicientibus singuli respondent *kay*, tamquam prominentes è litore aggeres : fora dixeris litoraria, & protuberantia in subsidium capita, variâ frequentata merce ; pro quarum varietate nomen plurimum fortiuntur. heic namque onere levantur naves, hîc receptaculum orbe toto advectarum mercium. nec simile huic reliqua dabit Europa ; ac nescio, *dicit Scriban. cap. xiv*, an reliquæ orbis partes. fortiter hoc testantur qui obnavigarunt orbem audaci conatu. Heic onerariæ nullo negotio vehuntur, tantâque exonerandi onerandique facilitate se sistunt, ut manibus è litore maximæ etiam, onere quocumque levare possint. Ita ab hoc flumine *ostia octo, sinusque octo*, atque hinc navium in ipsa urbe receptacula *octo*, quæ & grandiores onerarias centum de facili excipiant emittantque. Rarum omninò opus, & quale fors nulla dabit urbium reliquarum. Vidi-mus hæc nostris oculis & obstupuimus.

Urbis partem,

Bisque die refluo quam flumine Scaldis honorat,
latissimum flumen & FOSSAE tutantur ; hæc hodiè pedibus centum & quinquaginta in latitudinem patent, & multum profundæ sunt. aquam habent vivæ adsimilem, partim ab ipso fundo, partim ab ipso flumine manantem.

Hæc

Hæc exterior urbis facies est in situ, ornatu & robore; interior habet magnificentiam & opulentiam. utramque inveniemus in *PLATEIS* & *ÆDIFICIIS*. Illis adjicio *sex & viginti FORA*, vario opulentata mercatu. Maximum est *Senatorium*: pulcherrimum *Mercatorum*. nã! structura tam insignis, ut celebrandis mercatorum conventibus non temerè alibi invenias parem. est enim à transitu omni carorum, equorum & ceteris immune ædificium, porticibus undiquaque clausum, portis spatiosis quatuor patens. sed de hoc infra. Forum *Piscarium* marini, fluviales & sale conditi pisces incredibili multitudine complent, adeò ut si tibi præter opinionem gratus & amicus quispiam hospes tractandus, Sybariticâ ipsum mensâ quovis etiam tempore excipere possis. *PLATEAS* in laxissimum non rarò prospectum, & qui cujusvis oculos fugiat, videbis protensas; ædium circum secus elegantia, & quæ continuâ quasi serie ad ostentationis invidiam æmulumque splendorem depugnent, firmatas. Nihil persimile, dicit Becanus, huic Europâ totâ, seu viarum laxitatem & ad perpendiculum ductus, seu angustam ædium amplitudinem intuearis: quas non tam privatorum quàm Principum arbitreris usibus destinatas. Primariæ verò plateæ sunt, *Mera*, *Kipdorpensis*, *Longanova*, *Cæsarea*, *Cameracensis*, *Alta*, *Ærariorum* & *Coriariorum*. Omnes hæ & reliquæ supra ducentas, adibus mira felicitate ad omnem negotiationem, varietatem, splendorem, ingenio plurimum in iis naturam superante, celebrantur. Guicciardinus ædes numerat tredecim millia & quingentas. (superest insuper ædificando area, cujus si amplitudinem metiaris, tribus minimum millibus locum præbeat.) Tanta urbis est

est elegantia, (*dicit Gram. c. 10*) tanta suburbanorum amœnitas ; tantus vicorum splendor, tanta domorum commoditas & ornatus, tanta supellectilis & copia & mundicies & ædificiorum in iis magnificentia, ut regum, non civium, esse videantur. in quorum hortis crescentium varietatem si describendam mihi sumerem, integrum naturalis historię volumen esset implendum, cum nihil ferè usquam sit herbarum quod hîc non studiosè, non à pharmacopolis modò, sed ab aliis etiam civibus, cultum reperiatur, non exiguo id quidem sumtu, nec ad aliud quàm ad oblectamentum è plantarum contemplatione percipiendum. Sed tam insana prope est cognoscendi genti huic cupido, ut ea in parte omnes alias nationes superare videatur. Vertamus oculos ad *Ædificia usibus divinis & humanis structa* ; ad ECCLESIAM, & POLITIAM. *Cathedralis Antverpiensis* inscribitur Virgini Matri : longitudo ejus minimùm pedum quingentorum & decem ; latitudo plurimùm ducentorum quadraginta, ac non ignobili parte sui sexaginta & trecentorum pedum. Columnæ intus, aliæ sub ingenti fornice tamquam sub cœlo Atlantes sudant ; aliæ latera claudunt, firmantque universam machinam ingeniosâ dorssuatione. Sacella & aræ sexaginta sex, marmore, statuis, picturis ad invidiam nitent. Sacellum Divæ Virginis, auctore Nicolao Rechtergemio, cujus in eo monumentum & sumtuosum ex orichalco candelabrum, marmoreis statuis & intercolumniis primum est. Ad sinistram, sacellum Oblationis Christi, in quo elegans pictura Mariæ, à Mondragone Hispano hîc donata ; Ibi in fenestris Jacobum Apostolum contra Ethnicos in Hispania pugnantem notabis. Insuper sacella

C trium

trium Regum, Divi Georgii, Sabastiani, Michaëlis. in hoc pugna bonorum & malorum Spirituum; tabula magni æstimii, aurum omne superantis, opus est fabri ferrarii, cujus & ferreum fontis integumentum est ante templum, visu dignum. Insuper hîc viginti septem opificum sunt urbanorum sacella & aræ. Odeium opere marmoreo & jaspidino coronatum est. Epitaphia omnibus templi angulis lucent, (quæ Fran. Suertius collegit.) unicui Moreti, dabo lectori ob denati memoriam, quod est:

JOHANNI MORETO ANTVERPIENSI, MAGNI PLANTINI GENERO, EIVSDEM VIRTUTVM ATQVE ARTIVM, LABORIS ET CONSTANTIÆ HEREDI: QVEIS IVVENIS SENE-SCENTEM SOCERV. IVVIT: VITA FVNCTVM SVPERSTES EXPRESSIT, PVBLICE VTILISSIMVS, PRIVATIM BENIGNVS, PASSIM MODESTVS, PROBVS, PRVDENS; OMNIVM BONORVM ELOGIO BONVS. VIXIT PRAECLARVM SVIS HONESTI EXEMPLVM ANNOS LXVII, MENSES IV. OBIIT INSIGNEM IN DEVM PIETATEM TESTATVS X KAL. OCTOB. M. DC. X. MARTINA PLANTINA OPTIMO MARITO CVM LACHRYMIS OPTIME APPRECATA SIBI ET POSTERIS MORTALITATIS MEMOR P. C.

In hac æde Philippi II memoriam nota; anno 1556 conventum aurei Velleris primum celebrantis, Equitibus XIX in defunctorum locum suffectis.

Templo huic binæ adstant TURRES. Altera fastigium templi quidem superat, sed superbo sororis suæ vertici augustam cervicem præbet. de hac silentium. Altera in altumeducta & perfecta anno 1517; extrui verò coepta publico sumtu anno 1422: Ortelii iudicio, Argentinensi non con-

confertur, sed præfertur: (*Grammaye* è ap. 3.) ingentem surgit coelo molem, pedum ccccxx, cubitorum nimirum cclxxxviii; tantâque passim pellucet amœnitate, tantâ mutuo superstantium columnarum varietate, ut & solaribus undique radiis transverberetur, & luci quaque parte viam prospectu præbeat lætissimo: præterquam enim quod ex ea conspicias totam, quàm latè patet, pulcherrimam urbem & circumjectos illi non minùs amœnos, quàm pagis, hortis & villis frequentes campos, detegis etiam clarè primarias quasdam atque longinquas urbes, *Mechliniam* nempe, *Bruxellam*, *Lovanium*, *Gandam*, præterea fluminis latè diffusam oram, adeoque & ipsum mare, & *Zelandicas* etiam insulas. In hac turri octo & sexaginta numerabis campanas, partim prægrandes, partim minores: maximæ, quæ insoliti planè & mirandi est ponderis, factum nomen à *Carolo Quinto Imperatore*, dignissimæ prorsus campanæ, nec solitæ unquam pulsari nisi ob causas insolitas, *Guicciard. teste*. Ab his, suavi modulatione antebulus cuique horæ ludus est (artificio apud *Alostanos* reperto anno 1481, & quidem per hominem parum sani cerebri, ut habet *Grammaye* è *diario Ortelii cap. III*) tam plenâ symphonîâ ut admirationem stuporemque adventantibus inædificet. *Scribanus cap. XIV in Orig. Ant.* audet asserere, quidquid alibi humanæ modulantur voces, quidquid tibîæ, reliquaquæ Musica, hoc æs campanum tam exprimit doctè, ut nullum extra illud modificatorem desideres: ac ab unius hominis manibus pedibusque tot quasi animantur uno tempore & pulsu campanæ, tamque varius acuto sonitu, gravi bombo, medio flexu, concentus miscetur musicus, ut, cum unam videas manum, miseris

reris varietatem, nullâq; non diei noctisque horâ. Alibi fors eadem reperies, nescio an pari concentu, arte simili, imò nusquam pari. Quæ causa, quòd admirationem adventantibus excitet, quantam nulla res alia: maximè in portentosa illa altitudine, quâ concentu non modò urbem, sed & vicinos complet agros. & ingens sanè illa est, cum nimirum in 420 pedes surgat: cui si impositum adnumereres culmen, infertamq; culmini 16 pedum crucem, prioribus nihilo ignobiliorem, 461 pedes expleat. rarum etiam in hoc opere, 622 de solido lapide gradus recenseri. *Scribanius dicto loco.*

Extra ædem summam Antverpia quatuor habet PAROECIAS; *Georgii, Walburgis, Iacobi, & Andree.* In quibus nihil esse fatetur Scribanius, quod lectorem mereatur. Ego tamen de Walpurgis templo, *de Burge*, paucula hæc ut antiquissimo enotavi. Olim Marti dicatum fuit, vel *Priapo*, qui olim inter gentiles ibi in magno honore. colebant eum in tantum ut effigiem ejus saxo insculptam in ipsamet arcis seu burgi fronte haberent. testis adhuc hodiè est supra portam juxta publicum carcerem ad forum piscarium imaguncula, olim fertis ornari solita à stulta muliercularum turba; quæ altitudine unius pedis, manibus elevatis, pedibus divaricatis, membro virili carens conspicitur. Fabulam, non historiam dixerim, quæ narrantur de Priapi hujus ratione & uestione contra sterilitatem. quæ enim mulierculæ sine scalis abradere, & quamdiu, cum exigua sit statua, potuerint, non video? posita est satis alto loco, ita ut non facilis accessus. Portam istam ubi penetraveris, offenditur Walpurgis fanum, ad quod ingressus etiam 20 graduum. subtus ejusdem sepultura.

Coenobia insuper frequentia sunt tam viro-
rum

rum quàm foeminarum. (catalogum habet Scribanus, à cujus scitu nihil scientiæ.) Inter illa S. Michaëlis Archangeli Abbatia, & Iesuitarum Societas. Abbatia ordinis est Præmonstratensis, solemnem Principi in urbem venienti præbens mansionem. In templo ad summam aram sepulta jacet Isabella Borbonia Caroli Pugnacis Ducis Burgundiæ conjux, denata anno 1465, ut Mausolei regii inscriptio habet.

Partes Societatis, duo primùm ingressi urbem anno 1562; pòst, ut successerunt civilia bella, secesserunt inde, reversique sunt anno 1585, positis fluctibus; & insignem aulam Lirensen, superbum illud palatium quod Anglis utendum dabatur, (opus natum clarissimo illo Arto Lirano, qui publicis illud sumptibus struxit, & Carolo Quinto Imperatori aulam destinavit) decreto Senatùs occuparunt, scholæq; & mansionibus consecrarunt. Plures verò hodiè accesserunt, ita ut ecclesiastico & scholastico oneri præsent centum & plures. Templum augustius nec Belgium nec Gallia habet: Frontispicii inscriptio, docet structuram:

CHRISTO DEO, VIRGINI DEIPARAE, B.
IGNATIO LOIOLAE SOCIETATIS AVTORI,
SENATVS POPVLVSQVE ANTVERPIENSIS
PVBLICO ET PRIVATO AERE PONERE
VOLVIT.

Intus omnia marmore Asiatico nitent, columnæ xxxvi à pavimento marmoreo surgunt ad fornicem; pictura, Brugelii & Rubenii maximùm opera, morantur accedentem, suspendunt videntem, vixque sine alienatione dimittunt abeuntem: cum materie artem & formam ex Asia & Italia huc migrasse dixeris.

PAUPERVM RECEPTACVLA, XENODOCHIA,
prout quemque pietas traxit aut beneficentia, numero-

merosa sunt, inque varios usus destinata; omnia tamen egenis subsidium. Cura horum, fidei eleemosynariorum omnis commissâ, quorum seriâ sollicitudine res administrantur.

PUPILLARIS DOMVS EXPOSITITIIS DICTA; horum in magno populo & frequenti viciniâ magnus numerus, qui 200 excedit. auctores habet eleemosynarios urbis anno 1532. nobile opus, & quod nomen in Principe mereatur. Educantur, &, ut primûm per ætatem licet, edocentur, prout cujusque ingenium tulerit; additurque lectio & scriptio, ne quidquam ad honestam educationem vitæque reliquum desit.

FATVAM DOMVM in Rochi platea offendes, aberrantibus à ratione, ab eleemosynariis datam. *Scriban. in Orig. cap. XIII.*

FOEMINARVM DOMVM eleemosynarii anno 1554 ædificarunt, variæ hîc mulieres, & ferè moribus non optimis, quæ his parietibus tamquam honestâ continentur custodiâ.

ERGASTERIVM PVERORVM ET PVELLARVM non deesse debet, ædes perpetuis & liberalibus dotatæ redditibus, in quibus potior & sequior sexus, otiosus alioqui, victum in plateis quarritans, ad omnem nequitiam nutritus, exercetur artibus, quæ ad necessarios hominum usus conducunt.

VIRGINVM DOMVS, varium opus, multiplex, nec minus rarum, & fortunatissimi eventus. *Ioannes van der Meeren* anno 1552 instituit. Virgines hîc erudiuntur, quas egestas paternâ exclusit domo, aut matrum pudor. quæ ubi adoleverint, è pupillari in hanc traductæ, quidquid in virgine desiderari potest edocentur. inde ancillatum dimittuntur: aut, si quam modestior adulescens ambiat, matrimonio jungitur, dotem à pauperum ærario acceptura.

JUVENVVM DOMVS respondet puellarum. Instituitur enim hîc juvenus variâ arte pro cuiusque ingenio aut propensa voluntate. & delecti superioribus annis ex omni hac turba, quæ ingens omninò est, qui ingenio & moribus plurimum sponderent: quique præ reliquis eruditionis aut probitatis majoris spem facerent, addictique humanioribus litteris, ut inde ad Philosophiam altioresque scientias transeant. Ita Scribanius.

Præ omnibus munificentia SIMONIS RODERIGI PERETTI, *Baronis de Rhodes*, domo Lusitani, præluet. Domum emit duodecim florenorum millibus, hortum tribuit, sacellum addidit, instruxitque ab omni re sacra; nomen S. Annæ & amplam dotem inscripsit, quæ alendis duodecim honestiore loco natis, sed gradu & opibus (variante fortuna vices) exclusis, sufficiat. adjunxit famulam: Sacerdotem præfecit, qui sacris indies operaretur; Musicumque concentum laudibus destinavit. Herus in egenos magnæ liberalitatis, præsertim in pupillas; quotannis unam opibus inopem elocat, nuptias parat, dotem centum florenorum addit. ita nobis relatum ubi magnificas ejus lustraremus ædes cum horto ordinatissimo.

A Sacris ad POLITICA Urbis ædificia describenda pergo. primaque sint quæ *Cives & Rempublicam* tangunt. SENATORIA DOMVS juri dicundo ab antiquo destinata, sita est ad fori majoris angulum. elegans structura, è maculoso candicante marmore, lividiore tamen sparsimque circumvoluta canicie, ac quasi si undatim in crispas vortices agatur. Marmora hæc Menander, diligentissimus luxuriæ interpretes, longè maximo in pretio habuit, Romanique veteres. Palatium hoc marmoreis columnis, (has inter quadragin-

ta & novem lati ducunt aditus, ostiaque totidem, totidem quæ negotiationis atria, è terrarum ultimis divitata) quadrato opere à fundamentis renovari curavit Senatus anno millesimo quingentesimo sexagesimo, sed infelici casu haud multo post exustum, anno cło Io LXXVI, idem Senatus splendidiori schemate restituit. Hic si quis curiosior artem genusque singularum velit partium, tamquam membrorum; dabo singula à Scribanio deformata, ne & defuisse videar, & prolixitate nausentis ingenii fastidium provocasse. Pars infima variegato stat marmore, Tuscanâ manu, incultiore sævioreque structurâ; cogita Centauros, homines equis suis implexos, aut durum Lapithum genus. Altera Dorica, quâ olim Herculi & Marti sacravit ædes Antiquitas. hac Dores structurâ delectatos accepimus: quæ plus ostentat virilis roboris, tamquam humeros latos, ingentesque membrorum artus, quàm feminei ornatus. Tertia Ionica, quâ Junoni, Libero, Dianæ Iones primitus templa dicarunt, muliebris gracilitatis amula, quæ nec virgineam referrent mollitiem, nec virile pectus, non ossa, non lacertos: sed matronali contenta maturitate, quidquid asperum esset ac quasi crustuosum, fugerent; quidquid nimiam superaret mollitudinem, averfarentur. cincinnis tamen, ac tamquam femineâ capillaturâ decoriter discriminata. Quarta perpetuo columnata in orbem ambitu est. Frons operi toti prominet columnarum signorumque nobili symmetriâ: omnia è maculoso marmore, Lydio intercurrente lapide & miraculum augente. contabulatio frontis universa, ima Tuscanâ, secunda Doricâ, tertia Ionica est, quarta Corinthia, quâ fontium Nymphis sacrasse templa veteres accepimas, mira exilitate, & virgine

gine ateneritudine. atque hîc ornamenta capite dependent, acanthi foliis, Callimacho repertore, per similia: totam denique floridam fasciisq; caput circumcinctam reperiēs. Quinta Italica, seu mavis, Composita: ex Ionica & Corinthia decorem mutuata. Hîc florum frondiumque & pomocrum videbis implexus, coronario luxu, foliis flores & fructus intercurfantibus: nec rarò trophæis ornata militaribus. in cuius medio effigies Dei Matris est, Polycletæ manu, Apellæo ductu. Latera Centauri cingunt, monstrorum domitores, ingentibus armati clavis; ut nihil jam mireris cæstus

— quibus acer Eryx in prælia fuctus

Ferre manus, duroque intendere brachia tergo; cum illos intueberis, quibus non modò magnum Alcidem contra stare, sed & indubitatum audeant triumphum sperare. Excipiunt Centauros pyramides, clauduntque tamquam nobili meta opus nobile. Sexta, pro columnis hîc Caryatides ostentat, quasi in hac etiam urbe, Græci Persico defuncti bello de Caryatibus æternum triumphent. ibi Persicum ex hostilibus manubiis trophæum Lacones Pausania duce statuisse credes: tamquam superbiâ castigatâ, barbara simulacra, tecto deridiculi Atlantes, domitas subijcere cervices cogantur. Opus univèrsum integit superstans Aquila, expansis alis: tamquam si corporis sui molem, quadam pennarum velificatione, modico caudæ gubernaculo, contabundo volatu, in certam dirigat metam; aut in aliquam fulminis vice de cœlo ruat prædam. putes perpetuò pendulam singula intueri, montes, campos, urbes, feras, homines; ac per illa indefessâ remigia magnum aliquid spirare. Tale est opus hoc. sumtuosum dicit Guicciardinus; ut si singula quæque exactè computes, in centum ferè coronatorum millia

abitura sit ratio. Conclavia intus augusta & regio vestitu ornata. Ibi unum continuo ductu, sed habitu diverso, ostendit Duces Brabantiae, & Archiduces Austriae, ad ultimum Regem Hispaniae cum conjugē, numero xxxi. Caminus Cere & Neptuno occupatus conspicitur.

A *domo Senatoria* ad DOMVM TRIVMVIRALIBVS IVDICIIS deputatam tendo; ubi res regiae jurisdictionis merique imperii aguntur. est intra veteris castrī ambitum anno cIo Io xxxix renovata. Heic iudicia, quod de Germanis narrat Tacitus, sub dio aguntur. nuperē ad avertendum cœli injurias tectum tribunali impositum est. Scilicet æstimabant veteres, in Deorum manu vitas, præsentiâ mortes esse debere; quorum æquitatem sibi in naturam quodammodo peccantibus volebant subvenire.

Non procul hinc CARCER PUBLICVS, sub annum cIo Io xx à fundamentis erectus.

Visis *Iuris & Iustitiæ* locis, succedunt *usibus civium* data & consecrata; quorum ordine BURSAM & OOSTERLINGAM DOMVM aliis antepono. BURSAE derivationem supra circa Brugam tetigimus, à tribus marsupiiis quæ familiæ Bursarum erant insignia; ubi mercatorum erant conventus: Ii post Antverpiam ad mercatum profecti aliōve, locis in quibus ad negotiandum congregabantur, ad similitudinem fori illius Bruggensis, Bursæ vocabulum indiderunt. nomen hoc receptum Antverpiæ, Tolosæ, Rhotomagi in Gallia, Londini item in Anglia; tametsi Elisabetha Angliæ Regina, ne videretur apographum Bursæ Antverpiensis, magnificum illud mercatorum ædificium *cambium* sive *collybum regium* indigitarit, interdicto addito, ne quis diversum appellaret; verū nomen Bursæ penetravit, posthabito-

bitoque interdicto adhuc hodiè superat. *Gram-*
mays è Fachetio scribit, nomen Bursæ ideò his
 locis mansisse, quòd in Italiis cambiorum inva-
 lescente usu, gratoque nundinantium compen-
 dio excogitato, huiusce rei gratiâ Venetiis, item-
 que Neapoli, indictus communi mercatorum suf-
 fragio congressus nomine *Bursæ communis*, è qua
 si quis se subduceret, fidei periculum adibat,
 quod hodieque servatur. *Due* verò sunt *Bursæ*;
 altera ANGLORVM, in gratiam gentis illius à
 S. P. Q. Ant. anno clò Io L structa; NOVA altera,
 geminâ turri horologiisque insignis. frontispicio
 inscriptio addita:

S. P. Q. A.

IN VSVSVM NEGOTIATORVM CVIVSCVNQVE NA-
 TIONIS AC LINGVAE, VRBISQVE ADEO SVAE
 ORNAMENTVM, ANNO MDXXXI A SOLO EX-
 TRVI CVR.

(benas,

Mundi anima ut rerum moderetur nummus ha-

Terrasque & tractus conciliet marium,

Disce, hospes, toto quamvis divisus ab orbe,

Hic tibi si nummus non peregrinus erit.

Elegans per omnia opus est, quadraginta & tri-
 bus è patrio marmore substructum columnis,
 quas dissolvere nec secula quidem videantur pos-
 se. longitudo in centum octoginta pedes proten-
 ditur, latitudo in centum quadraginta. Scribanius
 eleganter ædificii dat structuram: Columnarum
 scapi, inquit, mutuam mutuâ elegantîâ lenoci-
 nium præstant; ita singuli alio atque alio elucent
 ornatu, tamquam si singulis singulæ inærassent
 doctæ manus (quasi facili ductiliq; terræ vomere
 aut rotâ:) ut mirum sit potuisse in tot columnis
 tam divite varietate ludere ingenium unum, ad-
 eò discriminatâ paraturâ, ut cum singuli suo
 stent cultu, nullumque ab aliis mutuentur, tum

mirâ similitudine spectatoris oculos lato gratoque circumveniant dolo ; dum quos primo obtutu censebant per omnia pares , propiore disquisitione , toto deprehendant , qui singulis inerrat , dispares ornatu. Hîc columnis triformes insunt arcus opere Gothico , saxeis passim foliis tam scitè interludentibus , ut provocare arbitreris omnem de peritia vetustatem. Sed & plexylylii fornix cum columnis de varietate & elegantia certat , tam raro varioque ductu , ut dubites varietas elegantiam , an hac illam superet. *Hac ille; & verè.* Super porticus & pari cum iis spatio , amplissimæ ambulationes sunt , tectæ , & tabernis undique plenæ ; quas vocabant xystum pictorum , quia nimirum in iis prostabant potissimum tabulæ pictæ ; verum hodiè nihil est quod ibi videas , præter solitudinem , tabernasque pulvere & araneorum telis benè vestitas. Olim inter tot tamque diversas nationes si obambulares , brevissimo temporis spatio magnâ animi cum voluptate audire potuisti sex septemve primarias linguas , de quibus hodiè altum silentium , omniumque privatio. Olim mercatores alienigenæ , sicut & indigenæ , cum manè , tum vespere , statis quibusdam horis ad bursam Anglorum conveniebant , atque ibi horæ plus minus spatio , interfatu proxenetarum cujusvis linguæ , quorum ingens ibi erat numerus , potissimum agebant de emptione & venditione omnis generis mercium : hinc ubi plus paulò advesperarat , conferebant sese ad bursam novam , ubi pari horario spatio , & eorundem parariorum interventu , speciatim de collybis agebant , deque usuris sive depositis. Verum hodiè nec mercatoris , nec pararii heic visio , nedum usio. omnia cheu ! à turbis intestinis ruina

nam & interitum, à fluctibus naufragium sentiunt.

OOSTERLINGANA sive HANSATICA DOMVS, insigne elegantiae & opulentiae monumentum, superbo planè adspectu & formâ, commodè positum inter duos canales in urbe nova; utrinque euripis ad maximas recipiendas naves clauditur, quæ huic domui prymnesio junctæ, merces per commodè exinanire & in eam trajicere possunt. Domus maximis Hansaticarum civitatum & Reipublicæ sumtibus constructa, usibus quatuor Europæis emporiis, quæ ante confœderati mercatores Hansæ Teutonicæ Brugis habuerunt. Sed eheu! quæ hodiè heic facies? *quantum mutatus ab illo* mercatus Mercuriusque? miles inhabitat, remque facit non dicendam. Spatiosam intus aream ambulacra bina quadratis innixa columnis cingunt: protenditur longitudo in ducentos & octoginta plus minus pedes; latitudo minor est. absolvitur contabulationibus tribus. prior augustis laxisque in omnem partem servit atriis, merciumque custodia. reliquæ trecenta completuntur cubicula; inter quæ æstivæ coenationes & hypocausta amplissima, venustissimis picturis & tapetibus scitè admodum vestita. rarum opus, nec alibi in ulla gente, etsi Venetias visum eas *domum Teutonicam il Fontego*. TURRIS domui imminet Corinthio opere conspicua ex vivo quadratoque saxo; quæ latè quaquà versum, quidquid in urbe, quidquid vicinis agris, flumineque, lato prospectu reteggit. summo in apice alatam & versatilem aquilam, ventorum indicem, quæ quâvis circumagitur aura, ostentat. Elogium adjiciam huic domui è Grammaye:

*Ausriacam urbe domum quâ non est pulchrior
ajunt,*

Nec toto Austriacâ est pulchrior orbe domus.

Omen inest voci ; vivat Germania , vivat.

Et quod in urbe domus , id sit in orbe caput.

A Mercatorum contuberniis eamus ad *Artium mansiones* ; ibi ut opes , ita hîc artes cogita & mirare. *OFFICINAE VITRI* primum locum do ; putatis te in insula Murano prope Venetias esse , ubi heic fueris. Scribanio præunte hanc fornacem conficiam. Æternus hîc ignis est , continuis fornacibus materiam liquantibus , cùm alia statu figuratur , alia tamquam torno teritur , alia argenti modo coelatur , alia denique auro opulentatur , tingiturque colore quocumque , & ad quemcumque usum ; ad escaria etiam vasa . nec est alia nunc materia sequacior , in quam voles formam ; ita ingeniosa solertia est . invenit heic in arena , in herbâ , in vario pulvere , quod ignibus provocaret in aliam aliamque faciem . In quo illud mihi succurrit mirari , nihil pœnè non igne perfici . ignis accipit arenas , à quibus hîc vitrum ; alibi argentum , minium , plumbum ; alibi pigmentorum , & medicamentorum genera fundit . Magis etiam mirandum in eadem materia aliud gigni primis ignibus , aliud secundis , aliud etiam tertiis , aliudque non ratò sequentibus . Sane Tiberio Principe vitri temperamentum variâ materiæ mixtione , ignisque certâ temperie , flexibile excogitatum fama fuit , officinamque abolitam , ac interdictum his ignibus , ne metallorum pretia detraherentur .

OFFICINA MONETARIA , ædificium planè regium , plurimis ferrariis nobile , plurimo auro & argento signando occupatissimum . cui inscriptio ; *RERUM NERVVS PECVNIA* .

CASTELLVM AQVARIVM , operosum architectonicæ ædificium . In unam domum aqua cogitur ;

gitur, quæ exinde in omnes defluat officinas cerevisiarias, tantumque singuli nullo labore admittant, quantum res postulat, nusquam deficiente flumine. nec ingenti hîc morâ opus aut tempore, momento propè cujuscumque sitim explet: neque spes fallit mentita copia, aut exarescit dives vena: quantumque haurias, semper superest; semper reperies quod erogando sufficiat etiam sitientissimis cacabis, nocteque dièque omni, tot locis, tantâ urbe calentibus, bullientibus, haurientibus: quæ non huic civitati tantum, sed & vicinis sufficiat. Fusè de his aquæ ductibus Antverpiensibus, ut & anthleis, machinisque Ctesibicis, scripsit Scribanius in *Antverp.* pag. 56, & seq. quem, si placet, vide.

Transeō ad AVLAÆORVM OFFICINAM. Domus ingenti sumptu & ausu vendendis aulæis exadificata, quæ raritate suâ meritò per omnes ætates postumas. Pater in longitudinem pedes octoginta supra ducentos, respondetque opèri latitudo, complectitur verò ambitu suo sex & viginti loca, aulæorum reconditoria, ut arbitris cellas promas omnium in hoc genere elegantiarum, opumque nullo calculo metiendarum. ad oculorum quantumvis curiosiorum certissimum stuporem, ita supra artem bysso pleraque & auro grava, dubium relinquunt, ars opulentiam, an hæc artem vincat. Quamquam si ex vero singula metienda, dicenda; perfacilè vice- rim, nullâ olim vetustate superatam, æquatam sæculi nostri artem nullâ. Veterum texta, si cum nostris hîc comparentur, dixerim agraria illa esse, & in silvis nata; ait *Scribanius*. imò hoc singulare, non reperiri parem in Europâ locum, tam divite conditorio, tam concinnâ commodâque in omnem venditionem oportunitate.

De

De reliquis urbis ædificiis, utpote septuaginta quatuor pontibus, macellis, librâ publicâ, xyſtis pictorum, vasculariorum, divite & viſendâ ſuppellectile coruſcantibus, ne nimium dicam, dicere ſuperſedeo. Anhelo ad *oſtavum Orbis miraculum*, nobile illud *TYPOGRAPHÆION PLANTINIANVM*, natum architypographo regio *Chriſtophoro Plantino*. Domus viſu & contemplatu digna; area interior ſupra januas oſtendit à ſaxo effigiem Chriſtophori Plantini, Johannis Moreti, & Juſti Lipſii cum ſymbolo: *MORIBVS ANTIQVVS*. Ipſa officina, ubi typi & *xii præla* ſudant, in ſingulos dies ſumtu *ſupra centenos aureos*, (*ut habet Guicciardinus*,) ita extollatur à *Scribano*: Centum hic propè characterum genera, nobile opus, & quod raritate & elegantia ſua admirationem provocet: ſunt Syriacorum duo, Hebræorum decem, Græcorum novem, Latinorum ſeptem & quadraginta, variarum linguarum & gentium reliqua: ſunt & Muſicorum plurima, omnicanæ modulationi commoda. extra hæc imagines æri ac ligno faberrimè inciſæ ſculptæque ingenti numero. Denique quidquid plutimis typographiæ prælis exſudatur, quidquid extruditur, adèd ad limam lineamque redactum, ut nec ex libitinis maligniſſimis, nec ex inſoribus peſſimis quiſquam habeat quod merito deſideret. Inſpice quicumque artem amas, & vide quàm nitidâ locatione, quàm propè prodigioſâ emendatione, quàm tereti ambitu, quàm preſſâ rotunditate, quàm ſcito intervallo mutuum ſplendorem augeant; quàm nullâ protubulatione nè reliquorum cœtu quidquam emineat: an non laudabis tam numeroſâ indiſtriâ multiſcios, tam emendatæ peritiæ, tot uſenſilium arti ſubſervientium *Dædalos*? Scio in omni propè gente

gente floruisse in hac arte nobiles; novi è Latio Manutios, è Germania Frobenios, è Gallia Stephanos; at unius Plantini nomen omnium tenebravit nomina. Ut omnia hujus magna, nihil majus fuit Bibliis Regiis, è Latio, Græciâ, Palæstinâ, Chaldæâ, Syriâ, hac obstetriciâ operâ natis. Longum esset discretim singula, satis est coacervatim tetigisse.

A Plantino ad RUBENIVM te ducam, vivum Europæ miraculum. Ingenua artificis humanitas non negabit artem, humanæ æmulum naturæ videas. quæ ibi sculpta, cælata, picta quæ vidi, cogitatione, non calamo habeo. Unius tabulæ sit mentio, æstimii supra quinque mill. florenorum; opus natum auctore Rubenio, repræsentans judicium in die Domini magnum. superius, cœli amœna, corporum quæ ad ea volatus: alios in cœlo gaudio diffuere; alios apud inferos torqueri, hîc corporum raptus, inferorum gurgēs, mixtæ infelici interitu maribus foeminæ, juvenes senibus. ita ut spectatorem suum tormenta terreant, & alliciant gaudia. Præter hanc, viginti & plures tabulas Parisios deferendas, impensis Reginae matris, manu & operâ Rubenii pictas vidimus; alias alias, silentio potius quàm calamo à nobis fingendas. Superest palatium magnificum *Simonis Roderigi, Baronis de Rodes*; in quod intromissus contemplare hortum aurantiis & citriis malis virentem, fontes & statuas aquas evomentes insidiosè, vide, caute quæ declina.

His omnibus visis, fessus fortè te recipe ad *tabernam vinariam, aux mille moyens, 't huys van duyfsent middelen*. sumtus grandes. à prodigiis quandoque hîc locantur; sed parcius & frugi honestiores vivere possunt, horumque licitæ dare voluptati & joci convenientibus.

Ita

Ita materiale inanimatum fuit : ANIMATVM
 restat. quod in *frequentia incolarum, nationumque
 diversitate* consistit. Cum Scribanio decurram
 per capita, & non nisi punctuatim, quasi per sum-
 mum verticem, aut capillum; singula. Frequen-
 tatissimos annos reperio, quinquagesimum sex-
 tum, & qui sequuntur, in septuagesimum septi-
 mum. Erant urbem incolentium supra centum
 millia. desumam in hujus rei fidem è veteri co-
 dice anni 1568 numerum. censa illo anno ci-
 vium capita : in prima regione seu tribu 6239 :
 in secunda 5929 : in tertia 6124 : in quarta 6512 :
 in quinta 5218 : in sexta 5810 : in septima 9627 :
 in octava 6943 : in nona 7419 : in decima 7529 :
 in undecima 7234 : in duodecima 7164 : in deci-
 ma tertia 8248. capita ergo universim 89996.
 Hæc civium. (tredecim sunt urbis vici, quos
Wijken appellant, ad quorum numerum hic fa-
 ctus est capitum numerus.) Erant insuper eodem
 anno variarum hinc gentium familiarum, quæ domi-
 cilio locum delegerant. capita in his 14985. Er-
 rant proinde capita 104981. Atque hæc extra
 nautas, quorum ingens numerus in navibus. Er-
 rant super hæc in suburbiis capitum 50 millia,
 quibus jus civitatis, non secus ac in urbe natis.
 Jam peregrè adventantes quis enumeret? anno
 cIo Io XLIX, LVI, LIX, LXI, numerata civium
 & aliunde accedentium capita supra cc millia.
 nemo mirabitur, qui cogitaverit, quanti heic è
 variâ gente Germani, Hispani, Lusitani, Angli,
 Genuenses, Florentini, Mediolanenses, Lucen-
 ses, Pisani, quantique è reliquis Italia, adeoque
 & Gallia urbibus : sanè è sola Hispania trecen-
 tas aliquando incoluisse hanc urbem familias
 accepimus, potentes plerasque, & quæ ingentes
 secum opes traherent. Quid quod statâ bis de
 die

die horâ , meridianâ & claudente diem , supra quinque hominum millia , in destinatum negotiationi locum convenire solita ? numerat Guicciardinus ccc ætate suâ pictores , sartores 100, aurifabros cxxiv, chirurgos cx, pistores clxix, omnes familiarum ductores , & arte suâ magistros. Ex hac frequentia olim , ubi florem Antverpia ostendebat orbi suum, numerata sunt *naves* non semel in flumine bis mille & quingentæ, in anchoris stantes , duas , tres etiam septimanas, priusquam terram aut tenerent cominus, aut onere se levarent ; nec erat dies , quâ non quingentæ minimum adnavigarent , aut enavigarent , omnium generum mercibus onustæ : ac uno non rarò maris æstu cccc appulisse jucundum fuit videre. Jam *carrus* vix fidem inveniant. nulla dies non ducentos vidit vectoribus gravidos : taceo Germanica plaustra, Hansatica , Lotharingica , Gallica , quæ nulla non septimana millia adæquarent, sub amico pondere gementia: taceo rusticos *carrus* omnis rei commeatum deportantes , qui hebdomadatim decem millia superarent : taceo in animorum laxamentum , in luxum etiam fastumque destinatas *rhedas* faciliè quingentas : quæ singula olim quanta fuerint, quis non cum gemitu cogitet, exclamétve, Antverpia fuit ! Hic abrumpo *materiale* urbis. ad *FORMALE* itio est ; & id in statu *pacifico* & *turbato*. Pacis florem videmus in *regimin* Magistratus, & *subditorum obedientia*. Magistratûs heic *dignitates* & *Iustitiæ administratio*. Scribanius fuscum caput de his habet in suis Orig. Antverpiæ ; ut & Guicciardinus heic non sterilib. capropter brevès hîc erimus , lectorem eò remittentes. *Dignitates Magistratûs* sunt vel *superioris*, vel *inferioris*. Superior respicit *URBIS PRÆFECTOS*,

CROS, CONSULES, SCABINOS, QVAESTORES. Singulorum videbimus numerum & officia. Praefecti duo sunt, alter MARCHIO, AMANNVS alter.

Marchio, apud Romanos Triumvir Capitalis, nomen defert, crimina aut maleficia privata publicave denuntiat, jus poscit, (nullum dicit,) datum exsequitur; & quidquid publicam quietem tangit, serio curat.

Amannus eadem quae *Marchio* peragit, sed in alio actionum genere, civili nimirum, idque privatorum: ejus curae omnis privatarum civilium actionum disquisitio commissa est, facultasque Senatum super his conveniendi, jus poscendi, judicatum exsequendi.

CONSULES DVO sunt, (qui & Burgi-magistri dicuntur, quasi Magistri civium:) *Externus*, de *buyten-Borgemeester*, ad res externas; quia nempe praecipuum ejus munus, peregrè saepe abesse, & in aula cum terrae Ordinibus incidentia quaeque negotia pertractare: *Internus*, de *binnen-Borgemeester*, ad res urbanas; proprium ejus officium in urbe semper adesse, gerereque praecipuam ejus regendae curam, & civibus exterisque praebere aures.

SCABINI, qui sunt Senatores, numero xlix, è quibus *Consul internus* unus, princepsque reliquorum, omnes juri dicendo praesunt. In hunc ordinem Senatorium NEMO extra Brabantiam natus adlegi potest, nimirum ut arctiore nexu Patriae insertus, nec externa cogitet, extraneo lactatus ubere. NEMO alieno toro natus. etiam in parente labes vitanda, ne quis aut à semine virus hauriat, aut degeneris frutex arboris, adultero originis fetu maculetur. NEMO adulter. quod si adfecto advenerit, abdicatione crimen luit,

luit, è veteri sanctione. *Non possum è Scribanio rationes præterire* : Quod enim scelus damnet, indulgens sibi ? aut quâ excandicabit, nec quidquam de reciduo fruticare permittet, conjugalis corporis defraudator ? quomodo exhibebit linguam famulam in castimoniam iustitiæ, qui membra sua famula exhibuit immunditiæ ? non potest jaculari cum Apostolo justam sententiam in luxuriæ & libidinis negotia, qui impuro alieno incendio ignes exstinguit suos, qui corpus suum speluncam facit mœchiæ, qui quæ aliter quàm nuptiis illo usus. *NEMO* Principi muneris alterius jurejurando obstrictus. cum non raro intercurrent, quæ utrumque haut patiantur. *NULLI* patruales, matruales nulli, aut de vicinitate sanguinis innexi ; ne cognatus sanguis cognatas de civium capite sententias eliciat ; nec tam facinoris magnitudo, quàm agnationis cæcus impetus trahat in sanguinem. *NEMO* qui non annum antè solidum civitate donatus ; quò firmitus coadulescat urbs, fertili immissus trunco, cujus opimitati respondeat ; ne, si externo inferatur nucleo, asper oleaster pro miti olivâ exoriatur ; & , dum de peregrino fructificat, silvescat in hac area. *NULLI* è plebe in Senatorium ordinem adleguntur. Magnum apud Romanos seminarium turbarum, mixtim Senatum legi è Patribus plebeque : nec semel puditum, cum plebe honores communicasse, paresque summis infimos fecisse. *NEMO* auro aditum sibi ad Senatorios faciat honores. ac ne prece quidem, quod & sanctissimo interposito jurejurando firmatur à singulis auspiorum die. Nam qui alterius vitæ necisque potestatem pretio paravit, quam adferre in ferendis sententiis integritatem potest ? Aurum qui profudit, aurum sperat ; neque

que enim de nihilo erogatur illud ; nam & largitiones plurimum majora spectant : aut quisquam facile frustratorium profudit aurum ? Hamus hic est , escaque vilis , in spem majorum. ne fidite. Quam spem dabit incorruptæ mentis , qui à corruptelâ initium duxit ?

QVAESTORES seu PRAEFECTI AERARII, quibus ad triennium omnis ararii administratio credita, TRES sunt. Inter quos primus è Senatorio , duo reliqui è civium sunt numero & ordine. Delectûs formulam , quia rara , è Scribanio adjiciam. Tres Senatorii ordinis , à Senatu designantur ; è quibus *Decuriones* corporum Civitatis , vulgò *ambachten* , in tres principes tribus relati , unum deligunt. Hic *Quæstor* scilicet *Præfectus ararii* est , dicique Senatorius potest , cum è Senatorio ordine desumatur. In inferiorum delectu pugnat ex diametro cum priore modus. Decuriones enim , tres ordinis sui designant , è quibus Senatores unum deligunt. hic plebeius dici potest : qui ubi triennium munus obivit , altero triennio plebeji seu secundi *Quæstoris* ac *Præfecti ararii* munere fungitur , ac demum sexennio expleto magistratu abit.

Superiori huic Senatorum ordini accensentur DVO PENSIONARII , à pensione sive salario dicti , quod de publico ipsis statutum est. Doctor vel Licentiatus Juris hunc locum coronat. Alibi audiunt Syndici. Procurant causas omnes urbanas ; & quotiescunque res postulat , domi forisque habent Orationes ; unde Consuli ad res externas unus assiduus est comes in consiliis incundis , scriptisque conficiendis : Ob id perennes , apud Principes , Exterosque , publicæ voluntatis dicuntur interpretes , ac quasi perpetua quadam memoriæ ac dispositionum in Republ. scrinia.

GRA-

GRAPHIARIJ item QVATVOR. Eorum munus sententias & actus judiciales in civilibus sub-
scribere, litigantium postulationes referre in
codices publicos, jura hinc inde producta custo-
dire, curam libellorum supplicum habere. Qui-
bus scribæ sex assignati ministeria faciunt.

A SECRETIS item QVATVOR, qui absentibus
Syndicis eadem fere cum illis obeunt munia; cu-
stodes parvi sigilli: conficiunt contractuum in-
strumenta, subscribunt criminalium rerum de-
cretis: His duodecim scribæ sunt administri.

INFERIOR MAGISTRATVS creatur à supremo
sine ullis delegatorum ab aula suffragiis. Inque
tres ordines potest dividi. *Primus* complectitur
viros omnes consulares, qui functi sunt Scabi-
natu, & minoribus postea Magistratibus præ-
sunt. *Secundus* constat sex & viginti civium Ca-
pitaneis, binis nempe in singulas urbis regiones,
& quatuor viris nobilibus. *Tertius* est Collegio-
rum ordo, *de Gilden*; & quinquaginta quatuor
Decurionibus constat, quorum bini singulis
præsunt opificum in hac urbe collegiis. Varia
horum munia, & officia, ut & nomina, apud
Guicciardinum & Scribanium legere potest le-
ctor. cui paucis IUSTITIAE ADMINISTRATIO-
NEM ostendam. Jus omne, asserit Scribanus,
cujus laxissima spatia cognitionem & exsecutio-
nem rerum in quæstionem vocatarum ambitu
suo complectuntur, prudenti Principum no-
strorum consilio, bipartitè divisum; ut cogni-
tionem omnem tam capitalium quàm civilium
mixtarumque rerum *Senatui*, denuntiationem
& exsecutionem *Marchioni* & *Amanno* deman-
darent: neque tamen hanc omnem, aut promiscuè,
aut uni: sed, *Marchioni*, quidquid ubique
criminis aut maleficii, aut sanè publici juris es-
set;

set; *Amanno*, quidquid extra crimen, privatorum jus fasque tangeret: ne, si omnis juris latitudo in uno resideret, in nimiam metuendamque potentiam excrederet; simul etiam, quò cuique certius jus suum constaret, quod non ab unius voluntate, sed à plurium, impositi inter se muneris quadam æmulâ concertatione pugnantium, dependeret. *Vide Guicciard. fusè in fol. pag. 93. & seq.*

Ad subditos eo. Horum dotes *naturâ & arte* dabimus, cum auctario *morum animi & corporis*. *Natura* viri sunt mirè humani, civiles, ingeniosi, & qui promptè admodum imitentur exteros, contrahantque ex facili cum illis ipsis affinitatem. Mundi & in eo itinerum gnari, ac magnam partem, ne fœminis quidem exceptis, etiam si numquam peregrinati sint ternis quaternisve linguis dotati: ne quid addam de iis, qui quinas eas habent, imò & senas, imò septenas. Non profectò non utilem modò, verum etiam admirabilem, nec in aliâ ullâ provinciâ, nedum urbe, reperiendam. *Guicciard. heic*. Erga exteros nusquam gentium major hospitalitas, nusquam frequentior, nusquam dulcior inter ipsos conversatio. in qua nec leporis, nec joci, nec fabularum, nec cantionum, nec chorearum condimenta desiderantur. Cives à puero indole liberali, & nisi parentum indulgentia adulteret, candidi & artium capaces. Viri sunt Mercuriales, industrii, solertes; fœminæ tenaciores, sedulæ, familiares, cum aliquo tamen fastu: pueri tenelli, educatione magis quàm natalibus; ad quidvis tamen formabiles: puellæ lepidiusculæ, comptulæ, donec marito in manum dentur; nec operosæ, nec otiosæ nimium; plurimum pallidulæ & graciles. *ita Grammaye*. Scribanius de universis Bel-

Belgarum ingeniis affirmat, ad omnes artes scientiasque à natura facta, ut nec ad penetrandum difficilia acies viresque desint: cum Belgica constitutio ferè sanguinea sit, omnium temperamentorum nobilissima. cui cum accedat aliquid melancholiæ quasi terreum, quo quæ impresseris tenaciùs adhæreant; cholerae etiam quantum satis est ad res magnas aut audendas, aut finiendas: fit ut Belgica constitutio non faciliè cuivis cedat. Neque enim opprimitur phlegmate, ut quarundam nationum aliarum, ac mulierum ut plurimum, quò minùs capeffendis scientiis idonea. Belgas proinde cum nobilissimæ temperaturæ videamus, in qua & probatissimus sanguis vitæ principium ac quasi vehiculum dominetur, & melancholia fluxum illius, innatâ sibi siccitate, sistat reprimatque, & cholera animos addat, & permistum phlegma, tamquam suffuso frigore calorem temperet; quis de ingenio dubitabit? *Tantum Scriban. in Antverp. & dicta exemplis firmat.* Ab ingenio natæ sunt industria in mercatura; unde opes: artes in mechanicis; unde fama. Opes certè condit Antverpia immensas. quàm alacri animo in rebus etiam desperatis quodammodo fortunas suas in rem sui Principis exposuit semper? quàm incredibili promittitudine, ubi usus poposcit, argenti atque auri vim incomparabilem, bellorum scilicet nervos, vel minimo negotio & quasi momento deprompsit? Hinc Franciscum I Gall. Regem, quòd ad Monarchiæ fastigium pervenire minùs posset, tria tantùm obistere, sæpenuerò testari solitum referunt; perpetuam nimirum ac mirificam in Imperatore Carolo vigilantiam; populi sui erga eum fidem spectatissimam; & quod caput erat, Antverpia civitatis emporium, totius orbis ce-

*leberimum, atque nobilissimum. Unde Euphormio lib. 2. appellat urbem ubi mundi nundinæ agebantur. Verè. l'Histoire des Estats subscribit: Avant le revolte des pays bas c'estoit un lieu de grand trafic, & de telle importance, qu'on y faisoit plus d'affaires en un mois, qu'à Venise en deux années. Unde Mundi excambium audiebat. Carolus V Imp. sine detrimento noxæ negotiationis trecentas auri tonnas numeratæ monetæ sibi solvi in hac urbe vidit. quæ res responsum Francisco I fecit, cum hic Carolo opes Parisiensium pontibus impositas monstraret; Mihi, ait Carolus, una urbs unusque civis subjacent, (*Antverpia* scilicet, & *Fuggerus*,) qui singulis diebus tantum sunt solvendo. Scribanus vidit, vix solidis diebus viginti, ingenti ausu, è privati nobilis negotiatoris manu supra septingenta aureorum millia in militaria erogari stipendia: vidit deinde ab eadem manu, mense uno auri millionem unum; ab eadem denique mensibus non tribus integris, portentoso conatu, auri miliones duos, & super hæc aureorum septingenta millia. Vis propius aliquid? intueri civilia hæc bella. aberrassene credes à vero, qui ducentos auri miliones ab hac domestica sanguinaria charybde inenatabili impactos profundo dixerit? *Cap. VIII in Orig. Scriban.* Nullo non anno quingentos argenti miliones, auri nimirum centum triginta tres, & quod excurrit, in rerum emptionibus venditionibusque erogatos accuratiore disquisitione invênit. atque hoc extra campsualem pecuniam, illam reciprocam & tamquam adlabentis relabentisque oceani æstu adfluentem refluentemque statâ accessione & fugâ, dum per universum orbem inambulat fenerario itu redituque. Fuit hoc: hodiè naufragii, quod mercatura*

tura hîc passa est, pauca supersunt tabulae. ita nihil stabile, nihil perpetuum.

ARTES ab hac urbe tamquam à matrice, quis enumeret? *Pictoriam, sculptoriam, calatoriam, incisoriâ, architectonicam*, fuso calamo scriptas apud Scribanium & Guicciardinum lege. Liberalissimarum artium hîc non minor negotiatio: nam in una hac urbe *ludi* fuerunt *supra* CL: omnium scientiarum linguarumque vernacula domicilia: hinc plerique antequam pedem urbe extulerint, omnium loquuntur linguis: nec viris hoc tantum, sed & mulieribus per familiare est. *Scriban. cap. VIII in Orig.*

Mores in *victu, cultu & vultu*, en paucis. *Guicciardinus* dicit: Hodie, licet infimatum aliqua pars, & rigidiores nonnulli, antiquam servant in victu parcimoniam, promiscuè tamen splendidae sumptuosaeque, imò forte præterquam decori ratio postulet, in Antverpia vivitur. Cultus tam virorum, quàm foeminarum, in quavis ætate magnificus, & novâ peregrinâque subindè formâ concinnus. Cæterum multi splendidiùs longè & sumptuosius induuntur, quàm civitas & honestas permittant. Videas insuper singulis pœnè horis convivias, nuptias, choreas: audias passim sonos, cantus & strepitus: & ut paucis complectar, omnibus prorsus modis omniq; ratione sese prodit: potentia, opulentia, pompa & splendor hujus urbis. *Scribanius sequiorem sexum propius tangit, & format*: In omni corporis habitudine digna elucet VIRO gravitas: hinc nihil in voce, alloquio, oculorum aut lateris jactatione quod levitatem sapiat. Testudinem cogita, fidium concentu nobilem: ita ad artem omnes & ad regulam compositi. Certant cum viris NVPTAE, ac prope majestate vincunt; certant VIRGINES. Magna ubique majestas

stas oculorum, incessus, oris, vestium : in quibus nihil , quod libidinis negotium curet. nulla hinc purpura multo saturata conchylio, intexta auro, coloribus distincta ; aut sanè non nisi perquam rara. Plurimum pullâ veste gaudent : & respondet innata morum gravitati & modestiæ ; vestitus enim pudoris prænuntius est : nam mores ferè habitus prænuntiat. gravitatem ergo heic, & quamdam maturitatem sapit. nihil leve, nihil quod matronalem, nihil quod virginalem pudicitiam dedecorat. Omnium habitus severitatem redolet, & pudicitiam testatur ; ut reliqua taceam. Quòd si quæ strictius procedant, vel natalium, vel dignitatum, vel divitiarum causâ ; ita temperant , ut prætextu necessitatis, nihil lasciviam sapiat , ne virorum quemquam petulantia suâ vulnerent. magisque , quò propius intueberis, videbis tales serico probitatis, pudicitia bysso, quàm voluptatis indutas. Vultus verò in plerisque omnibus tranquillus & placidus ; frons pura, nullâ aut mœroris supervacui , aut effusioris motus rugositate contractior : oculi in lætum æquè ac severitatem remissi : os modestiâ & tranquillitate signatum : verba aperta & recta , & quæ ferè pectus prodant , ab omni arte alienum. Denique tota habitudo severitatem potius quàm alium minùs compositum præfert affectum. Nihil heic leve, nihil quod raritate & peregrinitate suâ alliciat ; sed maturo quodam ingenitæ gravitatis pondere castimoniam singula spirant ; ut vidisse ad honestatem satis sit. Quòd si quis arserit hoc igne , solo earum aspectu , tamquam flumine, restinguitur incendium. Hoc audeo : nihil me vel in moribus vidisse maturius , vel in oculis castius , vel in vultu modestius , vel in ore tenerius , vel in incessu temperantius , vel in colloquio

quo circumspicius, vel in totius corporis constitutione magis ad regulam. Nulla autem inter has otiosa; otium favilla libidinis. nulla hinc vinosa; vinum lasciviae fomes. nulla frequens in contuberniis; per hæc irrepunt verba pudoris inimica. *Bonos corrumpunt mores congressus mali.*

His adjiciam *mores nuptiales, natales & funerales.* NUPTIAE fiunt nimisquàm sumptuosæ. Excipiuntur opiparis cœnis, idque per triduum, utriusque partis cognati atque adfines. Sponsus magnificè prorsus excolitur; sponsa magnificentius, mutatâ indies per triduum illud veste, ceteroque omni ornatu. Si contingat aliquos sponso tam diu in matrimonio vivere, nuptiæ quinquagesimo anno exacto magnâ solemnitate & gaudio repetuntur, ac veluti renovantur. Quicumque civibus matrimonium contrahit, & consummat extra territorium Antverpiense absque Consulû alterius consensu, is ipso facto amittit jus civitatis, etiamsi vel primo à nuptiis dierevertatur, seque in urbe habitaturum contendat. at pecuniâ tamen & gratiâ faciliè id quod amissum est recuperatur. Civis, qui cum uxore & liberis per sex continuas septimanas, Consule inconsulto, habitaverit extra territorium urbis, privabitur proculdubio civitate: Juvenis verò matrimonii expers, etiam sine veniâ, liberè potest ubicumque & quousque placuerit peregrinari, nec in poenam ullam iccirco incurrit. Civis qui aliò transfert familiam, privilegia civitatis amittit: nisi tamen denuntiavit accenseri se velle civibus suburbanis: duplices enim hinc cives, urbani & suburbani: testificatus se civem suburbanum, & sedes suas commutaturum, quas ne sic quidem extra quadrantem Antverpiæ vel imperii sacri Marchionatum, licet transferre, tenetur quot-

annis ut minimùm semel ad ipsam urbem & in eâ sacram synaxim accedere, tum florenum reipublicæ pendere: quo præstito, privilegia sibi illibata conservat. Civis Antverpiensis, vel & quilibet Brabantinus, si plus anno in urbe commoratus sit, & in alium quemvis Brabantiæ locum sedes suas transtulerit, reipublicæ solvit stabilium quorumcumque bonorum vicesimam: si migraverit extra Brabantiæ, duplicabitur illi vectigal, & decimam ipsam dependet. unde exempti tamen sunt ii, qui in ea sive Brabantiæ sive extranea loca demigrant, quæ, factâ cum hac urbe transactione, adepta sunt hujus tributî immunitatem, qualia nominatim sunt Lira, Bergezomium, Breda, & Middelburgum Zelandiæ.

IN PVERPERIIS & parvulorum baptismatis magna & sumptuosa celebrabantur solemnia. Offert uterque parens initialis puerperæ bella quædam munuscula, & ab eâ partu levatâ convivio rursus excipitur. Sed, quod maximè notes, usuratum est hisce hominibus arbitros sacro fonti adhibere etiam patres & matres, fratres item & sorores, imò interdum & liberos. quæ res niti magis videtur veteri consuetudine, quàm ecclesiastica auctoritate.

FVNERVUM solemnia magno admodum sumtu multaquæ in pauperes beneficentia peraguntur, persolutis defuncto justis. exhibetur deinde, obliitterando utcumque dolori, propinquis & familiarium intimis splendidum & magnificum epulum: ceteri verò qui prodierunt in funus; sextario vini & oryzæ lacti incoctæ patinâ singuli ferè donantur.

Tantum de incrementis hujus Reipub. in statu pacifico acquisitis. IMMINVTIO ejusdem in TURBATO est, per *flammas, seditionem, & bella,*
tri-

tribus dicemus. *Flamma* aliquando nobilissimas plateas depasta est ; negotiationis domum , qualem nulla viderunt regna parem ; arcem, nullibi in Europâ validius propugnaculum ; senatoriam domum, & septingentas privatorum ædes ; templum D. Virgini sacratum , quod tamen surrexit augustius. *Seditio* anno 1554 popularis prope modum tragica evênit, maxime quæ patribus patriæ adversa ; constantiâ tamen & probitate honestiorum civium sedata. Historiam habet Guicciard & Thuanus. *Bella* intra & extra mœnia, à diversis diversa. Sæviit alter ferro, igne, rapinis, stupris. Furias ex orco ascendisse & Antverpiam intrasse dices, lector, ubi crudelia Hispanorum facta leges apud *Meteran. lib. VI, pag. 242, & seqq. Thuanum lib. LXII, anno 1570 LXXXVI.* Volebant urbem flammâ , cives sanguine , vitâ, famâ perire, nisi Deus obstitisset, pœnasque mitigasset. nec usque dum

— *que tantum alias inter caput extulit urbes,*

Quantum lenta solent inter viburna cupressi,
hodiè ex illo morbo revaluit. Summa petierat ; media ubi attigerat , mox in præcipiti præcipitium. Notent exemplum hodiè urbes, divitiis & populo affluentes , similemque casum timeant. nam irruunt ejusmodi casus, aut Dei imperio lasciviam & fastum depressuri ; aut ab opibus & grandi populo dissidia & in partes sectiones. Concludamus cum Scaligeri elogio, & Scribanii monumentis. Illud est :

Oppida quod spectant oculo me torva sinistro,

Tot nos invidia pallida tela petunt.

Lugdunum omnigenum est , operosa Lutetia,

Roma

Ingens, res Vinetum vasta , Tolosa potens.

Omnigena merces , artes priscaque novaque,

Quorum insunt aliis singula, cuncta mihi.
Istud est :

BELGIUM orbis ANNVLVS,
ANNVLIQVE hujus GEMMA
ANTVERPIA.

BELGIUM orbis OCVLVS,
OCVLIQVE hujus PVPVLA
ANTVERPIA.

BELGIUM orbis NEMVS,
NEMORISQVE hujus LAVRVS
ANTVERPIA.

BELGIUM orbis PARADISVS,
PARADISIQVE hujus DELICIAE
ANTVERPIA.

BELGIUM orbis COELVM,
COELIQVE hujus SOL
ANTVERPIA.

Antverpiam quatriduum visu & usu habitam
non sine affectu reliquimus, navigio *Mechliniam*,

—— locum reliquis ubi jura *Brabantis*
Dant procures, plenamque ipsam pictoribus ur-
bem,

petentes. jucunda navigatio fuit, Scaldi tranquilla, cœlo sereno. *Rupelmundâ* ad dexteram cum Scaldi declinata, & Abbatia ampla *Bernhardi*, circuitus cujus unum milliare; flumine *DELIA* vecti; propugnacula sex ultrò citroque ad ripam habuimus, *Mechliniam* usque. ubi prandium lautum, sed sumptuosum, in *interfignio ROMAE*; stomachus prandio benè habiturus, labore prius exercendus erat; ea propter mox ad adventum, urbis, *materiale* & *formale* nobis in oculis & mente.

MECH-

MECHLINIA.

GAllis *Malines*. Exigua habet initia, nec ita longi temporis tractu in eam, qua nunc est, amplitudinem excrevit. quondam enim hoc loco nihil fuit, præter ædes illas veteris structuræ juxta Remboldi sacellulum, ad quas, medio scilicet itinere inter Bruxellas & Antverpiam, peregrinantes divertebant. His pro insigni erat *D. Michaël* Archangelus, aut, ut alii volunt, hospitis nomen erat *Michaël*, quod vernaculo sono *Machiel* efferunt; & inde nomen urbi manasse, detorto paulatim in *Machelen* vocabulo. Alii aliam, sed magis poëticam, derivationem tradunt.

Quibus relictis ad materiale urbis imus; ejus SITVM & PARTES lustraturi. A situ non ineptè *meditullium* Brabantix dici potest, Lovanio, Bruxella, Antverpiaque, tot clarissimis simul urbibus interclusum, & undique quatuor milliaribus distans. quam tetrapolim qui circumspexerit, is justam trianguli formam efficiet. Loco plano, in agro fertili, terra levi, ac subarenosa, omnigenum fructuum feraci, modò debitus cultus impendatur; dicit *Ortelius*. Gaudet mira cœli temperie, & salubritate. unde Philippus I & Carolus V heic educati. *Fluvius Delia* mediam secat interluitque. satis amplus, marino æstu, ad leucæ supra Mechliniam spatium procedente, mirum in modum intumescit, ita quidem ut in complures ramos & veluti alveos sive canales dividatur; plurimis intra urbem pontibus stratus, & satis multas in ea efficiens insulas, templorumque & domuum privatarum pulchrè & oportunè distinctas areas. Validissimè munita est mœnibus & aquarum copiâ, quæ quotiescun-

que usus & necessitas requirit, circumjacentem agrum magna ex parte inundare faciunt, ita ut dum hostis supra caput & Annibal ante portas est, patefactis ostiis, viciniam omnem, diffusis aquis vasti lacûs instar, cives complere possint atque hoc pacto hostem intercludere.

PARTES sunt PLATEAE & AEDIFICIA. Illæ sunt amplæ, mundæ, & eleganti dispositione, pontibus lapideis, admirandæ. Ista, *divinis & humanis usibus* dicata, non minùs sumtuosa quàm egregia. *Septem* numerabis *paræcias*, templis suis insignes. Cathedralis inscripta est Rumoldo; sub Philippo II in Archiepiscopatum evecta, primo Antistite Antonio Perenotto Cardinale, apud Casaream & Regiam Majestatem toto & ferè unico consiliorum arbitro, instituto, ut videre est apud *Meteran. lib. II.* Edificium egregium, præalta turri, etsi necdum ad colophonem perducta, conspicuum, unde in plurimas civitates undique, pagos multos, campos latissimè latissimeque circumjacentes, jucundus patet prospectus. Suspensæ ibi grandes minoresque campanæ, apto sonorum temperamento concentum harmonicum horis singulis edunt & præcinent. In ipsa æde, intentiori oculo *fornices, sacella, columnas, organum, altare* affabrè è ligno, *chorum,* & in eo insignia aurei velleris, *sepulchrum sanctum, Cardinalis Borromæi effigiem,* vide. Monumentum nec præteri *Ianni Bernartii*; ubi monitum: FAC QVOD VELLE FECISSE MORITVRVS. *Cænobia* multa & varii ordinis. FRANCISCANO-RVM, non elegantia minùs, quàm capacitate & amplitudine omnium universi Belgii habetur pulcherrimum & absolutissimum: *Pitzemburgense,* nobilissimi ordinis Equitum Teutonicorum: *Capuccinorum, Carmelitarum, Carthusianorum,* & alio-

& aliorum. Intervirginum monasteria *Clarissarum*, amplum & pulchrum, nec ulli ordinis ejus cœnobio facilè cedens. Quâ Antverpiam itur, ad portam Catharinianam, urbi Mechliniæ conjunctus fuit amplissimus circus, castelli instar, muro clausus, domiciliis plenus, frequentissimo mulierum conventu plus minus sesquimille celebris, quæ religionis ergo eò concesserant, lanâ ac telâ victum quarritantes; libertate fruenter, ut nemine contradicente exire inde & nubere potuerint. modò cœnobium hoc, quòd urbi nimis vicinum, per hæc bella civilia solo æquatum est. *Politica* structurae sunt, *curia*, *parlamentum*, *macellum*, *halla textorum*, *foes in foro*. Præ reliquis ARMAMENTARIUM, receptaculum tormentorum & munitionum Principis. Olim structissimum erat tot tormentis arcis, ferreis; tot machinis bellicisq; instrumentis, puta navibus, pontonibus, carris; tantâ re castrensi & militari supellectile affluens, tot operariis fabrisq; plenum, ut spectatoribus causa fuerit admirationum. Verùm hodie vacuum maximam partem, raroq; fusiones tormentorum exhibentur. *Palatia* & ædes magnatum non desunt, *Hochstratanum*, *Cæsareum* sub Carolo V celebre, *Nassovium*, *Egmondanum*, *Arebergicum*; singula nomine magis, quàm usibus supersunt. *Horti* complures & viridaria; non amoena minùs, quàm spatiosa in urbe; Extra eam, quâ itur Lovanium, amplissimus hortus, cerasorum ferax, quam sylvam dixeris, præteritur; ordine & copiâ ita structus, ut nullibi parem visurus sis.

FORMALE urbis ad magistratum & subditos tendit. Magistratus est *regius* & *opidanus*. Ille dicitur Consilium regium sive Parlamentum; quod Carolus Dux Burgundiæ anno dlo cccclxxxiii

heic instituit, cujus ipse princeps esset; ceteroquin xxxi v viris adscitis, cancellario, coharario, binis praesidibus, iv equitibus, vi supplicum libellorum magistris, initiatis consiliariis vii i, profanis verò xii, partim Doëtoribus, partim prolytis. Verum cum Philippus Luxoris Joannæ beneficio ad amplissimam Hispaniæ regni possessionem vocaretur, anno c lō lō iii, Senatûs hujus forma, nec non Consiliariorum numerus immutatus est, qui, uti adhuc hodie est, uno praeside, xvi consiliariis, duobus scribis, ab epistolis seu à secretis octo, stat & durat. Ad hoc augustum Consilium ultima est in Belgica provocatio. Equites aurei velleris primâ, ut loqui solemus, instantiâ coram hujus Senatûs tribunali citantur. cujus omnes sententiæ, tam in capitalibus quàm civilibus causis latæ, decretoriæ prorsus sunt, nec ullatenus retractantur, nisi quod permittitur tamen *revisso*. Obtinet in hoc supremo tribunali mos, in commodum potissimum exterorum, ut & disceptentur causæ, & conficiantur scripturæ *idiomate Gallicano*, ut Flandricæ genti magis communi. Ordinaria heic olim & solemnîs aulæ Burgundicæ fuit sedes. unde Philippus Bonus, Caroli pater, Mechliniam à Brabantia separavit, voluitque distinctam esse à cæteris ditionem. Amârunt valdè hunc locum Principes Burgundici. inprimis Margaretha Caroli amita in hac urbe firmum fixumque sibi elegit domicilium: tandemque anno 1530, in flagranti omnium gratiâ, inibi est extincta. Quia singularis est ditio, jurisdictione separatâ gaudens, suis legibus clara, in Brabantia tamen media sita; hinc est, quod gravidæ matres, dum pariendi instat tempus, relicta urbe, in interioris Brantiæ municipium quoddam se recipiant, inibi

inibi onerosæ alvi pondus deposituræ, eo consilio & fine, ut liberi in partem immunitatum Brabantinarum (quæ magnæ sunt extensionis & usûs) itidem veniant.

Opidanus Senatus XII est virorum; quorum sex sunt patricii, sex plebei, nimirum *pistores, ichthyopole, tinctorum, coriarii, cerevisarii, lanii*. quorum omnium tanta est dignitas, tantaque existimatio, ut è singulis horum collegiis singuli elegantur quotannis Scabini. Inter hæc amplissimum maximeque momentosum est *Collegium coriariorum*; ut quod opidanorum ferè quadrantem complectatur, suas seorsim mansiones habens & sedes; capacissimas illas, & cum variis aquæ vivæ canalibus, tum ædificiis quoque, fossis, instrumentis, aliisque ad tam varias operum & apparatusum species necessariis rebus luculenter instructum. ipsi ejus sodales compluribus, iisque insignibus admodum privilegiis & immunitatibus; inter cætera autem, liberâ venandi & aucupandi potestate, non secus quàm viri nobiles & magnates, donati sunt.

SVEDITORVM videbimus *naturales & artificiales* dotes. Mechlinienses, civiles admodum, & tractabiles sunt. Præter indolem ipsis innatam etiam venustatem nescio quam & urbanitatem ab aulâ olim apud ipsos commoratâ adsumserunt, & in hunc usque diem retinent; dicit Guicciardinus. appellantur *de meesters van polijt*. Artificiis mechanicis operantur XVI collegia. Inter ea excellunt numero textores. Officinæ eorum olim supra ter mille ducentas numeratæ sunt. Pannorum tenuissimorum & præstantissimorum copia heic magna. Lintea insuper contexuntur ejus bonitatis & pretii, ut non temerè usquam inveniantur vel præstantiora, vel pulchriora.

ra. Omne genus tincturæ pulcherrimæ heic conficitur & prostat. Ahenæ machinæ, campanæ, tormenta, tintinnabula & vasa quævis ambigam an alibi terrarum majori artificio dexterius faciliusque ære consentur. Adjicit Guicciardinus omnis formæ & capacitatis navigia.

Tali materiâ & formâ structa nituit Mechlinia: quam anno cLo lō XLVI incendium deturpavit; fulminis jactu turris portæ arenariæ vicina, quâ maxima pulveris nitrati vis asservabatur, disjecta conflagravit, absumentis ducentis, & triplo pluribus vulneratis hominibus. Quæ à bello adversa sustinuit, Meteranus lib. x habet.

Mechliniæ prandio habito, curruque conducto, itinere & viâ perquam amœnâ & commodâ

*Vespera Musarum sedem collegiæque ampla
Lovanii aspicienda dedit, numerumque frequen-*
tem

Doctorem, & juvenum, Phœbi qui castra sequun-
tur.

LOVANIUM.

Metropolis Ducatus, & Brabanticæ terræ primi quadrantis caput, reliquas urbes omnes præcedens. præstat enim omnium prima Principi juramentum, idque ab illo vicissim suscipit. Quatuor distat mill. Mechliniâ. Ingressi urbem, divertimus pernoctatum ad *intersignium* IMPERATORIS. dum coena paratur, castellum in sublimi colle situm ascendimus, visuri & colloquuturi cum celeberrimo PUTEANO. in tempore venimus, voti compotes facti. omnia arcis conclavia nobis aperta fuere, jubente & ducente Puteano. Arx sita est in collibus vitiferis; circumcirca amœnitatum amœnissima amœnitas in se-
pris

ptis & floribus; suavitatem conciliat lusciniarum cantus. sed omnia hæc, nihil ad Puteani humanitatem, cujus bibliothecam & opera Insulari inspeximus; auxit benevolentiam munusculo Inscriptionum fenestralium, & Kalendarii perpetui ad manus & digitos formati, tametsi schedæ adhuc essent sine catastrophe. res voti erat, tantum virum videre ad cœnam; sed excusatione morbi non ita pridem abacti, facti non fuit. Dimissi descendimus in diversorium, ubi à cœna datum est dormire in conclavi, quo olim Johan. Fridericus Sax. Elect. captivus habitavit, & à Carolo V Imperat. cum quo familiariter ibi vixerat, liberatus est. Sed ad LOVANIVM, quod externè in NOMINE; internè in OPERE & REGIMINE videbimus.

Nomen, posthabitis diversis originationibus, cum Lipsio à situ ei dabimus. qui talis est, ut moenia vetusta, quæ, uti illa tulit ætas, fuerunt firmissima, ex albo nimirum lapide ad normam constructa, ex alto descendant ad loca humilia & aquis obnoxia, quas *Dilia* fluvius major & *Vorta* torrens extra ripas suas evomere quàm frequentissimè solent, & longè lateque omnes campos & intra muros & extra in stagna & paludes permutarunt. *Altum* autem illud, è quo descendunt, *Lo* vocatur; è quo mons ascendit sylvosus, à *Lo* nominatus *Lobergh* & *Lo-bosch*. Subjecta ista pulcherrima planicies aquis exundans, veteri linguâ *Vên* dicitur. Inde *Vena* Baravorum etiam hodie, unde cespes ille ustibilis eruitur. Ergo *Loranium*, sive, ut vulgata & vera vox est, *Loren*, dictum, quasi *Lo-ven*, humida planicies isti *Loe* subjecta. Latini *Loranium* fecerunt, Gallicam magis pronuntiationem *Louvain* sequuti.

Urbem

Urbem ipsam contemplabimur à *situ* & *adificiis*. Ille amœnus est & jucundus, cœli & aëris benignitate nulli cedens opidorum Brabancorum; unde majores hîc Musis sedem ac domicilium legerunt. Terræ bonitas non minor. intra urbem & in suburbanis ubique campos habet aquis obnoxios, è quibus colles assurgunt, alii vitibus confiti, alii silyis horridi, alii pomariis uberes, alii per declivia segetibus lati. Sunt hæc quidem, *inquit Becanus lib. I Atvaticor.*, Lovanio & Romæ communia, sed sic, ut, si meo judicio sententia ferenda sit, longè lateque loci amœnitate Roma superetur atque vincatur à Lovanio. nusquam, ita me Phœbus amet, terrarum locus est, qui magis videatur mereri, ut sit sacrarum Musarum domicilium. Ager vini ferax, sed temperati, & studiosorum cerebro, quos sobrios esse decet, convenientissimi. *Dilia* fluvius interluit urbem, quæ sphericâ penè rotunditate ambitum habet. mensio facta est, anno cIo cccc xxvii, procerum certamine. Erant heic Aulici complures cum ipso Duce, per occasionem institutæ nuper Academiæ: & fortè sermo de urbis hujus magnitudine, &, ecquid aliæ finitimæ æquarent, aut superarent? Sermo primum, mox sponsio: atque ea inter quatuor Dynastas. Incaluerant, & miserunt gnaros talium, & metiri jusserunt: compertumque est, *Lovanium superare Gandavum tribus virgis, Leodium octo, Lutetiam decem, non inclusis tamen suburbiis, Coloniam octodecim. ex archivis Lips. cap. VII in Lovanio.* Post sedulum factum examen, opidum hoc interiore mœnium ambitu sex Italica milliaria, quibus conficiendis duas minimùm horas impendas, exteriore verò plus octo milliariibus continere comperio, dicit *Gnecciard.*

ÆDIFICIA, *externa & interna.* Externa primum sunt *fesse*, lata, profunda, atque ex sapè per vivum silicem, aut scruposam terram percussa.

Muri, lateritio pulchro opere, & sectis deinde lapidibus albis, latis magnisque, interstincti aut intecti: iidem validis fundamentis ab imâ fossâ educti: sicut operis tertia pars vix veniat in adspèctum.

Turres densæ & altæ, quæ distinguunt; atque infra eas fornices & cryptæ, robusto opere, ad condita aut usus militares. Eminent inter alias *Turris impense perditæ seu superracuæ*; de verlooren kost; ob id nomen adepta, quod similes septem cogitassent diversis partibus erigere Lovanienses, sed absolutâ unâ & superveniente calamitate sumtibus impares à cœpto desistere coacti sunt. *Grammaye in Lovan. pag. 6* Ex hac cœlo sereno Antverpia octo mill. distita videri potest ab acribus oculis. Structa anno cIo ccc lxiiv. laterculo muri introrsum structi, lapide deinde candido vestiuntur. rotundâ formâ in altum æquabiliter surgit, non in alium (& hoc sine facta) quàm speculæ usum; circumjecta enim ad multa millia pass. undique detegit. Ad summam, urbs turres eximii operis in mœnibus habet lxi. *Propugnacula* xiii, & moles aggestâ terrâ consolidatæ, & *pontes sublicii* xvi, alibi extantes ad munimen portarum nuper accesserunt, de mandato Gubernatoris harum provinciarum. Portæ vi, è candenti secto lapide. è quibus spectabili operæ visuntur hæ; BRUXELLENSIS, MECHLINIENSIS, HASBANICA, DIESTENSIS, PARCENSIS. nomina à locis habent, quò ducunt. alias dicuntur; BANCENSIS, MONTANA, THE-
NENSIS, FLIERBACENSIS. accedunt his VINEA-

AVM & HEVERLENSIS ; illa à vinearum , ista ab hortorum in suburbano frequentia nuncupata. JOBBENSIS à Sacello D. Jobi in Wesemalia, aliàs *emissitia* dicta, quòd illac aqua mittatur.

Tantum de externo urbis opere : INTERNVM sequitur, binis fulcris firmum , nimirum *Sacris & Politicis aedificiis*. E sacris I. *Basilica Petri*, visu digna ; architectorum iudicio , nulla pluribus locis pari politurâ invenitur. In chori medio tumulus Ducis , & alii alibi ; quorum epitaphia Fr. Swertius collegit. inquire inibi in effigiem Christi , audies historiam de cruce & fure. Turris inter pulcherrimas Belgii habita, sed ruinis & igne multum deformata diverso. Canonici ibi collocati XVIII: quibus *Præpositus* etiam, præter Decanum, velut caput præest: magna dignitas , & olim non nisi in Principum aut Procerum filios collata. Dignitati adhæret honos, quòd is à novo Principe, quoties auspicia imperii suscipit, juramentum solemniter exigit , capiatque : in quo & *Advocatos se Canonicorum D. Petri fore* profitentur. Equum deinde Principis, cui infidet, donativum habet : quem tamen olim *Cantor* vindicabat, & lis inter eos fuit. (*Lipsius lib. 2, c. 14, de Lovan.*) Parochia II. *D. Michaëli* inscribitur. superstructa est portæ murorum veteri. turrim initio habuit altio rem , sed corruit cum vicinarum ædium detrimento , clocc xxv, neque iterum esteducta. III. *Iacobo*. quæ de cælo tacta, sed reparata, collegio Canonico rum data est. IV. *Gertrudi*. inhabitatur à Canonicis Regularibus. fama habet, turrim istam, satis egregio opere, emolitos lanifices esse , idque collatio inter se ære: potentem hîc scilicet, frequentemque tunc nationem. Eynhoudtius , vir prudens , cœnobium pulcherrimo ædificio auxit
& or-

& ornavit. Est ab eo perpetua & magna *porticus* circum hortos, in membra & cubicula superne distincta: ad usum duodecim è nobili stirpe adolescentium, (nam tales admittuntur tantum,) quos hic ali & scientiâ ac pietate voluit informari. Insigne opus, & institutio. V. *Quintino* assignatur. Templum quidem non maximum, sed vel pulcherrimum, *Lipsi* iudico, inter omnia est: bene & aptè commensuratum, multa luce undique collustratum.

Ad VIRORVM COENOBIA eamus. Eminent inter ea DOMINICANI. In choro templi, fenestræ vitreæ sunt, Principis Henrici II donaria. Fama tenet, *Albertum Magnum* Ratisponensem Episcopum huc venisse, & altaria quædam in anteriore templo sacrasse, anno cIo cc lxxvi. Ajunt &, discipulum ejus, *Thomam Aquinatem*, comitem fuisse, & euangelium de loco superiore cecinisse: ac pulpitem ipsum servant, quo ferunt usum. Familiarem fuisse Principibus, illud constat: & Aleidem, viduam dicti Henrici, ad eum Parisiis agentem scripsitasse, & consilia vitæ dirigendæ petiisse, atque accepisse. *Lips. cap. xvi, lib. 9, in Lov.* FRANCISCANI his à tergo adherent, brachio fluminis divisi; qui huc venisse quinquennio post Francisci mortem, anno cIo cc xxxi, dicuntur. Cœnobium vetus est: chorus templi novus, altus & illustris, structus anno cIo Io xxxvi. Columnæ appensa sunt Jvsti Lipsi icon & epitaphium, quod sibi ipse scripsit & poni mandavit, anno cIo Io c iv, III eid. Febr.

Quis heic sepultus, quævis? ipse edisseram.

Nuper loquutus & stylo & linguâ fui;

Nunc alter illebit, ego sum LIPSIVS:

Cui literæ dant nomen, & tuus favor.

Sed nomen, ipse abivi; abibit hoc quoque;

Et

Et nihil hic orbis, quod perennet, possidet.

Vis altiore voce me tecum loqui ?

HUMANA CUNCTA fumus, umbra, vanitas,

Et scenæ imago, &, verbo ut absolvam, NIHIL.

Extremum hoc te alloquor :

aternum ut gaudeam, tu apprecare.

CARTHUSIANI intra mœnia sunt, loco ab omni tumultu & frequentia semotissimo ; ita ut nec eremi solitudinem in urbe magnoperè desiderent monachi. In cœnobio est spectabilis porticus, magnitudine & opere : nec scio, ait *Lipsius*, an heic, aut in finitimis locis, alia comparanda.

Patres Societatis primum heic duo ; mox numerus auctus collegium fecit. *Torrenti Episcopi Antverpiensis* liberalitate ; qui moriens opes suas ei legavit, hodiè multum superest.

Reliqua virorum cœnobîa eant suis numeris. *Fœminarum* ix numerat *Lipsius* ; quæ, si placet, ibi vide, sine nostro calamo, adjumento vè.

Prusquam hinc discedo, leges pietatis dabo pro divino cultu *Lovanii* olim sanctitas ; quæ sunt : *Templorum parietes aut cœmeteriorum areas urinâ aut excrementis ne fœdato ; aliàs graviter mulctator : Templis, ædibusque sacris honos esto, & ne quis pilam, nève trochum in area, aut circum illa, ludito. Item : Diebus festis sacratisque ne quis aliud agito. Nemo cauponam aut tabernam promercalem ante publici sacrificii finem reserato, nève quid emito aut vendito. De tabernis hodiè adhuc servatur : in caupones verò vulgus se immergit. Lex alia, ad probitatem, claudat : Ne quis noctu personatus, nève mutata veste obambulat. Ne taberna, ne caupona, post vespertini aris signum patens esto.*

Ad POLITICA si voles ire, *CURIAM* commendamus, totam è secto per artem lapide, figuris & em-

& emblematis variè ornatam. Magnitudinem justam habet, symmetriam bellissimam; insigne est majorum elegantia vel opulentia monumentum. Videre intus habes scalas & petardas, quibus occupata olim urbs fuit: Tabulam insuper, Andromedæ fabulam quæ repræsentat, factâ accommodatione ad introitum Alberti. Sed curiam sine legibus, præsertim raris, non relinquam. In raptore erat: *Stupri raptusve conciliator aut adiutor exsul esto; qui autem patruerit, lignea serrâ caput abscinditor.* Novum, hercules, de lignea serrâ; & abstertere gravi & lento hoc supplicii genere voluerunt. Item in pugnatores: *Si quis civem invitum ad certamen provocaverit, assere plebitor.* Asser autem genus ferrea securis erat, quâ ex superiori loco & cum pondere trabis aversâ demissâ caput reclinato in truncum proscindebatur.

Sed conscendamus hinc ARCEM sive BURGVM, olim Comitum sedem. In hac agebant absentes Burggravium, id est, arcis præfectum, constabant; liberos suos hîc locabant & alebant; etsi alibi jam, aucto imperio, domicilium suum haberent. In causa aër purus & salutaris, cum prospectu circum pulcherrimo. Heic *Carolus Quintus Imperator*, puer cum sororibus est educatus. Heic exteri Principes, & qui advenissent, metationem accepere, & velut per honorem in veteri aulâ collocati. Heic *Eduardus* ille, Rex Angliæ, qui Philippo Galliæ bellum fecit, anno cIo ccc xxxviii, cum in Belgicam venisset, societatem & auxilia rogaturus, cum uxore totam hiemem egit. *Putens* in arce heic miræ profunditatis. altitudo cxxx pedum est. è profunditate adsurgit echo: egregium quid & quod unum ibi notes.

CATARACTES pulchro & operoso opere, in ipso fluvio Diliâ, atque illi coërcendo, aut dispensando, anno cIo ccc lxx factus: qui tamen ex insidiis urbem panè oppressit anno cIo Io lxxiii. Lipsius narrat, cum ingentes pluviae fuissent, & nix item soluta, vi idus Januarias negligentia Curatoris evenit, ut obices parum in tempore levarentur, aquamque transmitterent. Stetit se amnis igitur, & magnâ mole intumuit, & mœnia jam ipsa æquabat. quæ juxta catara-ctem denique perrupit, & toto impetu urbem invasit. pecudes & homines quosdam abstulit, ædificia dejecit; ut supellectilem & penum civium omittam.

Reliqua urbis opera sunt; FORA IX rerum venalium; MOLAE FLUVIATILES XIV; VIAE urbem secantes mediam XII; PLATEAE laterales CXL; PONTES lapidei XVI; FONTES publici IV. His accedunt *Craijorum, Schoon-vorstiorum, Nas-soviorum, & Bergensium* Principum palatia.

Verum ad *ades Lipsi*. Venerare MORES ANTIQVOS; Canes, delicias tanti viri, ad caminum pictos, inspicere; Nomina & carmina laudi memorixque eorum à Lipsio scripta rogatus addam:

SAPPHIRVS catellus, gente Batavus, corpore albet, capite auribusque purpurat; discrimine tamen albo à summo eo, inter aures, cuneatim ad os descendente. Senecio nunc est, & tredecennis. cum in flore, pulcherrimus & lepidissimus catulorum.

*Gemma dedit nomen; sum verè gemma catellum,
Quotquot terra habuit Belgica, habebit, habet.*

Tale

Tale decus vultus, talis Venus ; adde lepores

Ingenii, humanum qui sapiant genium.

Et sane est aliquid mî hominis. vis argumentum ?

Vina bibo , vino nata me habet podagra.

MOPSVLVVS catulus, domo Antverpiâ,
donum à Cl. V. Arnoldo Borcoutio, ami-
co veteri & ICro. is corpore albet, capite,
auribus atque altero oculo sufflavis. Ro-
strum è rubro albicat, breve & obtusum;
& nare prorsus repanda, crassulus , argu-
tus , mordax est, ætate bimus.

MOPSVLVVS *ast ego sum , domini conviva : quid*
ultra ?

En etiam lectum participo domini.

Estne aliud ? domini dominus, si dicere fas est :

Vsq̃ue adeò formæ huic jungitur improbitas.

Sed formæ, quæ rara cluet, si examine justo

Pendor, quod nec ames est mihi, plus quod ames.

MOPSVS canis , gente Scotus , colore
crasso spadiceo, sed circa oras aurium , &
in ipso ore , dilutius flavo. super oculum
utrumque orbiculi æquales duo , itidem
flavi. idem color in pedibus interioribus,
intra femora. sub cauda , & in ano. at pe-
ctus latum & honestum, pantherina pror-
sus specie, album & maculis spadiceis spar-
sum. tales ipsi imi pedes. annum agit ter-
tium , ad invidiam pulcher.

MOPSVS *ego , formâ qui vinco sæcla canina.*

Quod nolim in magno corpore nil habeo.

*Quodque velim, dominum, dominam , ancil-
lamque volentes*

Con-

Conciliat probitas simplicitasque mihi.

Ille canis redeat meruit qui calica templa :

Si certet, terra hunc, me sibi cælum habeat.

Sed properemus ad ACADEMIAM; videamus Magistratum & Collegia; nobilitatem & plebem; quæ nobis erunt FORMALE. Academia, urbis anima, & Colonienſi nata, sed matre magnificentior, secundum Parisiensem nec numerosior, nec ornatio-
rior. Situm loci en à Lipsio. Quid situ salubrius, vel amoenius? Aër purus & ridens: loca passim vacua & delectantia; prata, agri, vineæ, luci & rus, ut sic dicam, in ipsa urbe. Mœnia conscende & perambula: quæ subjecta facies? cujus frontem animumque non explicet ista mirabilis simul & delectabilis varietas? Heic segetes, poma, uva crescunt; heic pecudes balant, aut mugiunt: ibi aves garriunt & cantillant. Jam pedes aut oculos extra mœnia effer. sunt rivuli, aut flumen Dilia, vago flexu; sunt villæ, aut cœnobîa; est superbum illud Prætorium *Heverléa*; arboreta, aut silvæ intermixtæ, & ubique meræ locorum delicia. Annus & dies natalis & auspicalis ejus est, cIo cccc xxvi, secunda Octobr. Hic dies & hodiè servatur, & majorum exemplo quotannis lectiones renovantur, sive ipso nostrorum verbo resumuntur. Forma administrationis hæc est: *Rector* & *Senatus* sunt qui regunt, & dux *Ioannes* olim, monitu Pontificis, omne jus suum in eos contulit, ac liberam potestatem in studiosos permisit. *Rektor* à Senatu academico creatur, idque singulis semestribus, ut nunc res habet. Magna est hæc dignitas, & splendorem ei dant *Accenssi*, sive *Bedelli*, ut vocamus: quorum unus, prælato grandi argenteo sceptro præcedit & ducit, famulis sequentibus; interdum & octo præeunt, cum suis quisque sceptris, sed in solemnî processio-

cessionem, aut die festo. Narrant, Carolum Quintum, Imperatorem, cum fortè heic esset, loco cessisse, & latus Reſtori texisse. *Inſigne* potestatis purpuram gestat, & in humeros extensam epomidem rejicit, cujus oræ pellibus variegatis prætexuntur. *Caputium* vocant, nec abs re: nam olim caput eo velare solent, & sic gestare. est quæ hoc à Principum imitatione & exemplo, quorum talis ille olim cultus. Hic Reſtor jus omne in Scholasticos habet; causas audit, decedit, mulctat, punit. Cui rei *Promotor* etiam est, (sic Prætor ibi appellatur,) qui, jubente aut consentiente Reſtore, neque aliter, manus injicit; in custodiam & vincula etiam ducit. Grandioris noxæ convictos punit, vel capite, si visum est; sed rarò visum, ait Lipsius: & omnis ista judiciorum severitas in pecuniarias ferè multas desinit; mitigatque crimen vel ætas adolescentiæ, vel & favor qui studiis debetur. De foro & judice pauca adjicio. Si civis agit, rei forum sequitur, id est, ad Reſtorem venit. Si studiosus in civem, aliud huic rei tribunal repertum est, neque ad urbanum aut sæcularem Magistratum itur. Est enim *Conservator*, (nomen illi, quia jura nostra tuetur & servat,) qui tribunal suum habet, & adſessorem juris peritum, ad quem causæ hæc tales conjiciuntur & aguntur. Imò licet ad eum è tota Brabantia evocare, etiam æs aut aliud debitum petere: magno studiosorum commodo, qui domo se, aut certè opido non movent. Ecclesiasticum hoc tribunal est, & idèò telum aut fulmen *excommunicationis* exserere potest in non parentem. Qui autem hoc contemnunt, in eos Judex à sæculo advocatur. Singulare hoc jus est, & olim nuperque obtinuit, suo quod exemplo probat Lipsius. Isti muneri solet præfici aliquis

Antistitum, & ferè *Abbas* Gertrudanus, qui in urbe agit. Est etiam alius honos in Academia, nimirum *Cancellarii* dignitas. Is jurisdictione abstinet, dumtaxat titulos & honores, exactis studiorum spatiis, auctoritate Pontificiâ confert, dico *Magisterii*, *Licentia*, *Doctoratus*, ut Academicarum mos nunc habet. Hoc munus vindicat *Præpositus Divi Petri*, & illo absente *Decanus*: ac proximum à Rectore in conventibus publicis locum tenet. Ita regimen & capita fuere: *Senatus*, qui omnia adgubernet, sunt quinque *classes*, sive *Facultates*: THEOLOGIAE, JURIS CANONICI, JURIS CIVILIS, MEDICINAE, ARTIVMQUE. In has Doctores omnes veniunt; adsciscuntur & aliqui non doctores, ut prudentia aut usus ab iis suadent: in illam autem *Artium*, præcipui è Magistris. Hæc & *Decanum* habet, seorsim in confessibus honestandum. Hic Senatus Rectorem, ut dixi, creat: idem omnia moderatur & temperat. & *Rector*, etsi nomen magnum, tamen potentiâ ferè ut Venetorum Dux est, & à Senatu suo pendet. Hæc *Lipsius cap. III, lib. III*. Jam ad collegia sive scholas publicas. Primò est publicus locus, ubi tres primariæ scientiæ docentur, *Theologia*, *Iurisprudentia*, *Medicina*: prima, inferiùs; supernè duæ reliquæ. & sunt auditoria in universum quinque. Ædificium vetus est, nec huic usui primò struatum, sed lanificibus, cum ii in flore essent, anno cIdccc xvii. quod duplex inscriptio parietibus inserta docet. Vocant *Halas*, ut solent ista hominum aut mercium receptacula: latine *Basilicas* dixerimus: hodiè *Athenæum* audit. In hoc *Lipsius* docuit, & historias & antiquitates explicuit. Præter hunc locum publicum, qui liberis auditionibus servit, (nemo enim adigitur,)

tur,) sunt *pædagogia* quatuor; ubi strictior disciplina; & pueri vel adolescentes in primis artibus atque ipsâ Philosophiâ maxime instituuntur. Egredi inde, aut abesse, sine venia non fas. Nomina verò habent ab insignibus suis, & sunt; *Lilium*, *Falco*, *Castrum*, *Porcus*. Accedit tertius locus, linguarum notitiæ destinatus, quem à re vocant *collegium trilingue*; nam Hebraïca, Græca, Latina illic docentur. Dicitur alio nomine *Bustidianum*, ab auctore Hieronymo Bustidio, Carolo Quinto qui erat in deliciis. hic moriens opes suas in hos studiosorum usus reliquit. Præter hæc, aliud collegiorum genus est, ubi non tam docetur, quàm alitur juvenus, & subsidia studiorum in certos annos habet. Pulchrum inventum, & quod in Anglia, Oxonii præsertim, magnificè usurpatur. Primum est *Theologorum*; quod divisum, &, ut facilius regimen esset, alterum factum, quod *parvum* appellant. *Bes-sarion* Cardinalis, cum legatus à Pontifice in Belgium esset, anno millesimo quingentesimo decimo tertio heic fuit, & hospitio exceptus, memoriam sui reliquit Biblia manuscripta. Iisdem studiis dicatum est *collegium Pontificium*; digna Duce, digna Principe domus. quam extruendam curavit Pontifex Hadrianus Sextus; sed cum cœpit, Decanus heic in æde D. Petri erat. Primum in *Iure* collegium est, quod *Divi Ivo*nis titulo dedicarunt; alterum est *Donatiani*; tertium *Winckelianum*, Juri dicatum, sed à Doctore Medico Joanne Winckelio, anno cIo Io LII, fundatum. Duo insuper sunt ædificiis conspicua, *Sabaudianum* & *Dalianum*. atque illud juventute etiam satis frequens est, & floret: hoc modicè; sed ob splendorem Princeps sibi in Palatium legit, & huc veniens eò divertit. *Leodi-*

cenſe auſpiciis Erneſti Bavariz Ducis ſurrexit.

Ab academia ad *nobilitatem* & *plebem* veniamus. Nobilitas in VII familias fuit diviſa, ſive gentes veriùs; quæ ſunt: *Limingii*, *Calſterii*, *Radingii*, *Steenii*, *Vernſalii*, *Gielii*, *Rodii*: è quibus ſingulis alii, familiarum velut rami orti, latè ſparguntur, &, quamquam ad unum caput relati, nominibus dividuntur. Limingiorum habet familias *triginta & unam*; ſecunda, *viginti octo*; tertia, *novem*; quarta, *duodecim*; quinta, *quattuor*; ſexta, *ſeptem*; ſeptima, *novem*. Sunt ita centum familiae. Ex his ſoli in Patres ſive Senatores legebantur, (titulo *Patriciorum*.) Senatorum numerus eſt XXI; è quibus duo Conſules leguntur, tum ſeorſim ſeptem Scabini. Iſti omnes è nobilitate olim: obtinuit quæ ad annum cIo ccc LX, cùm ſeditionibus plebs etiam ſe inferuit, & mixtio eſt facta. Hic accedebant *Petermanni*, plebeio verbo, quaſi dicas, *homines Petri*, ſive de familia S. Petri. Unde hi & quales ſint, vide *cap. IV, lib. II, apud Lipſ.*

Jam ad *PLEBEM*; quæ olim frequens hîc. Annales habent, tempore Joannis III. anno cIo ccc L, tantam textorum multitudinem heic fuiſſe, ut ad tria, imò quattuor millia textrinorum in urbe eſſent; addunt autem, cuique textrino opus fuiſſe non minùs triginta aut quadraginta homines, qui lanam præpararent, qui carminarent, qui nerent, aliasque tales operas exercerent. Sed imprimis, qui fullonicam. multis enim iis opus, cùm molæ iſtæ aquariæ ad eam rem aptatæ tunc nondum in uſu. hæc ſivera, colligit Lipſius, ex ſolo illo genere ad *centum ſexaginta* millia in hac urbe degiſſe; unde tanta heic turba fuit, ut, cùm horâ undecimâ ſignum campanâ daretur deſinendi operis; parentes ſollicitè minores liberos in ædes ducerent aut traherent, ne impetu & im-

impulsu venientium obruerentur. Quod si hi tam multi, non oportuit pro numero multos quoque fuisse caupones, sartores, sutores, lanios, alios, alios? sed hæc olim; hodie infrequentia magna est. Militiam aut agros multi, alii sellularia opificia exercebant: sed honestiores, & qui præter caput aliquid in censu habebant, arma etiam festis vacuisque diebus tractabant. Militia tunc & tela (quod ad plebem) ferè sagittæ erant, ex quæ arcu vel ballistâ emissæ. Igitur Collegia, in quæ nomen darent qui hoc vel illo utebantur relo, instituta. Erat unum *sagittariorum* simplice arcu; duo *ballistariorum*; postremò *sclopetariorum*. Hæc collegia GILDAS dicunt: imago manet; usus periit, serius nimirum & verus, qui ad militiam spectat; nam in oblectationem aut pompam nunc usurpant. Areæ sive horti his exercitiis destinati erant, in quibus docebant, discabantque. Lovanienses & Bruxellenses, finibus & amicitia semper juncti, statum quotannis tempus habebant, quo *Euram* convenirent: amœnum locum & pari ferè spatio ab urbe utraque sejunctum. Vetusta ibi arx est Principum Brabantia, & assita *Sogniacensis sylva*: & juxta eam area, & certamen; ibi ballistariorum certamen; præmium victoribus vinumerat. Tantum de plebe, quæ olim frequens & in flore, post imminuta, præsertim in lanificibus, qui indignatione & metu patriam mutantes, iverunt in Angliam. Unde ibi adhuc hodiè eorum colonia, & gloria inde pannificii. Ita fuit olim Lovanium florentissimum; modò defloruit, & ex veteri gloria & copiâ non nisi umbra hodiè. Juerunt lapsus grandis populus, opes, lascivia, dissidia, seditiones, venena omnis status. Lector, si volet, *Lipsum* legat de his in Lovanio, & *Grammaye*.

Ad suburbana respiciamus. Est *BANCVM* ad *Ixvam*, ipsâ viâ *Bruxellensi*, teli jactu à porta, cœnobium virginum *D. Augustini*. Peculiari instituto obligatæ sunt judicare de leprosis, & judicatos recipere atque alere, qui sunt *Lovanien-*
ses, aut *Heverleenses*. Princeps novus, priusquam *Lovanium* intret, illuc quoque juramentum ad altare *Georgi* solet edere, & precibus nuncupatis, dono aliquo honestare.

PARCVM item aliud cœnobium est, sed ordinis *Præmonstratensis*. Nomen habet ab ipsa re & usu, quem antè præbuit; fuit enim *vivarium*, sive locus clausus, alendis feris ad oblectationem Principum, quod genus *parcos* dicere solemus. Amœnus locus est, silvâ, piscinis, rivo, pratis delectabilis, & studiosos sæpe ad se trahit.

Extra portam dum nos occupamus, *HEVERLEAM* oculis libemus. Mediæ horæ itio est; Via pulcherrima ab ipso opido recto limite adusque silvulam & fontium receptacula sive castellum aquarum ducit. Longa est paullo minùs mille passus; lata pedes *xl.* ad libellam æquabilis, & inter montes aut colles, altos alibi ad viginti pedes, depressâ & complanata. Margines sepibus vivis clauduntur, in parte muris: tiliis arboribus aditis utrinque obumbratur. Egregium & regium opus; domicilium Ducum *Arescotanorum*. Ipsa loci facies, à Deo & natura multum est amœna. Ecce inter modicè declives colles arx jacet; flumen *Dilia* prætercurrit à fronte; à tergo *Fvra* rivus; cujus cursum in præcipua parte opus & manus direxit: eundem per prata derivavit, piscibus aut pisciculis receptaculum & custodiam. tum prata, agri, silvæ, venatibus aptæ pulcherrimo adspectu recreant animum & disfundunt.

Piscinæ numero septem, suavi adspectu, & oportuno situ, inter declives agros, & vestitos arboretis colles. Horti heic, pomorum; nuceta; vivaria cuniculis aut lepusculis; columbaria. Hospitibus adventantibus, imò & nobilibus domesticis heic domus. Adfita area & equile: area altera ante arcem, lata & pulcherrima, utrimque arboribus, ambulacris & xystris clausa: tilix arbores dispositæ. Hortus prunorum, persicorum. Propè hortus florum cum suis flexibus & labyrinthis; Ibi fons, qui altè subsiliens marmoreo labro duplici excipitur. Adsunt pergula, topiario opere, grandes: occulta aquæ aut siphones in iis, qui ingredientiæ fallunt & inundant: monticuli item sive rupes è topho, silice, testis conchisque marinis mirandâ arte. Vertebrâ motâ, molæ molunt, aviculæ cantant, aqua adstantes spargit: alia, cum oblectatione miranda. Alia via, arboribus limitata, ad cœnobium ducit; antè, hortus olerum, & herbarum edulium. Fons in eo è marmore, & tali vasto labro. Porro pergula, labyrinthus & fons. **TEMPLVM** & cœnobii multiplex ædificium ingredi: in quo viginti-quattuor religiosos ordinis *Celestinorum* esse oporteat, ex lege & scito testatoris: sed injuriâ temporum, itemque hominum incuriâ, diminuerunt. Amplius ibi, res miranda: marmorea Principum Croyorum & affinium singulorum monumenta; ibi genealogiam Ducum de Are-scor ab Adamo usque ad præsentis ultimos videbis in choro ad latera, cum eorum iconibus & nominibus. Res non Belgio, sed Europâ admiranda. Inter cetera, en epitaphium Caroli Ducis in lapide, litteris circumcirca ex orichalco, quod ipse sibi dicitur composuisse:

Carolus à Croy, nuper Dux Croy & Arschotti, ex magna progenie natus, nunc putredo terræ & cibus vermiculorum. obiit in Domino, exspectans resurrectionem mortuorum, anno cIo Ioc XII.

In Sacello varia ornamenta ad missam. *Numus* ibidem ostenditur, qui è numero dicitur eorum, quibus Salvator venditus, magnitudine bacionis, sed pondere dimidii Imperialis; alterâ parte caput humanum; alterâ flos cum epigraphe, ΠΟΔΙΟΝ; fortè quod in insula Rhodo ex argento fuerit facta talis moneta, & Hierosolymis usurpata in quotidiano usu & mercimoniis. Templo egressus, ingredi hortum religiosorum, aream, collegium, quod destinatum ut parva academia lectionibus aut dissertationibus, in gratiam Principis & adventorum. Adjacet hortus cœnobii, aula inferior, & piscinæ; nec desunt agri, & prata; amplius, parcum est, sive locus clausus in silva, ad feras. Ibidem arboreta; fons primarius & scaturigo; mox piscinæ. Hæc omnia extra arcem. Jam *ARX* ipsa, domicilium Principis: superbum opus, si perfectum. Fons in ea pulcherrimus, altè saliens, & labris marmoreis exceptus, statuis ornatus. Fossæ circum arcem latæ, profundæ, nitidâ aquâ plenæ. Hortus voluptatis aditus, cum molendino duplici: frumentis frangendis & secandis lignis: mox venatorum domus & falconariorum. Adjacent prata, fossis è rivo Furiâ circumdata; trans rivum viæ arboribus septæ, & agri. Ad summam, locus amœnitati & Musis factus; cui ipse Princeps quoque impendia sua & curas confert; sed & Lipsius suum hoc epigrammaticum:

Ma-

*Mæsta ô Belgica nostra, tolle vultus,
 Tolle, & lumine latiore lustra
 Magni Principis hoc opus, sacratum
 Musis & Veneri, & venustiorum
 Quidquid est hominum superba. gaude,
 His adaucta palatiis & hortis,
 Hisce fontibus, hisce & arboretis,
 Xystis, limitibusque & ambulacris.
 O dispar facies vetustiori!
 Antescabra loca hæc, & absque cultu
 Horrida, ardua, iniqua, fabulosa:
 Nunc quàm splendida, quàm polita rident?
 Ades GRAECIA tu vetus, vetusque
 Ades ROMA: me, ecce, BELGICA audet
 Se conferre; an & ausit anteferre?*

Sed pedem jam extra urbem ponemus in iter,
 quod perreximus, cœlo conatibus nostris ad-
 plaudente. Bruxellam circa meridem deducti,
 Lovanio quatuor leucis abjunctam. ingressi com-
 modum satis hospitium, quod VETERIS LVPI
 nomen præfert, quatrimum commoratione,
 frequentatione urbis & aulae, tempus consum-
 plimus.

BRUXELLA.

Nomen & originem à Brenno (*Brussel* quasi
Brensel, id est, Brenni sedem) & Senonibus
 ducunt annalium compilatores: qui heic arcem,
 Galliae infestandæ in has oras profecti, extruxe-
 runt: alii à paludibus, quarum magna in vicino
 copia: alii à lacu sive voragine in silva Zoniæ:
 alii à Russis. Et quia montem haut procul Lo-
 vanio norunt à Russis dictum, putant locum
 hunc nomen accepisse *By-Russel*, id est, apud
 Russorum sellam situs. Alii ob frequentes fon-
 tium scaturigines, & proinde cavitates terræ,

Brussel, quasi *Ruyfel*, id est, sedem seu locum tumultuantem, vel *Ruyshel*, id est, antrum murmurans dictum, opinantur.

Sed ad urbem, qualis ea, & quomodo regatur. videamus *Situm & Partes*. *Situs respectu terræ*, locum occupat amœnissimum. Ea agro benè culto, nemoribus ac pratis undique circumdata. Intus partim in colles leniter assurgit, partim se in planitiem pandit, dignissima maximo Principe sedes. pulcher prospectus ad aliquot leucas sese extendit. ita quidem, ut nunquam heic vel pabuli, vel annonæ, in usum aulae, fuerit penuria, licet aliquando *VIR* heic uno eodemque tempore fuerint coronati Principes congregati, nimirum Carolus V Imperator, filius ejus Philippus Rex Hispaniæ, Maximilianus Rex Bohemiæ, unà cum uxore Reginâ: Heleonora regina Franciæ; Regina Hungariæ, gubernatrix; & ex Africa Rex Belesia. hi juncti cum aliis Principibus præsentibus, minimùm octo vel novem millia secum habebant equos. Ab alia parte *Silva Sogniacensis* est, leucæ tantùm quadrante disjuncta, venatione simul & lignatione Regali insignis, tùm abbatibus undique ac monasteriis cincta, fontibus item limpidissimis, & magnâ fructiferarum arborum copiâ nobilis; quæ omnia inter se juncta & cœlum efficiunt saluberrimum, & aquas longè dulcissimas.

Respectu aquæ, fluviolus Sinna mediam interlabitur. huic aquæ ductum civitas adjunxit, *die vaert*; qui per quinque tota miliaria recto ferè tramite naves ab urbe solvantes in Rupelam fluvium, mox in Scaldin delabi facit, ut inde libero cursu, si velint, vastum mare petere possint, summâ cum civium tum vicinorum commoditate. Præter hæc omnia, heic quinque cataraetæ, quas

quas ab effectu illi *Exclusas Sluyfen*, dicunt; oportunis maximè locis ad aquam identidem coërcendum & sistendum, maximâ sanè industriâ & iudicio structi; ne scilicet uno, quidquid ejus est, impetu, in primum illud receptaculum sese effundat; cùm *Bruxellæ*, &, in aquæ ductûs hujus initio, aqua, sit quadraginta & amplius pedes, quàm in exitu, altior.

Forma externa cordis humani figuram exactè refert. *Circuitus* opidi æqualis ferè est *Lovanio*, comprehendens quantum duarum horarum spatium obiri potest.

Antequam discriminatim ad Partes veniamus, monebimus, in opido hoc *septenarium numerum* multum valere, Mathematicis sacrum propter Planetas, qui res omnes terrenas ad spectibus suis & influentiis, Deo sic disponente, regunt & moderantur. Ex hoc commune habet cum *Avenione* Galliæ urbe. Numerantur verò *Bruxellæ*, VII *fontes publici*, VII *in forum deducentes plateæ*; in quo & VII *sunt ex ordine domus amplissima*, quæ à *Senatu* civibus elocantur. VII *parochiales Ecclesiæ*. VII *nobiles*, & cùm antiquitate, tum privilegiis illustres familiæ. VII *Scabini*. VII *obstetrices*, quæ mulierum parturientium curam suscipiunt: hæ, cùm ejus artis admodum habeantur peritæ, & *Senatui* juramento sint obligatæ, tam tenuioris quàm splendidioris fortunæ matronis, è Magistratûs edicto usui & auxilio esse coguntur. VII *portæ* Dorico opere; quarum unaquaque suam habet deambulationem. *Lovanienfis* ducit ad aucupium; *Algidomontana* ad piscationem; *Obbruxellensis* ad venationem; *Anderlechtensis* ad agros; *Flandrica* ad pascua; *Lakenfis* ad fontes & vineas; *Mechliniensis* ad hortos.

Jam ad *partes*. *Exteriores* sunt; *Muri* opidum cingunt gemino ambitu, & aggere præalti, fossis adfatis amplioribus. Turres in moenibus (sive niant in numerum minores) LXXIV. è quibus plures vetustate & bello collapsæ. *Interiores*, sunt *edificia*, *religiosa* & *profana*. Inter VII parochias eminet D. GVDVLAE. intus duorum Ducum & Archiducis Ernesti sepultura, & aliorum cenotaphia infinita. ad latus odæi sacellum est; ubi tres asservari dicuntur hostiæ à Judæis confixæ. (*Guicciardin. heic.*) templum duabus insigne turribus; ad quas Io gradibus ascenditur: cujus excelsum Pario jaspide, opere Corinthiaco splendens, piorum eleemosynis in templi medio erectum est.

Franciscanis, qui à capucio vocantur, rigidiorē vitæ modum amplexis, nuperâ memoriâ extructum monasterium eleemosynis Hispanorum & Italogum potissimum, anno cIo-Io LXXXIIX.

Patres Societatis primò advenerunt è castrensi peculio sustentati. nunc ex publicis & privatorum eleemosynis collecto are, & collegium & scholam aperuerunt, anno cIo Ioc IV. numero creverunt ad LXX. sub Rectore Carolo Scribanio nobis patebat aditus ad bibliothecam.

Coenobia virorum alia, ut & virginum, nostrum heic non est deformare; videatur Grammaye, qui ampliter de his. Unum addam de *mulieribus*, quæ exemplo Mariæ Magdalenz ad meliorem frugem conversæ suum habent collegium: poenitentes, quæ huc ex magno naufragio evaserunt, institutum D. Augustini reformatæ susceperunt.

Hospitalia in urbe varia sunt. Est *Nosocomium* publicum D. Joanni inscriptum, ubi omnes omnis gene-

generis ægri curâ & ære publico per Medicum & Chirurgum peculiares foveantur curanturque. Aliud, ubi utriusque sexûs homines, *fratres & sorores* dicti, infirmis subserviunt. Sunt insuper IV excipiendis *hospitibus & peregrinis* destinata domicilia, ubi unicuique advenæ triduum hæere permittitur, nimirum, *Gisleni, Iacobi, Laurentii, Cornelii*. Huc referenda insignis publico ære structa, coërcendis qui in *phrenesin* inciderunt, honesto loco natis. Alia insuper *exposititiis* infantibus nutricandis dedicata sunt, & *elemosynariæ* domus diversæ, quas S. Spiritus vulgò vocant.

Loca sacris similia sunt *scholæ & ludi*; quos, præter Jesuitas & Augustinianos, numerant quidem XLV.

ÆDIFICIA ad usum politicum nunc lustremus. Inter hæc EQVILE REGIVM primo loco, capax CXXVII equorum, usibus tamen & exercitiis inter se distinctorum. Supernè armorum *conclave*, & repositorium, quibus olim Duces Burgundiæ in bellis utebantur. Ibi equi exuviæ expansæ, & in ligneum corpus explicitæ, cui Archidux Bruxellam ingrediens insedit; alterius item sed candidi, Archiducem è proelio Neoportensi qui reportaverat, caudâ humum verrentis, jubamque longam demittentis; adjectâ inscriptione:

Il cavallo noble.

Siste gradum, spectator; ego de nomine dicor

Nobilis: at præsto nobilitate rei.

Archiduci Alberto substravi corpora quondam,

Quando prope Ostendam Martia Erynnis erat;

Illumque eripui pignantem hostilibus armis,

Cum vel ei, mihi vel mors subeunda fuit.

Me magis ardebat miles: quia virginis instar

Cernebat niveam crescere fronte jubam.

Hinc, ut me raperet, crebro sua spicula & enses

*In caput ignoti strinxerat Archiducis.
Evafi, eduxique virum, meque ipse reduxi
Incolumem : nostra non erat hora necis.
Ast anno vertente die quâ evafimus ambo,
Nobilis interii. Cernite qualis eram.*

Ibi *pectoralia* ferrea L I I : inter quæ Archiducis, quo prælio Neoportensi interfuit indutus; ut & ephippium. apparatus alilequestres, stapedes, calcaria, fræna, enses diversarum gentium; dono huc missa omnia, unionibus, margaritis, gemmisque exornatissima. Ibidem *Caroli Audacis Burgundiæ Ducis gladius*, quem, equestrem dignitatem alicui collaturus, Carolus V Imperator adhibere solitus fuit. Omnia polita, disposita, & purè custodita asservantur. Subtus in equilis area, *currus sponsalis* monstratur, Mediolani fabrefactus, pretii quatuordecim mille coronatorum, olim *Isabellæ ingressuræ Bruxellam* oblatus. pretium si cogitas, æstimabis artem, & anhelabis videre.

Palatium ipsum in editiori urbis parte eâ magnificentiâ est exædificatum, ut Regiæ Majestatis dignitatem satis præ se ferat, idonea Curialium sedes, & peropportuno loco posita. *Atrium* majus non dissimile Hagenfi; ubi trophæa & spolia appensa. *Porticus*, quæ binæ ibi, habent Regum & Principum icones. Per unam Archidux, vehiculo insidens, agitare equum consuevit prono descensu in hortum. res digna visu. Iconum nomina illustra adponam, ut adventantem excitem. *Vladislaus* Sigismundi III Pol. Regis filius ad sinistram januæ superstat. *Isabella*, cum binis aliis è Hispaniâ donatis. *Vxor Philippî III. Albertus. Philippus IV* cum uxore. E regione *Ferdinandus II* Imperator, cum cane candido. quem Viennæ vidi perpetuum Imperatoris affectum

clam & custodem. prandenti ad pedes est, nec è conclavi cedit. obesæ formæ, minusque licet venustæ, magnæ tamen fidelitatis exemplum. *Maria* Ludovici XIII Gall. R. mater. & *Anna Mauritia* Regina, uxor Ludovici. *Heleonora* Imperatrix. *Sigismundus III* Pol. Rex, & uxor. Altera porticus, diversa navigia, mensas magnæ artis & valoris exhibet; nec non horologia, globos argenteos. Iconem item Alberti; qui penitus introspicienti Isabellam videre dat; & Isabellæ, quæ Albertum. Non longe inde distat locus concameratus, ubi Alberti denati effigies. indutus tunicâ monachali Ordinis Minoritarum, tenens manu crucem. hoc habitu dicitur sepultus in æde Gudulæ in sacello, sine ullâ pompâ. Sacellum inde Alberti & Isabellæ pete. locus devotioni destinatus: octo intus cellulæ, octo aris corniscantes: pensile supernè ambulacrum artificiosissimi operis ædificium ambit: lychni undique pensiles, & ardentes: aurum, gemmæ & reliqua ornamenta oculos perstringunt, sensusque attrahunt; opum heic acervus & magna donaria. Ipsa Princeps, noctu devota, procumbit foris ante fenestellam parieti incisam.

Arce adhæret *amplissimus circus*, perpetuo muro clausus, ad extrema usque urbis moenia extensus; qui omni deliciarum genere, Regibus Principibusque & quâvis nobilitate dignarum, copiosè abundat. Nemus est, & labyrinthus à Burgundis Principibus adornata. *Vivarium*, habet artificioso opere canalem, è secto lapide, limpidissimæ aquæ; quâ vasa onerantur & in arcem per binos camelos indies portantur. Ibi feræ, damæ asservantur. In piscinis cygni & trutæ, in aviario volatilia nutriuntur, lasciviunt, congre-
diuntur.

Mox

Moxambulationibus, pilæ ludo, epulis, omni recreationi sua loca sunt deputata.

Perge ad *cryptas*. altera inferior; ubi Pegasus concentûs musici, quasi cantor, metitur numeros; Orpheus psallens, è fidibus delicatam elicit harmoniam; juncti sunt globus cœlestis, & Satyrus.

Inde *vi* graduum ad alteram ascensus est; in quinque partes sive alveos distinctam. ibi organum suavissimum edit concentum, Satyro rem tibiâ juvante: aves modulantes, opifices operantes, audiuntur, videntur.

Ad descensum hortus florum patet, labyrinthi specimen singulare ostentans; ubi in contemplatione ejus hæres, fistulæ benè multæ subterraneæ, arte positæ & directæ, te aspergent.

E vivario exeunti fons cum ingenti labro ostenditur; sunt duo leones grandis formæ, avem ore perpetuam aquam evomentem medio tenentes. Opus natum ipsâ *Isabellâ* inventrice, & in declivi positum.

Palatium hoc regium versibus *Nath. Chytræi* augeamus:

*Excepit Bruxella, sacras ubi Cæsaris arces
Vidimus, adjunctosq; hortos muro undiq; cinctos,
Tum magno spatio ut silvas & lustra ferarum,
Vitiferosque unâ colles, fontesque lacusque,
Prataque contineant. multas hîc undique damas,
Capreolos, leporesque leves, cervosque fugaces,
Diversi & generis volucres plantasque tenellas,
Cretensisque novum specimen videas labyrinthi.
Hac olim magni moderator Carolus orbis
Sede libens vixit: procures hîc undique multi
Confluxère olim, pacem auxiliûmve petentes.*

A palatio Ducis, ad palatium Senatorum, sive curiam descendamus: eximium opus, curâ Principis

cipis & Opidi structum. admirandum ab aqua, ad fastigium quæ duci potest. *Turris* re & nomine præfert Archangelum Michaëlem, urbis tutelarem, statuâ versatili æneâ pedum xv perfecta. *Supremæ contignationes*, sunt armamentarium & repositorium jaculorum, arcuum & ejusdem generis veterum armorum. *Curia conclavia* merentur videri ob tot tabulas, Principum pictorum opera. Una *judicium Salomonis*, Rubenii manu pictum, pretio ter mille florenor. habet. *ala* sive latera, icones Scabinorum tenent. *janua* superstat *Judicium* extremum. Conclave adsitum exhibet *Isabellam Archiducem* in encæniis paganis *psittacum* arcu deicientem de turri. *de hoc exercitio Meter. l. vi.* Alia tabula eandem *Mariamontio* reducem exhibet; arx est paucis leucis Bruxellâ abjuncta, silvâ circummunita, feris abundans, *en est le séjour d' Archiduc.*) Alia conclavia alias tabulas, triumphali currui pro introitu *Isabellæ* impositas, habent: in alio, videbis *xvii* Belgii Ordines, adversis armis inter se congregientes; inter quos medio loco posita ipsa *Belgica*; supernè è nubibus *Albertus & Isabella* cum palmis procedunt. Ante curiam, in area *rotundus circus* è lapide stratus, cui *pegma* olim institit, supplicio *Hornani & Egmondani Comitum* (nefas dictu) destinatum.

Præter *Archiducis palatium*, eminent aliorum adhuc *Principum* magnifica palatia. nimirum *Arscotanium*, ex adverso palatii *Principum*. *Auraticum*, in acclivi collis palatini, cujus magnam partem non ita pridem flamma depasta erat incuriâ præfetti, ut dicebatur. *Aumalianum*, *Clivense*, & *Hoochstratanum*, haut procul à palatio ad latus. *Barlamontanum*, & *Arenbergicum*; *Mansfeldicum*, & *Egmondanum*, secus opidi mu-

ros.

ros. *Soranum* cum aliis aliquot circa planitiem arenaceam. *Fürstenbergicum*, & *Spinolanum*. hoc Principum diversorum effigies copiosè tenet. palatium Comitis de Culemburg olim fuit: hodiè, eo ad fundum dejecto, pyramis è marmore conspicitur ab Inquisitoribus istuc posita, cum inscriptione 14 linguarum, quarum latina hæc est:

Regnante Philippo II, Cathol. Hispan. Rege; in his suis inferioris Germaniæ regionibus gubernante verò Ferdinando Alvarez de Toledo, Alvæ Duce, &c. Florentii de Pallant, Comitis Culemburg quondam domum solo æquari sancitum est, ob execrandam memoriam repetitæ in ea conjurationis adversus religionem eccles. Cathol. Rom., Regiam Majestatem, & ipsas regiones. anno à salut. c1515 LXVIII, quinto Calend. Junii. *Meter. lib. 3. pag. 110.*

Ad summam, solent provinciæ Belgarum plures, Abbatia ferè omnes, urbes pleræque, sua Bruxellis habere palatia sive hospitia.

E regione Curia, situm est palatium à pistore quidem structum, sed magnis sumptibus; dat *Beckenhuys*.

Montem pietatis, anno c1510c xvi i, ne relin- quas inaccessum. ex Italia inventio est: Patavii, Neapoli & aliis Italia locis magno cum inhabitantium usu videntur.

His adnumerari possunt domus vii tribuum patriciarum. i. Quarum prima sita ad lapidem angustarem in acclivi montis frigidi, op *Cantersteen*. 11. in angulo vici Montensis, loco qui Saxum

xum Maximiliani dicitur, *Maximiliaens-steen*. III. IV. V. circa forum locis. quæ nunc *domus salaria*, 't *sout-huys*; alia à decidendis litibus dicta, 't *pay-huys*; item *Hugonis Saxum*, nominantur, *Huygs-steen*. VI. apud torrentem calceariorum, (*Schoen-beeck*,) loco qui *Falcoburgum* vocatur. VII. in platea equestri.

Præter has, sunt *septem* illæ magnificæ forum coronantes ædes; *Frumentaria* item domus; *Halla*; *Macellum*, & mensurationibus subserviens. *Forum piscium*, ab Alberto Archiduce anno cId Idc II in opportunum locum translatum. *Pontes lapidei* flumini superinjecti xII. *Turris D. Nicolai*, collapsa olim, sed pulchrius restituta, & anno cId Idc V insigni horologio & præludio musicali instructa, ingenti impensâ è publico supeditandâ.

Ad extremum, supersunt *privata* civium ædes. amplitudine, specie, splendent; commoditate fontium inprimis & hortarum jucundæ & amœnæ. Fontium in privatis ædibus decem subinde diversis locis erumpentem aquam observabis. Hortorum non amœnitas sed luxus est; & invenies, qui flores suos septem aut octo florum millibus æstimet, exiguo in hortulo natos; ait *Grammaye*.

Hic quia hortarum mentio est, extra opidum in propinquo est *ANDERLFE*, *hortus Ducis Aumalie*, floribus amœnus, aquis fœcundus, dignus ab adventantibus videatur. Alio loco & viâ quâ Gandavum tendimus, Archiducis *pharmacopola domum* & *hortum* struxit. non civis sed Principis mansio est. Eâdem viâ locus est *BERGEN*, distans Bruxellâ semihorâ, ubi picta memoria Caroli V Imperat. & rustici. Imperator in venatione aberrans à rustico ostenditur; *Bruxellas*

xellas serâ nocte, nemine comitante, omnibus insciis, imò ipso ductore, cum laternâ prævio, reducitur; quid inter illos ibi actum inquire ab inhabitantibus.

Sed regrediamur in urbem, paucis *statum* ejus *pacificum* & *turbatum* lustraturi. In pace florent Magistratus & subditi.

Magistratus heic, non qui in Palatio regio, sed in urbe sedet, paucis deformandus. Eligitur à Principe, è septem stirpibus patriciis nomina sunt: *Slecusi*, *Sleews*; (leonem sonat, quem in scutis circumferunt:) *Tswerthii*, *Swerts*; (à gladio aut hospite ductum nomen:) *Tserrodolphi*, *Tserroeles*; (Herois Rodolphi posteros significat:) *Stenwegii*, *Steenwechs*; (viam lapideam denotat:) *Tserhugii*, *Serhuygs*; (ab heroë quodam Hugone dicta & ducta stirps:) *Rojenbechii*, *Rodebeken*; (à suburbano quodam loco:) *Cavenbergii*, *Cewenberghe*; (ab urbano quodam loco.) Annuus est, titulo Scabinorum insignitus, *septenario* numero constans. His Scabinis, *duo Consules* adjecti; alter è nobilibus, è plebe alter; cum *Consiliariis* *vi*, qui sunt viri spectabiles, ex artificum cœtu delecti. Consules cum Scabinis juri justitiæque præsent; iis verò omnibus præit *Prætor urbanus*, justitiæ administer, vir primi nominis & nobilitatis; à quo rogati Senatores tenentur jus dicere & reos judicare. Sequuntur *publici census administratores*, qui sunt sex *Quæstores*; *bini* è patriciis, *quaterni* è plebe. Omnes hi annuatim mutantur, rationique reddendæ obnoxii sunt: nec, nisi intra sexennium, ad idem munus eos aspirare sancitum est. Est etiam *collegium pannificii*, duobus Decanis, Assessoribus octo, mediatim patricio, mediatim plebejo genere constans. Præter hos instituti *octoviri*, ad controversias, ob
pu-

pugnas & vulnera natas, sopiendas. Ita majus opidi consilium constat tribus membris. in primo, est Senatus: in secundo, omnes viri Consulares, Senatorii, Quæstorii & Decanatu panificum functi, exclusis plebeiis: in tertio, Decani sive præfecti collegiorum ex opificibus; & hi postremi auctoritatem habent judicandi de rebus artis suæ.

Cives, sive *subditi* opulentiores quinque con-
tuberniis nomen dant. quæ sunt: Arcus chalybei majus; minus; sclopetariorum; gladiatorum; & jaculatorum. Quodlibet collegium quingentorum est capitum. magnâ pompâ, signis prælatis, solemnia sua celebrare vidimus xix Maji Bruxellæ in area arcis. Cætera plebs in opificum classes *LII* distincta est; exque subdivisæ in ix tribus, quas *nationes* dicunt. primariæ sunt armifabri & polymitarii; hi aulæ & picturas textiles divendunt.

Hanc formam habet status pacificus. *Turbatus* ruinam intentavit sæpius. A *lue*, quam sudorem Anglicum vocitabant. hæc urbem anno cIo Io xxix graviter afflixit; sed gubernatricis jussu, jejunia & preces indicentis, se remisit. A *peste*; cum ad xxxiii hominum millia absumerentur, cIo cccc lxxxix. Ab *igne*; qui exortus in Sabulone, aliquando bis mille & aliquot centum domos absumpsit. Iterum alius, qui cIo Io tetrinas devoravit. A *seditionibus*; plebs in patricos sæpius concitata, eorum potentiam & opes sugillans. Hinc vetitum deinde decreto Ducis, ne quis deinceps textor (si tumultus authores fuere) in urbe pernoctaret sub poena capitis. Alio tempore laniones, factiosum genus hominum & potens, & lapidicidæ, in Senatum consurrexit. Ad extremum *belli vis*; cum temporis calamitas, & milita-

litaris rabies, malis suis etiam Bruxellam implicasset, & profanatis templis nihil non designaret, Alexander Farnesius, captis vicinis locis, ita urbem coarctavit, ut de pacis legibus egerit, praesidium urbe excesserit, & ita urbs Principi suo restituta fuerit, anno cLo lD LXXXV. Vide *Thuan.* & *Meteran.* passim. Elogium hoc opidi pro coronide adjiciamus, è *Grammaye* :

*Regia Belgiadum, Majestatisque cathedra,
Fontibus excellens, cincta palude sua.*

*Virgo patrocinium, tutelam Archangelus; omnes
Cui Duci dederunt munera quisque sua.*

*Dis concessit opes, vires Mars, regnaque Iuno,
Ornatum Charites, munera quisque sua.*

*Leta polo, populoque frequens, fecunda soloque,
Latè vicinis quæ dominatur agris.*

*O quam te vocitem Bruxella! id Belgicus orbis
Non capit aut referet, quod capis urbe tuâ.*

Bruxellæ cum tres dies quievissemus, agrè reliquimus comites nostros ex Anglia nobiscum proficiscentes; illis ad Batavos euntibus supremum vale sæpè iteravimus, prius tamen cibo pauco, potuque pro more regionis accepto. Pòst, illi equos, nos currus conscendimus. Iter erat sub initium sylvosum, mox aliquanto planius, at semper commodissimum, ita ut circa meridiem levi negotio HALLAS deducti fuerimus, *tribus leucis* Bruxellâ distans; ibi in hospitio CERVÏ penes templum mediocribus impensis satis commodè sumus tractati.

H A L L Æ

Vulgo audiunt *Nostre Dame d' Haulx*. Nam
hic

—— Gallica lingua
Auditur primò, intento discenda labore.

Opi-

Opidum nomen habet à tutela aut conservatio-
ne, ut aliæ *Hallæ*, quæ passim exstant; nam ædi-
ficia, ubi merces aut homines defendi ab aeris
injurîâ solent, *Hallas* vocamus; & hæc vox no-
bis & Gallis in ore & usu est pro *Atriis*, causâ
eadem, quia ibi conventus, & in tuto ac sudo
agunt. Sic *Hallæ* Lovanii olim fuere, lanificii &
lanificum domus, modò ab Arachne ad Palladem
translata, in qua optimarum artium scientiarum-
que doctores & discipuli cottidiè operantur.
Pauca de *situ* & *arce*; plura de *templo*, & ejus
facello.

Situm est in finibus Hannoniæ, qua Braban-
tiam tangit, tertio à Bruxella, ut dixi, milliari.
Ipsam modicum est, neque opere aut ædificiis
conspicuum; à facello ei fama & ornamentum.
Ager in ambitu bonus; fœcunda pratis arvisque
planicies, quam Zenna flumen interluit, &
ipsum item opidum: atque illinc rivis amnibus-
que auctum Bruxellam, navium in ea & extra
eam patiens, venit.

ARX, Dynastarum ejus tractûs olim domus,
vel Prætorium fuit, in qua egisse sæpius, atque
etiam obiisse *Philippus Audax*, ab insigni animi
confidentia sic dictus, dicitur; frater Caroli
Quinti Galliarum Regis; is qui per matrimo-
nium Margaritæ Malanæ Flandriam cum Bra-
bantia, imò Belgicam cum Burgundia sua junxit:
Etsi *Frossardus* in opido quidem, sed in hospitio
cervi (quæ domus adhuc ibi, & insigne) non au-
tem in arce scripsit obiisse. Id fuit anno dñi mccc
1111. Mortui *intestina* sepulta sunt in hoc ipso
templo D. Virginis; cor Sandionysium amanda-
tum est, opidum Gallix, altero è Parisiis lapide,
tumulandum inibi juxta Principes sanguinis
Franciæ; corpus verò, balsamo prius conditum,
regali

regali pompâ sepeliendum deportatum est Divionem, Ducatus Burgundiæ metropolin.

TEMPLUM foro imminet, eleganti satis opere: cujus ala ingredientibus sinistra sacellum habet & aram, ac super eam statuam D. Virginis. Sacellum modicum est; ornatum à donariis & tabulis votivis habet. Concurfus huc olim, & nunc undique, etiam à longinquis locis, quotannis prima Dominica Septembris. (is status & solennis dies est.) Fuit olim sodalitas antiquitus instituta; & codex asservatur, in quem nomina dederunt. Sunt Principes utriusque sexus. inter eos *Cæsar Maximilianus I, cum uxore & liberis; Rex Angliæ Henricus VIII, cum uxore & liberis*, eidem Cæsari amicus: *Dux Brabantia, Lotharingia, Limburgi, cum uxore & liberis*: item *Dux Geldria & Iuliaci*; alii, alii. Sunt præterea duodecim partim opida, partim municipia, quæ dicta die Hallis se sistunt: id est, ab iis missi primores aliquot civium aut incolarum. Quibus Ecclesiastæ & Magistratus Hallenses obvii fiunt, comiter & honestè excipiunt, & ad ædem statuamque deducunt. Iisdem vina & cibi, benivolentiæ ergò offeruntur. Illi autem, pro suo quisque opido aut municipio, chlamydem Divæ offerunt, numero universè duodecim: aut (quia affatim jam chlamydum est) ipsas ab ædituis templi sumunt, & certam pecuniam in pios usus rependunt. In supplicatione deinde, cum statua per urbem & suburbana deferretur, illi comites sunt, & ordine etiam humeros supponunt, pia æmulatione sacrum onus affectantes. Opida sunt ista: *Athum, Tornacum, Bruxella, Valentiana, Condatum, Namurum*. Municipia autem, *Lembeca, Quijvarania, Crispinum, Brania, Busigniacum, & Sancti*. Lips. cap. xxxiv in Diva Hal. Tabula

aræ incumbens ex alabastro, elegantissimè cælata est, Joannis Artistæ opus. *Statua* haud magna (bipedalis circiter) & è puro nec medicato ligno est. *Lipsius* cap. vi dicit, eam immunem ab exitiali peste; ab incendiis, à vi bellicâ: exempla ponit, & rei monumentum statuit: Servantur, inquit, *centum circiter globi* è ferro aut lapide, in æde sacra, arcis ligneis conditi, qui triginta, quadraginta, sunt & qui sexaginta pondo libras pendunt. *Statua* illa in mediâ arâ posita, sed auro puro induc̃ta. Filium brachio uno præfert, altero florem lilii inauratum. In pectore monilis vice sunt uniones sex, puri, grandes: & in eorum medio carbunculus, sive pyropus lapis, quem *vulbinum* nos à colore vocamus. At in capite corona est puri puri auri. Sunt deinde (ut ad *donaria* & *ornamenta* sacelli veniamus) in eâdem arâ *duodecim Apostoli*, ex argento fabre satis facti: quos inibi etiam nunc est videre. simulque ad latus utrumque aræ *duos cœlestes genios*, sive angelos, eodem metallo, candelabra præferentes, & venerationem Divæ exhibentes. Supra has statuas, ibidem *duæ sunt militares*, altera pedestris, altera equestris. Istæ pariter ex argento: sed fuerunt & *duæ, eodem militari habitu, puri auri*: quarum pedestris securim, equestris lanceam manu teneret. Et hæc omnia *PHILIPPI BONI* munera, qui & *lampadem auream*, insigne munus dedit: cui aliam inauratam publica necessitas deinde substituit. Fuit & *statua*, justæ magnitudinis, dimidiata ex argento, donum ejus uxoris. Conspicitur item *fenestra vitrea* in eo sacello, variè picturata, Philippo curante & donante. Denique & *tabula* est, in qua ipse Dux supplicis habitu effingitur procumbens ad Divæ genua; & versus aliquot Gallici inscripti: annus subscri-

bitur cIo cccclv, Martii dies xx. CAROLVS filius ejus, cognomento & re AVDAX, donavit *falconem argentum*. MAXIMILIANVS I Imperat. conspicitur etiam nunc, genibus nixus, in sacelli dextro latere, tabulato paulùm altiore, loricatus, & cetero cultu militari. Ponè eum *Albertus* Dux Saxonix geniculatur, itidem armatus; qui bellis tunc Belgicis fidam fortem què operam Maximiliano præbuit, & filio ejus Philippo. Illum esse, insignia gentilicia satis ostendunt. Est & tertius, velut per submissionem paulùm ab illis remotior, genu pariter flexo: quem, ex insignibus, gentis Melunix esse apparet: ac fortasse *Robertum Melunium*, id ævi rebus consiliisque mixtum. *Dona Maximiliani* sunt, calix cum patina inauratus: cui insculpta Austriæ gentis insignia, superaddito pileo Archiducali. Ex quo liquet, sub initia, & Archiducem adhuc, dedisse. Eiusdem est *Divi Maximiliani* statua argentea, ad modum bipedalis: quæ mitram capite, crucem unâ manu, alterâ gladium gestat, & ab eo dependentes argenteas duas claves. Fama tenet, (& clavium argumento adstruas,) Bruxellenses, tunc in pacem ditionem què acceptos, velut mulctam, dependisse. Est ab eodem arbor, sive rosæ frutex, è puro auro, cum plusculis ramis floribusque, item bipedalis: quam sacratam à se Pontifex Maximiliano donum, ipse porrò Divæ Hallensi misit. CAROLVS QVINTVS Imperator, statuam argenteam viri armati, genibus nixi, manibus in cœlum sublatis, supplice habitu, dedit dicavitque. Idem scyphum grandem inauratum, operis antiqui. Idem militari formâ chlamydem, villosa serico, auro intertextam, insignibus imperii, & gentis Austriæ, decoratam. ALBERTVS AVSTRIACVS donum suspendit lampadem argenteam,

team, pondere & opere insignem: eique vestigal annuum addidit, ut in ævum ante effigiem sacram luceret. Isabella Clara Eugenia, ejus uxor, chlamydem sacravit, auro & argento intertextam. Præter hæc, est *lampas argentea*, Julii II P.M., inscripta, ANNO VIII JVLIVS PONT. MAX. Item *statua argentea* viri geniculantis, donum *Fuggerorum*. Ad summam, numerare ego xx *lampades argenteas*, usibus sacris destinatas. Præterea ibi *scipiones*, *fulcra*, *mali aut tabulæ navium*, *variæ hominum aut eventuum figuræ*. *Vincula* item; & *icunculæ* è cera, è ligno. Sed & *PENNA argentea* LIPSII, argenteis catenis appensa, ad sinistram notari debet; subrus tabula cum his versibus:

*Hanc, DIVA, PENNAM interpretem mentis meæ,
Per alta spatia quæ volavit ætheris,
Per ima quæ volavit & terræ, & maris:
Scientiæ, prudentiæ, sapientiæ
Operata semper, ausa quæ Constantiam
Describere, & vulgare; quæ civilia,
Quæ militaria, atque poliorcetica;
Quæ, ROMA, magnitudinem adstruxit tuam;
Variæque luce scripta prisce sæculi
Affecit, & perfudit: hanc PENNAM tibi
Nunc, DIVA, meritò consecravi LIPSIVS.
Nam numine istæ inchoata sunt tuo,
Et numine istæ absoluta sunt tuo.
Porrò ô benignitatis aura perpetim
Hæc spiret! & famæ fugacis in vicem,
Quam PENNA peperit, tu perenne gaudium
Vitæque, DIVA, LIPSIO pares tuo.*

Supernè ad aræ dextram suspensa sunt v vexilla, spolia Christiano Brunsvicensi ablata, & huc illata; adscriptum distichon, in quo anni numerus:

*HæC tibi sancta parens hostilia; Igna Isabella
BelgarVM prInCeps sacra tropæa VoVet.*

Extra sacellum in ipsa æde, suspensum est vexillum ingens cum cruce Burgundica, donum Buquoyanum. Videtur & inter cætera, quæ templi fastigiis erant affixa, *hæsta*, quæ cum crassitudine brachium viri robusti æquaret, telo tamen ex arcu manuali, ut vocant, emissio transfixa spectabatur, ad rei ferè miraculosæ memoriam.

Hallis refecti prandio, transeundo pagum *Thubise*, viâ satis jucundâ, ad opidum (*Gallis Braine le Comte*) devenimus, tribus à prandio milliaribus distans. Opidum perantiquum est, natum & conditum à famoso illo *Brenno*, urbis Romæ desolatore; Ejus adhuc hodie monumentum conspicitur, perantiqua quædam turris.

Hinc ad sinistram relinquitur *domuncula quædam viridis*, mirè deliciosa, arboribus contextis undique circumsepta, in quas è domo veluti in tabulata ingredi possis; domuique tignis erectis constructæ, domus ramis exurgens annexa videri potest. Subvesperam per amœnissimum nemus *Soigniacense*, *SOIGNIACVM* opidum (*Soignies*) quatuor leucarum intervallo Hallis diffidens intravimus, coenaturi *AV DAVPHIN D'OR*. Nomen sumit à fluvio allabente *Zinnâ*; opidulum amœnum situ, celebre collegio Canonico- rum, cui à *D. Vincentio* nomen est. Natalis hic locus est multis Musicis canorâ voce præditis; unde in hoc opido Princeps Cantoribus suis mercedem & annua honoraria pendere solitus fuit. Nocte hîc somno transactâ, proximâ luce ad Montes *Hannoniæ* acceleravimus, tribus emensi viam leucis circa meridiei horam; ubi incommodum in immundo fuit commorari hospitio *AV SINGE*.

MON-

MONTES.

GAllis *Mons*. Opidum existimo nomen habere à montibus seu collibus, quibus inædificatum. Est enim ejus pars quædam & angulus in montem sublimem assurgens; cujus vertex spatiosus, planities multas habet leves, & lufibus diversis aptas: In his exercere se globo juvenitus consuevit. Unde & compositissimum in ipsa valle constitutum castellum conspicitur, & amœnissimus in circumjacentes montes & silvas prospectus aperitur. Est Hannoniæ metropolis à Carolo Magno facta. Interluitur fluviolo *Trullâ*, qui è pluribus rivulis derivatus, præcipuum habet fontem ad pagum Grandrengam. Fluit Trulla continuo ferè trium leucarum spatio versùs occidentem: atque inde, in exitu hujus urbis Hainam fluvium influit. **MONTES** situ & opere sunt munitissimi; qui omni ex parte inundari possunt & aquis cingi; insuper præter sitûs vastitatem firmitatemque, robusti operis muro, & triplici admodum latâ fossâ, arceque decorantur. Accedit ædificiorum magnificentia decens; platearum amplitudo, fori spatiositas, fontium limpidissimas aquasejicientium copia. *Episcopi aula*, novum opus, sed sine omni adhuc ornatu, foris inscriptum candido muro habet: **FORTE A BELLO PAX.**

Collegium Canonicarum, & Consilium Regium, opido lumen & famam dant. Utrumque paucis. Gualtrudis illustris mulier, Lotharingiæ Princeps, pulcherrimi operis templum struxit, inque eo celeberrimum *Canonicarum* ordinem instituit, ad cultum divinum præstandum, & horas, quas vocant, Canonicas decantandas. Ordinem, inquam, nobilissimum, ut in *quem sole dynasta-*

rum & virorum magnatum filia recipiantur : hæ honesto satis proventu ab ipso collegio sustentantur, & singulas mansiones, templo ferè contiguas, incolunt. Novum & infrequens virginum religiosarum genus vidi & miratus sum. ante prandium quidem, ubi in templo sunt, divinum quid & sacerdotale præ se ferunt: vestitu hoc testantur religioso planè & candido; tunc arbitrator sacerdotibus vacant solis. post prandium, rejectâ personâ sunt quidvis; ornantur, comuntur, saltant, & credo, dicit Ioannes Secundus in suo libello itiner., tunc patent & nobis. Licet enim iisdem, cum lubet, cœnobio exire, nubere & opus pro cupidine sua agere. Collegio præest Abbatissa, luculentâ ditioe dives. Hoc tempore Hannoniæ Comites sunt Antistites sæculares, patroni, custodes, iudices, protectores ac defensores dictæ ædis, personarum in eâ viventium, & bonorum collegio relictorum; quibus & sine ullo obstaculo perfruuntur, & Antistitæ suas regendi vices mandant. Hæc autem in æternam foundationis memoriam tantam habet præeminentiam, ut succedente novo Hannoniæ Comite ipsa cum magna sollemnitate suscipiat, ac in Comitatus & dignitatis abbatialis aliorumque bonorum à collegio dependentium possessionem immittat: ipso contra iurejurando se obstringente ad privilegia omnia, immunitates, exemptiones, consuetudines & professiones templi & cœnobii conservandas. Præterea heic sunt Canonici aliquot, sed vix alii rei, quàm negotiis huius Collegii procurandis. In ipsa Æde harum virginum, sepulchrum non inartificiosum est, in quo sculpta mortui & jam putrescentis hominis imago jacet, eâ specie, ut vel vomitum possit excitare, plurimum autem & re docuit, & arte oblectavit.

Con-

Consilium Regium sive Provinciale, quod *Montibus* est, Hannoniæ Comitatum judicat, Valen-
rianis modò exceptis. Judicat autem Senatus
hic (qui constat Regio Provinciæ hujus Gu-
bernatore, & quatuor Senatoribus definitivè;
suntque sententiæ ejus decretoriæ, nec Me-
chliniæ aut alibi retractantur. cumque de plano
(forensi verbo) heic procedant, utanturque suis
municipalibus legibus; sit ut sine ambagibus ullis
triciſve, sed ex æquo & bono, unicuique redda-
tur jus. neque verò pronuntiatur heic decreto-
ria ulla sententia, nisi interveniente supremo
Hannoniæ terræ Ballivio, tamquam Principis in
civilibus simul & capitalibus causis vicario. *Guic-
ciard. heic.*

Coronidis loco *adversæ urbis* adjiciam, quo-
modo *Montes* astutiâ militari à Ludovico Nassovio
intercepti. *Meter. lib. iv*, cujus & *Thuan. lib.*
II meminit, habet historiam. nos è *Meursio, lib.*
III rer. Belg. hanc damus: Nassovius cum Lano-
vio & Jenlisio de Montibus opprimendis deli-
berat. ea urbs Hannoniæ prima, augustis ædibus,
curiâ provinciæ, & antiqua arce insignis. mœnia
solida è lapide quadrato, atque in illis turres cre-
bræ, & propugnacula. circum fossa triplex ambir.
ab hac initium audendi factum: ut, quantum ani-
mi ad vindicandam libertatem adferret, illustri
exemplo in ipso statim principio ostenderet; &
de reliquo conatûs egregii successu provinci-
bus spem aut conjecturam daret. Et accesserat
pridem Antonius quidam Olivarius, fecialis,
pictorque, qui impetrata ab Albano venia, ceu
res Gallicas exploraturus, animû ejus sollici-
taverat; asseverans, si cum copiis saltem exiguis
ad urbem accederet, fore oppidanorum plus 10 cc
qui se adjungerent. Igitur cum equitibus levis ar-

maturæ Io, scloperariis clo, clàm sub vesperam ad urbem venit; copiisque in silvâ vicinâ occultatis, duodecim aliquot selectos milites, casum tenturos, emittit: qui dissimulato habitu, ceu vinarii mercatores, idem diversorium ingressi inter coenam hospitem rogant, quâ portæ aperiendæ horâ. esse ipsis vini plurimum, ob solis æstus noctu advehendum, atque is, ignarus doli, quartam dicit. attamen, si maturiùs vellent, aliquid custodi promitterent, qui tempus non gravatè præverteret. ita summo mane hunc accedentes, cum ad spem pretii portam maturiùs aperuisset, hominem obtruncant, clavesque eripiunt. inde urbem è vestigio cum equitibus L. Nassövius invadens, eos per vicos disponit, ac, sicubi ostia aut fenestras aperiri conspicerent, illuc sclopos explodere jubet. & vociferari interim, *ne timerent, aut hostile quicquam tentarent. adesse libertatis auxilios, & Anriacum in propinquo, qui decimæ tributum gravissimasque Albani exactiones averteret.* Id aliquot horis tam incondito clamore actum, ut vel milleni in armis esse viderentur. Urbe captâ, dum sic domus obsiderentur, neque reliquæ copię procederent, ociùs se Nassövius proripit, cogniturus quid morarentur. itaque per silvam oberrantes equites quingentos, singulos à tergo pedites veherent, in urbem ducit. inde curiâ occupatâ portas claudit, ac per vallum excubias statuit. tum Magistratum convocatum blandè affatur: *non hostem, sed amicum venisse; proinde illasam urbem habituros. adventare Anriacum fratrem, cujus nomine rem tam magnam inceptasset. nihil aliud animo agitare, quam ut florentissimum pridem Belgium contra vim Albani adjuvaret. eâ oratione definiti, se suaq; omnes illi ultro permiscere.* Deinde incertis obsequii civibus arma adi-

mit;

mit; alios consueta artificia, aut commercia, exercere per tubicinem jubet: suos protervè agere vetat. Inventa ibi arma multa, & cætera belli instrumenta; ærarium ingens. sed, ut in urbe limitaneâ, commeatus exiguus, gaza plurima, plurimum sacræ supellectilis, & ex auro argentovæ imagines sanctorum, quas vicinæ Abbatix & monasteria, famâ captæ per Lumæum Brilæ territa, ceu in loco maximè tuto asservandas deposuerant. Hæc ille. Ita Montes capti; verùm eodem anno ab Hispanis rursus obsessi & dediti sunt, ut Historici, de quibus suprâ, referunt.

Montibus egressi, BOSSUTVM venimus, duabus inde cum dimidiâ leucis abjunctum. pagus sanè quàm lautus, & pulcherrimo non Hannoniæ modò sed & Belgicæ universæ castro spectabilis, id eoque & Comitatus dignitatem à Carolo V Imperatore consequutus.

Inde *Kieuraing* pagum habuimus, & quod reliquum erat viæ usque ad *Vallem-cygnum* sine molestia devoravimus, opidum VII leucis Montibus dissitum; ubi cœnam pro more regionis non ita amplam, amplo tamen in hospitio, à *la ville d' Orleans*, habuimus.

VALENTIANÆ.

V*Alenchiennes* vulgò. Nomen opidi Historici derivare volunt ab Imperatore Valentiniano qui in hunc locum delatus, & amœnitate fertilitateque ac temperato illius cœlo mirificè captus, aliquamdiu heic substitit, & circa qualemcumque arcem hanc urbem fundavit, vocatam de nomine suo *Valentinianam*.

Sed urbis videamus MATERIALE & FORMALE. Illud in situ & ædificiis. Situs, partim in valle quadam amœnissima ad Scaldim flumen, quod

opidum ferè medium interluit, & junctâ Ronellâ, altero ad portam Cardonam intrante fluviolo, tantum aquæ adducit, ut præter complusculas insulas, per singulos ferè vicos subter domos labatur perennis quidam & jugis rivus, non privatis dumtaxat civium usibus, sed universim quoque urbi muniendæ peropportunus, ita ut foris potior urbis pars inundari, intus autem singulis panè passibus exstrui possint propugnacula: *partim* in adscensu est, & collium formam obtinet; hæc lata profundæque fossæ, vallis & muris validissimis communitæ. Hinc à situ æstimatur, *munitum* quî sit opidum, ita ut non nisi gemino exercitu obsideri possit, & hosti expugnatio detur difficilis. Alioquin sanè amplum, amœnum, plurimisquæ admodum sumtuosis ac magnificis ædificiis concinnum. Quæ nunc, sed paucis, videbimus, sunt *sacra*, sunt *politica*. Templum D. Virginis (incolis *notre Dame la grande*) primarium est; ædificium antiquum, sed artificioso opere factum, redolens vetustatem, ac numine plenum videbatur, lumen admittens quale ferè silvæ. Laterna illis dicitur; in medio fornicis lucem diurnam transmittit ad loca subtus posita. Columnæ ibi triplici ordine distinguuntur solido è lapide, teretes & leves, usque adedò ut natæ videri potuerint, partim è marmore, partim è porphyrite: mirandos efficiunt arcus, & amplissima infra supraquæ inambulantibus præbent spatia, grato sanè & peramœno adpectu.

Præter templum *Ioannitanum*, cœnobîa adeantur. *Franciscanorum*, amplum & pulchrum est, tumulis Principum & epitaphiis exornatum. *Dominicanorum* LXXX fratribus claret, & tumulo Joannis Avennensis, Balduini Imperatoris Constantinopolitani nepotis.

Reli-

Religioni & piis usibus plura sunt dicata loca. Est *schola*, quâ iuventus Græcè & Latinè docetur. Est *domus orphanorum*, ubi tenuioris fortunæ pueri puellæque, à pluribus utriusque sexûs magistris varia discunt opificia: & hæc omnia ad insignem disciplinam, & exactas leges.

Politicis ædificiis famam dant *prætorium*, *palatium Comitum*, & *armamentarium*. Hoc spectabile quidem, sed non dives. Istud in angulo quodam versùs Scaldim situm est, olim *aula Comitum*, vulgò *la sale du Comte*; antiquitus audiebat *aula Imperatoris*; ubi & loci ipsius splendore & cœli salubritate capti Hannoniæ Comites, iidemque Valentianarum Domini, ut plurimum olim habitabant. Illud, *prætorium* nimirum, vulgò dictum *la halle*, primario opidi foro impositum, cuius frontispicium totum è secto per artem lapide; fenestris & valvis variè ornatum; eo adspectu & magnificentia, ut splendorem conciliet toti foro. Insunt huic ædificio, ab eadem manu & opere, *templum D. Petri*; Eximium insuper *horologium*; quod in edito positum, etiam procul abstantibus est conspicuum; neque horas tantum, sed & lunæ aliorumque planetarum cursum, menses item & quatuor anni tempora, dierum longitudinem, alia, alia, demonstrat. Horologio subest, *forum frumentarium*, amplum sanè ac spatiosum, nec injuriæ tempestatum aërisve expositum. Suprà, *lanarum mercatus*; mox *ludus gladiatorius*; inde *pannorum mercatus*. Magistratuum urbanorum item *curia*, amplæ & laxæ; nec non *publicus carcer*. Ita ut unicum istud ædificii corpus, quæsitâ quâdam capacitate, omnia benè complectatur membra publicis opidi usibus necessaria. Opus hodiè benè & aptè commensuratum, splendidum atque

magnificum , natum auctore *Guilielmo* cognomento *Bono* , Hannoniæ , Hollandiæ & Zeelandiæ Comite.

His operibus publicis adjici possunt x *pontes* , Scaldi injecti fluvio ; quibus superstructæ sunt amplæ quædam & commodæ mansiones , habitatae ut plurimum à privatis istis aulæ , publicisque Hannoniæ terræ Quæstoribus , aliisque ministris Principalibus ; qui omnes , vestigalium omnium urbanorum sunt immunes.

FORMALE in Magistratu & Subditis consistit. *Valentianæ* cum peculiarem ditionem constituent , ac legibus ab Hannonicis longè diversis utantur , duplici Magistratui subsunt. In ecclesiasticis superiorem agnoscunt Archiepiscopum Cameracensem ; cujus nomine sedem heic habet Archidiaconus : In politicis non ad Senatum Montensem , sed rectà Mechliniam provocatur. Politicus autem Magistratus superior est Dux Burgundiæ ; pari omninò ratione ac jure , quo & cæteræ Belgicæ provinciæ. Inferior Magistratus est pro sententia dicenda triplicis ordinis. *Supremus* , Præposito & XII Adfessoribus constat ; qui è primariis opidi civibus deliguntur , & varios administratos sibi habent adjunctos. hodiè hic quotannis renovatur. *Medius* , quem *Particularem* vulgò vocant , ex aliis quinque & viginti boni loci civibus constat. hic , petente summo Magistratu , res ad opidi statum pertinentes tractat , ac nonnumquam augeri solet bono aliquo civium numero , qui , ut melior habeatur consilii copia , & pro rerum tractandarum necessitate , advocantur. *Tertius* Magistratus veteri more & privilegio , in negotiis majoris momenti , quæ publicum bonum respiciunt , convocatur ad pulsam majoris campanæ , & repræ-

sentat universum populum, è more Romanorum, apud quos Comitia centuriata. hinc *Centum-viri* dici possunt: non enim haberi potest hoc concilium generale, nisi cum centum ut minimum civium interventu, nullo alienigenâ in numerum hunc intrante. In hoc concilio liberum unicuique civi, etsi prorsus privato, (quod non alibi tamen in toto hoc Belgio usurpatur) super iis quæ nomine Magistratus & Concilii particularis exponuntur ab ordinario Reipublicæ Syndico, sententiam suam dicere. Curia verò à legibus habet famam, à gubernandi ratione lumen: utraque & in civilibus simul, & criminalibus, ita heic exacta, ut exteri multoties exempla hinc sibi petierint, quæ in patriæ statu constituendo sequerentur. Guicciardinus allegat *Norimbergenses*; qui cùm ad multas urbes certos homines mitterent, ut exemplo veterum Romanorum (qui ad Athenienses) viris prudentibus benè notando, aliarum gentium laudabiles leges in usum suum transferrent, eas hîc invenerunt consuetudines, ut cupidè statim nonnullas arripuerint, quæ hucusque in excellenti illa optimeque instituta republica observantur.

Jam ad *SVBDITOS*; quorum etsi multi nobiles, tamen maximam partem cives mercaturæ & artibus manuariis operantur. Heic emporium vini Gallici (*de stapel*) mercatorum opus auget; Heic linteum Cameracense (*Kammerduech*) contextitur; panni undulati & mocajarri, & alia mercium similium genera conficiuntur. Unde fit, ut mercatores, industriè rei suæ incumbentes, & opibus affluant, & quamplurimos tenuioris fortunæ homines occupent ac sustentent.

Ita urbi huic quod est, vidimus & dedimus;

alii quod scripserunt, nos testamur à visu. quod hostis Hispanus ei diminuit, apud *Meter. vide lib. VI.*

Postridie *Vallemcygnum* reliquimus, ad opidum *Cambresii* viâ planissimâ patentissimâque adcurrentes. In via, ad pagum *Happam*, situs est viculus, vulgò dictus *Ayennes le sec*; ubi candidum lapidem erui quotidie scimus. candore ad marmor accedit, & facili labore subigitur & formatur; ferro obedientissimus, & cuius instrumento se submittit secandum & sculpendum, nullo planè vel scissionis vel rupturæ periculo. Statuarii, quia lapis naturâ infirmus, nec ferendis cœli injuriis, imbribus, nive, & ventis marinis est, excogitarunt consolidandi rationem: imbuunt nimirum benè multo oleo, gummi juniperino, aliisque adscitis unguentis, & ita validam ei invictamque crustam inducunt, ut operis perpetuitatem faciat. Sed oculum ad opidum quod septimo Valentianis distat lapide; ibi prandium A LA TESTE DV PORC; aliàs insigne prostat A Q V I L A IMPERII ROMANI.

C A M E R A C U M.

TEutonicè *Camerick*: Gallicè *Cambray*; *Cambracum* Poëta, qui canit:

Cambracum, titulis auctam Imperialibus urbem,

Commendant bellum, forma, cathedra, situs.

Sunt qui à Cambro, Cimbrorum atque Tungrorum Rege, denominatum volunt opidum; sed sine capite, sine authore fide digno, hæc asseruntur. Certiora ex annalibus habemus, qui referunt, à Carolo Magno Cameracum moenibus instructum, etiam si initium ejus & origo ignoretur. Sed ad urbem. Sita est ad Scaldim flumen,

men, quod mediam ferè interluit prospectu amœnissimo; ambitu alioquin sat magna, mœnibus turribusque valida. de hac anonymus Franciæ Historiæ scriptor; *Cameracum urbs magna, sita partim in valle, partim in acclivi, nullam propugnaculorum, mœnium, munitionis ad novum morem habens similitudinem.* (ita tunc temporis; nunc aliter se res habet.) quæ Franciam respicit & Orientem, campo agroque, arvo per Ioccc ante cIdo passus plano se totam offert aspiciendam, ita tamen ut versus urbem leni descensu, nullis umbrarum obstaculis, nullo arborum interceptu tendatur: versus Occidentem loco humiliori suburbanum ingens, & horti prataque secundum flumen optima: ad Meridiem ultra planiciem nonnihil declivem prospicit amœna vallium, & collium distinctione picturatos agros: ad Septentrionem collis est opido impendens.

Jam ad PARTES. Externæ, sunt PORTAE, numero quinque; *la porte neuve, Sainte Sepulchre, Cantimpre, de Selle, de Malle.* Et CASTRUM, genio loci, & arte humanâ valde munitum; quod in edito loco situm Carolo V Imper. sua debet initia. Hic enim à consiliis nescio quibus Gallorum male sibi metuens, Landrecæis anno cIdo XLIII ab ipso captis, statim ut illi recesserant, cum exercitûs parte urbem intravit. Et quo tutam præstaret ab hostili omni insultu, ditionesque Belgicas stabiliret, exstruendam curavit munitissimam hanc arcem. Hodie à præsidio Hispanico servatur, & tantâ curâ, ut adpectus ejus hospitibus adventantibus innoxius vix concedatur: quin si quis sit qui in murorum fossarumque contemplatione commoretur, nihil etiam doli meditans, in periculo summo constituitur, ne sclopetorum displosione illinc abi-

ga-

gatur, aut non abigatur potius, sed prostratus extremum ibi vestigium ponat. Eâdem fere vigilantia *Mediolani* castrum custoditur, ubi vel sine Gubernatoris scitu & permissu nec licet extus ad fossam castelli exspatiari: Quod & *Senis* vidimus, ubi tormenta minora in adpropinquantem viatorem innox exonerantur.

Internæ partes, sunt *TEMPLA*, inter quæ primas tenet *Deipara* Virgini consecratum, ad petitionem *Philippi II* Regis *Hispan.* à Papa in metropolitanum conversum. amplissimâ dicecesi longè lateque protensâ gaudet. ædificium partim sæculum priscum redolet, partim novitatem nescio quam nostram præ se fert. Qualecumque est autem, *Episcoporum* defunctorum monumentis longo ordine constitutis, & horologio ipso etiam illo priore eccellente magis, non potest non esse insigne. Insuper *Luce* Evangelistæ tabula ibi ostenditur, magni artificii opus, quo *Elisabetha* tramontana invisit *Mariam*. Præter hoc summum, sunt adhuc *parochiæ* IX; *abbatiæ* III; *cænobia viro- rum* IV, inter quæ *Jesu- itæ*, qui hic gymnasium occupant, docent. *Fæminarum* item III. *Xenodochia* & nosocomia plura; inter quæ illud *S. Lazari* celebre & opulentum, fovendis indigenis *Cameracensibus* leprâ infectis destinatum. Internis his sacris, ad numero *politica ædificia*: nimirum *PALATIVM* *ARCHIEPISCOPI*: *CURIAM*; quæ extus habet lapide incisa omnium ecclesiasticorum & sæcularium Electorum insignia; in quorum medio statua *Caroli V* cum aureo vellere; mox artificiosum horologium. *PONTES* item diversos, & *FORA* rerum venalium, quæ tamen huc venientem non morabuntur. Unum ex his amplum est, cujus unâ ex parte in circumjacentes mon-
tes

tes sublimes, & arbutis & segete virentes, prospectus aperitur : altera pars templum oculis objicit turri acutissima insigne, & ædificia splendida.

FORMALE tribus verbis dicemus in *Magistratu & Subditis*. Archiepiscopi, sæculares simul & ecclesiastici urbis & territorii Cameracensis sunt Domini, sic, ut titulos vulgò scribant, Archiepiscoporum & Ducum Cameracensium, Principum sacri Romani imperii, Comitum Cameracensium; licet in temporalibus sub protectione Regis Hispaniarum sint, & in spiritualibus agnoverint olim Archiepiscopum Rhemensem. *Subditorum status* locuples est populo, commerciis, & mechanicis artibus. Texuntur hinc lineæ telæ (*kamerdoeck*), quæ operum subtilitate Arachneos labores, ne dicam Palladias manus provocant, toto orbe notissimæ, Regum ac Reginarum præcipuæ deliciæ; quarum cum nive certat candor, cum sindone tenuitas, cum bysso pretium: & quidem tantâ copiâ, ut à nonnullis observatum sit heic singulis annis sexaginta minimum tenuissimi hujus carbasi fascium millia confici, quorum singuli quadragenis ferè florenis taxentur: sic, ut in vicies quater centena millia florenorum abeat ratio. Quandoque fasciculus longitudine *xxii* ulnarum est, pondere *vi*, *vii*, ad summum *ix* unciarum, pretio *ccc* florenorum. *Meter lib. xv.*

Ita urbs in incremento; *decrementa* iterata multoties habuit à bello; mox statibus Belgicis, mox Gallo, mox Hispano, iterum Gallo, tandem Hispano subiecta mansit. Anno *cIdoLiii* Henricus Gall. Rex, cum immineret urbi, nec posset eam pro voto in partes suas pertrahere, Cameracenses declaravit sibi hostes: at sine ulla ta-

la tamen ulteriori mutatione, vel civitatis detrimento. Anno cId Id LXXXI Cameracum ab Hispanis longo tempore obsessum, intercluso omni commeatu, in summis angustiis versabatur, adeò ut tantum equis, felium & glirium carnibus in urbe obsessi vescerentur. tanta verò erat caritas, ut vacca cc, ovis L flo., libra butyri xxiv, casei xxx, ovum ii, uncia salis viii stuferis veniret; ac postremò cum nihil salis superaret, quidvis, unde falsedo elici posset, elixabatur, & iterum atque iterum coquebatur, donec in inuriam aut falsedinem verteretur. Laborantibus cum exercitu præsto fuit Andinus, qui etiam armatus magnâ pompâ urbem post ingressus & festis populi tamquam patriæ liberatori acclamantis vocibus est exceptus. *Thuan. lib. LXXIV.* Ita mansit urbs sacramento obstricta in devotione Gallorum aliquot annos, donec anno cId Id xcv Comes Fuentius, nomine Regis Hispaniæ, eam iterum obsedit, & deditione cepit, ita ut ex eo tempore perpetuum habuerit militem Hispanicum in præsidio, & usque dum limes Belgii sit Galliam versus.

His *Cameraci* visis & consideratis, prandioque sumto, progressi sumus è territorio Hispanico, ad primam Franciæ urbem *Peronnam* anhelantes; quam & post viii leucas sub vesperam attrigimus. hospitium ad *insigne Cervi* habuimus, sed durum cubile cum culina vacua. Ad opidum ubi ventum est, custodes portarum, qui in præsidio ibi, seriò inquirunt, & ferè iurjurandum exigunt de sclopetis & ejusdem generis armis; quæ si tecum habeas, satius est ibi deponere, & sub abitum ex opido repetere, quàm non profiteri, & ita periculum capitis incurere.

PERONNA.

GAllis *Peronne*. Prima Gallix civitas est hac parte accedenti, sita in Picardia, ad Austrum, ubi Somonæ & paludibus adjacet, naturâ est munita; alias quâ partes, opere manuario munitissima. Fluvius Somona, vulgò *Somme*, non admodum largus, sed altus, *asserente Massonio*; numquam astringitur gelu: uno loco periculosissimè navigatur, propter cæcum gurgitem, accolis tamen cognitum. Oritur in vico Veromanduorum Fervaquio, unde S. Quintini municipium perit: inde *Peronam* progreditur, ubi flumen ponte jungitur; dehinc Corbiam, Ambianum, Abbatis villam alluit, donec in mare egreditur prope Crotosium urbem, castellum portumque Pontivi. ita omnem Picardiam penetrat, humectando fertilitatem auget; ita ut granarium Parisiensium dicatur Picardia. caret vitibus, sed incuriâ habitantium, non malitiâ soli aërisve asperitate.

Inter ædificia, *templum B. Virginis*, in quo Canonici è Hybernia; lustrandum ob architecturam admirabilem, imò pares cui Francia non multas habet. Chorus ex auro puro fulgens omnibus Picardiæ aliis palmam præripit. *Alterum*, quod famam auget, est; Heic Heribertus Veromanduorum Comes, captivum detinuit Carolum Simplicem Galliarum Regem; ubi mortuus & sepultus est, maximè conturbato suo regno. *Nec ultimum* est, quod heic detestandi & ad omnis divini & humani juris subversionem tendentis fæderis (*sanctæ ligæ*) prima initia facta fuerint: quod, præmissis SS. Trinitatis nomine, tactis sacrosanctis Euangelis, jurisjurandi formulâ pronuntiata, principes, reguli, nobiles,

opi-

opidani inierunt, autoribus Guisii, ad restituendum ~~is~~ integrum legem Dei, conservandum sanctissimum ipsius cultum juxta formam & ritum S. R. E., abjuratis ac rejectis omnibus erroribus ei adversantibus, ad tuendum Regem Henricum III, salvis obsequio, cultu ac reverentiâ, quæ illi à subditis debentur. de hoc foedere vide *Thuan lib. LXIII, & Meter. lib. xv.*

Hinc sequenti die, pane paucissimoque vino, non tam famis aut sitis causâ quàm pro more, accepto, iter continuavimus. Primum NESLAM propugnaculum, hac parte regni validissimum offendimus. Post, ROTAM opidum non contemnendum, arce munitum, VII milliarib. Peronnâ dissitum; quod nobis tenue prandium *au cheval blanc* largiebatur. Festinabamus ad opidum GOVERNAY, V millibus; quo coenam & cubile pro situ loci sat commodum habuimus *au cheval blanc*. In præsidio ibi aliquot cohortes Helvetiorum, sub duce Friderico Hessio, Equite de Glaris. Hinc, gallo diem nunciante, qui erat Sacrum Pentecostes, cùm nostrorum multi somno nondum renunciaissent, ego pedes, comite uno assumpto, iter progredi, relicto retrò omni alio comitatu sponte suâ. Anhelabamus COMPENDIVM, (*Compiègne*,) quod & circa nonam inivimus, visum Regem ulcerosos tangentem & sanantem. Morbus est alioquin incurabilis, dictus *hernia gutturis*, vulgairement *les escroûelles*. Originem hæc & modum hujus actûs paucis, ut ut vidi, deformabo pace tuâ, amice lector.

COMPIEGNE.

O Riginem idiomate Gallico (ut habet Barbier, Advocatus Consistorialis in Parlamento Delphinatûs, in suo tractatu de miraculosis effectibus

Etibus sacra manus Regum Gallia) en hanc; cui quantum tribuere velis, penes te sit. ita verò ille: Clouis premier Roy Chrestien, fut le premier qui en receut les tesmoignages incontinent apres sa conversion, ayant esté attiré au Christianisme par les saintes exhortations & prieres de la Royne Clotilde sa femme, & par les voeux du bien-heureux saint Remy Archevesque de Rheims, qui en mesme temps receut la sainte ampoule envoyée du ciel, pleine du saint chresme, duquel il oignit le Roy qui fust apres appellé Louys. Or ceste onction fut bien tost accompagnée de miracles, comme apert par la lettre, que le Pape Hormisdas escrivit à S. Remy, en ces mots :

Nous te commettons par ce present, pouvoir pour nostre Vicaire en tout le Royaume de nostre bien-aimé fils Louys, lequel à esté depuis naguères avec tout son peuple converty à la foy, à l'aide de la grace & faveur celeste, avec grand nombre de miracles accomparables à ceux qui faisoient du temps des Apostres.

S. Thomas au livre second du regime des Princes confirme les miracles faits en la conversion de Clouis, & Genebrand employe les autoritez d'iceluy au livre troisieme de ses chroniques. Mais pour le sujet que nous traitons maintenant, ceste histoire est digne de remarque, reticee par Forcadet livre premier de l'empire & philosophie des François. Clouis cherissoit grandement un sien escuyer nommé Lanicet, qui se trouva atteint & grievement malade des escrouelles, qui, pour sa guerison avoit recherché toute sorte de remedes, mesme suyvant le

con-

conseil de Corneille Celse, en son livre 5. chap. 28. il avoit aveallé une couleuvre, mais en vain, car la rebellion de la maladie surmontoit tous les remedes. ce qui rendit Lanicet si honteux, qu'il n'osoit plus paroistre aux compagnies, & se cachoit. En mesme temps le Roy songea qu'il manioit & tatannoit la gorge de son Lanicet, & que soudain la chambre fut remplie de flamme resplendissante, & que Lanicet guerit. Le lendemain le Roy s'estant préparé par prieres, voulut essayer s'il pourroit par son attouchement arracher ceste maladie; ce qui arriva au grand contentement des assistans, que tous remercierent Dieu d'un si grand benefice. Paulò post subjungit exempla, dicens: Ace propos je suis obligé de dire, que venant du Dauphiné à Paris, je rencontray en chemin grand nombre de malades estrangers, qui se hastoient pour se trouver à la feste de Pentecoste, & recevoir le salutaire attouchement des mains de sa Majesté. Entre autres il y avoit trois gentils-hommes Italiens, qui marquoient par leur equipage d'estre de grande maison; à l'un desquels la maladie des escroüelles estoit assez apparente. Les ayant abordez, je m'entretins longuement avec eux sur le subject de leur voyage, mais particulièrement, si ceux, qui estoient venus autres fois de leur país en France à mesme fin, s'en estoient bien trouvez: Ouy, respondirent ils, voire ont esté entieriment gueris; car sans cela nous ne serions pas venus de si loing avec tant de peine & de despence: mais nous esperons en Dieu, que ce ne sera pas en vain, & que nous recevrons mesme grace que les autres. Pareille response me fist une Dame Portugaise, laquelle estoit venue par mer jusques à la Rochelle sur un vaisseau de son mary, & se rendit à saint Germain la veille de Pentecoste, où elle se logea tout proche de mon logis. J'eus aussi le soing de m'informer

former de plusieurs autres malades , touchant ceux qui avoient esté touchés en ce regne. quelques uns me dirent d'avoir ja esté touchés , & avoir receu grand allegement ; & que pour leur entiere guerison ils recouroient derechef au remede : mais plusieurs autres estoient du tout gueris en leur país pour avoir esté touchés une seule fois. Nous lisons , que le Roy François premier de ce nom, lors qu'il estoit prisonnier en Espagne, guerissoit les Espagnols , & autres qui se presentoient à luy ; ce que Dieu luy octroya selon ses misericordes accoustumées , pour le consoler au temps de son affliction ; l'asseurant par ce moyen, que la prison ne luy pouvoit ravir ce qui luy avoit esté donné & conservé par grace , & que la protection divine s'estend par tout puissamment , où ses serviteurs sont ; ce que le docteur Scaliger a elegamment représenté par ces vers :

Ergo manu admorâ sanat Rex chœradas , estq;
Captivus superis gratus ut antè fuit.

Indicio tali, Regum sanctissime , qui te
Arcent , invisos suspicor esse Deis.

Mais il faut remarquer , que ceste vertu de guerir qu'ont nos Rois, ne naist pas naturellement avec eux, & ne decoule pas en eux , comme une propriété naturelle & particuliere à leur famille commune aux descendans d'icelle ; car tous ceux qui sont du sang Royal n'ont pas ce privilege , ains celuy seul qui succede legitimement à l'autre, soit fils , frere , ou neveu. Tantum Barbier.

Modus, quo tactus regius proficitur, talis est:
Morbo illo affecti in genua procumbunt , pro-
tensiori in gyrum formâ ; quandoque in area sub
dio , quandoque in conclavi , pro sanandorum
numerositate, adventum Regis expectantes. Rex
maximè solemnibus festis , nativitatis, paschæ,
pentecostes , omniumque sanctorum , celebratâ
piùs

prius missâ , sacrum hoc opus peragit. Præeunt cohors Helvetiorum , officarii aulici ; proximè sceptrum Regale cum lilio , & sceptrum cum manu justitiæ , Regi præferuntur : Insequitur Rex , nudus capite , collo appensa habens insignia Equitum S. Spiritûs. Adest Regi , priusquàm sacram manum extendit , aliquis qui tangendum manibus prehendit. (causam lubens prætereo.) Rex binis digitis frontem & tempora sanandi leviter , efficaciter tamen tangit , cruceq; capiti adpositâ inquit : *Dieu te guerisse , le Roy te touche , au nom du Pere , du Fils , & du Saint Esprit.* Regem sequuntur qui eleemosynas distribuunt pro viatico ; longius absitis decem & quindecim solidos : propioribus quinque & octo. Ita Sacrum hoc finitur.

Opidum aliquibus dicitur ædificatum ad formam Constantinopolis , & inde ei nomen *Carlopolis* , & *Carnople* , à Carolo Calvo , qui pomeria ejus scribitur produxisse & munivisse , quemadmodum Constantinopolis à Constantino Magno. Locus est venationi commodissimus , & ob id *regalis sedes* dictus ; item *Compendium regium* ; & *Convicinum*. Antiquitates Franciæ narrant historiam , quæ Philippo II cognomine Augusto evenit , in nemore vicino venatum cum exiisset ; quam lector *ibi pag. 402* videre potis est.

Abbatia in opido est , *Cornelio* sacrata , in quo sudarium , quo Salvator involutus fuit à morte , conspici dicitur. Præter hanc , sunt conventus *Jacobinorum* & *Cordigerorum*. Unum , quod heic notabis : Anno cIdo lxxxix , cum Henricus III apud sanum S. Clodii sceleratâ manu confossus esset , cor ejus ibi tumulatum , corpus verò in hanc regalem sedem deductum & depositum est.

Sed

Sed revertamur ad iter nostrum. Ego cum comite meo pedes eram, anhelantes Sylvanectum; ubi manè retro relictis nos cœnâ & cubili jungere in votis erat; verum uterque nostrum æstus calore & nocte obscurâ superveniente didicimus, quàm fuerit insuave non habuisse illud quod est apud Tibullum;

—— *Dormire sub umbrâ*

Arboris ad ripam prætereuntis aquæ:

nec illud Senecæ potuisse experiri:

Cesspes Tyrio mollior ostro

Selet imparidos ducere somnos.

in cœmeterio quodam sub dio, sed obscuro, cùm omne hospitalitatis jus nobis denegatum esset, pernoctandum nobis erat. Sequenti manè, auroram præoccupantes, surreximus, &, quod reliquum itineris, SYLVANECTVM usque (SENLS) perfecimus, *Compendio xlii leucis* diffitum: Hospitium, quo comites nostri pridie recepti erant, *S. Eloy* dicebatur; non injucundè ibi vixisse videbantur, ut testabantur actus adstantes.

SENLS

LAtinis *Silvanectum* dictum quidam augurantur, quod silvæ nectatur. Opidum est in Ducatu Valesio; præter episcopatum, præfecturâ & ballivatu nobile. Clarum à proelio anno c10 10 LXXXIX ibi commissio inter foederis socios & regios: illis Dux Aumalius; istis Longevillaus & Lanovius præfecti erant. Historiam vide apud *Serrem* in vita *Henrici III.*

Silvanecto unius diei iter est, nec magnum, Parisios, x leucarum. Levati itaque lecto comites mei, mox pro more regionis jentaculo tamen prius sumto, ingressi mecum sunt viam; & visis pagis, *Pont Hermenbois, la Chapelle, saint Ladre,*

G

circa

circa meridiem ad vicum LOEUVRE delati, ibi AV
CHEVAL ROUGE pransi, festinabamus ad insi-
gnem PARISIORVM urbem, viâ plana, cœlo sudo,
itinere tamen suspenso à curru molesto. Urbs
quòd in vallem depressa est, propinquum quo-
que viatorem fallit; eapropter suspiria & desi-
deria evocat, auget, iis qui multum molestiæ in
via devorarunt, priusquam dicere possunt:

*Urbs orbi similis, toto & celeberrima mundo,
Musarum sedes, regina Lutetia, salve.*

Francigena tu metropolis pulcherrima gentis;

Hospitio Regem grato, Regisque ministros

Excipis, & reliquas das iura suprema per urbes.

(Chytr. in itin. Paris.) Hæc sperat à quiete & re-
fectione fruebamur, divertentes ad Miltonium, ho-
spitem æquum & bonæ notæ, ad insigne ferrea
Crucis, vulgò à la Croix de fer, in vico Sanct-
Martiniano.

L V T E T I A M

Priusquam deformem, operæ pretium duxi
circumsita nobiliora loca hic, prout mihi visa,
explanare: Nam inter peregrinantes hodiè vul-
garis mos obtinet, ut quilibet avidus novita-
tum & particularium, præ altero suis quid ta-
bellis particulare inscribere, & inde famæ suæ
hoc augmentum esse velit. Unde fit, ut confecto
diversis temporibus ejusdemque regni curricu-
lo, sese invicem visitantes, maximè ubi notitia
familiaris inter eos intercedit, examinent, in-
quirant quid hoc vel illo loco visum notatum-
que sit. ibi non rarò evenit, ut rudera, loca de-
serta, farrâ sepulta, nihilominus tamen aliqui-
bus pro opinione sua tanti sint æstimmii & elogii
ac si mera essent Mausolea & Lutetiæ, magno
audientis fastidio & verum peregrinationis fru-
ctum

ctum animo reputantis. Communem esse errorem dico cum emunctioribus, multas locorum intercapedines ingenti sumtu emetiri, ubi nec sit quod animus virtutis & prudentiæ civilis amans, discere si velit, possit, & quæ possit, nolit: aliàs rectè peregrinatos dicerem quosdam nautas Batavos, qui per eas orbis partes stipendiis invitati, ligneis equis per cœruleas Neptuni plagas volarunt, quarum nomina omnibus ævi temporibus nec hominibus nec historicis cognita fuerunt, qui tamen ita virtutibus instructi redeunt, ut abierunt. Ut ut hæc vera sunt, tamen in judicia nostra proba tyrannidem exercet mos improbus, sæpiusque invitis oculis & palato famis indocili curriculum aliquod obimus, unde præter vacuefactam crumenam nihil nobiscum reportamus, licet apud alios qui idem iter aut inierunt aut in-eundum perficiendumque, ab aliis persuasi, rem necessitatis esse credunt, opinionem Ulysseorum laborum & stupendæ peregrinationis sustinere videamur. Idcirco ne communissimæ opinionis videremur inmemores, libuit exire & consignare, quæ circa *Compendium orbis*, ut LUTETIAM rectè quidam nominant, digna habita sint à nemine ignorari, imò quæ possint famam peregrinantis

Stellis inferere, & concilio Iovis.

Quia verò arces regiæ lustrandæ sunt, placuit hoc iudicium & discrimen inter Anglicanas & Gallicanas proponere. Gallicis arcibus Anglicæ, si interiorem faciem spectas, nullo modo comparandæ sunt. Nam etsi NONCIVITZ in Anglia, imò & quæ primaria est HAMPTONCOVRT, exterius singularem majestatem præ se ferat, & gentis magnificum luxum præclare arguat; etiam si etiam pulcherrima serie interiùs ordinata

omnia: tamen, si aula ostro decora (quâ in parte Gallia nihil planè ad Angliam) & auro & gemmis distincta tollas, reperies intus & post vela sumtuosissima ejuscemodi cameras, intra quas civem primariæ dignationis hospitio nolis excipere; plerumque ligna ibi non satis polita, telas araneorum, muros non satis integros, & quod in nostra patria argumentum est negligentis patris-familias, nihil post vela sani & firmi. At in Gallia omnes porticus & camerae (certè in arcibus primariæ æstimationis) sine adminiculis ambulatoriis & involucris, quemlibet Regem & Principem hospitio excipere non erubescunt. Quamquam majestatis quodam intuitu & tacitâ veneratione Henricus IV in illis quæ ipse fieri fecit, majorum suorum industriam & magnificentiam superaverit. Verùm, ut verbis nostris fides habeatur, sine ulteriori præloquio ipsas ingrediamur ARCES; spectator cum lubentia nostras tuebitur partes.

Omniibus aliis præponimus *le chasteau de Fontaine-bleau*. Ad hanc amoenissimam Regiam sedem Parisiis subsequens te via ducet; prandium in *Essonne* sumes, *au Lyon d'or*, v. l. leucis ab urbe. Post ubi tetigeris *pont Hierry*, silvam quercetanam feris abundantem ingrederis, ubi ferarum custodibus frequentes structæ sunt casæ.

De hac silva venationibus regiis celebri ita Serres in vita Henrici IV, anno 1598: *Comme le Roy Henry IV chassoit en la forest de Fontaine-bleau, voicy qu'il oyt environ à demy lieue de luy l'aboy de plusieurs chiens, le cor & le cry de gens qui chassent, & tout soudain ce bruit s'approche pres de sa personne. Le Roy s'estonne qu'aucun soit si hardy que deluy vouloir troubler son passe-temps, & d'entreprendre de chasser à son descen en lieu reser-*

reserré pour le plaisir des Rois de France. Il commande au Comte de Soissons & à quelques autres, d'aller recognoistre ces chasseurs. Ils s'avancent, & oyent le bruit, mais n'en voyent ny les auteurs, ny l'endroit. Un grand homme noir parle à eux du plus fort des halliers : mais comme les choses inopinées & non prevenues, donnent de trouble à l'esprit, ils ne peuvent distinctement entendre sa voix, pour l'affinité des vocables que les uns rapportent avoir ouy : M'attendez-vous, ou, M'entendez-vous ? & les autres, peut-estre avec de plus vray semblance, Amandez-vous. Mais ce que le phantome disparut aussi-tost que la parole fut ouye, leur fit juger qu'il n'estoit pas expedient de poursuivre plus outre. Si ceste rencontre n'avoit pour le moins & les yeux & les bouches des personnes irreprochables, on la rangeroit parmy les Romains & Comptes fabuleux. Les manœuvres, charbonniers, bucherons, les pasteurs & paysans d'alentour, rapportent qu'ils voyent aucune fois un grand homme noir, qui mene une meute de chiens, & chasse par la forest, sans leur faire neantmoins aucun mal, & appellent cét esprit errant, le grand veneur.

Ipsius cum Parisiis esset, noviter in isto saltu spectrum illud visum & nobili cuidam est obviam factum. Historiam cum circumstantiis, typis exscriptam vendebant, quam lector Parisiis repetere potest.

Silvam hanc ubi penetraveris VII leucarum, coenam habebis in opidulo Fonte-bellaqueo, in interfluvio au Croissant.

FONTAINE-BLEAV.

Ainsi dit à cause des fontaines d'eaux vives, claires & belles, qu'y abondent: quasi FONTAINE ET BELL'EAV. Videretur velò in stagno quodam

dam arcis fons limpidissimus aquæ scaturientis, à quo huic arcis nomen inditum. Occasio verò ædificandi talis fuit : Francisco Rege Galliarum in isto saltu venationibus se delectante , canis quidam venaticus salientis aquæ fontem offendit, præsentem & adstantem Claudiâ Regis filiâ. Hac dulcedine & puritate aquæ capta , patrem rogat, domunculam eò loci fieri faciat. cui Rex ; Non domunculam, sed arcem. Nec longè post , ædificium Rex cœpit, & à bellissimis fontibus (*Fontenbeléau*, quasi fontem in bellâ aquâ) nuncupavit. Per subsequentes Reges quidem continuatum, sed ad fastigium per Henricum IV deductum, ita ut hodiè pulcherrimum, amplissimum & magnificentissimum omnium in Gallia, Germania, Belgio, Anglia, & Italia esse dixerim. Ipsi ædificii videamus *situm* & *structuram*. Sita est arx in territorio *Gastinois*, solo arenoso, malè habitato & sylvis maximam partem vestito. Formam & magnitudinem, æneis typis exscriptam, Parisii tibi dant, quò te remitto. Structura ipsa *externa*, muris fossisque est circumdata, portisque clausa. Primæ portæ ingressus hanc habet inscriptionem :

Henricus IV, Franciæ & Navarræ Rex Christianissimus, bellator fortissimus, victor clementissimus, rebus ad Majestatis & publicæ salutis firmamentum compositis, hanc regiam auspiciò restauravit, immensum auxit, magnificentius exornavit, anno M D C IX.

Interna structura, cum multa in hac arce sint, quæ fugitivo oculo spectari obiter non debent, nec possunt; omnia verò notare, nec tempus, nec ani-

animus, nec memoria in infinitâ ferè (sunt enim non genta conclavia intus) istâ varietate sinat; nobis tamen ædificiorum largietur divisionem in *galerias sive xyftos, atria, cameras, areas, & hortos*; de quibus singulis cursorio calamo, secundum suas contignationes. Prima contignatio sive *l'estage* offert *hortum Reginae, le jardin de la Reyne*. In quo *Diana* fonti instans, manibus cervum tenens; in medio iv canes procumbentes, subtus iv cervi. Ibi fons saliens. E regione nudus è cupro adolescens, spinam è planta pedis extrahens. *Lacoontis* cum liberis binis statua in hoc ipso quoque est horto, formâ, serpentum morfu qui enecentur. Porro *bina* heic *spharistria*; alterum opertum, apertum alterum; quibus Rex & aulae procures, cum inibi sunt, oblectationem Gallis familiarem capiunt. Hinc ad *aviarium, la voliere*, longum cclxx passuum, venit. Medium tectum turris rotunda penetrat: aërem & lucem undique ædificium admittit, clathris tamen prætenuibus, qualibus cavæ præcingi solent, munitum, ut volucris omnis exitus sit præclusus. Intus avium domicilia & nidi intra arboreta & dumeta; mox fons, effundens diversos rivulos, è rupe quasi surgit: parietibus vites & rosæ adpieta; cum inscriptione, H. IV. D. G F. R. Ad dextrum latus, gemini sunt angeli; alter coronam, canistrum alter rosæ plenum tenet; subtus hi versus:

Tot populos victor iusto Rex Marte subegit,

Regius iste tenet quot sibi carcer aves.

(magna certè hæc hyperbole, cum aliquot millia ibi sint aves intus.) Ad sinistrum itidem gemini sunt angeli, cum corona & psittaco:

Qui Ianum clausit, volucres hic sponte reclusas

Detinet, æternam quæ sua facta canant.

Nec immeritò canant : nam Henricus IV mox à primis ætatis annis, bello assuetus militavit ; regnum motibus turbulentissimum non solum composuit & sedavit, sed legibus præscriptis & sancitis in ordinem redegit ; cum hostibus exteris, Hispano & Sabaudò, pacem iniit ; arcem, cujus summa ceteris auri tonnas constituebat, omni soluto, ita totam Galliam sibi devinxit, omniumque affectus in se reposuit, ut Euphormio non injurià dixerit : *Quod post numina nihil carius Eleutheria Rege suo haberet, ut qui proximè ad Deorum immortalium naturam accederet.* Ad summam, status Galliæ, Henrico IV vivente, talis erat, ut felicissimum regnum sub sole, & invictissimum haberetur : ipse Rex, quidquid jocabatur loquebaturque, mera oracula dixisse videbatur : collectiones magnà populi lubentià fiebant : regiorum thesaurorum acervi & montes jam in ore erant non Galliæ tantum, sed & exterarum nationum : jam nescio quod orbis terrarum imperium à plurimis (humanis tamen suffragiis) ipsi assignabatur ; jam Belgium, Germaniam, credo & Hispaniam, infinita regna lætâ spe vicerat & vorarat. Nec tantum debita conflata solvit, sed regnum, immensorum sumptuum ædificiis & arcibus auxit & decoravit ; & hæc omnia Regis parsimoniâ, Thesaurariorum dexterritate perfecta sunt. Ita Regis res gestas quod canant, affatim hæc habent aves.

In aviarium prospectus est de la galerie Régionale. in hac situs Hagensis, & Reginae Mariæ Medicæ adventus Massiliensem in portum ; res gestæ item & prælia, de quibus Henricus IV triumphavit.

Ab aviario ad galeriam cervorum, ut vocant, ducis. Elegantes ibi cervorum, luporum apro-

rum-

rumque venationes, VII tabulis repræsentatas, videbis. Henricus IV habitu familiari, qualis fuit venatum eunti, conspicitur; jam confodit gladio aprum, jam hastâ cervum; & quæ alia sunt venatorum prælustria facinora. Utrumque latus XLVI cornibus cervinis est vestitum, diversissimæ formæ & magnitudinis, prout interdum natura & casus in rebus istiusmodi joculari solent. Mox ad januam in introitu arx Fontaine-bleau; è regione ad exitum arx S. Germani, conspiciuntur. Sinistrum xyli latus pictas habet *Follenbroy, Compiègne, Villecoterets, Bloys, Amboise, Chambour, S. Leger, Charleval, Monceaux, Verneril, Madrit*. Dextrum verò meras fenestras, cum binis arcibus, *S. Vincent, & Louvre Parisiorum*.

Hinc ad cameram consiliorum, *la chambre du conseil*. in quo pictura Ducis d'Ombe, *oncle de la Royne*.

Mox *la chambre des estuves*. ibi Johannes Baptista, janua; Adonis cum Venere, camino impositi.

Mox *les estuves à se laver*. Ipsum balneum quadrilaterum. gradibus sit descensus. circum cancellis clausum. Ibi effigies Gastonis de Foix.

Mox *les estuves seiches*, sudoribus provocandis: Adhuc alia, pro tondendis capillis & radendâ barbâ. Finitur hoc tabulatum exiguo templo seu sacello, auctore Henrico II, sed perfectore Henrico IV: ubi versus:

*Imperio natisque potens, & conjuge felix,
Alia pace, sacram decorat Rex inclytus adem,
Æternum ut pietas augustâ splendeat aula.*

Alterum tabulatum habet *la chambre neuve*. in qua ad caminum *la Duchesse Gabrielle*, formâ Dianæ, manu tenens cor corvinum. Prospectus est ad aream fontium, (*vers la court de fontaine.*)

Picturæ Herculeorum laborum.

Inde *grandis galeria*. cuius inscriptio talis :

D. O. M.

Cum per occasionem civilium armorum & ob impuberem Principis ætatem, quibus tota ferè Gallia exarserat, Elisabetha Anglorum Regina portum opidumque GRATIAE, quod est ad ostium Sequanæ positum, naturâ manuque munitissimum, insigni fraude occupasset firmissimoque præsidio teneret, auspiciis Caroli IX Christianissimi Regis, consilioque & prudentiâ singulati Catharinæ matris Reginae, paucis diebus oppugnari summâ vi cœptum, deditione receptum est, anno M D LXIII.

Xystus quatuor est caminorum; & adscribitur Carolo IX Regi. Fenestrarum emblemata, cùm sint magni nominis, heic adjiciam. 1. *Hunc ventus, sed me spes fovet.* 2. *Puro ardet & uno.* 3. *Nunquam labitur ista fides.* (*Naufragium alter jurat.*) 4. *Perrumpe obstacula lentè.* (*Quidam truncos è via movet.*) 5. *Tutum secreta filere.* (*Harpocrates.*) 6. *Pretiosior ipse lapillis.* (*Cupido lapillos quarit.*) 7. *Rex floret ab armis.* 8. *Vigilantia regna tuetur.* 9. *Amat victoria curam.* 10. *Plebis amor regis custodia.* (*Examen apum.*) 11. *Cor regis in manu Dei.* (*Manus è nubibus exit.*) 12. *Arcani custodia fida.* 13. *Mens ardua tendit in altum.* 14. *Eloquium tot lumina claudit.* 15. *Nulla altiùs ardet.* 16. *Non frangunt obstacula vires.* 17. *Animos alligat aquos.* (*Iustitia & religio.*) 18. *Manet victoria constans.* 19. *Hoc fœdere Lilia florent.* (*Gallia tota secum*

cun-

concor.) 20. *Ortus occasibus aequat.* 21. *Obsequium nihil impedit umbra.* 22. *Casus hærebit in omnes.* 23. *In splendore tuo labor & quies.* 24. *Agitatus cresco, (ignem feriens.)* 25. *Comitantur furtia dolores. (sævum puer rapit.)* 26. *Mox toto radiabit in orbe.* 27. *Mea clauditur hîc spes.* 28. *Innocuo non uritur igni.*

Extremum hujus xyſti offert obſidionem & recuperationem *Ambiani*; cui adſtat *Henricus IV* armato cataphraëtus equo inſidens, pulchri operis & magni æſtimii ſtructura.

Inde la chambre & le cabinet de Madame Duchefſe Gabrielle. in utroque ſupra caminum *Adonis* & *Venus*.

Poſteà, *galeria Franciſci I*, ſive la petite galerie. proſpectum habet à la court de fontaine. ad introitum *Bacchus*, *Venus*, & *Cupido* proſtant. In hoc xyſto colloquium inter Cardinalem *Perронium* & *Mornæum* habitum; de quo *Serres* in vita *Henrici IV*.

Hinc in alium xyſtum egreſſus eſt, ſtatuis marmoreis dimidiatis exornatum.

Mox la chambre du Roy paululùm obſcurior; in qua Regis juffu, per monsieur de Vitry, Marſchallus *Bironius* exermis factus, & captivus inde abduëtus. vide *Serrem*. Ibi in clypeo: *Invita Cereris non potes eſſe gener.* Hinc le cabinet du Roy; la chambre de la Royne: inter utrumque aviarium in ſublimi loco ſtructum, ita ut à Rege & Regina videri & audiri aves poſſint.

Hinc l'antichambre de la Royne: locus natalis *Ludovici XIII* Regis: & l'antichambre du Roy.

Ita xyſtis & cameris viſis ad atria ſeu ſalas itio eſt.

1. Eſt, la ſale de la garde, picturis eminens & taperibus manupictis; proelia *Caroli VII* & trophæa

phæa ab Anglis devictis reportata exhibentibus.

2. *La sale des festins*, epulis solemnibus locus. camino Henricus IV, equo è candido marmore insidens, valore aliquot mill. coronatorum, collocatus, exhibet inscriptionem :

Henricus IV, Francorum & Navarræ Rex, bellator, victor & triumphator, bello civili confecto, regno recuperato, restauratoque; pace domi forisque constitutâ, Regis penatibus Regali sumtu focum exstruxit. M D IC.

Dextrum ejus latus *Clementia*, sinistrum *Pax* concludunt, è marmore candido statux: ut & columnæ è variegato. In sublimi par leonum ex ære, cum coronis & armis. Subtus Regem equitantem tabula nitidi marmoris est, exhibens Regem equitem, sed habitu Romano antiquo, hostes devictos conculcantem.

3. *La sale des bals*, ampla & spatiosa, choreis & gyris destinata. in medio fornicis; *Donec totum impleat orbem.*

4. *La sale des comédiens*, ædificium artificiosis caveis & operibus cælum fingentibus constans. hinc inde hæc verba adscripta habet: *Agitur pars tertia mundi.* Credo equidem omnia portendere debere monarchiam Gallicam, & ejus supra alias præminentiam.

Hinc ad *hortos & areas*. Horti, muro inclusi, sunt: 1. *Le jardin du Roy*, in areolas buxeis sepius distinctus: ibi varia hortulanorum deliria & ambulacra offendes: ad lubitum, in umbra, in aprico, ad amnes quiescere aut obambulare potes, prout cujusvis genius monuerit. In hoc, Cleopatram ex orichalco, opus Angeli Politiani,

ni, videbis; ex Italia à Catharina Medica huc translatum. Ibidem, Neptunum æneum; ad cuius pedes lupa Romulum & Remum lactans. Mox tria stagna; quibus innatant cygni, piscesque diversi innutrientur. 2. *Le jardin de la fontaine*; in quo ipse scaturiens fons pellucidæ aquæ situs, causa & origo arcis *Fontaine-bleau*. ibidem stagna aliquot, trutarum domicilia, optimi saporis, regiique apparatus. heic xyli arboribus frugiferis confiti; deambulationibus multorum mill. hominum apprimè commodi; qui tamen nec oculis nec auribus sese invicem assequuntur; ita ars heic suam fecit industriam. 3. *Le jardin des pins*; quod olim pinorum hic magnus numerus, sed postea excisus, substitutis frugiferis: omnia stupendæ magnitudinis & visionis, vel v horarum & amplius. 4. *Le jardin des estangs*; in quo stagna majora & ambulacra peramœna. 5. *Le jardin de la Royne*, in medio stagni sublimiori à fundo loco exadificatus, muroque cinctus; ad quem non nisi per pontem datur accessus. ibi speciosissimi flores, herbæ, pro deliciis tantæ majestatis. Hortus extra arcem unus est; in quo arbores pomiferæ, stagnum item, & struthio-camelorum par; aviarium item pro avibus silvestribus & exoticis; ibi corvi Indiaci psittacorum instar, anates & anseres perigrinæ formæ; & quæ alia ad oblectandos Reges comminisci potuit humana industria & sumtus profusissimi, qui in hanc rem facti sunt, & adhuc fiunt cottidiè. Super sunt *area* sive *les courts*. 1. Est *la court de la fontaine*; ubi fons, cui pro ornamento Mercurii statua, duxque aliæ è cupro nudorum virorum. 2. *La court de Dongeon*; in qua horologium bimembre comparet: binæ sunt turriculæ; altera ipsum horologium habet, ornatum lunæ

& solis statuis immobilibus, ita tamen ut sol sceptrum horarum numerum monstret; altera planetarum motum ostendit. 3. *La court des Officiers*. hîc, ubi Rex cum aula commoratur, aulici sua deambulacra habent. 4. *La basse court*; in cuius medio equus prægrandis è gypso factus, binis duntaxat pedibus insiliens videtur; opus singularis artificii: sunt qui affirmant, equi silvestris, qui in hoc saltu postea captus, figuram esse; sed credat Judæus apella.

His ita omnibus visis, animum applica ad bibliothecam, Francisco I Rege natam; sed Parisios post transvectam: sed nec hîc planè interiit, verùm per assiduos bellorum civilium nimbos est multum dissipata.

Ultimum, quod Regum hunc secessum attollit, est natalis & baptismus Regionum liberorum, anno cło Ioc vi institutus; de quibus tractare non hujus est loci.

Tantum de Fontaine-bleau. Properemus retrò ad alia; *Melodunum & Corbolum*.

M E L O D U N U M,

GAllis *Melun*, in territorio Heurepensi opidum; ad Sequanam, Lutetia instar, situm; nam pontibus junguntur opidi partes, ita ut triplex opidum videatur. Olim *Isis* ei nomen fuit; unde Lutetia, ad exemplum hujus, in insula & continenti ædificata, dicta fuit *Par-isis*. Jocantur incolæ suo diverbio: *Après Melun Paris*. Porta opidi insignia habet Gallica & Florentina, cum elogio: *Concors inæqualitas facit melos unum*. Ceterum figlina ars heic in magno præconio; luti quippe bonitas opificumque industria fornacem fecit, pretio decem coronatorum ab Henrico III Rege coemptam. Hinc perge ad

C O R-

CORBOLIUM,

Dissitum VII *milliarib.* à Fontaine-bleau. Heic prandium sume à *grands Carneaux*. Corbeil Gallis. Opidum antiquum, cujus meminit Cæsar lib. VII in sua Historia: sed adpellat Metiofedum. Antiquitatis adhuc rudera sunt magna illa turris, quâ opidum in parte defendi potest. Alluitur Sequanâ & Essonâ fluviis; unde bisectum quasi est in Corbolum vetus, & Corbolum novum. Non est, quod diu heic commoreris; Templum S. Spiræ, in quo Canonici, habet tumbam Comitis Aymonis, quam ad sinistram altaris, cum tabula teste, videre habes.

Hinc per vicum S. George IV leuc. perge ad opidulum

CHARENTON,

Quod Parisiis binis abjunctam leucis. Alio nomine dicitur *Pont de Charenton*, à ponte lapideo, fluvio Matronæ (*la Marne*) superstructo. Heic invisas templum novum, quod Orthodoxis extrui permissum ab Henrico IV: verè novum; nam non ita multi anni sunt, cum maleferiati homines irruerent, & igne supposito dejicerent. Concio est frequens, & aliquot millia auditorum numerabis, qui rhedis, partim aquâ & pedibus, eò, Deo sacra facturi, conveniunt.

Hinc antequam ad vicum *Conflans* tendis, non procul Corbolio, rudera templi alicujus fuerunt. hæc ascende & clama, echo respondebit undecies & amplius. Sed hæc olim. Hodie Carmelitani, ejus loci cœnobio structo, echo abegerunt. Antiquitates Gallix dicunt; *Entre Conflans & Charenton s'entendoit un echo des plus merveilleux de l'Europe, avant que les Carmes reformez y*
uss-

eussent fait bastir: la voix (ita pergit de echo) de cet-
tuy-cy comme bien plus admirable, s'ap-
pe souvent l'oreille jusques à dix fois, & d'un son si violent
que les boulets de canon emporter des feux & de la
poudre, ne fussent pas avec plus de vehemence. Tu
experire, qui eò venis; mihi anxie inquirenti
nihil tale evênit.

Charentonio ad *Confluentes* quadrante milliar.
descende.

CONFLANS

NOmen habet à confluentibus Matronæ &
Sequanæ, quæ heic junctæ Parisios defluunt.
Vicus situs est ad collem, subtus Sequanâ de-
fluente. Secessus est verè regius Domini Villare-
gii; quem contemplaturus, oculos fige in came-
ris, galeriis, & hortis.

Camæræ superbiunt picturis, caminis, & le-
ctis magnarum impensarum.

Galeria fornicata, auroque & coloribus arti-
ficiosissimè picta, utrumque latus vestitum ha-
bet iconibus in Italia factis. à me observatæ sunt
sequentes tabulæ xxi è gente Medicæ: Sibyllæ;
Romani Imperatores; Papæ; Turcæ; milites,
inter quos Scanderbegius sive Castriota; Docti
viri, Platina, Seneca, Guicciardinus, Jovius,
Thomas de Aquino, Scotus; Duces Sabaudia;
domus Lotharingica; domus Anglica; do-
mus Borbonia; domus Valesia; domus Navar-
ræ; domus Nassovica. & hæ tabulæ multi arti-
ficii & auri sunt opus, natæ in Italia maximam
partem, pectorali staturâ. Inde ad caput galeriæ,
nigerrimi marmoris fenestra, omnis pellucida.
non procul auro picta inscriptio:

Qui ex hac stupenda porticu tanquam
è specula cadentem solem, fluentem Se-
qua-

quam, imperiosam Lutetiam, denique Theſſala tempe altera miraris, mirare ut immota labascunt, agitata manent, imò dum miraris, ipse defluis: vita enim hæc, vapor & umbra: Ergo, &c.

Horti diverſi ſunt, floridi & fructiferi. videbis delicias aurantiorum malorum, magno numero, ſed eleganti ordine ſunt poſitæ arbores, ciſtiſque incluſæ, adeuntibus undique ob & pervia.

Hinc redeundum eſt ad ipſos ferè Lutetiæ muros, in viam quæ ducit ad arcem *Sancti Germani*. Hanc priuſquam aſcendis, occurrit opidulum

R U E L.

IN cujus extremo palatium *Domini de Moiffet* cum hortis, fontibus & piſcinis, viſu digniſſimum. Ipſum ædificium cum area quadrilaterum eſt, non tamen omni ex parte habitationibus occupatum. Foſſæ profundæ grandioribus veſtitæ lapidibus, binis pontibus verſatilibus junguntur. altero horum ſuperato occurrunt bini canes ex ære conſlati, aquam è genitalibus in foſſam ejicientes. Inde aliquot paſſus progredere ad fontem cui Roſæ forma eſt; in quo Herculem cum clava, Draconem multorum capitum, Cerberum, & alia è metallo aquam exſpuentia cernes, hinc ad ambulacra; ad ſilvulam labyrinthi & aquæductibus elegantem: mox ad ſpelæum ſalientium aquarum; ad piſcinas, & alia, quæ arte & ſumptuoſo opere heic compendio & forte ad invidiam ſtruçta.

Hinc unum lapidem *Jovis Galliae* delitiæ,

SAINCT

SAINCT GERMAIN

Difficilius paululum & montosum iter est ; Sed desiderio tanti operis (superat enim omnes regias domos, teste Merulâ,) sit facile. Oppidulum arci adjunctum; iv leucis est Parisiis adjunctum; situm in aëre saluberrimo, qui heic ab infantibus Regiis primâ vitâ hauritur sanus. heic primum Ludovici XIII R. quoque fuit domicilium & regimen. Præter cœnobium nobilium virginum (eò nec cuivis facile patet aditus) non est quod in eo quæras. Ergo rectâ ex hospitio à *larose blanche* ad ARCEM; divisam in duo domicilia; alterum antiquum, alterum novum.

Antiquæ arcis fundator dicitur Rex Carolus V; restaurator Franciscus I. Rei testimonium sunt camini è latere cocto, quibus inscriptas vides passim litteras F. F. F. F; ubi tectum summum, quadratis lapidibus stratum, conscendis. Conclavia numerantur LXIII, spatiosa, ornatu non ad nostrum sæculum. Ad dextram portæ, sacellum ingrederis; omne ædificium lateritii ferè lapidis; area intus ovali formâ. Extus est ferarum septum, longitudine duorum milliarium: in quo *le jeu de paille mail, le long duquel y a des pavillons quarræz, faits & massonnez expres pour recevoir l'assemble des regardans.* Subtus, est fossa, domicilium cervorum, & avium rararum.

Nova arx nata Henrico IV R. auctore, in qua cameras & cryptas nota. Camera cum xyftis seu galeriis fornicatis sunt pro Rege & Regina divisæ. Galeria pro Rege in summitate habet emblemata: *Duo protegit unus*; Duo, regna nimirum Gallix & Navaræ, protegit unus Rex. Januæ ibi superstat arx *Fontaine-belleau*; latera, habent urbes *Hux, Venise, Pragne, Namur, Mantona,*
Aden

Aden en Arabie; Campaigne heureuse, Sicn en Suisses, Moly, Tingis, Stasin en Afrique, Terracina, Ormus en Perse, Bellitri, Werdenbroch en Westphale: Numegen, cum subscriptione, Ville du fondement de l'Empire; nam Carolus Magnus urbem hanc imperialem esse voluit ejus loci: Passaw, Mastricht, Theffala tempe, Florence. Galleria Regina ornata tabulis pictis prægrandibus ex Ovidio & aliis. In cameris sunt camini nigerrimo è marmore, coelo sudo S. Clodii situm demonstrantes: alibi balnea regia, sacella cum refrigerio, aviaria bina, ut & supellectilem regiam aucupio destinata observabis. Hinc per binas (quarum altera XLV, altera XXXVI est graduum) scalas lapideas, formâ ovali, descensus fit ad cryptas substructas, artificiosas aquarum ductibus omnes Europæ reliquas superantes. credamus hoc Gallis, cum hodiè Italia digitum ori imponere necesse etiam habeat: etiamsi Brabantî ductus Bruxellenses præferre non dubitent; ego tamen non subscribo; quamquam & hoc stupendum otiosæ industriæ opus non negem. Cryptæ sunt duum generum. Sicca una est, *la croute sèche*; refrigerium heic, commodum sub æstivis caloribus levamen & mansio. Udx verò & rorantes sunt IV; de quibus ordine & pauca. I. Habet Draconem, caput & alas motantem cum vomitu undarum è faucibus largissimo. ibi philomela & cuculi cantus & certamen: ad latera, duæ statux nigro è marmore aquas ejicientes. II. Ad januam mox serpens est, ore undas exspuens: audiuntur philomela & cuculus: videtur virgo movens caput, vertens oculos ultrò citroque ac si auditores & advenas respiceret, digitis organum tractans, suavissimo sanè concentu. In medio mensa è marmore nigro posita, cui tubus im-

imponitur, è quo, adhibitis diversis organis ex
are & ferro, diversas formas unda ejicit. heic
Calices Venetos, Lilia Galliæ & alia artificio-
sissimo productu miraberis. Penes fenestram nota
tabulam è marmore variegato; specula hinc inde,
& conchylia, delphinum item; sed exiturus, cau-
tus sis laterum observator. III. Neptuno sacra
est; in qua corona globo imminet, ab aquis in
gyrum elevata, guttas unionum instar spargens.
Ibi officina Vulcanica; molæ papyraceæ; phi-
lomela cantans: duo item angeli ad latera cum
buccinis; qui ubi sonitum edunt, janua aperitur;
Neptunus tridente armatus, currui insistens, à
duobus albicantibus equis tractus, ex antro pro-
dit, paullum subsistit, revertitur, antrumque re-
petit; januâque clausâ, tubarum clangor repe-
ritur. Dum hæc contemplaris, sedile propè
est, quod à te incautè occupatum affatim a-
quarum dabit; quod evitabis, si clavum subtus
ferreum doctâ manu scies tractare & ducere: sed
& pavementum tessellatum lapillulis non minus
madidum te dimittet. IV. Crypta humiliori loco
sita, Orpheo dicata est; omnium bellissima &
artificiosissima. Mox ad introitum, exitus unda-
rum intranti est obviu. prodit Orpheus citharâ
ludens, caputque movens; opus jucundum visu
& auditu. ex utroque latere feræ diversi gene-
ris ipsum circumstantes sequuntur, progrediun-
tur: mixtæ sunt arbores frugiferæ, sese inflecten-
tes; rupes ramis, quibus aves modulantes insi-
dent, ornatæ: sunt & signa XII zodiaci, suo
motu ad harmoniam progredientes; adest Bac-
chus dolio insidens, scyphum manu tenens. Sunt
paradisus, infernus, mare, naves bellicæ, IV
elementa; arx S. Germani; ad cujus alterum la-
tus Rex cum Principibus & stipatoribus navi-
gans

gans; ad alterum, delphinus & angeli de cœlo descendentes; mox Neptunus, Mercurius, & Jupiter; & alia alia, supra memoriam & calamum nostrum. Sunt & heic IV virtutes cardinales è candido marmore, olim ornamenta Jesuiticæ pyramidis ante palatium Parisiense.

His omnibus rectè visis, retrogrediundo Parisios, uno lapide offendis silvam, *le Bois de la trahison*. media via eam secat. decerpe ab uno latere ramum & in aquam præterfluentem injice; supernabit ut natura ligni est communis: ab altera viæ parte decerpe alium ramum, & in eandem Sequanam projice; videbis eum, lapidum instar, fundum petere. Silva cædua est, & quercubus confita. In ejus angulo mensa lapidea adhuc monstratur prægrandis, ad quam proditio fertur concepta. dicitur quidam Gamelon, *Sieur de Hauteville*, cum conjuratis affleclis, heic conspirasse contra gentem des Ardennes & Pares Franciæ, eosque in hac silva cum multis aliis nobiliorum procerum trucidasse tempore Caroli Magni: qui postea supplicio affecti & heic combusti sunt. Et ut homines intelligerent, quàm abominabilis & detestanda hæc impia conspiratio fuerit coram Deo; accidit, ut arborum casarum furculi remanentes non renascantur amplius: inde rara heic hodiè silva, raræque arbores. O ita nullæ seditiones, nec in Gallia nec orbe Christiano, renascerentur! multò melius haberent res humanæ. sed Deus properat humanos punire & finire furores; & Regum etiam Principumque; qui, posthabitis imperii curis, libidinibus suis interdum strenuè indormiunt, floccifacientes se Dei loco justitiam in terris exercere debere, & subditis ut benè sit, prospicere.

Sed pergamus in cœpto nostro recursu. In viâ hac occurrit Regalis arx

M A-

MADRID,

VNo lapide Parisiis distans, in planitie sita, locosolitario & minùs inhabitato; olim silvulâ circumdata nemorosâ, per bella verò excisâ, ita ut venationi minùs commoda hodiè compareat; licet Rex interdum ibi sese oblectet cuniculis capiundis: muro undique sat longo cincta & conclusa planities. Origo arcis est, à Francisco I Gall. Rege, ad Ticinum anno c1o 1o xxv, xxiv Februarii capto; de quo *Pierre Mathieu en histoire des guerres entre le Roys de France & d'Espagne*:

ArMa aqVILæ VINCVnt LILia CeLsa trVcIs.

Alterius cujusdam de hoc duorum Regum prælio, tale est distichon:

Gallus habet cantum, barbam, calcavia, cristam;

Sub pedibus gallum sed Iovis ales habet.

Quadriennium igitur cùm Franciscus Rex Madriti ab Hispano detentus esset, reversus anno c1o 1o xxix, hanc arcem fieri fecit formâ cum Hispana simili; quamquam sunt qui toto coelo discrimen inter utramque asserant. Arx ipsa indies collabitur: aliqui putant, quòd consultò & propter invidiosam Regis sui in carcerem compacti memoriam fiat. Intus, quod magno-perè lustres, vix invenies. quære fenestram clathratam in atrio seu sala, quæ respondet alteri in Hispania, per quam Franciscus ab aulicis Hispanis, dum carceri inclusus erat, visus, & digito quasi monstratus, pro ludibrio habitus fuit, quasi upupa, Regum pueri cum qua lusitent. Henricus IV. hanc sedem Margarethæ Valesiæ à repudio occupandam dedit, antequàm pòst palatium Parisiense ad Sequanam inhabitaret, modò funditus deletam & everfam.

Hinc

Hinc uno eodemque itinere ad opidum

SAINCT CLOU

DIvertere potes. Arx & locus nomen obtinuit ab regis Clodovæi Magni quarto filio Clodovæo ; qui , renunciato Principis statu , monachalique assumpto , ibi sepultus est. Monumentum in templo è marmore nigro , IV columnis è porphyro impositum , talem habet inscriptionem :

*Artubus hunc tumulum Clodoaldus consecrat al-
mis,*

Editus ex Regum stemmate perspicuo.

Qui veritus regni sceptrum retinere caduci,

Basilicam statuit hanc fabricare Deo:

Ecclesiæque dedit matricis jure tenendam

Urbem Pontifici qui foret Parisiis.

Alterum , quod in choro templi ad dextram è marmore vides , monumentum est & repositorium cordis Henrici III Regis. In summitate sunt binæ coronæ , cum inscriptione :

Manet ultima cælo.

nimirum duæ coronæ significant Galliam & Poloniam , quarum Rex fuit : ultima verò in cælo dabitur , id est , in tertio regno , si eò sublatuſ est. Ipsum verò epitaphium tale est :

D. O. M.

Æternæque memoriæ

Henrici III. Gall. & Poloniæ Regis.

Asta , viator ; & dole Regum vicem.

Cor Regis isto conditur sub marmore.

Qui jura Gallis , jura Sarmatis dedit.

Tectus cucullo hunc sustulit sicarius.

Abi , viator ; & dole Regum vicem.

Quod

Quod ei optaveris, tibi eveniat.

C. Benoîse, scriba regius, & magister raticum, Domino suo beneficentissimo, meritiss. P. A. 1594.

Sicarium illum Serres, in vita Henrici III. sub finem, appellat un moyne endiable, un excrement d' enfer: cum quo incidit anagramma super verba, FRERE JACQUES CLEMENT: C'est l'enfer, qui m'a créé. *Lansias* contra Gall. Vide etiam le *Catholicon* d' Espagne de hoc regicidio: *Bellus* tom. IV, disc. XIX, ita narrat Latinè: Kalendis Augusti, anno M D LXXXIX, monachus quidam Dominici ordinis, qui Iacobitarum quoque vulgo dicitur, simplici, ut videbatur, ingenio, circa vesperam versus S. Clodovai fanum, ubi rex tum erat, [obsidens Lutetiam XL mill. copiis] iter ingressus est, comitatus literis captivi cujusdam Præsidis Harlæi operâ impetratis. Eo quum venisset, per inter-nuncios statim Regi significari jussit, habere se quæ oretenus cum ipso communicare vellet: Rex verò cuidam è suis negotium dedit, ut eâ nocte hominem apud se retineret, & liberaliter tractaret; è cujus sermone non modò nulla deprehendi potuit suspicio, sed etiam spes facta est, eum insigne aliquid ad Regis servitium & utilitatem allaturum. Postero die mane idem monachus ad regem introductus, ptiit, ut in secreto audiretur. Arbitris ergo remotis, Rex cum eo penitus conclave ingressus est. tum monachus literas ei porrigit: ac statim iis legendis intentum, cultro in ventrem sub umbilico adacto, confodit. [Serres tamen circumstantias facti aliâ formâ deformat; quem vide.] Rex vulneratum se sentiens cultrum continuo è vulnere ipse educit; quod inde multo majus factum est. Ad strepitum & clamorem mox familiares Regis & satellites accurrunt, & monachum multis vulneribus conficiunt,

ni-

nimio ultionis zelo accensi. quem Deo gratias egisse
 ferunt pro tam subitanâ & leni morte ; ut qui vivo
 sibi deprehensio omnes cruciatus paratos sciret. Mor-
 tui cadaver à quatuor equis distractum, in IV partes
 dissectum, & tandem crematum fuit. Rex plagam
 hanc non lethalem fore arbitratus ; ut suis animum
 adderet, ipse quoque animum præ se tulit, & è fene-
 stra etiam conspiciendum se præbuit. At circa vespere
 ingravescente dolore, medici & chirurgi inspecto
 vulnere (quod jam livescere incipiebat) Regem peri-
 culi, utque ad extrema se pararet, monuerunt : qui
 nihilominus melius sperabat, donec tandem, deficien-
 te lingue usu, circa mediam noctem expiravit. Mo-
 riturus, Navarra Regem & circumstantes Proceres
 alloquutus est gravibus verbis ; inter quæ de negotio
 religionis hæc sunt : Remettez le different de
 la religion à la convocation des Estats du
 Royaume, & apprenez de moy, que la
 pieté est un devoir de l' homme envers
 Dieu, sur lequel le bras de la chair n'a
 point de puissance. *id est* : Differentiam
 in religione ad conventum statuum Re-
 gni rejicite ; & discite meo exemplo,
 quòd pietas (sive vera religio) sit hominis
 obligatio coram Deo, in quam brachium
 sæculare nihil habet potentia. Utinam ho-
 diè conscientiarum tortores, orthodoxæque religio-
 nis everfores hoc perpenderent, nec in animas ho-
 minum sibi judicium, quod solius Dei est, sume-
 rent ! Nec abs re est vindictæ locus ; periit enim in
 eo ipso conclavi, quo annis retrò aliquot, cum ma-
 tre Katharinâ & fratre Karolo IX in lanienam Pa-
 risiensem contra orthodoxos conspirarat. Ita vero:

H Est

Est profecto Deus, qui quæ nos gerimus, auditque & videt. Serres, Regius Historicus, dicto loco asserit: Regicidam à doctore Bourgoignio, cœnobii Dominicani Priore, Patre Commoletto, & reliquis Jesuitis, ut & à Ligæ Capitibus persuasum & instigatum esse, cum amplis promissis, si evaderet, Episcopatum & aliorum beneficiorum in terris Ecclesiasticis: sin minus, primi loci in paradiso supra Apostolos.

Tantum de regicidio hoc tristi. Opidum situm ad collem & Sequanam, quam pons lapideus perviam facit; arx & palatium agnoscit Herum de Gondy. Altiori paululum loco ædificium stat, unde prospectus Parisios & in circumvicinos agros amœnissimus. In conclavibus, Magnatum cum uxoribus picturas contemplare; Regina præsertim, cum adpictis circumstantiis. *Hortus* nemorosis & variegatis, elevatis item & depressis ambulacris gaudet; singula à se invicem fontibus, & statuis Rustici, Rusticæ, & aliarum interstinguuntur. Hinc ad *cryptam* fornicatam, sacelli instar, pergendum. medietas mensam rotundam è nigro marmore tenet, aquas per tubos variegatos emittentem: latera vestiunt statux marmoreæ: supra & infra aquarum copix scaturiunt improvise. Hinc Parisii & circumjacentes campi oculis emensurari commode possunt.

Uno lapide hinc distat

A R X M E U D O N,

IN rupe ædificata tempore Francisci I Regis ab Antonio Sangvino Cardinale, & perfecta sub Henrico II, amœnissimo ad silvulam loco. Intus grotta elegantis structuræ, improvise adventantes adspersens. Conclavia marmoreis statuis orna-

ornata. ibi Parisii in marmoreo speculo ad caminum ostenduntur; heic è marmore Iulius Cæsar, Octavius, Tiberius, Caligula, Nero, Otto, Aristoteles, Demosthenes, Cicero, videntur. Omnia olim elegantiora, priusquam Gallia intestinis bellis mota, & heic furiarum vestigia posuit. Ad præterlabentem fluvium cœnobium Capuzinorum sub Carolo IX fundatum est.

Hinc uno lapide descendis ad pagum

V A N V E S,

Olim *Vannas*, nomine derivato ab antiquo Gallico *venna*, vel *benna*, quod est piscis: hinc locus hic piscatorum fuit domicilium. Hodie à butyro claret, quod ob pascua pinguiissima hic provenit dulcioris saporis quàm alibi. Hortum insuper invise Domini des Portes: fontium, ambulacrorum, florum & herbarum est magna amœnitas, ita ut, quando pedes Parisiis huc exis, amœnissimâ quiete frui possis.

Cum verò Vanves, vico GONESSE jungi soleat; non per locum, sed commune diverbium, jungemus ea heic etiam.

G O N E S S E,

Vicus est, dives frumento & pane, qui ibi pinfitur copiosus, & Parisios defertur; boni saporis, ut de Vanves butyrum. Ex his binis locis olim Franciscus I Gall. Rex Carolo V Imperatori, titulum regnorum suorum per integram paginam recensenti, nihil aliud reposuit, quàm, *Franciscus, D. G. Rex Galliarum, Galliarum*, (& hoc sæpius,) &c. *Dominus de Vanves & Gonesse*. sed alterâ facie bestialibus litteris, syllabisque in lineas divisus: **NOLUMUS.**

Propè hinc abest pagus

ISSY,

Iciacum Romanis dictum, Parisios obsidentibus. Olim adoratio gentilis Isidis heic loci; quæ & colebatur Parisiis in suburbii abbatiâ S. Germani. præter aquam pellucidam & fontes salubres, in transitu Lutetiam nihil heic habes. Aliâ viâ occurrit

BISSESTRE,

LEvi deambulatiunculâ, Parisiis. Falsum & fabulosum nomen est à bissestario numero, quo XII comprehensi finguntur discipuli, quos Diabolus annuatim heic instituit, & pro didactro à circumgyratione rotæ decidentem animâ pariter & corpore abduxit, salvo manente cui Johannis nomen fuit. Amplius fingunt, eo ipso anno, quo Lutherus in summum pontificem & Roman. Ecclesiam detonare cœpit, silentium fecisse personatum Doctorem. Colus philosophia & aniles fabulæ sunt. Verum nomen est ab arce Regali *Vincestre*, ædificatâ à Joanne Duce de Berry sub Carolo V Rege; sub Carolo VI verò à lanionibus & coriariis Parisiensibus, in gratiam Ducis Burgundiæ, armatâ manu spoliata dejectaque est. cujus rudera in solitario colliculo etiamnum extant; specus & meatus subterranei temerarios arcent, & præter externas deformitates spectatori nihil relinquitur notandum.

Quadrante hinc, pergis deambulando ad pagum

ARCUEIL,

AB arcubus seu aquæductibus, quos in suburbiiis magnis impensis struere consueverant Romani,

mani, dictum. Olim Magistratus aliquis, auram popularem captaturus, populi in emolumentum ejusmodi aquæductus extruxit, & in urbem per tubos & fornices deduxit, ad ornandam sumptuositatem, & in cives quâdam pompâ demonstrandam benivolentiam. Ex publico reficiebantur, ne cives contributionibus onerarentur, (*l. 7. C. de aquæductu*) nemo eorum qui jus aquæ possident, quancunque descriptionem sustineat. nam execrabile videtur, domos hujus almæ urbis aquam habere venalem. Sed jam Pontificum luxuries, & summa ærarii necessitas, non ex aquæductu tantum, sed & lotio humano, (quod olim Vespasianus Imperator) si cives non refugerent, vestigialia & collectas exegerunt. Verùm sordes sordidi illi, & labra lactucas habeant similes. A limpidis & salubribus illis aquis, Julianus Imperator apostata, per tubos plumbeos balnea sua struxit; deducendo nimirum eas usque ad palatium suum, quod hodiè dicitur *l'hostel de Clugny*; deductosque calefecit, & thermarum usû habuit. Hodiè immensi operis, novi heïc aquæductus structi, curâ Henrici IV & Mariæ Medicæ: altissimâ è valle sunt elevati fornices, quibus pons tectus innititur: à scaturigine paullùm remotiore isthic, canalís rapidi progressus ducitur per pontem, qui monti annexus undas intromitti perpetuo cursu ad verè regium palatium in suburbio S. Germani Reginæ matris, maximam partem perfectum.

Hinc non longè abest pagus

G E N T I L L Y;

Hodiè ita oblitteratus locus, ut quis, eo viso, dicere possit, *Ubi est?* Olim heïc *les assemblees*, seu statuum Galliæ convenrus fuere; nec

non parlamenta interdum habita, quæ per Normannos cum omnibus antiquitatibus sunt sublata. Interlabitur pagum amnis *Bieure*, cujus aqua coccini panni tineturæ maximè inservit. Ex hoc loco Rex Henricus IV scripsit ad Hispaniæ Regem, (exemplo ferè eodem Francisci I, de quo supra:) *Henry* [cui aliàs titulus Franciæ & Navarræ Rex] *par la grace de Dieu Roy de Gentilly*: quippe juratus erat hostis omnis factus; & festivè illudebat Hispanum, litteris qui inscripserat suis nomina Regnorum, Ducatum, Principatum, quorum possessionem omnium nec habuit, nec habet, nec habiturus est.

Aliâ viâ Parisiis egrediuntur occurrit Regia arx

LE BOIS de VINCENNES,

Volapide ab urbe sita ad Sequanam, fossis altis, octoquæ quadrilateribus turribus circumdata & munita; anno c1o ccc xxxvii à Philippo Valesio cœpta, sed à Carolo V finita, ut tabula habet ad ingressum pontis, penes castellum Demon, litteris Gallicis, *antiquitat. Franc. pag. 196*. Area intus ampla est, ad cujus lavam *la sainte & royalle chapelle*, in honorem SS. Trinitatis & Virginis Mariæ structa à Carolo V, Canoniciisque xv, ut sacris operarentur, data. Carolus VI Rex, seditionem Parisiensium castigaturus, omnes catenas ex urbis plateis auferri & in hanc custodiam reservari iussit.

Ad arcem silva opaca, recreationibus Regum maximè commoda. unde heic multum temporis insumentes, non pauci è vivis quoque abierunt; ut Ludovicus Huttenus anno 1316, 15 Junii; Carolus Pulcher, 1327, 10 Febr.; Carolus Dauphin, 1386; Carolus IX Rex, 1574, 30 Maii.

Hoc

Hoc cum Seneca dixerim: *Non credo anxie inquirendum, quando & ubi quis moriatur, sed quomodo moriatur; hoc totâ vitâ discendum.* hic siquidem duabus ultimis hebdomadibus ægritudinis suæ, nil nisi sanguinem è corpore vidit fluere, inque eâdem dicitur mortuus effusione. *Serres in vita Caroli IX. Antiquitates Franciæ pag. 199.* vindictæ haud dubiè signum cruentæ cædis & laniæ anno cIdo LXXII ab hoc Rege institutæ. *Thuanus dicit lib. LVII;* Regis somnum nocturni horrores post casum San-Bartholomæum plerumque interrompebant, & rursus adhibiti symphoniaci pueri expergefacto conciliabant. Hinc lector seriò rem exputet.

Silva hæc invitat suâ amœnitate Parisienses; locus vespertinæ oblectationi & deambulationi commodissimus: ibi centurias pilentorum & vehiculorum pensilium numerabis, exspatiatum, jocatum, lusumque venientes; Gratiæ & Venères Parisienses ibi suos recessus habent: heic lenes susurri, ibi tenues repetuntur cachinni & loco & tempori inservientes.

In hoc eodem Regis vivario coenobium est fratrum Minoritarum Ordinis Francisci de Paula; *les bons hommes* qui dicuntur. Pontificios ibi asservare reliquias pulverisatas de pallio D. Martini, ut & dentem Servatoris, ait *Molinaus im Glaubens-schildt, edit. Basiliens. pag. 458*

Hinc, si lubet, divertere potes ad Regiam arcem

S A I N C T M A U R,

IN colle ad sylvam sitam, loco amœno, unde in circumjacentia diffusus prospectus. Edificium natum est auctore Francisco I. Sed minimam partem consummatum, pro more qui in Gallia

obtinet circa ædificia Regia. In area, peristylum lapideum ferramentis præductum; ubi janua pectoralem Francisci I statuam ostendit ex ære, cum inscriptione:

*Hunc tibi, Franciscæ, assertus ob Palladis artes,
Secessum vitas; si fortè palatia grata
Diana & Charites & sacravère Camæna.*

Inferiùs paululùm:

*Vt vivas valeasque, forum heic vitabis & urbem,
Nec res à somno, nec revocabit amor.*

Januæ salamandra liliis circumdata (insignia Francisci I) superstat: *Non deflorebimus isto præside & istis Ducibus.*

Arcem Henricus IV Principi Condéo donavit, ubi is etiam enutritus, ubi infantia lusit, & pueritia exercita est.

Hinc recta via te ducet ad

MONT MARTRE;

Olim mons Mercurii vel Martis; quorum idola ibi culta à Gallis adhuc Ethnicis superstitionum amantibus. Vel etiam quasi *Mons Martyrum*, quòd ab Ethnicis Gallis heic loci Dionysius Areopagita cum collegis dicitur interfectus: *Omnes sancti (dicunt Antiq. Franc. p. 192.) Martyres nudi cæsi, & suis vestibus reinduti, è regione idoli Mercurii, ad locum constitutum educti, ad decollationem sunt genua flectere iussi.* S. Dionysius ibi cùm decapitatus esset, creditur caput (sicut S. Albanus Moguntia fecit) suum portasse ad locum qui hodiè S. *Denys* dicitur. In viâ quatuor saxei cippi, veluti cruces pyramidales, *Mont-joyes* dicti, videntur eunti, respirationi inservientes; verùm ad singulos, in funeribus Regum, stationes & commorationes haberi solent: positi prin-

principio ad deducationem funeri Ludovici IX ;
ornati tribus statuis regiis ; in culmine habentes
crucifixi imaginem. Hodie in monte cœnobium
virginum Vestalium à Ludovico VI & Adelheidâ
uxore est exstructum, Ordinis Benedictini, anno
1134. Materia gypsi Parisios quæ defertur, ibi
effoditur; unde proverbium : *Il y a plus de Mont-
martre à Paris, que de Paris à Mont-martre.* Mons
ita altus, ut oculis inde Parisios supergredi pos-
sim.

Non longè a descensu montis Regale extru-
ctum est

L'HOSPITAL de S. LOUYS,

DICTUM LAZARETVM, extra portam Templari-
orum. Inscriptio templo talis imposita ibi:

D. O. M. S.

Henricus IV, Franciæ & Navarræ Rex
Christianiss., domi forisque pace altâ
fruens, quam Dei virtute & suâ invictâ
dextrâ sibi & regno peperit, curam suam
in omnes Reipubl. partes maximas, mi-
nimas pariter extendens, inter tot stu-
pendarum substructionum moles, quibus
Majestatem imperii Gallici indies am-
plificat, instaurato prochotrophio urbis,
cognito defuisse hætenus nosoconium,
quæ res ingenti civibus incommodo ac
periculo vertebat, opus novum in valetu-
dinarii usum à fundamentis excitavit ;
inque ejus fabricam, memorandam in
omne ævum, liberalitate tanto parem in-

H 5 cepto,

cepto, pecuniarum vim unâ donatione contulit; ædem insuper hanc in honorem Divi Ludovici progenitoris sui, qui, pro Christi Servatoris gloriâ adversus infideles tot bellis feliciter gestis, in Africa demum morbo pestilenti mortalitatem exiit, dedicatam, de ejus nomine dici voluit: documentum subditis, quæ jam nunc Ludovico filio exempla sua & suorum Majorum proponat imitanda. A. D. **CLIO LCC VIII**, Regni sui **XIX**.

Item in area salientes fontes multâ operâ educiti; conclavia ordine, numero, amplitudine, ornatu ita instructa, ut Regio palatio, non valedudinario, similiora sint. Dignum quoque est visu pharmacopæum, medicamentis instructissimum.

His omnibus Regiis Palatiis & ædificiis visis, restat ultimò extra Parisios sanum,

S A I N C T D E N Y S,

DUobus ab urbe milliaribus. Hic Francorum Apostolus cum Rustico & Eleutherio, sub Domitiano, capite plexus, dicitur caput suum de loco Montmartre deportasse in hunc locum, qui tunc *Catulus* vocabatur. Sepultus postea, sed à Dagoberto, autore sumtuosissimi hujus templi, honorificentissimo tumulo donatus, quem cum reliquorum reliquiis adhuc hodiè heic religiose custodiunt. Verùm *Molinaus in Scuto fidei*, pag. 460, *edit. Basil.*, asserit, Baronium in Annalibus habere Bullam Pontificis Leonis IX, in qua narratur, Parisienses ad S. Dionysium valdè errare, opinan-

opinantes, se corpus S. Dionysii Areopagitæ habere & asservare; cùm corpus illius Sancti præter unum digitum, asservetur integrum Ratiobonæ.

Non ego hanc litem meam faciam; potius, sed paucis, cùm alii heic fuso calamo antè scripserint, ad *templum*; quod cùm neque per Normannos, neque per intestina bella sit turbatum, divinam quandam tutelam ei inesse Reges Galliæ arbitrantur; ita ut longiori se itineri vel expeditioni committentes, prius hunc locum visitent, & votum itineri expediant. *Serr. in vita Caroli VI.* Templo præest Abbas, dictus sacri Palatii Archicapellanus. Cui privilegium est, quemlibet Abbatem esse quasi natum, non electum, consiliarium in Parlamento Parisiensis: imo privilegio Ludovici I I exemptum jurisdictione Episcopi Parisiensis. quod ideò factum, quia Abbas templi tectum è puro argento auferri Ludovico II permisit, & tempore urgentis famis inter pauperes distribui. Videamus Templi magnitudinem, monumenta, thesaurum, & fontem.

Templi *longitudo* est ccc pedum, *latitudo* c, *altitudo* Lxxx, ad interiorem fornicem: pronai vero *longitudo* cxxx pedum. Edificium sustineat Lx columnæ; & introitum faciunt tres portæ æreæ, auro quondam obductæ. *Chorus* divisus in tres partes: I, ubi religiosorum sedilia, habet *longitudinem* Lxviii pedum, *latitudinem* xxxv; II, habet *longitudinem* xlv pedum, *latitudinem* xxxv; III, *longitudinem* xxv, *latitudinem* prioribus æqualem.

Monumenta Regum & sepulturas, tres chori habent. In primo, Caroli Calvi, cum inscriptione:

Imperio Carolus Calvus regnoque positus

Gallorum jacet heic sub brevitae fetus.

Porro ad dextram, Ludovici & Dagoberti Regum: ad sinistram, Hugonis Capeti & Odonis Regum: inter utraque arca cum reliquiis S. Dionysii. *In secundo choro*, xi Regum Sepultura: v ad sinistram; Philippi III Audacis; Philippi Pulchri cum regina Isabella Arragonia; Pipini Regis & Bertæ Reginæ: iv ad dextram; Ludovici, Philippi Pulchri filii, cum filiolo Johanne; Johannæ Navarræ reginæ; & Caroli VIII, ex ære, in genua procumbentis. *In tertio choro*, sepultura S. Ludovici. In interstitio ii & iii chori, ad dextram videbis Dagoberti sepulchrum, hujus templi fundatoris, è lapide sine omni ornatu. Ad sinistram, Philippi Longi, & uxoris Johannæ; Caroli item Pulchri, & uxoris Johannæ; Philippi Valesii & Johannis. Extra primum chorum est sepultura Francisci I, ex alabastro; ibi proelia ejus & victoriæ: ad sinistram, Ludovici XII, & Annæ uxoris è Britannia oriundæ, hæc omnium est suntuosissima. Ad septemtrionem Katharina Medicæa sacellum rotundum cœpit, in quo monumenta mariti in medio, filiorum Francisci II & Karoli IX ad latera: è marmore: ædificium indies ad ruinam per pluviam desuper cadentem vergit. Henrici IV corpus, nigro panno coopertum, nondum terræ mandatum erat. lampas ibi ardens, & tabula, quæ elogium & epitaphium ejus tale habebat:

Sole ex imo ad medium cœli transscendente, novus hic Sol in terris ortus. Et, ut ille, primos ætatis suæ dies per nives & per horrida saxa degens, nondum ephebus stragem suorum & sui ipsius carcerem passus,

passus, juvenis tanquam vere adveniente
nubes quadraginta quinque exercituum
hostilium fugans. Vir ætate veluti fla-
grare incredibiles labores exantlans, Jani
portas in tota Europa clausit; regnum
hyeme bellorum devastatum ad uberem
messiem redegit: cujus in autumnno colle-
ctis frugibus totius Christianitatis utili-
tati dicans, magna & miranda moliens, ab-
ominando ausu nefarii sicarii cultello con-
fossus, morte intempestivâ & nunquam
satis lugendâ raptus obiit, 14 Maji, anno
1610, Parisiis. cujus misereatur Deus.

Jacques Caigne de Poitou.

Thesauri pars in templo, pars extrâ in con-
clavi altiori asservatur. In templo reliquiæ sunt,
caput S. Dionysii inauratum, & gemmis grave,
clavus crucis Christi, brachium Simeonis, caput
Benedicti, fasciæ Christi, reliquiæ Esaïæ & Ni-
colai, altaria & cruces gemmis & auro coru-
scantes, unicornu sex semis pedum, xxv libra-
rum: labrum è porphyro, quo balnei loco Da-
gobertus usus, huc Piëtavio transvectum, ubi ba-
ptisterium olim fuit, pretio L. mill. coronato-
rum: hodiè sacro Paschatos & Pentecostes aqua
lustralis in eo consecratur. Ibidem laterna Judæ
proditoris, antiqui operis, gravioris ponderis.

Ad thesaurum regium in conclavi asservatum,
ad dextram, fit ascensus per gradus. Quatuor
sunt ei destinata armaria, verè regias opes con-
tinentia. Quæ heic, cum possem, referare nolo.
Alii notarunt, sed & mihi heic industria manus
fuit, si caperet libelli angustia: omnia sunt ma-

gnifici & admirandi operis; neque existimo ulli-
bi terrarum in uno sacello tantam vim rarissi-
marum & stupendarum opum contineri: omnia
sive superstitionem sive devotionem Regum ar-
guunt, nostro sæculo vix credendam, nedum
imitandam. Unum addo, Abbas templi tenetur
ornamenta regia, diadema, utrumque sceptrum,
& alia, Rhemos deportare ad solemnem Regis
coronationem.

Fons in cœnobio magnæ amplitudinis, aquæ
saluberrimæ est, uno è lapide excisus: indicium
summæ antiquitatis faciunt statux & idola cir-
cumcirca, à plebe gentilitiâ olim adorata.

Hic visis, mercedem sacrifico utrique solve;
alteri, qui quidquid reliquiarum à Divis vel re-
stabat, vel restare credebatur; alteri, qui thesau-
ros regios multo cum labore & veneratione
ostendebat.

*Hæc ubi visa forent, retrò spectavimus urbem,
Sequanam quam geminâ dividit alluvie;*

Lutetiam nimirum. Hinc commoditate vereda-
riorum, mercede coronati aurei in caput consti-
tutâ, Rothomagum, & inde Ambianum, Pari-
sios te reducam. Urbe igitur Regiâ profectus,
arces *Madrid* ad sinistram, & *Montmorency* ad
dextram relinquis. Hæc natalitia antiquæ Gen-
tis Montmoranciorum, qui vetustissimi Franciæ
sunt Comites. domus est ad collem sita. Hinc bis
Sequanam (quæ serpentis instar sursum & deor-
sum sese volvit, & planities gyris secat) trajici-
mus mercede admodum exiguâ numeratâ, mox
villa *Argentea*, *Argentueil*, tertio ab urbe lapide
adeft opidum:

*Vestis ubi Christi (si fas est credere pagi
Sacrificis) capsâ per vitrum inclusa videtur.*

Eam sumtâ mercede advenis monstrat sacerdos:
verum

verùm *Molinaus in Scuto fidei*, pag. 460, edit. *Basil.* dicit, quòd his, cum Trevirensibus lis magna sit de veste hac Christi; siquidem utrique jactant & profitentur se illam asservare. Hinc porrò sat grandis mons superandus, & quidem pedes. Post occurrit *IV* lapide opidulum *Pontoise*, cui nomen à ponte, qui fluvio Oyse ante opidum incumbit, colli adsitum. altera pars collis habebat antiquæ formæ ædificium, regiam sedem: altera castellum, è quo opidum defendi potest. Heic prandium nobis à l' *escu de France*. Hoc opidum alioquin ob pratorum & vinearum, imò hortorum circumjacentium continuam feriem, & accinens aquarum lene murmur, præter alia loca, meos affectus possederat: verùm sumto prandio cum comitibus, affectus corrigendi erant; quòd rerum, quæ fieri nequeant, optimum remedium est oblivio. Transibamus vicum *Vigny*, tribus milliar. à prandio; & cœnam in vico *Magny* sumebamus, in hospitio *au bras d'Or*, 4. milliaria. paret Domino Villaregio.

Sequenti manè, uno milliari ad dextram, arx *Alincourt* in valle relinquitur; è qua ortum suum habent Domini d'Alincourt; nos verò via ducit pransum ad vicum *Escovy*, *VII* milliarium; ubi trux lautæ, sed lauto pretio, adponuntur in diverforio à l' *espee royale*. Mox, dum prandium paratur, ad templum ibamus, quod Decanus cum *XII* Canonicis habet: exstructum ab Euguerando Marigny, comite de Longueville, qui fuit supremus aulæ magister sub Philippo Pulchro, & sepultus in choro armatus in tumulo marmoreo, loco elevatori: è regione frater ejus, Archiepiscopus Rothomagensis, habitu Episcopali. Quasivimus in hac æde epitaphium:

Cy gist le fils & la mere,

la fille & le pere,

la sœur & le frere,

la femme & le mary,

Et il n'y a que trois corps icy.

Canonici quærentibus nobis respondebant, numquam istius loci tale epitaphium extitisse; quod tamen à fide-dignis antè acceperamus ibi positum. fortè puduit eos rei & historiæ stupendæ, quam tamen cum lectore communicamus nostris verbis. Accidit in opido quodam N, ubi mater cum filio pubere rei familiari operaretur, filius amore ancillæ maternæ inflammatus, eam sæpiusculè de concubitu sollicitat. ancilla dene-gans, rem matri aperit; quæ ancillam, si filius quæsitum reiteraret, instruit, consentiat, deter-minato certo loco & noctis in tenebris tempo-re; ita tamen ut consensu facto & circumstantiis dictis ancilla matri rem denuntiet, quæ se pro an-cilla ibi gestura, filium in lecto præstolari, vellet. Quid sit ancilla rursus à filio invitatur; consentit tandem, clàm locum & tempus designans, ma-trem adit; quæ in puncto locum designatum oc-cupat, filio dicto tempore venienti se substernit, coit, concipit, & post, in scio filio, qui se rem cum ancilla habuisse existimârat, puellam inde parit. Filius, matre domi relictâ, peregrè abit, & aliquot annos abest. interea mater puellam in villa educari curavit; quæ revertente filio ad-olescit bellâ formâ; & opidum domumque in-gressâ placet filio. hic quærit è matre, quænam ista sit puella? mater respondet, orphanam esse, & à se eductam. filius eam sibi dari petit, postu-lat, urget, tandemque impetrat. mater, occultans omnia, permittit tandem. Sic filius eam impræ-gnat pro uxore, cùm esset filia & soror è matre de semetipso antè nata.

Spiræ

Spiræ in Germania dicitur epitaph. simile esse:

Hier ligt sohn und mutter,

dochter und vatter,

schwester und bruder,

mann und weib,

die seynd gekommen auß eynem leib.

Prandio sumto mox difficili gressu superandus præaltus mons; quem ima vallis sequebatur ad pagum *Frenil*, I milliari. nihil quod in via occurrit, quàm segetes lætæ & uberes aristæ; pagi aliquot item penetrandi, ad cœnam donec VI mill. venerimus in urbem

ROTHOMAGUM,

Roën Gallis, metropolin Normanniæ, ubi amplo hospitio au quadrant de mer excipiebamur. Nos postpositâ nominis fabulosâ derivatione, quam habent Antiquit. Franc. fusis paginis, ad lustrandum intus & extus urbem properamus. Sita est in valle, cujus latera alti montes, qui igni fomenta suppeditant, circumvallant ab unâ parte, flumen Sequana lambit ab altera, ibi pascua pinguißima, nec longè abest pagus, lactici-
ciniorum copiâ & bonitate, cui parem Gallia non habere dicitur. Præter Sequanam sunt amnes, *Robec*, *Aubette*, & *Renelle*, qui plateas secant, & molendinis industriam operam ferunt. Iis incumbunt pontes, quibus plateæ junguntur, *le pont de Robec*, *le pont d' Aubette*, *le pont Dame-Renaulde*, & *le pont de Taritaine*. hi verò nihil ad pontem Sequanæ superstructum XIII fornicum, tamen si media pars ruinâ ab altera discriminata jacet. Heic duo portus seu stationes: altera, quam Parisiensem vocant, *le quay de Paris*, supra pontem, ubi naves Parisienses: altera *le quay de navires*, ubi naves in Oceanum exeuntes
subsi-

subsistunt; qui paucis abhinc milliaribus Sequanam excipit ad *portum havre de grace*, à Francisco I contra incurfiones Anglorum ædificatum.

Ad fluvium Sequanam heic *Castellum*, xi turribus conspicuum, apparet, in quo præfidiarii milites: naves huc adventantes ter explodere tenentur. Urbs præterea propugnaculis, fossis & portis, quæ tamen angustiores, munita. Accedit è regione urbis in summo monte Abbatia D. Katharinæ. Ibi propè castellum, *le fort de S. Katharine*; quo omnis locus in urbe defendi potest: quemadmodum Metis in Lotharingia à suo castello: ipsa tamen munitio ab Henrico IV, pace factâ, destructa hodiè jacet. ita cives liberati metu oppressione, & Rex Galliæ rebellionis, qui intra hanc tutò latere poterat. Ante portam S. Hilarii notes Antonii Navarræ, qui pater Henrici IV fuit, interitum; ubi, cum contra Hugonottas militaret, reddens urinam, inscius globo trajectus est, anno 1563. vide *Serrem in Carolo IX.* cum verò Henricus filius urbem hanc obsideret, murus suâ ipsius ruinâ heic se dejecit.

Jam ad *adificia*. Inter sacra, *templum D. Virginis* primum est, tribus turribus eminens, *S. Romani*, *butyraceâ*, & *pyramide*. Butyracea plumbo tecta; quod tamen sole costum, cupri naturam & formam sibi assumere videtur. ubique Cruces erectæ, cum galero cardinalitio, & literis G. A. ascensus graduum cccclxxii. Quæ à pyramide nomen habet, ascensûs altioris est: principio cccc gradus è lapide sunt structi, quos cc è ligno sequuntur: ita ut Icc graduum summa sit, scansione sudorem provocantium. Opus, & cum campana, quam alii descripserunt, est Georgii d'Amboyse. cujus tumulum in hoc eodem templo, è nigro marmore, tale ornat epitaphium:

Geor-

GeorgI de Ambasia, Cardinalis in Francia Legati, Neustriæ moderatoris atque Rothomagensis archipræfulis :

*Ambosius Galli laus prima Georgius orbis,
Mortuus hoc Pario marmore subtegitur.
Gallia cum coluit viventem, & Neustria functum,
Gallia & efflictim Neustria mœsta gemunt.
Gallia Legatum, Rectorem Neustria luget,
Primatesque omnes publica damna dolent.
Cardinea hoc vultu reverentia prædit amorem:
Pompa abiit, cecidit pontificalis honos.
Rothomagi ille gravis desuncto authore Senatus
Conqueritur comitem Rex Lodoice, genus.
Gallio marmoreus, campana, aurataque tecta
Expressi quædam signa doloris habent.
Religio, pietas, miseratio, fœdera pacis,
Quæ sitiit vivens, interiøre simul.
Is collegit opes & amicos : liquit amicos,
Liquit opes; tumulo dat pia thura nepos.
Qui virus patruo virtute & honore parentans
Cum patruo functus saxa sub illa jacet.
Dic, hospes, pia verba, & si tibi consulis, amplum
Heic propriæ exemplum conditionis habe.*

Ibidem

Epitaphium Caroli Rupifuoldi, Comititis Randani Equitis torquati, quinquagenariæ cataphractorum Equitum turmæ Gallicique peditatûs præfecti; qui, bellis civilibus in Gallia excitatis, in hujus urbis obsidione ignito fictili percussus, præclaris egregiæ virtutis ac fortitudinis facinoribus editis, extinctus est. cor heic positum est, anno cId Id LXII, ætat. xxxvii.

Fulv. Con. posuit.

Præ-

Præter hæc, sunt heic monumenta Ducum Normandiæ & Archiepiscoporum. Caroli V statua marmorea cum corde; sacellum item innocentium; ubi historia de Dracone & S. Romano. Unde Ecclesiæ hujus Canonici, jam inde à D. Romani tempore concessum observant, ut pridie diei, quem in hanc rem festum colunt, ex facinorosis hominibus, qui tum captivi detinentur, sceleratissimum sibi dedi postulent: quem ut audiverunt confitentem, & ad vitam emendandam admonuerunt, publicis ceremoniis, tum in templo, tum in foro continuo magnificè adornato, ab omni supplicio immunem pronunciant. *Jean le Teylon in hist. Norm. Arnif. de jure Majest. p. 263.* Vexilla item & arma in Gallia maritimi prætoris. Chorus ex orichalco. Organum stupendæ magnitudinis. Columnæ xiv à singulis partibus. Præcipuum autem quod heic notabis, sunt vestes sacerdotales & ornamenta, Regis Angliæ Guiljelmi & Amboisii Cardinalis munera: antiquitatem ducentorum annorum præ se ferunt, & thesaurum rarò videndum: pallia sacra, insulæ, mitræ archiepiscopales magnâ in copiâ, regioque pretio à gemmis, unionibus & auro. inter alia pallium est egregii operis, acupicti: in quo summo Christus duodecennis in templo docens; in medio, quomodo baptizetur; in imo, quomodo à Diabolo in eremo tentetur: heic Diabolus habitu Capuzinorum fratrum & colore repræsentatus; causam tibi sacristanus explicabit. Cruces insuper, candelabra, & varia supellex Ecclesiastica ibi; verè regia dona, pio affectu heic data.

Porta ante templum cum tribus Gratiis in honorem Henrici IV erecta. arcus triumphalis est, ostentans Regem, leonibus & lupis fugatis, securè

curè oves suas agitantem. ab altera parte idolum Ligæ ligatæ, catenam arrodentis; ab altera, Rex Hispanus tympano insidens, melancholico & tristi vultu.

Præerat tum Archiepiscopatui Dominus *Franciscus de Hailay*, è domo *Chanvallon*, primas *Normandia*; vir linguarum dives, doctrinâ & auctoritate stupendus, quem Parisiis publicè in æde Augustinianorum novo modo inter eruditiores disputantem græcè & latinè sæpiùs audiui: Ei subsunt Diaconi, Subdiaconi, Canonici 1, & reliquus Clerus amplo numero.

Ex hac æde ad *Sancti Ovani* te confer. chorum calcaribus ne ingrediaris; regum mansio est, ubi Rothomagum veniunt: ædificium structurâ mirabile. Sacellum S. Agnetis ad sinistram chori, habet in terra tumulatos opificem Alexandrum de Bernesa, & discipulum; ille istum ob artem trucidavit, sed ipse fune etiam vitam finiit: opus utriusque, fenestræ ostendent; magistri ad dextram, quod est duplicata Rosa; discipuli ad sinistram; quod est Rosa cum stella intus. contemplare fornices & arcus, qui civilem arthitecturam intelligis; ingredi peristylia, ubi subsellia lapidea, disputationibus dedicata; area taxum habet insolitæ magnitudinis. Monachi sunt XLV, ordinis Benedictini, quibus præerat Abbas Comes de Soisson. Extra ædem notabis iconoclasum;

Et veteres aras, deturbatasque videbis

Sanctorum statuas, flammæque ardente crematas.

Dant signum obducti nigrâ fuligine postes,

Atraque disjecti fumo laquearia templi.

Portæ, foramina, per tormenta injecta ostendent. In bello civili, Ligistis in ædem hanc sese recipientibus, Henrico adventante, & clamantibus,

tibus, *Vive la Ligue*; opidanis verò, *Vive le Roy*; Rex armatâ manu templum aggressus, occupavit, & Ligistas sedavit.

Iesuitarum in hac urbe quoque est domicilium; bibliotheca in fama est; discipuli in numerofo numero; Templum iis de novo struebatur.

Cœmeterium de S. Malcou quadrilaterum est, muros ex ossibus demortuorum, ut & crucem, habens. In hac parochiali æde plus quàm viginti millia communicantium in festo paschatos ad S. Coenam se sistere, dicunt *antiquit. Franc. pag. 970.*

Pergamus ad *politica ædificia*. Palatia regia sunt duo. alterum ad Sequanam *le vieux palais*; præ quo castellum; è quo fistulis aqua educitur: imposita ibi statua lapidea Henrici IV cum clava Herculis. alterum est *Parlamenti curia*, (*le palais royal*) à Ludovico XII anno cIo cccc xcix erecta; conclave præcipuum quotidiani conventus. *La chambre d'orée*, à fornice ligneo inaurato: hanc si frequentare voles, calcaria ocreis deme, aut marsupio numos.

Domus Senatoria, frontispicio tota nova, effigiem Henrici IV portæ impositam habet ab uno, ab altero latere inscriptionem:

Du regne de Henry IIII trechrestien, Roy de France & de Navarre, 1607.

In medio insignia urbis, *Agnus Dei*, vulgi verbo.

Bursa mercatorum, est ad portam de l'estrade.

Jurisdicctio prætoris opidani est in loco de *Cohuc*.

Ad Sequanam porta est, dicta *du Bare*: cui inscriptio:

An-

Anno 1617.

*De cest heur seule je jouys,
que quand la pays prist assurance
par la justice de Louys,
je pris mon lustre & ma croissance.*

Est & locus quidam in urbe, ubi anno cId-
cccc xxxi Jeanne Pucelle d' Orleans, ab Anglis
veneficii accusata, viva combusta est. Carolus
VII Rex Gall. ei ob fortitudinem insignia dede-
rat, binalilia aurea in campo cœruleo, inter
quæ gladius argenteus; in galea pomum & cru-
cem auream cum corona aurea. sed hæc omnia
nihil, cùm rogo injiceretur cremanda.

Formale urbis est in imperio Archiepiscopa-
li, & parlamenti. utrumque amplæ jurisdic-
tionis est. Illud xii sub se decanatus: istud pluria,
quam hic dici possunt, sub se comprehendit lo-
ca; nimirum tres Ducatus, & ix Comitatus, cum
visceribus & incolis. Hæc causæ deciduntur à
Præside, Proceribus & Jurium peritis;

Quorum ubi consueto dicta est sententia ritu,

Appellare licet nulli: lis clauditur omnis.

Ita Chytraus. Unum est quod te latere nolo; Est
in parlamento hoc unus summus Præses, habens
v collegas inferiores: sunt inter Consiliarios,
Assessores tres reformatæ religionis, quibus cu-
ræ est Edictum Religionis Nanneticum, causæ-
que illius præsunt, nomine Regis: Edictum il-
lud videre potes apud Serrem, in vita Henrici IV,
auno cId Id ic; & ejus confirmationem à Ludo-
vico XIII factam anno cId Idcx. Numerantur ve-
rò Ecclesiæ orthodoxæ in Normandia quinquaginta;
in omni Francia 1000. Urbes quæ Edi-
ctum receperunt, forum suum habent in pro-
vinciæ, in qua sitæ sunt, parlamenti: reliquæ,
ut Aquæ Sextiæ, in Provincia, Redonum in
Bri-

Britannia, & alia, siquæ illis de Religione moventur lites, Parisiis habent forum in Camera Edicti; (ubi vi regii adseffores sunt.) eò migrare tenentur, quòd tunc temporis Edictum recipere noluerunt in Francia ubique publicatum; quod ægrè dolent hodiè.

Extra urbem hanc, Sequanam trajicies cymbà, si ire voles in pagum *Quevilly*; ubi reformatorum Ecclesiasticus est conventus. horam cum media impendes. Coetus capita quatuor mill. numerat; cui tres ministri præfati sunt, tametsi hoc tempore bini tantum essent, *Monsieur del' Angle*, & *Eronnelle*. Templum in horto situm est, habens xii angulos, totidemque ligneas columnas, quibus incumbit: totidemque, sed duplicato numero, sunt fenestæ; quia duæ sunt contignationes pro populo, cuilibet xii respondent fenestæ, exceptâ basi templi, quæ ix fenestris lumen, & iii portis populum admittit. Ædificium artificiosâ structurâ, parvo spatio, aliquot chiliadas auditorum capere potest.

Hinc à concione, pedestri itinere, Sequanâ rursus trajectâ, me Rothomagum recepi; ubi comitibus aliquot nostris Diepam, x leucis abjunctam, equis conductitiis pro xl solidis, abeuntibus, ego cum meis Ambianum cogitare. Sequenti igitur die prandio sumto, cum tabellario Antverpiensi nos in viam dedimus, solventes pro alimentis & equo singuli xii florenos Ambianum usque; verum in via malè pasti & excepti sumus; ita ut nulli sim auctor, cum tabellario in hoc itinere talem contractum ineat; argentum siquidem vacuis culinis importatur, & jejuno stomacho receditur.

Rhomago discedentes tribus milliar. di-

ver-

vertimus ad hospitium MALMAISON, *à trois marchants*; (*rectius à trois meschants.*) verè mala domus. unica domuncula est, sine omni apparatu & custodiâ. Ubi noctâ dormitum, cum esset eundum, sicarius quidam catenis vinctus à VI custodibus inducebatur, deducendus Rothomagum, supplicio consecrandus: perditæ vitæ homo, cui vita in novacula jam jam futura, nihil tale cogitans, cantabat faciebatque ludicra. Ita heic habes peregrine, cur circumspèctus sis.

Lux sequens nos ducebat ad pagum FORCY. Ibi in valle fons saluberrimæ aquæ. *Aqua Forcenses* potantur; deambulationibus inter arbuscula ad sudorem usque, sanæ esse ducuntur ægrotis; colorem aqueum, saporem verò nitrosum ostendunt.

Inde VI jam confectis milliaribus adhuc I restant ad pagum *Pierement*; ubi tenuissimum prandium, laboriosis conatibus, vix ova bina, vix gutta vini acerbi pro latrante stomacho.

Festinabamus I mill. per pagum *Gueguis & Lewatte*. ubi Normandiæ terminus in rivulo subitus montem labente: mons candidæ terræ, Picardiæ principium, superandus.

Inde per vilissimæ structuræ pagos ad vicum *Bois*, V mill. pergendum; in quo *au Dauphin* cœna paucula. vicus cum veteri arce paret Domino de Grequy. rudera mera sunt, à bello civili reliquæ.

Subsequente die arx *Mojencourt* ejusdem Domini ad sinistr. relinquebatur.

A M B I A N V M

Duabus leucis aberat:

— *Somiæ quod flumina findunt:*

I

verè

verè findunt septem diversis rivulis; aliàs fætor intolerabilis ab urina, ædibus affusa. Divertebamur pransuri *au Cardinal*. Hospes præter mappam, panem, vinum, nihil apponit; quicquid obsonii velis, à coquo emere & inferre opus est. Lucri siquid est, à pecunia est, quæ in Picardia & Normandia potioris valoris est quàm in reliqua Francia. Mensura vini 10 solidis venditur, caro satis pretio. Vasa mensaria, lychnus, ligna, lintea, lectus, certo contractu locationis apud hospitem prostant; quæ omnia cum vino, pane, & sale manè, cum jentaculo sumto, solvenda. Cubilia ubique aperta; fenestræ, valvæ & januæ, remotâ serâ patent, nec adduci possunt; non vetis, non obex, non repagulum est: ergo alio pacto fores obfirmandæ & fenestræ, ubi cubitum is; aut vigilantî oculo reculæ custodiendæ.

Sed ad urbem; quæ Picardiæ metropolis est. Nomen ipsi ab ambitu aquarum; quæ tamen magis ineunt, quàm pereunt. Frugum ferax est; non vini. Cœli clementia & aëris salubritas esset, nisi sordidis ædium alluvionibus ea inficeretur; vix enim datur reperire ædes privatas, quarum parietes urina non alluat. *Fossæ* partim siccæ, sed profundæ; partim aquis sunt stagnantes. Per portam *Montrescu* anno c1o lxxcvii. ii. Mart. Hispanus stratagemate (carro nucum) urbem occupavit. verùm anno eodem 25. Sept. ab Henrico IV inde ejectus, titulum urbi fecit: *Amiens fut prinse en renard, reprinse en lyon. Meter. lib. 18. Serr. in vita Henr. IV.* Cives, si Hispano resistere voluissent, nullo negotio urbem servassent. verùm nec Helvetios pro præsidio admittere voluerunt sub prætextu nescio cujus privilegii. ita, Comite S. Pauli urbe profugo, sine ulla civium resistentia capta est. Henricus IV verò, recuperatâ

ratâ urbe, omnia tormenta & ex armamentario, quod cives se non defenderunt, castello noviter instructo, è quo Rex & urbem defendere, &, ut imperata faciat, cogere potest, imposuit, cum præsidio Ioc militum; inter quos Helvetiis 2 floreni præter ordinem solvuntur menstrui. Peregrinus heic omnis exclusus. unde rectè dixeris:

Porta, patens esto nulli; claudaris honesto.

Portæ novæ ad castellum inscriptio est; cum statua Henrici IV:

Ut beneficum fidus, Henrici IV vultum posterì norint; quem urbs & orbis Gallicus Regem ac liberatorem habet.

Ædificia sacra heic duo vidimus; nimirum, templum cathedrale, & Jesuitarum. In illo, portas, columnas, chorum, epitaphia, fenestras, altaria cum reliquiis, videas, mireris. Sed nec heic sacellum, in quo caput Iohannis Baptistæ, crystallo inclusum, neglegas. summâ devotione monstratur; sed fortè supposititio cranio: quippe *Molinæ in Scuto fidei* pag. 459. edit. Basil. verba adponam: *Concilium Constantiense*, edit. Colon. pag. 813, dicit x Sessione; D. Iohannis caput asservatur Romæ in cœnobio Vestalium ad D. Sylvestrum: *Ambianum* verò & *Atrebatum* gloriantur de ejusdem possessione: nec minùs S. Iean d' Angeli ob has reliquias diu in fama fuit celebri. Concor- dent inter sese capita de hoc capite.

Ad *Jesuitas* hinc ibamus, (familiares ad omnia,) lustratum bibliothecam & hortum. Discipuli cIo Iberant numero. Pater Rector Constantinopoli huc vocatus docebat; sibi Græcas litteras sub patrociniò Legati Christianissimiantè docuerat.

Ambiano uno lapide abest *Guingcourt*; ubi re-

formatorum exercitium religionis est; quod per otium accedere potes.

Ædificia politica sunt: *Curia*; bella, in honorem Henrici IV structa. *Armamentarium*; in quo XIV naves, pontis usui olim ab Alberto destinata, à civibus verò interceptæ improvisò, & in urbem abductæ. *Carceres publici*, formâ pyramidalis in mediâ urbe siti.

Formale respicit Magistratum, à quo datur appellatio ad Parlamentum Parisiense; siquidem desit id quod Isabella Caroli VI uxor regina heic fundaverat. *Antiquit. Fr. p. 419.*

Ambiani relicto tabellario, veredo Parisios remeavimus, solutio pro singulis aureo solari. Euntium numerus, non nomina, in librum consignantur, locusque in delectu quandoque est. Sub vesperam in opidum BRETTOEVI, VII miliarib. confectis, divertimus *au Lyon d'or*. paret Condéo; ab ultimis intestinis bellis omnis penè destructa, templis combustis. Ad dextram, priusquam huc venis, arx magnifica *Bonæul*, ejusdem Principis, sita est. Ad sinistram, *abbatia S. Iusti* in colle est. Luce sequenti à VII miliarib. habuimus opidum cum arce monticulo impositâ *Clairmont*, olim Condéo, modò viduæ de Soisson subjectum per contractum venditionis. Heic hospitium molestum, crudum & inhumanum nobis contigit *au Cygne blanc*; ubi nihil pro oculis, nedum pro stomacho; In tabernam vinariam ad cauponem eundum erat pro stomachi cura, dum hospes medicinam omnem detrectabat. A prandio tornatorem invisimus, artificiosâ, manu varia opera minutissimâ formâ facientem; emimus glandem ex ebore, in se habentem globum cum IX latrunculis; nec pondere nec magnitudine granum tritici æquabat, idque

idque mediocri pretio. Veredum postea repetitum, sed madidum cœlum nobis pro comite erat ferè ad vesperam. Circumjacentes montes vini fertiles, valles fructibus & segetè virentes, sicut & pascua graminibus, amœnissimum aperiebant circumspectum. Cum Sole cadente devenimus in opidum GRE, *IV miliaribus*, pernoctaturi à *l'essee royale*. Situm est ad fluvium *Oyse*, arcem regiam circumfluentem. Tribus pontibus firmatur opidum & arx. In illo nihil quod notes; in hac structuram & conclavia. E quadrato lapide decorâ formâ ædificata est; capella sive sacellum absque omni ornatu est, quod arx non inhabitatur à vidua Principe de Soisson. In sinistra ejus parte, Petrus Borbonius & Anna uxor congenulantes in fenestra conspiciuntur, majores qui sunt Regis Ludovici XIII. E regione, in fenestella, cervus volans & corona liliis cincta, picta videntur; quinque sæculorum senium habet opus, hinc inde adscripta voce, *ESPERANCES*; quam etiam videre habes Parisiis palatio Borboniano, à Ludovico III fundato, præscriptam; instar prælagii, aliquando è gente Borbonia futuros Reges re, qui tunc erant in spe. Inter reliqua, conclave nota quod Carolo VI pro domicilio fuit, phrenesi laboranti. Duabus fenestris lumen intrat, altera à terra surgit, alta tres & plus ulnas, pergulæ instar exiguæ, extra parietem producta in prospectus usum, sed clathris ferreis valdè munita. altera ligneis munimentis clausa fuit, modò aperta; ita ut nusquam exitus ei patuerit. Hic Carolus VI à Carolo V, primo Franciæ Delphino, progenitus fuit, filio Carolo hereditate excluso, Henricum VI Angliæ Regem successorem instituit, anno cIo cccc xx Parisiis coronatum, mortuo verò patre Carolo VI,

filius Anglum sede deturbavit, regnoque eiecit; ita ut præter Caletum nihil ei remanserit. Præter conclavia, omnia reliqua è lapide mero durant. Ipsa arcis area quadrilatera, culina, portæ, fossæ, omnia è lapide; pontes pensiles pro munimento, aqua pro piscibus ibi sunt; dignum quod in transitu oriosus videas.

Postridie duabus leucis, ad pagum *Gonvieux*, pons superandus lapideus; ubi ad sinistram ingens lacus, qui Picardiam ab insula Franciæ discriminat; sub jurisdictione Ducis Montmorencii. piscium copiâ & magnitudine celebris est, tendens alluvie suâ ad opidum Senlis, quod sinistrorsum hinc conspici potest.

Inde duabus leucis *Lusarche* ad opidulum, pransuri *au livre*, tendebamus.

Inde *Equan* vicus dextrorsum cum conspicua arce in summitate montis, Ducis Montmorencii, relictus: porro penetrandum fanum *Sancti Dionysii* duabus leucis, de quo antea; & tandem Parisii incundi; ubi veredarius honorario aliquo, si benè rem gessit, mactandus.

Ita te sisto & in urbem induco; quam lustrare mecum hac viâ & vice non poteris. Mundus est, Caroli V Imperatoris verbo; cujus capacitatem exiguus hic libellus peregrinatorius non capit. Regum domicilium, totius Galliæ supremum Parlamentum, primam Academiam, Mercurialium ingeniorum officinam, tribus, quod dicitur, verbis ostentare absit. dabimus tibi deformatam politâ methodo peculiarem fusoque calamo scriptam. interea moram patienter fer; parabimus enim, quæ per exiguitatem libelli heic præterire jubemur. Interea quæ alii compilarunt, utere: scripserunt *Franciscus Belleforestius*, *Ægidius Corrozetus*, *Iacobus Capellus*; metro item *Eustatbius à*

Kno-

Knobelsdorff Borussus : *his accedant les antiquitez de Paris*; (magnum volumen est:) ut novos omit-
tam, quos videre habes. Oculis nostris quæ vidi-
mus, manuque exsignavimus, digesta concinna-
taq; dabimus; ut horas subsecivas totos xv men-
ses Parisiis industriè nos locasse non negaturus
sis. sicut auro eborive facile est decus addere,
cum materies per se niteat: ita Mundo Lutetiæ
formam, per se non deformi. Eapropter hinc per-
go, veniam apud æquos exspectans, calumniato-
ribus ad parentem suum relegatis.

Kalendis Decembris Aurelias versus itum est.
Via maximam partem silicibus strata est Aure-
lias usque, amœna tamen, quia non opus est si-
licibus inequitare, sed deviis semitis, gramine
tectis. Campi frumento, colliculi vitibus sunt
cooperti; quod prætereuntem mirè afficit. Ante
prandium occurrunt *lebourg la Royné, le pont An-
then I*, pagi inde *Longjumeau*, opidum & *millia-
rium*, in valle situm: in cujus suburbio monaste-
rium, cui Theodorus Beza Theologus olim
Prior, adhuc pontificius, extitit; is autem natus
erat in opido Vezelay in Auxerrois. *Antiquit.
Franc. p. 333. Inde Linas opid.* monticulo adsi-
tum. Nec procul inde in acuminoso colle arx
Montlebery; antiqua, sed ob situm expugnatu
difficilis; rebellium Franciæ olim refugium &
asylum; habens turrim, è qua prospectus Pari-
sios usque sese extendit. locus celebris à prælio
sub Ludovico XI, ibi anno cIo cccc LXIV com-
misso, in planitie non longè isthinc distante.
Chastres 8 mill. Parisiis absitum nos in prandium
vocabat, *au Dauphin*. Opidum in amœnâ valle
vitibus abundante. Palatium cum viridario Do-
mini de Chanteloup, (cujus *Hentzner. Sincer.
Antiquit. Franc. p. 229*, amplam faciunt descri-

ptionem,) hodiè ita ruinam patitur, ut non dignum quod adeatur, tempùsve frustra infumatur. Postèa transivimus *Tourfont*; ubi fagetum, prædonum specula quondam. & sub imam vesperam opidum *Estampes*, 5 milliar. intravimus, coenatum aut *Dauphin*. Situm opidum in valle ad fluv. *Estampe*, qui caneros, delicias Parisios copiosè mittit. Templo D. Mariæ consecrato adjicitur historia, quod aleator quidam, cum maledicta ad D. Virginem jecisset, miraculosè in eo loco, statim punitus sit. Arena ejus loci, cretæ albedinem ostendit; inde incolæ dicuntur *les sabloniers d'Estampe*. Illinc summâ luce, imò meris tenebris abeuntes, per vicos *Monerville* & *Angerville*, properavimus ad opidulum *Thoury*, 11 præterpropter milliaria. ubi prandium & coenam à l'*Escu de France* sumpsimus: alaudæ invitabant delicatiores. Inde *Artenay*, vicus 4 milliarium, cujus incolæ scabiosi (*galleux d'Artenay*) dicuntur, occurrit; à quo mill. vi ad urbem *Aureliam* sub prandium delati sumus, divertentes in suburbium, à *la charrue de la porte bannie*.

A U R E L I A.

DICTAM hanc urbem dixerim non ab Aurelia Cæsaris matre, sed ab Aurelio Imperatore, qui eam ampliatam, deleto priori nomine, de se sic vocari voluit, quidquid alii adferant, incertis omnes autoribus asserunt. Situs agri occupat latissimam planitiem, quæ omnis generis lauta & necessaria edulia incolis suppeditat. Generosi imprimis vini & vinosi fertilis, verùm calcis quid calcariive excrementi in se habentis. Inde juramento obstrictus regius pocillator, omne Aurelianum vinum à regia tabula arcer. Quandoque & Parisiis promulgatum, ne quis caupona sub publi-

publicâ hederâ vinum Aurelianum venum haberet. Urbs quâ Parisios imus, elevatori paululum surgit humo: formâ quadrilaterâ, sed oblongiori. circumferentiâ dicitur habere duo milliaria: vallo, muris & fossis satis profundis stat munita. Suburbia latitudine angusta, sed longitudine prorepentia habet, è quibus viæ publicæ IV & V milliaribus exeunt superbè & sumtuosè lapidibus stratæ. Inter deambulandum observabis interiorem urbis structuram, commendabilem propter ordinem vicorum, platearum munditiem, domorumque elegantem fabricam; nil dixerim de formarum honestarum abundantia, quo nomine plusquam ulla Galliæ civitas commendatur.

Inter ædificia publica, eminet magnificentissimum *templum S. Crucis*, cui simile vix habet Gallia. destructum anno 1567 fuit bellis civilibus, sed regis liberalitate, decies M. libras in annuam structuram donantis, reædificatum. Quotannis 3 die Maji ibi solemnitas mira videtur. Quatuor Barones processione solemnî funem brachio, olim collo, appensum singuli habent; procedunt manibus candelam ceream per templum portantes, quam ad altare postea sistunt. His feretrum præfertur, ac si cadaver demortui intus, quod sepulturæ tradendum. Pontificii asserrunt originem hanc. Accidit, quòd Barones quatuor, (quorum gentilia nomina mihi exciderunt,) in Turcia cum essent capti & capite damnati, Virginem Mariam, in hoc templo cultam, ita devotè invocarint, ut exauditi omnes quatuor, è Turcia abducti, & simul & semel, non cogitantes, modique inscii, in templo hoc, unî & eidem cistæ impositi, nocte hac 3 Maji fuerint inventi. Hinc, in memoriam rei, ritus hic ab

omni posteritate religiosè servatur. Sunt alii, qui dicunt, his IV Baronibus cum Episcopo Aurelianensi litem fuisse de aliqua jurisdictione. quibus cum Episcopus insolentius quàm ferre potuerunt respondisset, jurgia & verba invicem mixta; quibus accesserunt verbera, & plagæ, quas Episcopus devoravit benè multas. hæc causa est perpetuæ hujus processioneis, in memoriam, ut barones & eorum posteri singulis annis nefas hoc testentur, conditione adjunctâ, ut, si gens illa emoriatur, succedant illi in præstanda hac ceremonia, qui baronum in bona successerunt; quod & hætenus est observatum.

Ibi ad extremam templi portam termini manumissionis Romanæ antiquis litteris. *vide Sin- cerum.*

Illic in cœmeterio ad vasa aquæ lustralis plena, magnus concursus hominum est; videas illic tacito cum murmure discurrere aquâ sacrâ tumultos suorum irrorantes. Credas, *inquit Iohan. Secundus in suo itineraio*, umbras sepulchris evocari. infelices verò defunctorum cineres, quibus terra onerosa satis non est, nisi de tanta hominum multitudine novum subinde pondus accedat.

In cœmeterio S. Stephani, ubi xystus egregiæ formæ, ibi tabula cum inscriptione: *Germanus Auderbertus Aurelianus ab Henrico III nobilitatus, à Republ. Veneta factus eques sancti Marci, princeps poëtarum sui sæculi, scripsit tres libros de Venetiis, unum de Roma, unum de Neapoli, &c. obiit anno 1598, die 24 Decemb. ætat. 80.*

Sub eodem marmore jacet Nicolaus Auderbertus, filius Germani, patriæ virtutis imitator, consiliarius Regius in Parlamento Britannicæ; 5 die post obitum patris, anno ætat. 42.

Auder-

Auderbertorum , Germani patris , & Nicolai filii, tumulus :

*Auderbertorum si quis depingere laudes
Cogitet, ille sibi nihilo plus explicet, ac si
Insanè sapiens solem illustrare labore.*

*Parcendum verbis igitur, vanoque labori,
Sit dixisse satis : Situs hic jacet Auderbertus,*

Et Pater , & natus , patris citò fata secutus.

*Nominat hac quisquis sincerâ nomina linguâ,
Virtutum & laudum gazas simul eruit omnes;
Quas qui nescierit communis luminis expers,
Credatur furvis semper vixisse sub antris.*

Videamus *academiam*. Hanc Philippus Pulcher anno cIo ccc xii fundavit , & Clemente V, natione Burdigalensi, bullâ confirmatam anno cIo ccc lxxvii , cùm antè in eadem academia Musis operatus esset. Docent in ea iv Professores Jurisprudentiam, nulli Medicinam. Confluxus ibi est Germanorum, qui non modò ob loci salubritatem & amœnitatem attracti heic vivunt, sed potissimùm ob privilegia nationi Germanicæ, in hac solâ, non aliis Galliarum scholis, à Regibus concessa & adprobata. quæ infrà videbis. In honorem Aquilæ Romanæ, quæ pro insigni Germanis est in camera Consilii , in bibliotheca , in vexillo, & passim alibi, volui *nationis Germanicæ privilegia , officia , & juramenta* huc adjicere ; Germani pro virtutis suæ speculo , & meâ industriâ, calumniam non reponent.

NATIO GERMANICA.

ANte trecentos annos *Aureliis* Natio Germanica fundata , multis privilegiis donata à Christianissimis Regibus Galliarum. inprimis ab

Henrico IV ; qui non solum omnia de novo privilegia confirmavit, sed etiam Religionis libertatem in tota Gallia Nationi concessit ; quæ etiamnum non tantum Aureliæ , sed omnibus in locis Galliæ religiosè satis observantur.

Privilegia hoc continentur compendio, ex statutis Academiæ Aurelianensis. Universitas Aurelianensis vetustissima, à tempore Aurelii Imperatoris plantata, & à Vigilio inchoata, (*memoratur ab Hugone Episcopo Aurelianens. in litteris Universitatis, 1367, fol. 59,*) ad formam & modum Tholosanæ academix (*ejus privilegia habentur fol. stat. 22. & seqq.*) instituta à Clemente V Pontifice, anno 1367, iisdem utitur Privilegiis, quibus Universitas Pariensis. (*quæ privil. exstant fol. 24.*) Rector & Doctor Universitatis, nullas litteras petere potest de immutando Universitatis statu ; quin privilegia & jura tueri, imò se tuituros jurare legitimè & ritè, ante lectionem tenentur. (*ex rescripto Joh. Papæ, 1320, fol. 22.*) Rector requisitus à tribus Procuratoribus Nationum & duobus Dd. legentibus, collegium Universitatis convocare tenetur. (*ex rescripto Caroli VII, anno 1447.*) Ballivus & Præpositus urbis ritè jurare debent, se conservaturos singula privilegia & jura Universitatis. (*ex rescripto Philippi V Regis, 1312, & 1320 ; & Caroli IV, 1327 ; stat. fol. 43, & seqq.*) Procurator Universitatis eligendus est ex natione Germanica post Francicam. (*ex privileg. Regis Francisci indulto 1545.*) Procurator Germanicæ nationis est membrum Universitatis, ita ut unà ad conventum publicum Universitatis in negotiis publicis locandus sit. (*ex constit. Carol. VII, 1461. Arrest. Paris. & Resor. Univrs. 1558. Francif. I. stat. fol. 108.*) A Nationis Procuratore, à Natione,
De-

Doctore, & Rectore appellanti Scholari ad Collegium publicum, & ab eoad Universitatem, & ab hac ad Curiam Parlamenti provocandi jus conceditur. (*ex rescripto Caroli VII, fol. 324.*) Missæ & Vesperæ intermitteri possunt, si Nationis suppositis placuerit. (*ex constit. Rectoris Collegii-que Universitatis, facta 1365.*) Ad Sacra celebranda sumtus à Collegio Dd. exiguntur. (*ex Mandato Regis Francisc. I, stat. fol. 107.*) Hodie Missa celebratur quotannis in festo Epiphaniæ, ex more nationis nostræ, requirentibus id Catholicis; aut uni eorum illis indicanda per Procuratoris schedulam Pedello tradendam, cujuscunque religionis Procurator fuerit; ita tamen, ut cuius liberum sit interesse, vel non (*ex sententia Aurelian. Præsid. 1603, 23 Decemb.*) Sed appellatum ab hac sententia à Procuratore; & anno sequenti ab Antecessore & Quæstore appellatio repetita fuit tam suo quàm nomine omnium suppositorum inclytæ nationis Germanicæ, qui profitentur religionem, quæ reformata prætenditur. Eâdem sententiâ nominatim statutum est, ut celebratio fiat sumtibus ærarii nationis nostræ, salvis juribus nostris, contra Dd. Universitatis; à qua sententia appellatum, ut suprâ.

Studioforum ordo olim fuit distinctus in Nationes x: *Francicam, Lotharingicam, Alemanicam, Burgundicam, Campanicam, Normandicam, Picardicam, Turonicam, Aquitanicam, Scoticam.* Quæ arresto Parisiensi, anno 1538, sub Rege Francisco I, ad quatuor sunt redactæ. 1. est *Francica*; quæ sub se *Burgundicam, Aquitanicam, & Turonicam* continet. 2. est *Germanica*, quæ sub se *Lotharingicam* continet. 3. est *Picardica*, quæ conjuncta est cum *Campanica*. 4. est *Normandica*; quæ conflata est cum *Scotica*.

Sola Germanica natio jus habet eligendi sibi propriâ autoritate Procuratorem, confirmandum à Reſtore. *ex privileg. Reſtoris Collegiiſque Dd. 1567.*) Solius nationis Germanicæ Procurator ritè electus nullâ vel Doſtoratus vel Licentiæ dignitate inſignitus admittitur, etiam ſine jramento Univerſitati præſtando. Imò ſola natio Germanica etiam jus habet ſibi eligendi propriâ autoritate non ſolum *Procuratorem*, ſed etiam reliquos Officiarios, *Quæſtorem, Aſſeſſorem, Conſiliarium*, duos *Bibliothecarios*, (qui etiam coram Reſtore ſunt ſiſtendi, ut confirmentur.) quibus *aſſident xii Seniores; ſex Germani, & ſex Belgæ.* Hic ordo regiminis ſtabilitur *ex privilegio, confirmato ab Henrico IV. anno 1600.* Habet jus eligendi *Pedellum*, confirmandum à Reſtore; Item *Tabellionem ſive nuncium publicum.* *ex privileg. Henrici IV, anno 1600, & Ludov. XIII, anno 1616.* Habet jus *Matricula*, ſive *Albiſita* ut nemo nationis Germanicæ ſtudioſorum ad gradum promotionis admitti debeat, niſi priùs liquidò conſtet, eum in *Matricula* albo eſſe inſcriptum. Habet jus *ararii liberum.* Habet jus ſceptri. Habet jus binorum ſigillorum, majoris & minoris. Habet jus *bibliothecæ.* Gaudet privilegiis *Nobilium Galliæ*, quoad arma ferenda, & ſpeciali indulto Henrici III, anno 1553. Habet jus innovandi, ſtatuendi, vel emendandi, & quoad ſe & ſua, ſine præjudicio tertii, *ex conſuetudine confirmatâ ab Henrico IV.*

De Quæſtore.

Quæſtor ſive Receptor ritè electus Exquæſtori jusjurandum præſtat ex uſu conſtitmato ab Henrico IV, anno 1600. In ferendis ſuffragiis & dicendis ſententiis primum locum obtinet

net Procurator. *lib. 2. fol. 18. Adseff. lib. 3. fol. 578.* Solus pecuniam inclytæ nationis omnem recipit, & inde tertiam partem bibliothecæ persolvit. *Procur. fol. 578, lib. 4.* Ex ea nihil nisi decreto Nationis ac Procuratoris impendere debet. *Procur. lib. 2, fol. 18.* Pecunia ærarii publica in tuendis privilegiis in convivium nostrum, innocentia defendendâ, in redimendis captivis, in sublevandis ægrotis, pauperibus & miserabilibus personis, erogari debet. *fol. 78, 79, 112, & seqq.* In eleemosynas ultra 15 asses, nisi meritum personæ pluris singulariter judicatum fuerit, solvi non debet. *Adseff. lib. 3, fol. 300.* Ærarii scrinium tribus clavibus occluditur. *stat. fol. 103.* Una Quæstori, altera Procuratori, tertia Assessori committitur. *lib. 4.* Quod ex liberalitate adventantium aut quocunque alio jure inclyta natio recipit, singulis mensibus bis, præsentibus Procuratore & Adseffore, imponi debet. *stat. 116.* Si ante diem eum evocari contingat, ritè alius in Seniorum collegio subrogari potest. *Procur. l. 4, fol. 577.* Officio legitimè abiens rationes coram Natione vel Procuratore & Adseffore reddere, & acta sua seu tabulas accepti & expensi in librum Nationis Quæstorum scribere tenetur. *Procur. fol. 18, lib. 2. Adseff. lib. 3. fol. 442.*

De Adseffore.

ADseffor ritè electus Exadseffori jusjurandum præstat ex usu confirmato ab Henrico IV, anno 1603. Secundum in suffragiis ferendis & sententiis dicendis locum obtinet. *lib. 3. fol. 18. Adseff. lib. 4.* Procuratori in rebus quibuscunque constituendis operâ & omni industriâ præsto esse debet in consiliis publicis, in adeundis Magistratibus, in Principibus salutandis, eorumque Legatis,

tis, perscribendis epistolis, testimoniis, cautionibus. *lib. 4, fol. 310. Adseffor. lib. 4, fol. 445.* In electione officiariorum, ne cui ab officiariis suggeratur nomen alicujus deligendi, cavere debet. *Adseff. lib. 3, fol. 360.* quin id alium ex civibus quærere potius jubere debet. Si ante diem discedendum fuerit, in Seniorum consilio officium resignare debet, *lib. 4, fol. 577.* Acta sua, literas, & quicquid ad Nationem pertinet, in librum Nationis Adseffor legitimè conscribere debet. *Adseff. lib. 3, fol. 314.* Originalia & authentica exemplaria qualiacunque ad Nationem pertinentia in archivo seu chartophylacio bonâ fide ab ipso recondi debent. *Adseff. lib. 3, fol. 445.*

De Bibliothecæ Præfecto.

Bibliothecæ Præfectus Exhibithecario jurandum præstare debet, ex usu confirmato ab Henrico IV, anno 1603. Solus copiam introcundi in bibliothecam largiri potest; cæteri officarii minimè, sub pœna x assium. *Procur. lib. 3, fol. 108.* Non nisi à pomeridianâ horâ primâ usque ad tertiam interpellari potest. *Proc. l. 4, f. 150.* Extra urbem hanc euntibus vel degentibus nullum librum usui dare potest. *stat. fol. 119. Procur. lib. 4, fol. 150.* A Dd. novis & Licentiatis honorarium in augmentum & ornamentum bibliothecæ exigere potest. *Procur. lib. 4, fol. 151.* Pecunia bibliothecæ in scrinio Nationis recondi debet. *Procur. lib. 1, fol. 198.* In alios usus quàm in augmentum bibliothecæ eam insumere non potest. *ibid.* Pluribus eundem librum volentibus, per alternas hebdomadas, singulis ejus usum addicere potest. *ibid.* Qui in libris quid ruperit, arbitrariâ pœnâ plectitur. Qui clàm librum asportaverit, eo libro & x assibus multetur. *Procur. lib. 3.*

lib. 3, fol. 198. Qui surripuerit libros, vel venderit, vel plane restituere non vult, sacrilegi instar habetor. Si Præfetto bibliothecæ ante diem solemnem abeundum sit, in Seniorum conventu alius subrogator. *lib. 2, fol. 13.* Successori, librorum suis numeris & circumstantiis notatorum catalogum novissimum, item & alterum, tradere, & præsentibus reliquis Officiariis pecuniariam rationem dicere debet. *fol. 95.*

De Pedello, seu Tabellario.

Vterque jurat Procuratori & Nationi, ut ex causa ab officio deponi possit. *stat. fol. 26, & 276. Proc. lib. 2, fol. 24.* Vterque immunitate studiosorum fruitur. *stat. fol. 24. lib. 1.* Pedello nullum certum salarium datur; sed ipsi quotannis, repetitis precibus Nationi, de competenti fructu laborum providetur. *Proc. lib. 3. stat. fol. 24.* Itaque v assēs ab unoquoque immatriculando petere potest. *Procur. fol. 484, l. 4.* item; ex quoquo conventu privato iv. assēs; & publico conventu octo. qui ipsi à Quæstore numerabuntur. *Procur. lib. 5, fol. 9.* In Comitiiis sceptrum integrum inviolatumque præstare & monstrare debet. *stat. fol. 49. Proc. lib. 3, fol. 100.*

De conscribendis in Album Matricula Germanica nationis, & commodis consequentibus eam inscriptionem.

Qui ad Germanicam nationem est referendus, intra tres septimanas à die adventus, numerandas nomen suum in ejus Album ritè consignare debet. *Ex rescripto Auvelliani Magistratus, anno 1596. Ex sent. Ball. latâ 1618; & alia 1621; in pleno Præsidentiali Senatu contra duos Baron. Fland.*

Si obstinatè nomen dare recusat, I. à Balivo urbis coërceri debet, citato privilegio. II. Balivus illi indicare debet, quod amplius Germanus haberi non debeat, nec illorum immunitate frui; nec foro, quod peculiare ibi habent. Deinde ad caritas tabulas, notæ causâ, ob contemptum honoris & privilegiorum nationis suæ, referri solet. III. Tum si operam & auxilium Nationis eum implorare contingat, postea non auditur. *stat. fol. 114. Procur. lib. 2, fol. 439. Proc. 3, fol. 184.*

Inscriptus ad conservanda jura & sustinenda onera Nationi aureum de coronaolvere solet, aut ultrà, quod ipsius liberalitati visum fuerit. *stat. fol. 78.* Inscriptus itaque tanquam investitura quadam investitus in corpus Nationis mittitur, vel recipitur in possessionem utendi, fruendi privilegiis statuti, aliisque commodis eidem corpori jure competentibus, ut ex seqq. patet. Inscriptus membrum & conscius Nationis fit, & ad officia ejusdem eligi potest, *ex usu, confirmato ab Henr. IV, 1600.* Inscriptus est sub speciali Regis Gallorum protectione seu huc se conferat, seu commoretur, seu regrediatur, tam tempore belli quàm pacis; ex privilegio *Philippi Pulchri, 1352; (stat. fol. 24;)* & speciali Henrici IV confirmatione & indulto; sine *omni cujusdam religionis inquisitione, 1600.* Inscriptus admitti & promoveri ad gradus honorum potest, *ex privilegio Rectoris Collegii, anno 1557.* Tempore belli, nec jure belli capi detinerique potest, etiam si ejus PP. Regi bellum indixissent; *ex privilegio Henrici II, anno 1554.* Est sub defensione Ballivi urbis vel ejus vicem gerentis, tanquam conservatoris privilegiorum, & Judicis legitimi Nationis, sine strepitu judiciario causas debentis cognoscere. *ex privilegio Philippi Pulchri Regis,*

Regis, 1312. *stat. fol. 34. ex privilegio Francisci I, 1516. & ex confirmatione Henrici IV, anno 1600.* Inscriptus ab omni tributo & vectigali terrâ marique immunis est. *stat. fol. 46, & 34. Ex privileg. Philippi, 1312. & Henrici 1600.* Inscriptus liber est à solvendo beanio, vel suo novo aut jucundo adventu; exactores pœnam excommunicationis ipso facto incurrunt, *stat. fol. 550. Renovat. à Rectore Collegioque Dd. 1363. item fol. 54. Ex decreto sive rescripto Hugonis Episcopi Aurelianensis, 1367.* Inscriptus domo emtâ vel conductâ familiam alens ab omnibus aliorum incolarum oneribus eximitur. *Proc. fol. 280.* Quâ inscripti securitate & immunitate gaudent, eâdem & eorum vel nuncii vel ministri potiantur. *stat. fol. 24. Ex instit. Papæ Urbani, 1361.* Inscripti morientis bona tanquam peregrini in commissum non cadunt, sed heredibus dentur ac restituantur. *stat. fol. 20, ex Constit. Papæ Clement. V. f. 135. stat. fol. 36. ex privileg. Philippi Pulchri, 1312. Ex Constitut. Innoc. IV, 1360; novissimè verò ex Confirmatione Henrici IV, anno 1600.* Inscriptus in hac urbe Aureliana morando, gladio & pugione accinctus interdiu ac noctu incedere potest; ex concessione Balivi, *confirm. ab Henrico IV, anno 1600.* A Præfecto vigilum & vigilibus si quis armis exutus sit, ea publico Nationis sumtu sunt recuperanda. *lib. 3, fol. 25.* Imò, ex patria, studiorum vel linguæ Gallicæ discendæ causâ, veniens Germanus, sive veniendo quacunq; regni Galliæ parte, sive in patriam redeundo, sive aliò se convertendo, per omnia regni loca gladios, pugiones, scloperas (vulgò *pistolas* vocant) liberrimè, se defendendi, neminem autem offendendi causâ, gestare potest. *Ex privileg. Henrici IV, an. 1600.* Inscriptus ob crimen aliquod in
carce-

carcerem conjectus liberetur, si cautionem idoneam præstare paratus existat, nec pro debito capi potest. *Ex privileg. Philippi Pulchri, anno 1312.* Inscriptus in necessitate sive carceris, sive morbi, sive injuriæ, sive inopiæ illatæ, constitutus, modò non sit ex culpabili & indignâ causâ, sumtu publico sublevandus & liberandus est. *stat. fol. 776, &c.* Si in scripto innocenter injuria illata sit, publico quidem omnium nomine ea in judicio est vindicanda; sumtus inferenti imputantur, & ab eo repetuntur si solvendo sit. *Proc. lib. 3, fol. 1435.* Inscripto, egestate pecuniæ laboranti, fidejussoribus idoneis, vel ex nationis civibus duobus, vel ex hujus urbis civibus uno, datis, & formulâ syngraphæ, quâ Germanicæ nationi cavetur, ritè perscriptâ, (*stat. f. 118,*) pecunia mutuò dari potest, si ærarii vires xx coronatos superabunt. *stat. ib. Ad sess. l. 4.* Inscripto accessus ad bibliothecam librorumq; usus legitimos conceditur. *stat. f. 172.* Inscriptus officium à Natione delatum recusare nisi justâ de causâ non potest. *stat. f. 61. & ex usu, confirm. ab Henrico IV, anno 1600.* Inscriptus omnem morem, in licitis & honestis, inclytæ nationi ejusq; Procuratori gerere, omnemq; ejus honorem & utilitatem procurare debet. Inscriptus si Nationem contemtui habere præsumserit, præter violati sacramenti fidelitatis pœnam, vel à Balivo coërceri, si sit præsens, vel ad caritas tabulas notæ causâ nomen ejus ematriculatum pro gravitate causæ poterit referri, ut indignus censeatur ejus privilegiis & jure, quo jam se indignum quasi ipse judicaverit; *ex mandato Balivi, anno 1596 promulgato. stat. 1535.* Infamis habendus & putandus est, qui consilia secreta Nationis eliminaverit. *stat. 1535, fol. 160.* Inscriptus ad Nationis conventus legitimè vocatus,

catus, sine justâ excusationis causâ Procuratori probandâ si emanerit, x assium multam solvit, per Pedellum exigendorum, & bibliothecæ applicandorum. *Ex stat. 116. Ex permiss. Balivi.* Si verò tardius justo venerit, vel ante conventus finem abierit, v assium multâ punitur. Inscriptus in electione officiariorum sedulò eos eligere debet, qui prudentiâ, fide, & integritate præstant, & ad electionem ordine à decreto præscripto succedere. Ac primus quidem locus suffragiorum ferendorum competit officio abeuntibus. Secundus Illustribus personis. Tertius Senioribus. Quartus denique reliquis inclytæ nationis civibus. *Ex stat. lato anno 1600. Assess. fol. 456.*

De Procuratore.

PROCURATOR alternis vicibus, modò ex superioribus, modò ex inferioribus, Germanicæ nationis partibus eligitur; nisi continuatio ob festum anniversarium indulgeatur. *stat. fol. 114. Proc. lib. 2, & 6. fol. 70, 77.* Rirè electus Procurator jusjurandum præstat, *ex usu, confirmato ab Henrico IV, anno 1600.* In conventibus Vniversitatis publicis, aliisque consensibus, primum Procurator locum obrinet. *Ex privil. confir. ab Henrico IV.* Ad convivium Procurator olim duos coronatos dare solitus fuit; hodiè verò loco convivii v coronatos in ornatum bibliothecæ solvi moris est. *Proc. lib. 4, fol. 155.* In novitio fidei præstandæ religionem vel ipse vel Adfessor exigere debet, qui postea suâ manu ipse nomen suum, tempus & quantitatem honorarii in Catalogum Nationis relaturus sit. *stat. fol. 115. Procur. lib. 3, fol. 190.* Illustis & Generosus nomine suo Album Nationis exornare cupiens, domi suæ sine exactione juramenti hoc facere potest. *Procur. lib. 3, fol. 246. & 4, fol. 331.* In nationis

Al-

Album neminem secretò, sed publicè & legitime, per Pedellum citatum, in loco consueto recipere vel admittere debet. *stat. fol. 9.* Neminem recipere debet in Album Nationis, nisi qui exercitiorum gratiâ præter mechanicam huc se confert; *ex mandato Balivi promulgato.* Conventum, sive publicum omnium civium, sive privatum seniorum, per litteras re urgente indicere tenetur. *Adsess. lib. 3.* Si quid publicè Nationi proponendum & deliberandum videtur, priùs in conventu publico consulere, examinare, & discutere debet. *Adsess. lib. 3, fol. 317.* Ipse suffragium non habet, nisi conclusum sit; sed cùm cæterorum paria sunt, ex animi sententia concludere potest. *Procur. lib. 3, fol. 243.* Procurator candidatus in consequendo Licentiæ vel Doctoratûs honore ad medias tenetur. *Proc. fol. 96.* Promotorum diplomata graduum subsignandi jus habet. *stat. l. 1, fol. 45.* *Ex privileg. Rectoris Collegii Dd. 1335 concessio, & confirm. ab Henrico.* Procuratoris officium est, convocare, referre, interrogare, jubere, concludere, & exsequi. *stat. fol. 16.* *Procur. lib. 3, fol. 243.* Nec religionis, nec alterius affectûs privati causâ quidquam designare, aut à Majorum statutis recedere potest. *f. 435, & 329, lib. 4.* *Procur.* A promotis honorarium exigere potest. *Adsess. fol. 77.* *Procur. lib. 1, fol. 151.* Rationes Vniversitatis à Rectore Collegioq; Dd. quoquo trimestri vel saltem anno exigere potest. *stat. fol. 109, ex confirm. Henrici IV, anno 1600.* Ex legato Joannis de Prussia Med. D. Sacro, cui interest die S. Matthiæ celebrando, præsentias capit. *stat. fol. 12.* Item statuta factu bonâ fide in librum Nationis, omni dolo malo profligato, referre, & in conventu publico antea prælegere debet. *Adsess. lib. 3, fol. 114.*

Jura-

Juramentum immatriculandorum
Aureliis, in incl. nat. Germ.

Ego juro, quod, quotiescunque generaliter aut specialiter requisitus fuero à Procuratore nostro, congregationi nationis meæ adero, fideliter deliberaturus super his quæ à me petentur.

Item juro, quod obediam Procuratori nostro in licitis & honestis, & servabo honorem Universitatis & nationis meæ, & secreta, quæ in eadem audiero, nulli revelabo.

Item juro, quod libros ceterasque res nationis meæ non vendam, non oppignerabo, nec quovis alio modo alienabo, nec quidquam ex iisdem delebo, nec ad invidiam adscribam, nec consentiam vel interero scienter alicui præmissorum.

Item juro, quod, si me contingat eligi ad aliquod officium nationis meæ, non refutabo onus & honorem, nisi justâ de causâ.

Item juro, quod nomen nationis Germanicæ, insignia, sigilla, aliaque ad eandem pertinentia, nunquam immutabo, nec consentiam vel interero scienter alicui præmissorum, sed eandem sub nomine insigniisque Imperatoriis conservabo.

Item juro, quod nomen & cognomen hoc, meum verum & proprium, minimè falsum aut fictum sit; patriam, provinciam, dioccesin, & sedem domicilii, usitatori voce nuncupatam, omni dolo malo excluso & sejuncto, Albo inclutæ nationis Germanicæ inscribam, aureumque coronatum in consuetos usus impendendum ad minimum persolvam.

Item juro, quod, si heic ambiam gradum, vel Licentiæ vel docturæ, petiturus sim inscriptionis hujus testimonium à Procuratore, & eundem ad subscriptionem diplomatis Promotorialis invitaturus, & Procuratori de coronato aureo, bibliothecario

verò

vero de xxx assibus, aut ejusdem pretii libro, satisfacturus.

Item juro, quod libros Nationis ex bibliotheca non sim exportaturus, nisi singulorum titulum, unâ cum numero & quantitate, sub nomine meo proprio, in chartam ad id à Bibliothecario destinatam, fideliter in præsentia Bibliothecarii inscripsero.

Item juro, me libros, quos ex bibliotheca exportavero, nemini extero concessurum, non extra urbem mecum portaturum, antequàm ablatos ipsemet bibliotheca restituerò: nec alium extraneum sine consensu Bibliothecarii in bibliothecam mecum introducturum.

Item juro, me convivium, si forsan in Procuratorem à Natione electus fuero, ratione Procuratoris non celebraturum, aut electum ad illud ullâ ratione compulsurum, neque sacro in festo trium Regum à Natione celebrando contradicturum, aut sumptus, ad id debita honestate cantandum ordinatos, denegaturum.

Item juro, me, dum Aurelia sum, ordinarium Nobilium judicem, tam in civilibus quàm criminalibus, seu actor, seu reus sim, solum agniturum, neque in jurisdictionem Prætoris hujus urbis, nisi fortè cum protestatione de non præjudicando Incl. N. G., consensurum, ceteraque jura & privilegia I. N. G., quantum in me est, propagaturum.

Ita me Deus adjuvet.

Hoc juramentum Gallicè, Germanicè, & Belgicè, reperitur conceptum.

Juramentum Procuratoris.

EGo juro, quod officium Procuratoris fideliter exercebo, & deliberata in congregatione Nationis exsequar juxta posse.

Item

Item juro, quòd nullam privatam nisi seniorum faciam congregationem; sed quoties congregationem fecero publicam, omnes Dominos de Natione ad illam per Pedellum Nationis vocari mandabo.

Item juro, quòd solita juramenta à novitiis recipiam.

Item juro, quòd tempore procurationis meæ elapso officium meum sine quacunque difficultate resignabo.

Item juro, quòd sigilla nationis meæ, gesta, atque statuta, pleno Nationis vel majoris partis ejus scitu atque saniore consensu, ad ejus utilitatem & honorem facta, diligenter inscribam, & in mei officii depositione, nisi me justa & rationabilis causa excusaverit, inscripta ostendam.

Item juro, quòd hoc meo procurationis officio, tam pro ipso habendo quàm non habendo, per me vel alium, tacitè vel expresse, nullo pacto stipulatus fui.

Item juro, quòd ista juramenta à successore meo recipiam; nec depositum Nationis, aut præsentes actorum libros, seu sigilla, eidem tradam, nisi jurisdictionum hoc ab eo solemniter fuerit adimpletum.

Item juro, me convivium illud universale, cum perniciæ nationis nostræ introductum paucis abhinc annis, ne antiquam celebraturum.

Item juro, me quinque coronatos incl. N.G., ratione Procuratori debitos, ante resignationem officii mei arario illaturum, aut in libros bibliothecæ emendos insumtum.

Ita me Deus adjuvet.

Juramentum Quæstoris.

Ego juro, quòd officium Receptoris fideliter exercebo: honorem & commodum nationis meæ fideliter servabo ac procurabo.

Item juro, quòd pecuniam nationis meæ, etiam
K quo-

quovis colore habito, pro ipsius negociis non erogabo, nisi eâdem natione ritè congregatâ, consultâ ac consentiente.

Item juro, quòd hoc officium Receptoris coram natione meâ debito tempore absque ulla difficultate resignabo.

Item juro, quòd pro hoc officio Receptoris, tam pro illo habendo, quàm non habendo, per me vel alium, tacitè vel expresse, nullo modo stipulatus fui.

Item juro, quòd in resignatione hujus officii mei, nationem meam de omnibus & singulis, per me ex parte ejusdem receptis atque expositis, fideliter & sine omni difficultate ante meam liberationem prius contentabo; sigillaque ac libros receptorios successorii meo in facie nationis meæ integrè ac liberè resignabo.

Item juro, me sigillum Nationis, diplomatibus promotorialibus civium nostrorum, vel literis testimonialibus Exofficinariorum & Seniorum, non impressurum, antequàm per attestationem Bibliothecarii mihi constet, eum bibliotheca de xxx assibus, vel ejusdem precii libro, satisfecisse.

Sic me Deus adjuvet.

Juramentum Adessoris.

IN nomine Domini juro; Me munus adessorium Incl. Nat. Germ. nostræ in hac urbe Aurelianensi optimâ fide & è dignitate commodoque Nationis administraturum.

Et imprimis nullam iniisse pactionem vel coitionem de hoc munere vel recusando vel adipiscendo.

Deinde Procuratori Incl. Nationis nostræ me in rebus subitis maximè, aliisque rectè deliberandis & procurandis, in adeundis Magistratibus, salutandis Principibus & Legatis, perscribendis epistolis,

cautionibus formulisque ad utilitatem & honorem Nationis pertinentibus, consilio, opera & re præsto futurum.

Item juro, me curaturum, ut durante meo munere omnia nova privilegia, arresta & statuta, & alia ejusdem generis Incl. Nat. Germ. concernentia, à Notario regio, si causa desideret, fideliter in librum statutorum & Privilegiorum scribantur.

Sic me Deus adjuvet.

Juramentum Præfecti Bibliothecæ.

IN nomine Domini juro, Me munus Præfecti bibliothecæ Incl. Nat. Germ. in hac urbe Aurelianiensi, optimâ fide, è dignitate commodoque ejusdem nationis, administraturum.

Et imprimis nullam iniiſſe pactionem vel coitionem de hoc munere vel recusando vel adipiscendo.

Me daturum esse operam, ut bibliotheca nostra, & ea quæ pertinebunt ad ipsam, conserventur, augeantur & floreat : si quæ aliqui libri vel pecuniæ ad eam conferantur; diligenter conserventur, omniaque collatorum & conferentium nomina in acta mea referantur.

Me notas in libris collocandis conservaturum, & in aliis libris, quicumque ad bibliothecam accesserint, continuaturum, eosque servatos omnibus circumstantiis ritè in bibliothecæ catalogum Italico charactere consignaturum.

Me, dum Magistratu abiero, successoribus meis per octo dies in bibliothecâ adfuturum, illosque de omnibus necessariis instructurum.

Me non permissurum, ut ullus ex libris prohibitis ex bibliotheca auferatur, nisi ipse Procurator aut Exprocurator, aut reliqui quatuor Officiarii præsentés sint, & cum venia Procuratoris petant.

Me, cum ab hoc munere suo tempore, sive præter spem, non finito spatio functionis, seu etiam legitimo & ordinario modo, discessero, rationem redditurum, & claves, libros bibliothecarios, & si quæ erunt reliqua, ex fide traditurum.

Ita me Deus adjuvet.

Juramentum speciale omnibus Incl.
Nat. Germ. Senioribus & Con-
filiariis præstandum.

EGo juro, me, quotiescunque à Domino Procuratore ad conventum vocatus fuero, ad præstitutam horam adfuturum; aut promitto secundum Leges solutionem; nisi ex legitima causa, eaque à Senatu adprobata, absuero.

Item juro, me non ex adfectione, sed ex re Nationis judicaturum.

Item juro, me, cum urbe hac exivero, bibliotheca librum, aut xxx ad minimum asses ad libros in bibliothec. emendos, daturum.

Ita me Deus adjuvet.

Sequitur privilegium Henrici IV. de
Germanorum jurisdictione.

HENRY, par la grace de Dieu Roy de France & de Navarre, à nos aimés & feaux Con-
ceillers, les gens tenans nostre cour de Parlement à Paris, salut. De la part de nos chers & bien aimés les procureurs, escoliers, & supposés de la nation d'Allemagne, estudians en l'Université d'Orleans, nous a esté exposé, que de tout temps & ancienneté, eux & leurs predecesseurs de ladicte nation d'Allemagne, estudians en la jurisprudence, auroient hanté & fréquenté ladicte Université d'Orleans, avec telle affection, qu'ils y auroient
esta-

establi une belle & ample bibliotecque, instruite d'une grande quantité de livres, avec personnes stipendiees pour la conservation d'icelle, comme le domicile de leurs estudes: Ce qui auroit esté cause, que ladicte Vniuersité auroit esté ordinairement remplie de grand nombre d'escoliers, issus des Ducs, Comtes, & Barons & de plus nobles familles d'Allemagne, lesquels, selon leur louable coustume, auroient conjointement embrassé l'estude des loix avec celle des armes, comme encores à present il y en a bon nombre, continuans lesdicts exercices: En consideration de quoy nos predecesseurs Rois les ayants favorablement traictex, leurs auroient facilement accordés de grands privileges & immunités, esquels ils auroient esté de temps en temps maintenus & conservez; & mesmes en auroient obtenus de nous lettres de confirmation à vous, adressees en date du mois de Fevrier mil six cents six, entre lesquels nous leurs aurions spécialement accordé, qu'en toutes leurs causes, tant civiles que criminelles, tant en demandant, qu'en defendant, ils ne pourroyent estre traictés ny convenus, ailleurs que par devant nostre Baillif d'Orleans ou son Lieutenant, suyvant le cinquiesme article de l'edict de Crimien: attendu que la plus part d'entre eux sont de noble & illustre extraction: Toutesfois à cause que par nos dictes lettres nous vous aurions enjoinct d'examiner, & vous en querir, si par le passé ils en auroient ainsi jôii, pour en ces cas les faire jôiiir dudict privilege; le prevost & officier du siege, de la prevosté d'Orleans se seroit opposé à l'enterinement desdictes lettres, en disant, que ledict prevost est aussi conservateur des privileges de ladicte Vniuersité, concurrement avec ledict Baillif, & par prevention est mis, en fait que par le passé les escoliers Allemands auroient plaidés par devant luy, pour ce

qu'ils sçavent, que, pendant les guerres civiles, qu'ont eu cours cy devant entre nos subjects, leurs chartres & tiltres auroient esté perdus & esgarés : Et que quelques uns de ladicte nation, estans prisonniers & molestés, auroient esté contraints de subir l'interrogatoire par devant ledict prevost, ce qui ne peut faire prejudice au general de ladicte nation : Ioinct que lesdicts actes judiciaires, si aucuns se trouvent, sont fort recents, & advenus du temps des troubles, & lors qu'il ne leur estoit pas bien libre de se deffendre : pour cest occasion lesdicts exposants nous auroient fait remonstrer qu'en y procedant par ceste voye, c'estoit les frustrer entierement du bien de nostre clemence & liberalité, le los de laquelle ils avoyent espendu par toute l'Allemagne, d'autant que s'il falloit que ceux d'entre eux, qui sont nobles & de la nation illustre, fussent tenus de comparoir en jugement par devant ledict prevost, qui est juge des rotouriers, & gens de basse qualité, sous pretexte, qu'allant estudier en ladicte Université ils ne portent avec eux les lettres de leur noblesse, & que bien souvent pour bonnes causes, ils ne veulent faire paroistre la grandeur de leur maison : Ce seroit comme les degrader de leur noblesse, & les mettre au rang des plus viles personnes, & pour le regard, des autres d'entre eux qui ne sont point nobles, outre que ce sont ordinairement Gouverneurs & Conducteurs des enfans de bonne maison, & autres domestiques, & ce seroit point privileges s'il leur falloit plaider devant ledict prevost : & que d'ailleurs s'il falloit faire ceste discretion de nobles & non nobles d'entre eux : ce seroit oster la concorde & amitié qui a tousiours esté en ladicte nation ; veu mesme qu'a toute ladicte nation, & sans distinction de personnes, nous & nos predecesseurs leurs avons octroyé de porter leurs espees

espees & dagues, qui est la vraye & ancienne marque de noblesse : De sorte que la gratification qu'ils nous auroit pleu leur octroyer, leur seroit pluost à charge, qu'à profit & honneur, contre nostre vouloir & intention; Et lors qu'ils sont prests de se retirer en leurs pays, ou qu'ils obtinsent gain de cause devant ledict prevoist, ils pourroyent estre molestes par un appel devant le Baillif & persidiaux, au lieu que n'y ayant qu'un degré de jurisdiction pour eux s'ils pourroyent avoir prompte justice, mesme que nos subjects estans aux Vniuersités d'Allemagne, jouissent de pareils privileges : Et partant nous auroyent requis, que, pour les faire jouir de nostre munificence, il nous pleut leur octroyer, que sans qu'il soit besoin de s'enquerir de l'usage du temps passé ny d'autre preuve par escript, aucun de leur nation ne pourroit estre tiré en jugement, par devant autre juge, que ledict Baillif d'Orleans, ou son Lieutenant, soit en matiere civile, ou criminelle, tant en demandant qu'en deffendant; requerant humblement sur ce nos lettres de provision.

Pourquoy nous, ces choses considerees, attendu l'ancienne amitié & confederation, que nous avons avec les Princes & Seigneurs d'Allemagne, & que nos subjects & ceux de ladicte nation Germanique tousiours ont esté tenus & reputés comme freres, & germains, ayant une mesme origine, & que c'est le profit & utilité des habitants de nostre dicte ville d'Orleans, d'inviter par bon traitement lesdicts exposans à continuer leur demeure & frequentation en ladicte Vniuersité, & pour plusieurs autre considerations, desirans les traicter favorablement, & selon leur merite, vous mandons, que sans nous enquerir, ny arrester, ou examiner, devant que juger lesdicts exposans, ou leurs predecesseurs, auroyent plaidé par le passé, & sans requerir

d'eux aucune preuve & testimoniale, ny par escrit, de laquelle entant que besoin seroit de nostre clemence accoustumée, puissance, & autorité regale, nous les avons toleré, tolerons, voulons, & nous plaist, vous ayés à verifier nos dictes lettres du mois de Febvrier mil six cents, & du premier jour de Mars mil six cents six, purement, & simplement, & en ce faisant les faire jouir plainement & suffisamment du contenu en icelles, non obstant toutes choses a ce contraires. Cartel est nostre plaisir, donné a Fontainebleau le 15 jour de Iuillet, l'an de grace mil six cents huit, & de nostre Regne le dixneufviesme. Signé Henry, & plus bas le Roy. De Lomenie, & scellée de cire jaune en simple queue.

Un autre.

Repetita hac confirmatio, l'an mil six cents neuf, mutatis mutandis; & laxativè interpositio hac, quod nullibi nisi coram Ballivo, ordinario nobilium iudice, convenire debeant, & possint.

Confirmatio privilegiorum per Ludovicum XIII.

LOVIS, par la grace de Dieu, Roy de France & de Navarre, à tous presens & à venir salut. Nos chers & bien aimez les procureurs, & supposts de la nation Allemande, estudians en l'Université d'Orleans, nous ont fait dire, qu'il a cy devant pleu aux Rois nos predecesseurs mesmes au feu Roy Henry le grand, nostre treshonorable Seigneur & Pere

Pere (que Dieu absolve) pour plusieurs grandes considerations les gratifier des plus beaux & signales privileges, notamment que pour leur seurté soit en venant de leur pays, ou en s'en retournant ils puissent par tous les lieux de nostre Royaume porter espees, dagues, & pistolles, ou en temps de guerre civile & estrangere, ils puissent sous nostre sauvegarde venir en ladicte Vniuersité y faire residence, & s'en retourner, sans estre recherchez, en leur religion, faicts prisonniers ny mis à aucune rançon, combien qu'ils fussent sujets de quelques Seigneurs du parti contraire. Qu'advenant le deceder, d'aucuns desdicts escoliers leurs biens ne nous seront declarez acquis par droit d'aubeyne. Que durant tout le temps qu'ils seront en ladicte Vniuersité, ils pourront aller par la ville avec l'espee & la dague. Que aux assemblées publiques de l'Vniuersité, le procureur de ladicte nation, marche immediatement apres le procureur de celle de France. Qu'ils ayent l'election libre du procureur, & autres officiers de leur nation, comme aussi du bedeau, & d'un messager, pour incontinent apres l'election faicte les presenter aux recteurs & regens de ladicte Vniuersité, pourveu qu'il n'y ait aucune chose legitime de les rejeter. Qu'ils ayent leurs causes commises, comme nobles par devant nostre Baillif d'Orleans, ou son Lieutenant Civil & Criminel, tant en demandant qu'en deffendant, particulièrement au preuost d'Orleans. A iceux pour ces causes, & autres, à cas nous mouuans, auons constitué, confirmé, & approuvé, & de nostre grace speciale, pleine puissance, & autorité royalle, constituons, confirmons, & approuuons, par ces presentes signées de nostre main, tous & chacuns lesdicts privileges, cy dessus declarez & plus amplement declarez & exprimez par lesdictes lettres de nostre dict feu

Sieur & Pere cy attachéz, sous le contrescel de nostre chancellerie, pour iceux, & leurs successeurs, en jouir, & c. user plainement, & paisiblement, comme ils en ont par cy devant bien & deuement joui & usé, jouissent, & usent encores de present. Si donnons en mandement à nos aimez & feaux les gents tenants nostre cour de Parlement à Paris chambre de nos comptes, Thresoriers, Generaux de France, Commissaires sur le fait de la Iustice de nostre Thresor, Baillifs, Senechaux ou leurs Lientenants, & à tous nos autres justiciers, & officiers & à chacun d'eux en droit soit, ces presentes faire enregistrer, & de tout ce contenu jouir & user lesdicts exposants, & leurs successeurs, plainement & paisiblement, sans permettre ny souffrir leur estre donné aucun trouble, ou empeschement, au contraire, encor que lesdictes lettres, de nostre dict feu Sieur, & Pere, n'ayent esté verifiées, ce que nous ne voulons leur nuire ny prejudicier, nonobstant tous edicts, ordonnances, & autres choses, à se contraires, auxquelles de nostre mesme puissance & autorité Royale nous auons derogé, & derogeons par ce presentes. Cartel est nostre plaisir. En tesmoing de quoy nous auons fait mettre nostre scel a ces presentes. Donné à Paris au mois de Iuin, l'an de grace mil six cents seize, & de nostre regne le septiesme. Ainsi signé, Louis. & sur le reply, par le Roy, Philippeaux. & scellées en lacs de soye du grand scel de sire verde.

Collation a esté faite à l'original des presentes par nous Notaires Royaux, au Chastelet d'Orleans, ce fait ledict original rendu ce 13 Febvrier 1617.

Aurelia dum moraris gaudens dictis privilegiis, operare quoq; sacris; extra urbem, si non pontificius es, visita duobus mill. locum *Byon,*
ubi

ubi reformatorum exercitium religionis.

Curia Senatoria CLXXXVII gradus numerat, qui ascensu totius urbis prospectum largiuntur. Intus videbis connubium Regis Ludovici XIII & Reginæ, cum inscriptione:

—— paribus se gentibus amba

Invictæ gentes æterna in fœdera mittant.

Camino ibidem:

Non potuit magni caput esse Aurelia regni:

Ergo quod reliquum est Cor animusque fuit.

Hoc vernant Lilia corde.

Locus palmaria pile destinatus ad urbis mœnia passus habet 1000 L in longitudine.

Adversa multa urbs sustinuit: Attila Hunnus gravissimè eam pressit, à civibus fortiter se defendentibus repulsus re infectâ. Sub Childeberto fulmine tacta anno 1000, tota ferè in flore periiit. Anno 1000 ab Anglis parum absuit, quin non oppressa fuerit; verum à Joanna Darcia puella Lotharinga 1000 annorum (*la pucelle d'Orleans*) servata est, dum illa Biturigibus Carolum VII salutans, ad obsessos Aurelios ablegatur, quæ armatâ manu, viriliqûe fortitudine hostem, qui jam pontem occupaverat, obsidionem solvere coëgit: postea Regem sequuta Rhemos, non paucas urbes hosti eripuit. Lutetiam dum possiderent Angli, ad portam Honorii vulneratur: ad Compendium (Compiègne) quod obsesum astu ingressa est, à Joanne Luxemburgico capitur, Rothomagumqûe ablegata, maleficii & necromantiæ accusata & damnata, viva comburitur. Supplicium hoc Franci indignè ferentes, composito bello, iudicium, uti iniquum, retractant, famæqûe restituunt, anno 1000, die VIII Julii. Sententiæ latæ auctores dicuntur omnes miserando vitæ exitu, sub Ludovico XI,

periisse. Superat ferè vulgi fidem; cùm jam cada-
ver flamma absumpisset, visum est & inventum
cor puellæ integrum. Inde in grati animi symbo-
lum *super ponte Ligeris*, xvi *arcuum*, ex ære erectæ
iii statuæ sunt, Caroli VII, D. Mariæ, & Joannæ
Darcæ armatæ, gladio accinctæ, capillis passis.
Nec non paulò inferiùs ibidem crucis æneæ mo-
nimentum cum inscriptione :

Mors Christi in cruce nos contagione
labis æternorum morborum sanavit. Clo-
dovicus Rex in hoc signo hostes profligavit,
& Johanna Virgo Aureliam obsidione, tot annos Galliam servitute Bri-
tannicâ liberavit. Factum est istud & est
mirabile in oculis nostris. In quorum me-
moriâ hæc nostræ fidei insignia non
diu ab impiis diruta, restituta sunt hoc
anno cIo Io LXXIIX.

Pontificiis in memoriâ hujus liberationis
quotannis est festum & processio, die iix Maji.

Ex eodem ponte antiqua turris videri potest;
in qua captivum detinuit Carolum Lotharingum
Hugo Capetus, Comes Parisiensis, Palatii
Magister, ut, quod Franciæ Status ipsi regnum
offerebant, liberiori animo majorique securitate
possideret, Carolo interea omni successionis spe
exuto, cui alioquin ut primario sanguinis Princi-
pi lex fundamentalis coronam offerebat.

Anno cIo Io LXXIII Franciscus Lotharingus,
Dux Guisæ, urbem graviter obsedit, seque nulli
sexui & ætati gratiam facturum minatus est; ve-
rùm à juvene quodam, domo Angulesmensi,
Joanne Poltrot, ictu sclopeti sublatu interijt
pridie Bacchanaliorum, quæ sanguinarius Guisus
in Au-

in Aurelianensium sanguine celebrare constituerat: Poltrot autem captus, & Parisiis candentibus forcipibus crematus, nec non à iv equis distractus est.

Anno clo Io LXXI, cùm Gallia carnifices ferret in Ianiena Parisiis coepta, ut habent versus:

India mittit ebur, ferrum Germania, tellus

Itala Pontifices; Gallia carnifices:

Aurelianenses non ultimum crudelium mactatorum habuerunt locum; unde ipsis adhuc hodie nomen est, *des estriens & guespins d'Orleans*, canum & vesparum Aurelianensium.

Ita Aureliâ abimus; quæ sita in Ducatu Aurelianensi, patrimonio hereditario secundi Regis Galliarum filii, cujus primus Dux fuit Philippus, Philippi Valesii filius. Hinc per pontem Aurelianum ad vicum *nostre Dame de Clercy*, pransuri in vico *Sancti Laurentii des eaux*, 10 milliar., substitimus à *trois Rois*. Illinc v milliaribus trans Ligerim Regia arx est

C H A M B O R T;

A Francisco I, cujus ibi litteræ, structa. Fundamentum sunt meræ aquæ & paludes; quibus inædificatum regium hoc domicilium, impensis majoribus quàm omne reliquum superius constat; hinc ob stagnantes undique paludes Regiæ custodiæ & securitati dari posset & muniri. Ædificium ipsum habet conclavia, cubicula, ambulacra, è quadrato lapide erecta, immensæ omnia magnitudinis; gradus ampli, lati, multiq; ita constructi, ut ex uno eodemq; cubiculo in unum & idem superioris ædificii conclave, avertis tamen gradibus, ascendere possis. Summitas exiguis turribus & pinnaculis eminet, quod eminus intuenti arcem facit pulchriorem. Antiquitates

Francia pag. 267 dicunt, adeò esse capacem, ut omnes Europæ Principes simul ibi hospitari possint; concesserim ego hoc, si absque famulitiò aulico advenerint, alioquin hîc nimia hyperbole: si fama ædificiî huc me non invexisset, certè non meretur videri, ab universali, quam indies patitur, ruinâ. Antequam hanc arcem lustraremus, periculum nescio quâ de causâ in itinere nobis imminere certum erat; erant, sed extra nostrum comitatum, qui nos offendere studebant; ad incursum levein sustinendum satis instructi videbamus; ast non sclopetorum ictus, quos efferre illi minabantur: sed fortunâ propitiâ res componebatur nemine nostrûm læso.

Ita ab arce Chambourg adhuc tria milliaria insumpsimus cœnam usque, quam, altero mox infortunio præcedente, sumpsimus, *Blâssi au Cygne de la Croix au faubourg du fois*. Huc enim cum ventum esset, fur quidam, pro servo domestico se gerebat, sarcinulam cum reculis nostro à tabellario accepit in conclave portandam; verùm foràs extra opidum se recipiens, cum ea aufugit. desperatum jam erat de illa, nisi tabellarius equo furem insequutus, in campo eum deprehendisset; fure verò ad carceres reducto, judex sarcinulam ad se sumit custoditum, ære sat grandi, interveniente nobili quodam amico & sympatriotâ, à nobis redemptam.

B L O I S.

Opidum situm est in regione *Beaussè*, amcenâ, ac fertili, ita ut Gallorum hæc horreum, quemadmodum Sicilia Romanorum, dici possit. Terræ genius admodum bonus, pinguis & ferax; pluviâ si solum irrigetur, difficile mox iter est peregrinantibus, ut habet diverbiûm: *En beaussè bonne terre & mauvais chemin*. Omnis hæc regio

gio dividitur in 3 partes : *summam* ; quæ habet Ducatum Carnutensem , Comitatumque de Dreux & Montfort : *mediam* ; quæ à Romarantin ad Vendosme usque ab una parte circumscribitur , ab altera à Chasteau-Dun Bloesium usque & Turonium : *infimam* ; quæ ab Estampe ad opidum Sens en Brye , & rursus ab eodem opido Estampe usque ad pontem Aurelianensem extenditur ; hæc continet diversa loca , quæ apud alios videri possunt. Hujus opidi situs est ad Ligerim , partim planus , partim montosus ; amœnitas ubique & fertilitas ; vinum , frumentum , fructus , ligna , pisces , & aquas salubres in copia habet ; unde Regibus hîc magnæ deliciæ , & regum filiis educatio ob aëris constitutionem probè temperatam & puram. Originem urbis huc adscriberem è diversis auctoribus conscriptam , sed brevis esse jubeor & compendium duntaxat rerum ostendere ; quæ etiam causa , amice Lector , cur Parisios omiserim , & in his *formale* urbium ubique omittam : promitto tamen , in *Theatro* Regni Gallix , ipsam Regni formam & administrationem laboratâ operâ , si Deus laborem non sufflaminârit.

Inter ædificia publica & sacra , sunt duo *Templa Collegialia* ; alterum *S. Iacobi* ; *S. Salvatoris* alterum , in quo tumba Katharinæ Medicæ , sed sine omni honore & memoria. Canonici sacris sunt præfecti , è quibus adhuc quotannis unus per formam eligitur , in locum & memoriam Comitum Bloesensium.

Inter politica palmarium ædificium est *arx* , rupi ad urbis exitum inædificata ; quidquid in ea structura est , Ludovico XII & Francisco I debetur. *Anticam partem* , versus templum & urbem , è lapide cocto Ludovicus fecit , ubi equo
infi-

insidentis, ex albo lapide statua dicitur justam magnitudinem repræsentare; inscriptionem alii habent. *Ibi histrix*, spinoso tergo coronam habens impositam; quod emblemata isti Regi fuit. evolutionem ejus hanc do: Histrix si tangitur, aut ad iram provocatur, spiculis lædit tangentem aut jacula in eum ejicit & tranfigit: Ita se habet corona Principis, quam violare, est Majestatem lædere, benevolentiam in iram convertere; hinc sequitur ut conscius sceleris metuas tela pun- gentis pœnæ & ferientis justitiæ; juxta illud, *Nolite tangere unctos meos*; &, *An nescis longas regibus esse manus*? *Interiorem arcis partem*, ut & exterioris aliquam, quæ respicit hortum Regium & saltum Blœsenssem, Franciscus I fieri fecit; ubi frequens est SALAMANDRA, Regis em- blema; cujus explicatio sit, Franciscus salaman- dræ instar, quæ in mediis flammis vitam vivit, tantum abest ut Papiensi clade, carcereve Hi- spanico, aliisque malorum nimbis sit prostratus, ut inde regio potiùs animo, Heroëque digno omnia adversa sustulerit. Hæc regis sunt man- siones & conclavia: inter quæ duo eminent, quod Consilio destinatum, & Regis quieti, sive habitationi. Anno cLo Io xxciix, 23 Decemb., Henricus Guisus Dux Lotharingæ, caput fa- ctionis & in Henricum III Regem conspiratio- nis, è camera consilii ad Regem iturus, sub ipso ingressu, suspicionis ac metus plenus, à satellitio & deputatis Regiis in terram prosternitur, mox- que jussu Regis & ordinatione gladiis confodi- tur. Status Galliæ ibi convenerant pro pace sta- bilienda, sed conjuratis Catilinariis nisi sublatis, illa fieri non poterat. Eapropter interfecto hoc, alter frater Cardinalis à fuga revocatur, sistitur, in caveas superiores obscuras inducitur, sequen- tiq̃ue

tiq̃ue die authoritate regia bipennium iſtibus confoditur. Vide *Serrem in vita Henrici III.* Erant ibidem incluſi Princeps Joinvillius, Dux Elbovius, Archiepiſcopus Lugdunenſis, Guiſianus Secretarius, & alii factionis aſſectæ; ſed ſupplicationibus & interceſſionibus apud Regem interpoſitis dimiſſi iterum. *Cubiculum Katharinæ Mediceæ* tibi oſtendetur, in quo cum audiret ex Rege, Guiſium confoſſum, ſubitò in melancholiam mutato colore incidit, vitamq̃ue poſt ſub principium anni ſequentis exuit, paucorum gemitibus nedum lacrimis honorata. Vide *vitam Katharinæ de Medicis, Gallico idiomate ſcriptam, peculiari libello, rarò videndo.* In alio *Conclavi* Henrici III clementia ſic deſcribitur :

Hæc Henrice tua eſt & laus & Regia virtus,

Poſſe nocere quidem, nolle nocere tamen.

Oſtenditur etiam quærenti curioſius, ſed paucis, *locus*, quo Guiſii corpus flamma conſumpſit, ejuſq̃ue cineres in præterlabentem Ligerim abjecti, ne, ſi à Guiſianis poſteris fortè reperirentur aliquando, Romam ad adorandum tranſveherentur. Oſtendetur etiam *conclave*, dives tabulis piſtis & iconibus, dignum viſu & notatu. In area arcis ſubtus ad pedem ædificii novi à Regina Mariâ Mediceâ exſtructi, viſitur lapis circularis, cui crux incifa cum his verbis : *Ceſte pierre à eſté poſce par la Royne Mere du Roy, le 1 d' Aouſt, 1617.*

Arci adjacet *hortus Regius duplex*, amplus & concinnus, utilis etiam eduliis menſariis, & arboribus ordine diſpoſitus. alter habet cifternam magnæ profunditatis, & ambulacrum ab Henrico IV cœptum ſtrui : alter plantas, frutices, arbores & cervæ formam habet, contra ſexûs hujus for-

formam prælongis & promissis cornibus; Gallico cum carmine: *Vous qui cherchez du monde les merveilles, &c.* Curiosus venationum suis tabulis, si placet, inferere potest.

Extra opidum sunt *ambulacra* amœna, ulmis, arbutis, variisque arboribus cincta, ad milliare unum; longa pro lusu pilæ palmaria, jucunda pro delectabili exspatiatione & confabulatione.

Arci vicinum est *collegium*, non ita multis ab annis quod surrexit.

Pons Ligero instratus longus & lapideus *pyramidem* habet eminentem cum inscriptione: De casu Pyramidis in crepidine pontis Blœsensis erectæ incolumi manente coronâ ad basim positâ. Anno *MDXCIII*, mens. Augusto.

*Pyramis excelsa stabat quæ margine pontis,
Sacra coronatâ Lilia fronte gerens,
Dum levis audaci pertentat culmina cœlum,
Nocturno venti turbine quassa ruit.
Non tamen illa sacram pestis violasse coronam,
Aut Francos flores polluere ausa fuit.
Quippe & tela Iovis Regalia signa verentur,
Hæcque sub Henrici numine tuta manent.*

Pio, merito, felici, triumphatori, Augusto, Henrico Gallia & Navar. Regi, populus & Magistratus Blœsensis D. D. N. Chauvet præpositus urbis versus panxit.

Aquæ ductus, testimonia antiquitatis urbis à Romanorum ævo, superstites sunt non alti sed immensæ latitudinis.

Jurisdicção Comitatus hujus extenditur ad xl milliaria, parochias c in se habens, omnes sub Blœsensibus. Comites olim habuerunt jus cuedendi.

dendi monetas, quod in Gallia hodiè, præter Regem & Principem Auriacum, vix ulli concessum; inveniuntur adhuc numi apud cives, rem restantes.

Incolarum mores sunt honesti & elegantes; lingua totius Galliæ hîc purissima & perfectissima; utrumque fortè ab aula & Regum mansione, nec non regionum liberorum educatione. Peregrini hîc excipiuntur ut domestici, omniq̃ue hospitalitatis jure fruuntur; humanitati accedit conviçtus æquo pretio & lautus habendus, ita ut qui rei suæ, *dic cur hîc*, benè præest, hîc benè tempus, numos locare, linguamq̃ue purè exportare possit.

Postquàm hîc diem insumpsimus, minorum fidicinum decuriâ affatim exhilarati, Blœsio discessimus, Ligeri sinistrorsum relictâ; dextrorsum nil nisi vineta pro comite habuimus, ab arboribus in perpetua umbra pergentes amœnissimo itinere: media via trans Ligerim opidulum *Chaumont* conspicitur, cui arx egregia & mediocriter munita imminet: transeantur pagi *Escuves, Veuſve*, qui vi milliariibus Blœsio distant; inde v adhuc milliaria restabant ad opidum *Amboise*, ubi hospitabamur in suburbio *S. Dionysii à la teste noire*.

A M B O I S E.

Itum est loco amœno & fertili, temperatumq̃ue habet & salubrem aërem, quæ causa, ut & Blœsii, regionum infantum ut hîc fiat educatio. Pons Ligeri incumbens, xiv fornices habet, è lapide structus; cui molendina multa adunata, quasi in insula sita: ille prius superandus, egregiæ longitudinis. Opidum Dani & Normanni habuerunt & destruxerunt, anno verò c10 cccc xxv1 per Carolum IIX Galliæ Regem restitutum,

tum, qui illic loci in arce ludentes pilâ spectans, apoplexiâ tangitur, subitoque spiritum efflat: suspicantur quidam, illum malo aureo quod naribus admoverat, veneno infecto, sublatum. In hujus Regis pompâ funebri, cum pro more baculus rumperetur, & sepulchro clamor adderetur; *le Roy est mort*; duo Regii ministri domini sui miserandam mortem justo acerbius dolentes, morte & ipsi subitanâ correpti obeunt: insignem fidelis affectus memoriam in heri sui amissionem relinquentes. *Arci* & militibus præfidiariis erat præfectus Mons. *Thoras*, miles magni nominis & animi, humani genii; cujus auctoritate lubentes admissi sumus in arcem, fossis & muris, tribusque pontibus pensilibus munitam: arma & gladii foris relinquuntur si ingredi volles. Videbis naturali saxo arcem inædificatam; muros perforatos hinc inde, per quos prospectus in amœnissimam regionem, vineas, campos, agros, saltus, flumenque paret. Gradus per quos in summum ædificium ascendis, lati sunt, & eâ formâ constructi, ut tormenta bellica usque in summitatem arcis attrahi possint. In arce monstratur *Sacellum* à S. Martino, postquam paganorum idola destruxerat, exstructum. Ibidem *cornu cervi*, quod mole & pondere, siquidem xl libras ponderat, omnia totius Gallix post se relinquere dicitur; naturali quidem cervino simile; verum factitium esse potius, quàm capto à cervo dejectum, veritati videtur similis. Arx hodiè, sicut & olim, custodia est magnatum Gallix, si quid enorme deliquerint. Ex oppido, anno cto 1021, sub Francisco II prima bellorum civilium prodierunt principia, Hugonotarum nomen cum in Gallia occiperet percrebrescere. Heic unam noctem transegitur liberiore animo ob sarcinam:

nam, quam nobilis amicus Blœsii relictam ære-
 que redemptam citissimo cursu advehebat, recu-
 peratam; postero die, relictô Ligeri ad dextram,
 conscensis equis perreximus *Turonum*. Siamas
 vineas, hortorum, agrorumve continuum viro-
 rem, & lene murmur aquæ, siue Ligeris dela-
 psum, ipsa amœnitate amœnior via est: verum
 si homines Batava diligentia & industria exco-
 lerent, nihil esset quod non invidiam provoca-
 ret: sed concatenata bella civilia sufflumen de-
 derunt, imò & torporem; nec jam incolæ ædi-
 bus operantur colendis, sed petris incisas casas
 inhabitant, compendiosâ sed sordidâ vivendi
 methodo. Videbis ad *Burgum Mont-luys*, ubi IV
 mill. confeceris, prætereundo ad sinistram, cen-
 turias aliquot domuncularum rupi incisarum;
 quod mirum advenis spectaculum; quæ caminos
 tantum in viridi cespite exporrigunt, sursumque
 in capite habent vineta cultissima. Nihil aliàs in
 quo delectamentum habeas, præter naturam in
 domos mutatam, præter petras, saxa apta huma-
 nis receptibus & inhabitationibus. Infrâ, terrâ
 sordidissima incolæ contenti suis sordibus & lu-
 cifugio ita se ibi abscondunt, ut nec sol nec luna
 iis cohabitare possint. revera sues cum aureis
 monilibus: nam circumcirca vineæ cultissimæ,
 agri opulenti, fumarum extant per saxeos montes,
 cincta ordine vitium. nã! heic mihi magis pau-
 pertas quàm cura, magis natura quàm ars ope-
 ram præstare suam visa est. Populosa tamen hæc
 regio est; verum otio & vitæ voluptuosæ dedi-
 ta; videas enim ædes hominibus nihil planè
 agentibus refertas; ita abusus est nobilis *horti*
Galliæ, qui *Turonum* dicitur. Huc delati Blœsio,
 VII *milliaria* confeceramus; Hospitium ingressi,
 quod est *au sanbourg S. Pierre des corps à trois*
 Mo-

Mores, benevolè excepti sumus à matre Alemanorum, aliquibus tamen noverca quæ fuit ; afferentibus rem non sine manu in albo :

Quand vostre bourse est trop pleine,

Allez au Mores en Touraine,

Je vous jure que vous serez

En peu de temps en dechargez.

Nos verè benè æque hîc viximus. Sed ad urbem

T O V R S,

Quæ confluentes habet *la Loire & le Cher* fluvios, & planitie fertilissimâ & amœnâ longè lateque extensâ floret, quamvis solum ob palustria loca nonnihil humidum, & causa pluviis, quæ ibi generantur, frequentioribus existat. Ligeris alluit muros, cui pons lapideus *arcuum* XIIX superstratus; inde non procul abest navium statio; Muris, fossis & arce cæteroquin urbs satis munita, ædificia fovet elegantia, non superba. Sustentatur maximam partem serico conficiendo, Italico quod bonitate non cedit. Jacobus de Beaulne herus in Semblancay hujus opificii autor dicitur, qui paterno erga patriam & cives amore ductus, suo sumtu opifices & textores artis gnaros ex Italia evocans, populares suos instrui curavit. Bonus verè civis: nam ultra hoc, auxit urbem fontibus, ministerio aquæductuum summo artificio eò perductorum; auxit fructibus ex Italiâ, Græciâ, aliisque locis conquestis & importatis. Serres videatur in vita Henrici IV, ubi Regem ostendit IV urbes instituisse pro alendis bombycibus, & sericis texendis, nimirum *Parisios, Lugdunum, Aurelias, & Turenum*; cum enim Rex intelligeret, XL & amplius auri tonnas è Gallia pro serico exportari, instituit hoc opificium

ficium sericum, quod usque dum magno cum Regis & Regni incremento augetur; abrogato contra & interdicto omni vestimentorum Attalicorum usu.

Inter ædificia palmam merentur bina templa, Gratiani & Martini. Templum Gratiani non vetustum sed egregium est, tribus altis turribus superbum; extimi parietis lapides sunt artificiosæ sculpturæ, verum deformes modò ab imaginum decapitatione in introitu per Hugonotas factâ. In eo horologium, chorum, & sacellum columnis è ligno & auro decorum observa. Alterum in honorem Martini ædificatum (de cuius miraculis pontificiorum legenda & Gregor. Turonens. in sua hist. videantur) habuit reliquias Sancti Martini, quæ per Hugonotas crematæ sunt; locum clathratæ fenestræ ostendunt, quæ non nisi manuum, prius tamen hæ osculo devoto sacrentur, tactu adiri possunt: de his reliquiis Molin. in scuto fidei p. 459, Basil. edit. Gregorius Turonens. in fine suæ historiæ ait, se reliquias Turoni in æde D. Martini vidisse & repperisse, valde putrefactas; verum aliquot 100 annis post, eas planè integras, novas, illasque fuisse. Organum & altare advenientes remorari solent. Quid de monachis? Hi sub Carolo Magno anno 1000 omnes unâ nocte occisi sunt, præter unum in Epistolis Paulinis legendis occupatum: verum hi monachi eò superbix processisse, ut calceos inauratos gestare eos non puduerit. Longitudo templi est pedum CLX, fenestræ undique LII, columnæ XX, ostia XIX. Turres habet tres altissimas, quarum unam 300 XXIIX gradibus conscendere potes, agrum circumsitum Turonensem ad multa milliaria sic contemplari licet. Ibi campanam simul offendes, cujus latitudo VII pedum & semis,

mis, circumferentia *xxii*, pondus excedit; pistilli tamen *10* librarum est, cum inscriptione: *M cccc lxxxii Ecclesia Sixtus Quartus, regno Ludovicus undecimus praeerant, Turonensi tunc praesul Helias*. Altera campana ibi latitudine *vi* pedum & semis, pondere octodecim mill. librarum.

ARX quidem antiqua, sed fortis comparet; Hæc, cum Guisius obiisset, ex autoritate consilii Regii, adolescentem Guisiam captivum tenuit, à multis è factione paternâ, praesertim Parisiensibus, si ante patrui adventum Lutetiam venisset, Rhemis coronandum & ungendum; sed vana fuerunt vota & sine successu: ab arce tamen Guisius anno *ci d io xci, 15 Augusti*, fune se demittens, profugus factus ad equitatum Domini de Chastre, ex composito inde non longè praestolantem, cujus auxilio abductus, liberoque aëri restitutus fuit.

Antiqua monumenta ibi sunt lapides duo; urnæ item anno *1591* repertæ, ex concrematis corporibus cinerum plenæ.

Locus extra urbem *ludo palmario* destinatus, longitudine & amœnitate dignus visu, quod tota Gallia nec longiorem, spatiosiore, planiorem, amœniorémve habet.

Urbs hæc pro coronide meretur laudem singularem ab affectu & pietate in suos Reges; Carolum VII ab Anglis patrimonio privatum, Henricum III à Parisiensibus ejectum suscepit demissè, fovit liberaliter; Henricum IV ad amicitia jura innovanda invitavit, periculo ab hoste imminente flocci facto.

Ex urbe levi deambulationi unculâ ad ripam Ligeris venit ad oppositum monasterium *Marmonstier*; hoc ibi flumen trajeceris navigio, rectâ intrabis

MARMONSTIER.

COEnobium hoc Ordinis Benedictini est: cui præest Abbas Monsieur de Vendosme; ei subsunt LXVII monachi; & vivunt lautâ conditione. Ædificatum est à Martino sancto, sed multis redditibus indies incrementa sumsit, ita ut inter nobiliora Gallia præmineat. A tergo cœnobii vina ferunt colles bona, quæ inde per plumbeos canales in cellæ demittuntur dolia, altitudine LXIV perticarum, quarum qualibet VI & plures habet pedes.

Præcipuum quod in templo, est ampulla sancta, continens oleum, ab angelo è cœlo quod deportatum dicitur, quum Clodovæus primus Christianorum Rex à sancto Remigio, more Saulis, inungi deberet. Non ostenditur nisi summa cum devotione & osculo. Janua, ubi repositum est olei vasculum, hanc habet inscriptionem:

*Angelus ampulla Martini saucia membra
Vnixit, & Henricus maximus omen habet.*

Simile oleum, sed minori inopia, Rhemis conservatur apud sancti Remigii cœnobitas; quo omnes Gallia Reges hæcenus inuncti fuerunt. Rex autem Henricus IV à rebellibus Rhemis prohibitus, non Rhemeni sed Marmontensi oleo anno MDXCIV, XXVII Febr. unctus est apud Carnutes ab illius loci Episcopo, præsentibus Principibus è regio sanguinetot quot per tempestatem & bella interesse poterant. vide Serr. in vita Henrici IV. Unde in loco non longè ab ampullæ repositorio videbis insignia Cardinalis Joyeufsi cum his versibus:

*Hoc Mariæ titulis ascribitur, hujus in æde
Martini ampullam tot peperisse bona.*

L

Hoc-

Hocque decus referunt Carnutes, quod fuit olim Remorum, ampulla nostra quod ante tulit.

Pluria non adscribam de hoc oleo, licet è diversis authoribus possim; alibi, si Deo visum, circa Regis Galliarum coronationem nobis erit locus.

Chorus templi è gypso candido, historiam Passionis ostendit. Tumba sancti Martini, aliquot gradus alta, vix calcaribus sonantibus adeunda; visa tamen à nobis, præeuntibus binis monachis. Præter hoc peristylia, refectoria, dormitoria, liberè lustrare poteris. hinc inde parietibus adscripti versus, à nobis exscripti; sed non adscribendi. In area monstratur la chapelle des dormants (der sübenschlaffer) dextrorsum, ad quam aliquot graduum ascensus est. Equile & coquina in transitu xxvi caminorum videri possunt.

Locus est non longè à monasterio, ubi ante aliquot annos domus petris & saxis incisa corruerunt, compluribus inhabitantibus obrutis; mulier tamen quædam plusculos dies ibi inter saxa & rudera hærens, viva tandem reperta & incolumis servata est, per ova quæ fortè reperta axillis supposuit, & tepore coxit.

Equis quoque visum egressi sumus specus quasdam, (*les caves gouttières,*) in quibus aqua in lapides concrescens saccharum minutum & rotundum figurat. Heic dum pernoctaremus bis, fidicinum chorus à nobis non abfuit, advenientibus officia studiosè offerens.

Exeundo hinc pons transeundus, & fluvius ad sinistram relinquendus est; Iter tam amœnum est inter arbores, vites, pagos, ad lenem Ligeris strepitum & defluxum, inque longâ planitie, ut non injuriâ regio hæc *hortus Francia* dici mereatur. Ita transitur oppidum & arx *Maillet*; *milliar. Saint Mars*, vicus 2 mill. & prandium in

pago

pago quodam *à trois valets* sumitur. Trans Ligerim arx *Bussi* conspicitur ex hospitio, olim Ducis Aumalii, qui Parisiis in effigie, uti dicunt, cum reus Majestatis damnatus esset, equis discerptus visus; Aumalius verò fuga vitam servaturus, in Belgio sub Alberto militavit, ibique, quidquid corporis & famæ superfuit, deposuit. Hodie arx ista Duci Nemorosio paret. A prandio restabant *vii mill.* & amplius, Salmurium usque; in via ad collem *Abbatiam Sancti Martini de Condo*, quæ Turonensem agnoscit Episcopum, & vicum *Monceran* habuimus; uterque locus unâ saltem plateâ intermediâ discriminatur, unde diverbium ortum:

Entre Saint Martin & Monceran

Ny croist, ny vache, ny veau.

Nos sera vesperâ ad civitatem delati sumus, clausisque jam portis & ponte, timendum erat ne in urbem admitteremur, sed argento numerato claustra perfregimus. præter opinionem iter longius non videbatur sed erat, siquidem fallebatur paucitate milliarium, quæ hic non numero sed longitudine numeranda; quò enim remotior à Lutetia es, eò millaria grandiora habebis: accedebat arx Salmuriensis in sublimi locata, cujus altitudine sumus elusi, ut cum vix mille passus ad accessum superesse crederemus, duobus ferè milliaribus, & quod excurrit, ab urbe abessemus; tandem multa nocte non sine periculo ponte superato divertimus in hospitium suburbanum *à la corne de cerf.*

SALMURIUM.

VRbs ad utramque ripam habet suburbia longa; maximum eorum Ligeri fluvio ab urbe discriminatur, qui pluribus ibi longisque pontibus invicem connexis pervius est. Mœnia nec minùs

habet decora. domus arcis montosæ propinquo-
res, sunt ascensu paullum elevatiores. *Arx* non
adeò magnifica quàm munita; è naturali liqui-
dem saxo caput erigit, & subtus omnia vel de-
fendere vel destruere; Olim gubernatorem ha-
buit *Philippum Mornaum Plessiacum*, virum no-
bilem & doctum, clarum toga & sago; Modò
Dominum de la Bresse cum LX præsidiariis militi-
bus habet. In ea præter *armamentarium*, *galeriam*,
& *conclavium secretius* Gubernatoris, in quo ico-
nes præsidum antecedentium, pauca. Nos nebula
densa & foetida arcebat manè ab ascensu & pro-
spectu, nec moram ferebat iter, donec nebulæ
discussæ & consumptæ fuissent.

In civitate *facellum* est, quod vocant *Nostre
Dame des Ardeilliers*, celebris nominis in Gallia
ob miracula nescio quæ illic edita & adhuc ob-
via. *Templum D. Petri Christophori* magni sta-
tuam ostendet, sed minorem Parisiensi. Reform-
matæ religioni addicti templum habent elegans,
quod diversis à nationibus frequentatur, dum
urbs hæc una est ex illis, quas in securitatem re-
ligionis Reges Gall. dederunt. Viçtus sanus,
locus amœnus, exercitia varia exteros invitant
ad diuturniores mansiones, ne quid addam de
linguâ Gallicâ.

Jentaculo sumpto per pontem Ligeris Salmu-
rio profecti, intra VI milliaria S. Mathurin, vi-
cum, vidimus. à quo refecti paucò cibo & potu,
festinabamus V mill. ad civitatem *Andegavum*,
quò antequam pervenis, uno lapide retrò flu-
men pontone trajicis, & inde per lapidum fissi-
lium, quos *Ardesias* vocant, tumulos, in longum
suburbium deducis, & tandem in urbem; quæ
biduum nos habuit hilares vino (quod non vi-
nosum adeò & fumosum, ad Rhenense nostrum
pro-

proximè accedens) in diversorio à la Croix verte,
à la rue courte.

ANDEGAVUM,

Quibusdam *Andegavia*, Gallis *Angers*, Ortelio è Prolemæo *Iuliomagum* dicitur: fundamentum opido fecisse philosophos, augmentum Trojanos, narrat *Chronicon Andeg.* sed fabulis relictis opidum videamus. Situm depressiori in planitie, sed jucundâ, circumductum turribus, sed è longinquo altis; irriguum fluvio Meduanâ, & inde bimeembre, sed ponte junctum, uno muro concluditur. Metropolis est in regione *Andium*, quæ non diffusa, sed dives omni penus: nam flumina cum annibus XL numerare potest; ita ut quâ terram, quâ aquam, omnium ad victum necessarium hîc abundans affluxus. Quæ res Carolum IX Regem movit, ut Ducatum hunc pro annonaria attributione (*l'appanage Royal* quam vocant) Henrico III assignaret, & hic rursus fratri Francisco. Videamus oppidi *templa, academiam, arcem, curiam*, & quæ in his, ab aliis non notata.

Templum *Mauritii* cathedrale est, in quo nec ipse rex Galliæ dedignatur habere titulum Canonici: surgit tribus altis turribus, quarum media quasi pendula, eminet insuper lapidum mole & calatura. Intus epitaphia postica chori parte leguntur *Iohannis Olivarii Episcopi Andegavensis*, quæ cum fidem arguant, libuit adponere:

Ianus Olivarius jaceo hic sub marmore duro.

Istius adis eram præsul & immeritus.

Peccavi, fateor; (quis enim offendisse negabit?)

Ast veniæ in Christo spes mihi firma fuit.

Qui nostrum gratis abstergit morte reatum,

Et nos non nostris justificat meritis.

*Hanc spem vos fratres precibus votisque juvate,
Manibus ut nostris pax sit & alta quies.
Ac mortis memores benè vivite, & usque valete,
Sitque eadem vobis post obitum requies.*
Præter hoc sunt pluria alia, è quibus unum hoc
quod ipse Olivarius jamjam ad plures abiturus
de se :

*Inquiris hospes qui sim ? non sum amplius.
Quid agam ? putresco & vermium greges alo.
Qui fuerim ? ineptus Ianus Olivarius,
Peccator unus omnium præmaximus.
Vnde ? urbe natus nobili in Lutetia.
Quo functus olim munere in republica ?
Primò Archiabbas Andium : post pontifex.
Quæ otia ? sacratas paginas evolvere.
Quid hac in urna superat ? ossa & cinis.
At quò animus ? Hospes contine ; scire hoc nefas ;
Arcana divûm non decet scrutarier :
Neve quid negotiî sit Iovi cum manibus :
Satis superque nosse erit , fidelium
Post facta mentes non mori ; at quiescere :
Donec resurgunt in priore corpore,
Augustiore quàm antea , feliciùs
Victuræ in ærum cum beatissimis.
Iam nosti abundè qui fuerim ; at altissimis
Quando in tenebris nequeo te agnoscere,
Saltim hospes unum hoc, tete ut agnoscas, rogo,
Optesque veram mortuis pacem omnibus.*

Præter hæc epitaphia sunt & Renati Siciliæ regis ; quæ si lubet cum reliquiis videre, admittêris.
Unum, si circa festum corporis Christi in hoc opido vivis, est quod notes, nimirum processio-
nem tam pomposam, cui similem in omni reli-
qua Gallia non videbis ; & hæc occipit in hac æde. A qua te conferes ad S. Licinii ; in qua ad
sinistram ostenditur lapis Lauretana ab æde, cum
his

his verbis : *Cy est de la tuille de la chapelle nostre de Lorette.* Locus est vitro occlusus ; intus adparet linteum annis absumptum , à Pontifice eò missum. Licinii sepulchrum post altare hanc habet epigraphen :

Vas habet hoc fractum certè fragmenta sepulchrum

Licini sancti , hîc qui beatè quievit.

Si otium est , ingredi templum *Sancti Cyri* extra urbem ; ubi duæ tabulæ , altera memoriam unctiōis Christi , altera assumptionis Mariæ repræsentat ; utraque è cælato lapide ostendit artificium , cui generi par vix alibi reperias ; inprimis nota imaginem Joannis in utraque tabula , sibi per omnia similem.

His visis ad *Academiā* eundum , à juris studio potissimum florentem , institutam à Ludovico Siciliæ rege , Andegavensium Duce secundo , anno c10 ccc XLVIII : circa quæ tempora placuit Rupto Palatino Heydelbergensem instituere , anno c10 ccc XLVI. *Middendorp. de Academ.* Faventem Principem habuit & augmentem Henricum Andium Ducem , Caroli IX fratrem , nec ingrata fuit in educandis Jurisconsultis magni nominis , qui fuerunt Lazarus Baysius , Franc. Balduinus , Eguinarius Baro , Johannes Bodinus (aliquibus , joco , puto , dictus Andius sine bono) Parlamenti Parisiens. Advocatus , & alii , quos , ne sim multus , prætereo. Habet collegia tria , quorum nomina sunt : *du neuf , de la porte de fer , & de la Formagerie.* quibus accedit Facultas Medica.

Arx sive castrum , nobile à domicilio , quod ibi Andium Duces multis ab annis habuerunt ; olim Comitatus titulum gessit , qui anno c10 ccc L in Ducatum abiit , cujus ultimus dominus

fuit Henricus III Gall. & Pol. rex. Munitum est profundis fossis, è quibus surgunt XIX turres rotundæ ceu è rupe excisæ, ita ut heic loci fortissimam totius urbis videas partem. Adire non denegatur, modò ingressum, quo debes modo, petas: à porta primâ superatur pons, obseratur portæ elevatur pons, reſeratur alia porta, ita ut non facilis sit accessus ad penetralia: præſidium tenent Helvetii, numero tunc LXXX, quorum præfectus Monſ. de la Porte; cuſe effigiem in curia vidimus; ad quam nunc tecum ire animus est.

Curia habet introitum :

*Regia juſtitia juſto ſub rege reſurgens,
Et lano claſſo Themidis redi viva potensque
Porta Dea, geminum tibi dant Ludovice triumphum,*

Et belli & pacis lauroque oleâque coronant.

Ipfam ubi ingreſſus fueris, alloquium leges ad regem Ludovic. XIII :

*Ingreſſedere Andinum auſpiciis felicibus urbem,
Magne Heros, quem Cavallaus origine ſanguis
Extulit Andinis commixtus matribus olim.*

• Mox inſcriptiones :

HOC NEXV FIRMATA FIDES.

*Magnanimi Heroës ad publica commoda nati
Publicolas urbs ipſa ſuos vos accipit, atque
Hæc vobis memor officii monumenta rependit.*

DVORVM NUMINE TVTA.

*Salve cura patris, patriæ ſpes altera noſtra.
Recta quidem ſeries, patribus ſuccedere natos;
Eſſe ſimul, fuit ille piis gratiſſimus ordo.*

B. T.

Clariff. V. Johan. Bodin. Curatore urbis; Ren. Jarrye, &c. cum tribus aliis Decurio-

curionibus, kal. aug. scribendo aff. Omnes
Q. E. D. R. S. F.

Quod V. C. Curator V. F. de adventu desideratissimi Ludovici Regis Christianiss., Mariæque Medicæ matris incomparabilis, quam providentiæ curisque debet servata Gallia securitatem suam, Provincia liberata beatitudinem, civitas ornata splendorem, ita ut omnes omnium ante se maximorum Principum glorias supergressi ampliss. regno terræ marique pacato pop. legibus optimis sanctissimisque formaverint; mentis magnitudine singulari templum Iani clauserint, & cælestis indulgentiæ favore mirabili pervaserint orbem totum insignibus virtutibus domi forisque, Q. D. E. R. E. P.

D. E. R. V. I. C.

Benè & votis suis convenienter olim, hac ipsa die custodi Herculi matrique DEUM Opi sacra festa placere; gloriosiss. regi in spem rerum feliciter crescenti, matrique providentissimæ, honores curavi; qui quàm maximi supplicationes ad aras, legiones in armis, pompam viarum, gratias ordinum, clariss. ludos publicos, quòd temporum caliginè fortiter detersâ serenarint cælum nostrum claritudine semper mansuræ pacis; & adclamatum est ab omnibus, Ludovice, innocens Deus te servet incolumem diu nobis, felicibus imperio tuo; verecundia tua milites atque milites optimo, fortissimo prudentissimoque Principi, piissimæ & clementissimæ Domine nostræ Matri castrorum; salus, aternitas, & quale meritis suis debetur obsequium, habeant vitam praelixam, imperium securum, domum tutam, exercitus fortes, Senatum fidelem, populum probum, civitatem hanc N. M. Q. eorum devotissimam.

Hæ inscriptiones indigerant reconciliationes regis cum regina matre. Quibus lectis descende;

L 5

& sub-

& suburbium invise ad *pratum Germanorum*, quod Germanæ publi hæc commoranti, honesta recreationis & deambulationis ergò à Germano nobili Andegavi denato donatum est. Dum deambulatum exivisti, eâdem operâ theatrum Romanorum extra portas vide, cujus rudera extant in loco GROHAN, testimonia olim Prætores Romanos populo Gallico edidisse spectacula, in gratam Cæsarum suorum memoriam: oblatum mihi, cum ibi essem, antiquum est numisma, quod inde erutum seriò adfirmabatur, habens nomen & acta antiqua. Quæ res inter antiquarios causa est, num locus *Pont de Cee*, ad quem te jam ducam, originem habeat à ponte Cæsaris, vel à Germanico ponte See; quod est stagnum, quasi pons stagni, sive stagnantis Ligeris, quia ibi Ligeris videtur se sistere & stare instar stagni.

Sed reculis convasatis mecum in viam. Andegavo *uno lapide* opidum PONT DE CEE distat; quò viâ planâ & amœnâ ubi perventum, quasi tum est à nobis, cujus ordinis essemus? Ordinis peregrinantium, respondebamus, gente Germani. Mox sine morâ dimissi, pontem Ligeri stagnanti incumbentem pro via habuimus; longus est & angustus, partim lapidibus stratus, partim trabibus ligneis combinatus; totius verò fulcrum sunt hydromylæ lignæ XVII, quæ catenatim quasi ligant pontis jugera. Hoc superato, tellure fertili & amœnâ in Andium regione venimus 2 *milliarib.* ad opidulum

B R I S S A C,

Quod elegans præcipuè ab *arce*, stagno adsitâ, unius miliaris longo & pisculento; amœnum à nemore trans stagnum, venationibus aptissi-

aptissimo. Antequam pransuri *au cheval blanc* confederemus, in arcem benevolâ Heri admissione itum est. Ædificium planè recens è quadrato latere, formâ superbâ inscriptionem ostendit:

ALTO DE SANGVINE COSSI.

Prosapia antiqua est in Italiâ nata, in Galliâ cummulata, & regibus cara; quod docent regis & reginæ matris in hac arce primi à reconciliatione conventus. Herus amœnissimæ hujus sedis est *Franciscus de Cossi*, inter Duces, Pares & Marschallos Franciæ non ultimus; Hera, *Iohanna de Pontebretang*, utriusque effigiem, & totius Cassorum gentis, tabulæ habent ad vivum in conclavibus positæ. nil heic de tapetibus, Romuli Remique historiam, raptum Sabinarum, & alia, alia, regio sumtu ostendentibus, dixerim; sufficit cum tanto Hero verba miscuisse, tantamque gratiam si non meruisse, saltem vidisse.

Hinc tenuiter pasti, *IV milliaribus*, serâ vesperrâ, pernoctatum venimus in pagum (qui Pictonium in terram ingressum facit) certè nobilem, & multis opidis, tam ædificiorum structurâ, quàm loci capacitate, non inferiorem,

DOVAY, DOVÆUM.

DE quo *Lips. in amphitheatr. cap. 6*: Pagum autem hunc, qui amphitheatro haut longinquus, olim aliquid amplius fuisse, satis convincamus vel hoc non pagani operis argumento; viæ etiam antiquæ & publicæ reliquiis, quæ ex hoc pago pertinet ad pontem *Cæsarianum*, cujus viæ pars conspicitur: pars maxima corrupta est, & lapides in ædificia variè absumpti aut averti. Sed & incolæ ipsi antiquitatem aliquam jactant, & *Druides* sedem habuisse apud se volunt. Ceterùm, bella vetera for-

tasse, & (quod magis constat) Anglicana, incendiis quidquid & quo nomine id fuit deleverunt. Doveonam Ptolemæi fuisse, non vanè ego suspicer, ex nominis, quod pagus nunc præfert, claro argumento; & collocatio ipsa Ptolemæi non dissidet.

Sed ad amphitheatrum, quod, quàm cœna à la Croix verte instrueretur, lychnis & facibus accensis, (ita enim tenebræ jubebant, & sequentis diei festinatio,) prius ibamus visum. Ejus formam, usum, & inscriptiones adponam; quæ tamen stilo maximam partem aliena, methodo autem nostra erunt.

FORMA respicit situm & partes amphitheatri.

Situs talis est, ut videri possit à natura natum ædificium, licet manu & arte humanâ factum sit; totum siquidem excisum & cavatum est in monte, sine externâ ullâ materiatione calcis, lapidis, ligni. Mons vero, in quo & è quo id est, lapideus est totus, cujus generis ibi plures, sed lapide tamen non planè duro, quique cæsuram & ferrum faciliè admittat. Color ei, qualis Tyburtino: è quo Titi Romæ amphitheatrum est. Magnitudo montis paulò minus milliare Gallicum in latitudine; in longitudine, duo circiter continet; sed ea tamen facies, ut in edito satis planus & jacens sit, & ab lateribus utrimque clementer adsurgat. Cortex, ut sic dicam, & tegumentum universi montis, è terra est: viscera tantùm è lapide. ideoque non gramine solum, sed segete sæpè vestitur. In summo, sed paulò tamen ad latus, hoc amphitheatrum repperis; haut facilimè, quia etiam præscios, nisi intendant animum, fallat. Cùm enim supernè despicias, aliquem cavum aut puteum censebis, ex istis qui ob lapidum excidia vulgati ibi & crebri. Atqui aliud profectò opus est, & à Dædalo quopiam acutè

acutè inventum, adfabrè factum; cuius nunc tibi PARTES ostendam, primo APERTAS, pòst OPER-TAS. Apertæ sunt GRADVS & ARFA. Graduum videatur NUMERVS & POSITVS. NUMERVS est XX & I, meo calculo & itu quos signavi: horum supremus, latus & capax est in orbem ped. 10 cc XLII. Linea dimetiens in summo, longa pedes CCXXXVI. at ab imo gradu statim sequitur murus, qui podium attollit & arenam claudit: estque altus pedes IX. POSITVM videbimus in subfelliis, quæ à summo statim margine incipiunt, minuunturque, ut solet, paullatim eundo in declive. A summo; dico, incipiunt: ut nunc quidem adspectus est. Olim, vix ambigo, quin cancelli aut murus aliquis circumpositus fuerit, sive ad ornandum sive magis ad servandum. aliquid enim certè sepimenti fuisse debet, ad pecudes arcendas & petulcos. At nunc tamen descendens, pedem statim ponis in ipsis gradibus. quorum, primo initu, confusus satis adspectus. Terræ enim & pulvere cottidie complentur: quæ ventus invehit aut imber. itaque gramen etiam ibi passim: & formosa olim nec ad hunc usum loca perambulant informes oves. Numeratis ita subfelliis descendimus in AREAM; cuius EXTIMA pars depressior multo, ambiens tumulum in medio elevatum, & lata undique usque ad murum podii, pedes XV: Ita diametrum totius arenæ esse oportet, ped. LX. MEDIA verò (præter morem quidem omnium ejusmodi theatrorum, quod sciam) in tumulum rotundum ex eodem lapide elevata; altum pedes VII, aut paullò amplius: longum in diametro, pedes XXX. Is planus in superficie & æquus; excipio quod ad oras à medio paullum vergit & declinat. In hoc tumulo sunt foramina, putealia; scala & puteus. For-

mina sunt rotunda sex, æquis intervallis à se ab-
 juncta, lata pedes v; quibus imposita putealia,
 ex uno eodemque lapide, paullò grandiora, quàm
 ipsa foramina; uti necessum, contra illapsum.
 His putealibus inserti annuli crassi ferrei fuere,
 (vestigia & ærugo clarè docent,) ut baculo iis
 inserto, admoveri possent vel amoveri. Nam aliàs
 pondus iis satis grande, quodque duo homines
 ægrè commoverint. Hæc foramina velut ostiola
 sunt, quæ per scalas quasdam cochlides sive in-
 curvas ad viam infrà ducunt. Scalæ igitur totidem
 quot foramina: quæ singulæ gradibus non ma-
 gis XIII constabant. In orbem tumuli, in ipso
 muro, foramina quadra exsecta, quæ scalis illis
 lumen infundebant ad ascensum aut descensum.
 Foramina hæc singula ita collocata, ut unum
 servire scalis duabus possit. In meditullio tumu-
 li, cavus est rotundus sive puteus; qui antiquus-
 ne, an novus ab histrionibus factus, non dixe-
 rim; usus certe ejus videtur fuisse ad malum de-
 figendum, à quo funes dependèrent, & per eos
 fuitantia vela. Ita apertæ amphitheatri partes
 fuerunt: secedamus in OPERTAS, quæ juxta
 ipsum, in ejus latere bina grandia & rotunda,
 sive cubicula sive potius cameræ occurrunt: in
 eodem illo lapideo monte seorsim excisa. Pone-
 mus *formam, dimensionem* & ad eas *aditus*. For-
 ma horum cubiculorum est instar pilei nautici,
 sive prisca Romani. Latitudo in imo est pedum
 circiter LXXX, sed in altum paullatim arctantur.
 In fastigio utriusque foramen patet rotundum,
 grande pedes ix, quod ad lumen infundendum
 servit: prorsus eo modo quo Romæ, in Agrippæ
 vidimus templo. Ad hæc cubicula, aditus du-
 plex est, internus & externus: ad illum, aliàs
 undique clausum, ingressus patet per istum, brevi
 & for-

& fornicatâ viâ. Ad externum VIA TRIPLEX ducit. PRIMA subterraneo meatu ad tumulum, qui in arena, & per scalas illas ad ostiola tendit; ita ut infra gradus omnes subselliorum totumque amphitheatrum abeat, uti cogitanti clarum. Longitudo primæ hujus viæ pedes c xxv; latitudo, ped. vii; altitudo, ped. viii. ALTERA VIA paullo brevior, pariter meatu infero tendit infra omnes gradus, & in muro podii emergit; ita, inquam, ut in arenam ipsam rectâ ducat. Hæc prior minus lata, minus ampla. TERTIA VIA, opposita istis, foras spectabat & vallem montis. Per eam ingressus in hoc cubiculum: per eam item, ut apparet, omnis pluvia & confuges aquarum derivatæ è toto theatro cubiculisque. Forma harum viarum similis: factæ omnes in lapideo monte, & cavatæ in arcum.

Tantum de forma hujus amphitheatri: sequitur vsus, quem breviter & leviter è Lipsio delibemus. Forma ipsa amphitheatri videtur. clausum enim in orbem undique, & vix tamen est ut amphitheatralis usus. Primum tumulus ille, qui in medio, surrectior; quid ad pugnam, aut cursum? Æquitatem enim ea res & planiciem postulat, non tumorem aut colles. Deinde area ipsa circumjecta, nonne exigua & angusta ad venationes? certè apparet. Quomodo enim satis liber in illo quindenum pedum spatio cursus ferarum hominumque, ac recursus? An de theatrâli & scenico igitur usu verius est? Non abhorret ille tumulus, qui instar scenæ retulisse videtur, in qua spectari possent & audiri personæ. Foramina etiam illa sena, non incommodum usum habuisse videntur, ad actores pro tempore submitte-dos aut recipiendos. Choragium enim omne in-
strui in cubiculis illis adjunctis occultè potuit:
exque

exque iis ornati & parati histriones, viâ subterrancâ, venêre in hanc scenam. Sed circumjectæ areæ tum quid fiet? cui rei serviet? Denique rotunditas illa loci & graduum orbis, quomodo idonea theatro? Vultus enim certè loquentium agentiumque, obverti in unam partem tantum possunt: nec audiri aut cerni commodè ab iis qui à tergo. Ideo theatra hemicycli semper imagine facta, bono jure. Nisi si fortasse velo aut discrimine aliquo pars tumuli divisa, & spectatores coacti in graduum unâ parte. De gladiatoribus tantum nihil impedire videtur, quin adfirmem quibus locus in areâ illâ satis latus, quoniam in gradu ferè inter pugnandum manebant & in statu. Sed quid sigillatim circumeo? credo revera varium & miscellum hujus loci usum fuisse: ideoque formam ejus mixtam, nec aptam ad ludicrum unum. Potuit venatio in eo dari, sed ferarum paucarum: potuêre gladiatores: potuêre histriones aut mimi: potuêre velut in stadio luctatores & pugiles: quod ipsum genus ludi, valdè crebrum & gratiosum in provinciis fuisse, indicat & indignatur Tertullianus Cubicula quæ ad latus, mihi nova & ignoti finis. potuêre tamen instar spoliarii esse, sive etiam odæi. quod utrumque genus adjungi amphitheatris vel theatris suis solere, scimus. receptacula etiam non incommode fuerint, ad omnem scenicum aut arenarium apparatus. Narrant, regem, vel heroem potius, verè magnum, Franciscum, anno ciro 10 xxxix circumforaneis quibusdam histrionibus, qui apostolorum acta repræsentabant, permisisse hunc amphitheatri locum ad spectacula edenda. illos purgasse, ornasse, & magnum populum contraxisse. ex quo conventu, qui dies triginta perseveravit, multum atque uberem quantum ad paga-

paganos rediisse. Eâ re motos, impetrassè à rege, Ne quis in posterum illic lapidem excidisse vellet, propiùs ab eo amphitheatro perticas, xxx. crebris enim effossionibus, absque eo interdicto fuisset, interitus jam imminebat huic loco. Narrant item incolæ, universam aream fuisse tectam velis elegantioris picturæ & artificii; ea verò dejecta, remota, & sublata per motus & intestina Galliæ bella. Interim universum opus integrum adhuc est, & si quâ parte collabi velit, juvant & restituunt incolæ, Comica quandoque ibi sua habentes exercitia.

Antequam te dimittam, amice lector, mantissæ loco addam INSCRIPTIONES, & in locum hunc elogia. Porta nigro marmore supervestita est, cum hac inscriptione:

Perpetuæ Douadæi theatri memoriæ hos versus consecravit I. Nobletus, Salvi-locensis Medicus:

*Douadius celebri percurrens acta theatro,
Qua tragico proflat gutture Melpomene.
Quicquid & Eoo nectunt, & quicquid Ibero
In Reges memorat noxia facta sole:
Quisquis amas ergò majorum audire triumphos,
Hinc repetas quicquid lubricus orbis habet.*

Epigramme:

*Quand on icy raporte d'une grave faconde,
Et d'un Tragique vers, les histoires des Roys,
En extase ravy sincerement je croys
Que ce theatre soit un abregé du monde.*

Anno 1599.

Le theatre au Lecteur:

*Ce grand Syracusain Briarée indomtable,
Qui defendit sa ville encontre le Romain,*

Qui

*Qui fist de tous les cieux un joiet en sa main,
 Les cachant dans le rond d'une sphere admirable.
 Ce superbe Archimede ouvrier inimitable,
 Pour transporter ce tout d'un essay surhumain,
 Ne demandoit qu'un lieu pour un si haut dessein,
 Ou seoir d'un de ses pieds la force émerveillable.
 Or voicy je vous rend ces secrets des couverts ;
 Vous voyez dans ce part transplanter l'univers :
 Tout s'y treuve par tout ; seul je suis tout le
 monde :*

*Mais quoy ? ce ne sont pas tous mes plus grands
 effets ;*

*Car encore je fay d'une vertu seconde,
 Revivre les vivants, & remourir les morts.*

Anno 1607.

Hinc manè secedentes, LX molas colliculis impositas vidimus, locum quasi totum cingentes. Altero isthinc lapide *Montrentibolay* opidum transitur, flumenque *Dive* trajicitur; sed prandium quinto à lapide tibi non injucundum exhibebit

JULIODUNUM, sive LODVN.

Derivatio loci aliquibus est, quasi l'os d'un; quod ædificando castri fundamento, heic loci inventum dicatur os unius hominis. quemadmodum Capitolum Romanum ab invento capite humano, cum cœptum esset strui ex imo. Aliis à Julio Cæsare, unde & Juliodunum, derivare placet; additis numismatis ibi inventis cum ejusdem Cæsaris effigie. Sit quidquid sit, castrum antiquum esse, & mille sexcentorum annorum, dicunt annales Franciæ; testatur adspectus & adpositæ turres. Locus haut indignus Cæsaris domicilio; aër ibi & cœlum serenum & temperatum; solum fœcundum frumento, vino, ani-
 mali-

malibus ; ferax, quod præ aliis hæc notes , pinguium caponum (*les poules de Lodun*) summâ abundantia. Castrum habet præfectum *Monf. Armaignan* , cum præsidio LX militum ; opidum alioquin ex iis, quæ reformatis pro securitate domicilii sunt adscripta; quorum cœtus etiam maximam civium partem constituit , conspicuus in templo opidano propè arcem sito.

Prandio hæc sumto à *la grande Cour* , perreximus, relinquentes sinistrorsum opidulum *Montcontour*, celebresque campos à prælio sub Carolo IX, anno CIO IO LXIX, die XXV III Octobris, contra reformatos obtento ; de quo Historiæ consulantur. sub imam vesperam, obscuro coelo , in obscurum diversorium à *S. Christoffe* , in opidulo

M I R E B E A V

Stum delati sumus , postquam *quinque milliar.* superasssemus. Vix panis & focus pro stomacho & frigore compescendo supererat; nil hîc lectorum, imò nec sufficiens stramen pro comitatu nostro; pars extra ædes apud vicinos quietem capiebat , pars domi apud hospitem ; ita ut nil minùs quàm *mire-bellum* nobis hîc visum fuerit.

Sequenti luce alter alterum è vicini tugurio extrahens, ad iter, quod à continuâ pluviâ & luto molestum, erigebat: singuli necessarium cogitare, erectâque fronte iter pergere ; in via pagos, *Varennes, Bellefaye, Ozance*, habuimus; & omne antemeridianum tempus VI milliaribus impendimus, ad urbem usque *Pictaviam*, ubi divertimus in hospitium *au Moulin à vent*; verùm non commodè satis, licet ductoris nostri frater ibi pro hospite se gerebat.

P I C T A.

P I C T A V I A.

VRbs est Pictorum metropolis; de quorum originatione fabulosâ mihi heic non animus quid dicere. Antiquis, ubi pagi conditionem sustinebat, dicebatur *Auberion*, & in eâ turris exstructa, *Mauverion*, quæ nec hodiè sine æstimo apud cives; reponebatur in ea thesaurus publicus, ibique cives juramenta & homagia sua deponabant; unde adhuc hodiè plura apud Pictones feuda & homagia suam ducunt originem.

Videamus *situm & quæ sub eo*. Nobilissima Aquitanix pars hanc suum vult esse caput; audit certè secunda à Luteria, magnitudine; licet bona pars non habeat incolas, obsita & culta hortis, vineis, oleribus, nec non areis nuda & aperta. Deprimit se in planum, quâ Chastelrautium initio est; clivoque attollit sese quâ Encolismam: fluvio *Clanio*, qui in Viennam delabitur, ferè undique ambitur; in parte & paludes circumstant, ita ut arte effusis aquis, hostis inde abigi possit; accedunt muri rupibus incisi, fossæ & propugnacula, urbis munimenta sat firma. *Solum*, præter quod frugum, vini & lini ferax, alit pecora, pisces, volatilia, nec non feras; abundans hic leporum & cuniculorum apparatus. quæ rem medicinæ promovent, sunt viperæ, theriacæ apprimè utiles; inveniuntur extris circa urbem, in dumetis sub rupibus habitantes; ablegantur quandoque Venetias, theriacam confectioem juvantes. *Plateas* non nitidas, sed angustas; *ædes* antiquâ forma & è ligno videbis.

Inter *publica* ædificia, & ea sacra, palmarium est *templum D. Petri* in ima urbis parte, splendore superbum; cujus postica pars murum habet è quadrato lapide, qui altitudine suâ in hoc ædificii genere vix creditur habere parem in univer-

sa Gal-

sa Gallia; (de cuius fundatione videatur *Iean de la Haye*, cap. 30.) Alterum ab hoc est, & quidem antiquissimum, *Divæ virginis*; quod in honorem Constantini Imperatoris exstructum asserunt: cuius effigiem cum duobus distichis ibi vide, aut hæc ab aliis exscripta lege. Hodie quod famam habet, est *templum Sancti Hilarii*, qui urbis protector dicitur, ut haber columna mediâ ferè urbe erecta, cum inscriptione:

Divo Hilario, urbis propugnatori fidelissimo, assiduissimo, certissimo, Pictavorum episcopo.

Olim abbatia fuit: modò Canonicorum collegium, cuius caput ipse rex Galliarum est; unde jocosum illud: *Abbati ecclesiæ D. Hilarii apud Pictones licitum est, primam noctem thalamum inire reginæ Franciæ, cumque eâ concumbere*. In hoc templo tumulus è marmore friabili ostenditur; hoc si vel cultello unguève fricueris aut attriveris, foetor adest quovis cadavere aut latrinâ gravior: fortè marmor hoc porosum in se recepit è cadavere imposito & purulento foetorem hunc, & succum perversum. Extùs turris fuit olim totius Galliarum altissima, quæ ad imum ferè collapsa; rudera miram ostendunt structuram. sita hæc cum templo, loco amœnissimo ad urbis moenia, unde in apertissimos campos plenus patet prospectus. Si placet, intra templum & abbatiam *S. Crucis*; cui abbatissa præerat soror Mauritiæ Principis Auriaci: moniales ei parentes cœ sunt. Ad templi murum nota sepulchrum Radigundæ; ibi etiam sambucum cœcccc annorum: ostenduntur vestigia Christi cùm Radigundæ se ostenderet. Sacris his adnumero ACADEMIAM, sub Carolo VII Franciæ rege natam, anno cœcccc xxxi, postquam è
Gallia

Gallia Angli fuerant ejeti; confirmatamque à Pontifice Eugenio IV hujus nominis: velut urbs hæc amplitudine non cedit Parisiis, ita academia nec Parisiensi cedit celebritate; de qua Scaliger in suis urbibus:

Si studium est anima: veniunt à corpore vires,

Galliaque à meritis poscit utrumque sibi.

Hæc studiis, alia belli exercentur amore.

Pictavium est animus; cætera corpus erunt.

Ædificia politica, & quidem publica in urbe, sunt:

1. PALATIVM; opus Galieni Imperatoris. structura nullis sustinetur columnis. longitudine & latitudine omnia reliqua Gallia Palatia superat. olim Comitum Pictaviensium domicilium; nunc mercatorum tabernis elocatum. Portæ impositæ sunt crocodili exuviae: animal hoc dicitur obscuro delituisse in carcere, compluresque captivorum interemisse; tandemque à quodam capitis reo, adjumento sclopeti, sublatum, ipso tamen victore & interfectore non multò post etiam è vivis sublato.

2. Inter publica olim fuit *Parlamentum*, Parisiis, quorum Domini erant Angli anno c10 cccc xix, huc translatum hac conditione, ut stilius curiæ Parisiensis observaretur. duravit hoc ad annum usque c10 cccc xxxvi, quo Angli Lutetiâ ejeti, & Pictaviense *Parlamentum* rursus eò delatum est.

3. *Rudera amphitheatri antiquissimi è lapide cotto, quæ modò civium usibus inserviunt. de his ita Antiquitates Franciæ: Quant au lieu des Arenes, qui est joignant le dit Palais, c'estoit le lieu pour faire joustes & tournois. Et pour l'entendre est à presupposer, que les Romains eurent les exercices & discipline militaire, comme recite*

Blon-

Blondus, & avoient places sablonneuses qu'ils appelloient Arenes, & pres d'icelles cavernes & fosses voutées, ou ils incarceroient lions, leopards, ours, & autres bestes cruelles, contre lesquelles les gens, qu'on vouloit envoyer en guerre, qu'ils appelloient gladiateurs, se combattoient sur l'arene, c'est à dire sur le sable, tant pour le passe-temps des Princes, que pour les rendre plus hardis en guerre. dont Suetone parle en la vie de l'Empereur Auguste; Et voit on encore es Arenes dudit Poictiers les vestiges desdites cavernes & prisons sous terre.

Extra urbem sunt : I. ARCUS nonnulli, quos pro aquaductibus olim usuparunt; testantur annales Franciæ : Au regard des grands arceaux, qu'on void hors la ville de Poictiers, respondant à ce Palais, c'estoient conduits & canals, pour faire distiller & venir l'eau de quelque fontaine en iceluy Palais. (intelligit Palatium Galienum in urbe.)

2. FONS fluvio Clano vicinus, ad propugnaculum la Platte forme; ibi aqua hauritur, vasculis impletis per asinos in urbem invehitur, & anteaedium ostia vendibile fit; ita hac operâ defectus fontium restituitur.

3. La Pierre levée. Viâ regia, quæ Avaricum Biturigum ducit, ad sinistram, medio circiter milliari, ingens saxum formâ non planè quadratâ, sed penè ovali conspicitur, longitudine pedum xxv, latitudine xvii, fultum v aliis minoribus saxis, quæ circumire licet. Cui verò usui sit, non dixerim. Alii memoriæ causâ eò venientes nomen suum insculpunt, quandoque & comessantur. Conjecturæ sunt, quomodo & à quibus hoc saxum huc deportatum sit. Fabulantur quidam, D. Rhadegundam id capiti impositum huc deportasse. Fuit autem Rhadegunda (Gregor. Turon. Sigebert. in Chron. Clotar.) filia

Ber-

Bertarii filii Bissirii, regis Thuringiæ, quæ triennis, patriâ relictâ, in Galliam aucta est, & à Clotario VII, R. Francorum anno Christi 10 LV in uxorem petita; hæc vitam cœlibem conjugali præferens, relicto marito in monasterium S. Crucis apud Pictones, quod extruxerat, se abdidit, vitæ sanctitate & miraculis propè celebrata. Rabelæsus, alienus ab hac opinione, ait, Pantagruem aliquando otiosum, cùm quid, ut perderet, tempus, fingere non posset, deambulatum ivisse in vineam, huncque lapidem levatum manu unâ adportasse. Verba ejus sunt: *Pantagruel print d'un grand rochier, qu'on nomme Passe-lourdin, une grosse roche, ayant environ de de douze toises en quarrée, & d'essesseur quatorze pans: & la mist sur quatre pilliers au milieu d'un champ bien à son aise; à fin que lesdicts escoliers, quand ils n'escauroient autre chose faire, passassent temps à monter sur la dicte pierre, & banqueter à force flacons, jambons & pastex, & escrire leurs noms dessus avec un cousteau. & de present l'appelle on la Pierre levée. Et en memoire de ce n'est aujourd'hui passé aucun en la matricule de ladicte Université de Poitiers, si non qu'il ait beu en fontaine Cabaline de Croustelles passé à Passe-lourdin, & monté sus la Pierre levée. Multi sunt, putantes, aquarum eluvionibus terrâ devectum fuisse hoc saxum, & raritatis causâ ab incolis sursum erectum: quo hi versus hyperbolici:*

Hic lapis ingentem superat gravitate colossum

Ponderis, & grandi sidera mole petit.

Cum mentionem fecerit Rabelæsus loci, le Passe lourdin, dicti, est, quod quarto notes, extra urbem uno lapide, antrum in rupe, cujus pedem lambit fluvius Clanus, dictum *Passe-lourdin*; aditus in id periculosus est, periculosior autem

autem reditus ; refugium olim fuit colonorum rus inhabitantium, occultantium sese ibi, & ita militum vim effugientium. *Passelourdin* à Masfonio ita formatur : Ad abbatiam S. Benedicti, quæ est Pictaviensibus deambulatio, concursus fieri solet ab otiosa juventute, cui statim per locum duos pedes strictum, & duas ut vocant thesias longum, necessario prætereundum est, quia non sine periculo id fieri potest propter præsens & adeo metuendum præcipitium in rupes, & subiectum Clanum, qui Pictaviam alluit.

Visis his publicis intra & extra urbem, *ades Pauli Contanti*, pharmacopœi, viri humani, promptæ frontis & voluntatis, *privatas* intravimus, visuri (quod & nobis concessum) ejus GAZOPHYLACIUM, quod libro, quem & XVI solidis Gall. emimus, versibus Gallicis inscripsit, æneisque figuris exornavit. Memoriae compendio hæc enotavimus. Sunt ibi rara & visu digna multa, *naturalia, præternaturalia & artificialia*. Ad naturalia referemus *plantas, fossilia & animalia*. Ad plantas refero *fructus*. Inter hos, habet fabas, castaneas & avellanas purgatrices, phaseolos, echinatos, carpobalsamum Peruvianum, nucem *fantel*, draconem, nucem *methel*, piper Æthiopicum, cedrum montis Libani, colocynthidem pyriformem, glandem tuberis, &c. Habet *ligna* : aloës verum, canellam, nephriticum Indicum de Hiericho, Moluquense; xylobalsamum verum, & officinarum; asphaltum verum, & falsum, &c. E *corticibus* habet; cinamomum verum, canellam albam novi orbis, turbitum verum Hispanicum, corticem bugiæ, &c. E *floribus*, epithymum Græcorum & Arabum, nardum Indicam, &c. E *radicibus*; drakenam contrahyervam, costum facie sambuci, costum facie zinziberis,

agriocinaram, &c. *E gummi*, animæ flavum, luteum, album, copal, caragna, cedri Libani resina, guajaci, &c. Inter *seßilia* habet; sulphur luteum, candidum & cinereum, calcithidem, melantheriam Sorii Myfi, lapidem amianthum, speculum asini, alumen catinum: amianthum verum vel asbeston; è quo tela fit, quæ igni injecta non consumitur: varios bolos & terras sigillatas, terram arenosam, quæ conchas duratas in se continet, lapides echinitis, lapidem quem pertusis labiis Indi inserunt, lapides serpentem aliaque genera mira referentes, lapidem nephriticum, petrefactas conchas, petrefactos fungos & fungillos, cor petrefactum, bezoar orientale & occidentale, ligna petrefacta, &c. Animalia sunt *vel terrestria*; draco, vespertilio magnitudine leporis; chameleon, caput & cauda rhinocerotis, &c. *vel aërea*, taucar, avis Americana, avis Paradisi, avis è concha anatifera, rostrum corvi marini, &c. *vel aquea*; serpens *xiv* pedum, variis maculis stellata; remora; oculus ceti, immensi ponderis; vulpes marina; cauda rhagæ fulloniæ, pedes *iv* longa; hyppotamus mas & fœmina, diaboli marini caput, cancer villosus, costa ceti, dens elephantis marini, lepores marini mas & fœmina, conchæ margaritifera, ostrea margaritifera, conchæ veneræ sex generum, purpura, concha umbilicata è mari rubro, murex marmoreus, buccinæ variæ, pestunculi varii è conchis; crocodilus magnus, minor & minimus; stellæ marinæ, &c. *Præternaturalia* sive *monstra*: eaque *vel humana*; nimirum sceleton puellæ bino capite, duobus utrinque brachiis, coxis & cruribus in unico corpore, quæ quidem operâ medicorum ex utero viva exiit, sed statim denata, matre superstitè. *vel bruta*; nimirum columba biceps, agnus

agnus unoculus, canis octo pedum, &c. *Artificialia* sunt, jacula Indica, cingulum è frugibus, monile è conchis veneris, pileolus herbaceus, pileolus è variis plumis, vestes è plumis, frontalia ex iisdem, clypeus Indicus, sica Indica, clava Indica ex ebano; cymba *canoar* dicta, XII pedibus longa, ex unico cortice arboris Indica; colluculus rubeus factitius è conchis, cæterisque id genus, è quo fons profilit; speculum, in quo ab uno latere Henrici IV regis effigies, ab altero catus conspicitur; conspicienda, visum fallentia, &c.

Talis est urbis facies: *Regimen* autem pertinet ad *Consulem*, quem Majorem urbis vocant, *le Maire*. Hic annuus est, & impetrat nobilitatem; hocque officio durante primi Baronis Pictaviae nomen obtinet. Ad electionem convocatur Senatus (hunc constituunt centumviri, quorum xxv sunt scabini, & lxxv cives) die Cypriani; postea matronis & filiabus honestioribus convivium solemne exhibetur.

Subditorum est parere; quorum maxima pars pontificiae religioni addicta est; reformati sunt reliqui numero Ioccc, exercitium cultus divini habentes in templo medio mill. ab urbe abjuncto, in libero campo.

Ita vidimus urbem in pace; quoad *bella*, dubium non est quin à Romanis, Gothis, Vandalis, Hunnis, Danis, Saxonibus & Normannis sæpius vastata fuerit, alteris alterose ejicientibus. Accedit, quod capta, spoliata ac diruta fuerit ab Edoardo III rege Angliæ, à Gallis in Normandiam accersito. hic sibi resistentem habuit Joannem Galliae regem; quem, dum acceptare nollet oblatas pacis conditiones, spem victoriae in exercitu suo numeroso collocans, fudit & duobus à Pictavia miliaribus cepit, secumque captivum

in Angliam abduxit, nec Windforio è castro dimisit, nisi ingenti lytro persoluto. Tandem anno cIo Io LXII, bellis intestinis, Galliam perrepentibus & affligentibus, gravem subsidionem à reformatis, imò calamitates, experta est.

In hac urbe postquam triduum substitissemus, quieti à scholaribus, nec impetiti, (qui hoc tempore sese invicem sclopetis enecârunt, & ob id armorum usus omnino interdictus erat; alioquin advenis graves quandoque sunt hospites,) iter Bituriges versus nostrum instituimus. Ita que jentaculo promore priùs sumto, sex milliar. perreximus ad pagum GENON; ubi fluvium Vigennam trajicere opus est; inde uno adhuc mill. restat

C H A S T E L R A U T

Opidum; in quo pransuri divertebamus ad insigne *S. Andreae*. Quæ hîc notes, pauca sunt, *Ducatus titulum* obtinet per Franciscum I regem, procurante Francisco Borbonio, anno cIo Io XLV. Situm est planitie amœnâ & fertili, ad fluvium *Vigennam*, qui ponte transitur novem incumbente arcubus, longitud. ccxxx pass., latitud. LXVI. Portæ adstant turres prægrandi mole, opidi propugnacula; ubi inscriptio & regia insignia, quæ festinando enotare non potui. Adventantibus offeruntur cultelli & forfices, similiaque fabrorum opera, imò obtruduntur, veluti ex lege; sed quod inprimis mercêre, est obsonium pro cœnâ futurâ. id nos egimus mercatu aliquot gallinarum plumis exutarum; sine quibus si fuissetus, planè incœnes dormitum ivissemus in pago *Lesiguee*, iv milliar. à prandio dissito; ubi nec præsepe, nedum avena pro equis, vix stramen pro nobis; hoc, quantum erat, pavimento

mento infernebamus, sarcinulasque capitibus supponebamus; largo tamen foco, more Germanorum prisco, quem apud Cluverium in Germaniâ habes videre. A quiete surgentes coepto itinere, quamvis viâ limosâ supra modum, *111 milliar.* prorepimus ad opidulum *Prenlly*, hospitantes à l'image de nostre Dame. exiguum est & ad collem ædificatum, cui arx imposita. visitabat nos quidam palæstrita Gallus; cui jucundum & ex composito nobiscum prandere; de arte, quam profitebatur gloriosè, supersedeo verba facere. Prandium non tenebat nos diu; per pagos *Asaile*, *Bonay*, ad opidulum *Buzançais*, *11x mill.* sub imam noctem deferebamur. verè nox erat; ita siquidem cælum obscurum, ut auditu, non visu, alter alterum proximè se antecedentem vix assequi potuerit: via non erat ultima amnis; nisi amnis continua pluvia vias laverat, vestigiaque elaverat ductûs. pernoctabamus *an faubourg du pont*, à l'Escu de France: coenæ assidebat Gallus quidam, qui mane incio hospite postico abibat cum vectore suo.

Subsequente luce ad pagum *Brion v milliar.* tendebamus. ibi nec insigne, nec obsonii quidquam. nobilis quidam cum servo, nostro erat in comitatu, heic loci, qui cuniculum cum perdice pro se emptum prandio nostro adponebat, communemque nobis esse volebat: liberalitati reponebamus gratias, sumendo, quo fortuna stomachis latrantibus subveniebat. Ita prandium hîc satis frugale. coenam in suburbio opidi *Iffoduni* habuimus sumptuosiusculam; dicitur *le faubourg des aloïettes au part.* huc *vi i mill.* erant itineris. Opidum *ad fl Theo* situm, secundum est à Biturigibus, multis templis & turri celebre, vino item & lanâ, celebrius verò à chirothecis hœ-

dinis. Manè conspectâ luce opidum penetravimus, ubi cives adhuc alto somno sepulti erant; *inde 11 milliar.* ad opidum *Charroix* deventum; post, ad prandium in vicum *S. Fleura, à trois Mores*, 11 itidem milliar.; tenuis ibi apparatus, sed magni æstimii; unde lis nobis cum hospite, quæ hospitium pro exitu referare volebat, nec vetula id, nisi coacta, faciebat. Inde egressi viâ aquosâ & difficili, cælo verò sereno, ad literatam Biturigum urbem anhelabamus, quam & videre contigit circa secundam; paullulum deinde propiores facti, circa quartam vespertinam, superatis *tribus milliaribus* in eandem salvi delati sumus, divertentes *au heaume à la rue de Bourbon*. Ex vero dicit Johannes Secundus: Urbs hæc ita sita est ut lateat viatores, donec propinqua fiat, ac tum magnificam de se speciem præbet. undique in montis æquati modum consurgens; cuius cacumen templum magnum cum turri occupans, pyramidale quiddam præ se fert.

B I T U R I G E S, *Bourges.*

A *Varicum* Cæsari, *lib. 7*, ab Eura fluviolo, sive Auronio; audit metropolis totius Ducatus. Posthabitâ nominis etymologiâ, ipsam urbem videamus in *situ & structura*. Cingit ejus partem amœna ac fertilis planities, alteram paludosa terra, quæ multum ad robur urbis, & pluviarum generationem facit; Accedunt fluvii quibus irrigatur; inter quos ille, cui pons Auronius incumbit, infestus fuit Germano Principi, Hermano Ludovico, Frederici III Pii Electoris Palatini filio, qui eheu! acerbo casu, unâ cum Ephoro & aliis, in trajectu Avarici fluvii, inversâ naviculâ, undis obrutus est; anno ætatis xv, & à Christo natō cIo Io LVI, Kal. Julii, post horam vi pomerid.

merid. quemadmodum eadem præmatura mors nupero anno c^{lo} Id^c xxix, die xvii Januat. florētissimum Principem Fridericum Henricum Comit. Palat. Rheni anno ætatis xv, in fluvio Bataviæ Teya, propter Amstelrodamum submersit.

Ager circumcirca feracissimus vini gratissimi & frugum; pascua abundant jumentis & gregibus, silvæ volatilibus & leporibus, fluvii & stagna piscibus & anatibus, horti fructibus, oleribus & mensis secundis, ita ut heic vivendi commoditas exteris valdè commoda sit; quamvis sint quidam turbati judicii, arguentes linguæ impuritatem, & ob id locum dissuadentes, cum tamen hæc modò paria faciat cum Aurelianensi, accedentibus insuper exquisitis linguæ professoribus, quorum heic non ultimos inveni.

Circumferentia ejus, quamvis ego non assentiar, dicitur esse ⁱⁱⁱⁱ c^{lo} iv perticarum; formaque ovalis in ipso Galliæ centro ædificata, cui pro indice inservit tilia ante ædes Jacobi Cordi posita.

Structura externa habet vii portas, totidemque suburbia, & lxxx elevatas supra mœnia turres; inter quas caput erigit turris illa grandis, (*la grosse tour*,) rotunda, antiqua, crassitudine trium perticarum aut xix pedum, structa è lapidibus adamantinâ formâ, tam alta ut quatuor milliaria circumsitæ terræ visu inde emetiri possis.

Interna structura habet domos sacras & politicas.

E sacris est templum D. Stephani; quod veluti lapidum mole maximum, ita eorundem artificiosâ cælaturâ, & structurâ, fenestrarum picturâ, xix columnarum lapidearum positurâ, est cele-

berrimum & elegantissimum, cui simile (excipio Divæ Virginis Lutetianum) Gallia non habet. in sacello post chorum est monumentum Domini Claudii *de la Chastre*; qui inserviit v. r. regib. Galliar, Henrico II, & Francisco II, Carolo IX, Henrico III, Henrico IV, Ludovico XIII; obiitque anno c1o 1o c xv. Quæ olim simonia in Indulgentiis apud pontificios fuerit, testantur monachales hi versus, summo altari apud S. Stephanum Biturigibus olim inscripti, *Meter. lib. i. p. 20. ult. ed.*

Hic des devotè : cælestibus associo te.

Mentes agrotæ per munera sint tibi notæ.

Ergò venitote gentes de sede remotæ.

Qui datis, estote certi de divite dote.

*Te precor accelera; spargas hic, dum potes, ara:
Et sic revera secure cælica spera.*

O si tu scires, quantum tibi data proffit res,

Tu juxta vires donares quod dare quires.

Te miser à pœna, dum tempus habes, aliena.

Vt tibi sit pœna venia, sit aperta crumena.

Consors cælestis fabricæ, qui porrigit, est is.

Ex hoc sum testis, ut hic mundare potestis.

Crede mihi, crede, cæli donaberis ade;

Nam pro mercede, Christo dices, Mihi cede.

Hic datur exponi paradisus venditioni;

Curvant ergò boni, rapientes culmina throni.

Vis retinere forum? mihi tendas pauca obulorum:

Pro summa quorum referabitur aula polorum.

Hic si largèdes, in cælo sit tua sedes.

Qui serit hic parcè, parcè comprehendit in arce.

Quid tardas? tantū nummi mihi des aliquantū;

Pro solum nummo gaudebis in æthere summo.

SCILICET! Risum teneatis amici.

Substructum est huic aliud, fornicum mole & numero superius æquans: adstat turris, quæ censetur

setur omnium Galliæ turrium eminentissima. Palmarie hujus ecclesiæ primus episcopus narratur fuisse D. Ursinus, ab Apostolis, ut euangelium doceret, eò missus; alii sunt qui cœcum illum, quem Christus sanavit, hęc primum episcopum egisse ajunt.

Proximum ab hoc, est *templum sancti Salvatoris*, hodiè sacellum sanctum, (*la sainte chapelle*.) cujus fundatorem & thesaurum videbimus. Fundator est Joannes Dux Bituricensis, frater Caroli V, cognomine Sapientis: cujus sepulchrum marmoreum in templo non procul ab altari tale:

Jean fils, frere & oncle des roys de France, & nepveu de l'Empereur, Roy de Bourges, Duc de Berry & Auvergne, Comte de Poictou, &c.

Fundatio verò facta est anno cIo cccc iv, teste eteosticho, quod in pariete litteris antiquis legitur; verum ut rectè computes, computa characteres, majusculis litteris duntaxat expressos, alioquin calculi error te fallat. *Thesaurus*, habet *vestes sacras*, & *vasa ecclesiastica*. Vestium numero veniunt *lv castolæ*, sive trabes, quas *chapes* vocant, sumtuosissimi operis, pretiiq; è materie elegantissima. Inter ea una è puris margaritis & holoserico contexta, intermixtis smaragdus, chrysolithis, sapphiris ac rubinis. *Sunt xxi i tapetia* & *aulæ*, pro ornandis altaribus, textili opere, & acupicta: Inter hæc sunt quatuor tenuissimi filii, ornata imaginibus, verum ita subtile opus, ac si æri incisum esset. Aliud est è puro holoserico, unâ parte album, alterâ rubrum, nec tamen duplicatum. *Thesaurus vasorum*, olim triplo qui major dicitur fuisse, habet *coronam au-*

ream gemmis ornatam ; in hac inclusam dicunt partem spinæ coronæ nostri Salvatoris: *Crucem* item ex auro & pretiosis smaragdis, sapphis & margaritis contactam; in hac partem ligni crucis Servatoris contineri ajunt: ex altera parte nescio quem in finem effigies Alexandri Magni conspicitur. Insuper habet *quatuor cantharos* ex agathe, *catinum unum* è jaspide; *duas mitras* episcopales è margaritis, cui facies aliquot texturinâ arte subtilissimè sunt expressæ. *Calicem* item pretii inæstimabilis; ibi rubini & margaritæ orbiculares ex asse; corpus autem integrum cum operculo arte fusoriâ ita factum, ut singula frustula seorsim sint adposita, conjunctaque, quorum nulla tamen compareat vel junctura vel conglutinatio; insuper omnia sunt pellucida, digna visu & notatu. Ita quæ in hoc sacello sancto sunt; *Extra videbis* os femoris gigantis, v. spithamarum longitudine; vertebra item r. spithamam longam; cervum item (*Gallis renchir*) altitudine ix pedum, ab imo pede ad summum usque humerum. Canonici hanc ædem habent, redditibus & privilegiis benè divites. inter hæc est unum, quod circa festum Pentecostes, ubi cætera urbis judicia quiescunt, hi per binas septimanas jus dicunt universæ civitati.

Templum D. Petri, in sacello S. Dionysii habet tumulum Magni Cujacii, sed nullum monumini extat signum; quod dolendum: cui tamen alibi hæc duo posita sunt epitaphia. Alterum Latinum:

Erexit leges, & jura jacentia Cujas;

Ipsò nunc etiam jura jacente jacet.

Quid tumulum erigitis? potius date legibus ipsis;

Magno sufficiunt hæc monumenta viro.

Alte-

Alterum Gallicum :

*Le grand livre des loys jadis n'estoit qu'un corps,
Mais Cujas en vivant mit un ame en ce livre,
Puis voyant , les François en leurs cruels desor-
dres*

Renverser toutes loys, il s'est fâché de vivre.

Ibidem versus de Contio à Sincero notatus, carbone scriptus, non est quod quærat amplius. Est nobilis Germani, ibi denati, ad columnam in tabula hoc epitaphium :

*Quem tulit ante diem febris violenta , Philippus
Rhediger , hîc positus post sua fata jacet.*

*Illius in tenero lucebat pectore Virtus,
Excita munifici cognitione Dei.*

*Dum studium juris civilis alacriter urget,
Hen! procul à patriis finibus interit.*

A templis ad academiam, primò parvis initiis cœptam, sæpiùs interruptam, mox planè deletam; verum mox iterum à Carolo Principe filio & fratre regis Ludovici XI Biturigum Duce instauratam, & auctoritate Pauli II Pontificis comprobata. Professorum in jure effigies & icones sunt in horto Mercerii; Nomina vero in auditorio Jurisconsultorum; quæ ut inveni cum inscriptione, adponam. Cathedræ inscriptio hæc est:

REGNANTE LVDOVICO JVSTO, HENRICO BOVRBONEO CONDEO PROREGE BITVRIGVM, HIC POSITA EST SVCCESIO ANTECESSORVM, QVI IN ACADEMIA BITVRICENSI ET DOCENDO ET SCRIBENDO CLARVERVNT, VT QVISQVE EORVM FATO FVNCTVS EST, QVO DIGNITAS HVIVS SCHOLAE OMNIBVS ADEVNTIBVS PERSPECTA SIT, ANNO DOMINI CLO DCCXXIV.

Nomina ad dextram : Andreas Alciatus , Equinarius Baro , Franciscus Duarenus , Franciscus Balduinus , Nicolaus Bougerius , Nicolaus Ruffardus , Hugo Donellus , Franciscus Hottomanus , Antonius Contius.

Ad sinistram sunt academix insignia , nimirum manus è coelo porrecta librum apprehendens ; circum circa lilia Gallix : & nomina :

Jacobus Cujacius , Johannes Mercerius , Franciscus Raguellus , Ægidius Hortensius , Johan. Rencardus , Antonius Bengueus , Jacobus Mercerius Johannis filius.

Ita visis templis & academiâ , ad *ades politicas* te ducam. Inter has PALATIVM regium eminet ; locus justitiæ sacratus , propè sacellum sanctum situs. Superius in atrio magno hæc inscriptio notata :

HENRICVS IV , FRANCIAE ET NAVARRAE REX , CHRISTIANISSIMVS , FORTISSIMVS , AC SVPER OMNES FELICISSIMVS PRINCEPS ; LIBERATOR REGNI , FVNDATOR QVIETIS ; HANC BASILICAM A JOHANNÉ BITVRICVM DVCE OZIM INCHOATAM ET POST VARIIS CASIBVS AFFLICTAM IN VSVM CVRIAE AC POPVLI BITVR. PERAGIIVSSIT , ANNO MDLXXVII.

Ibidem omnis generis merces in tabernis venales offendes : inferius est fons , cui suspensæ exuvia crocodili , qui ibi in cella inventus dicitur.

Inter *ades privatas* meretur videri *hortus Mercerii* , ob memoriam ICtorum ; & *domus Jacobi Cordi*. Qui fuit homo infimæ sortis , caro pretio , ut jocatur Rabelæsus , emens , & levi vendens ; divitias tamen maximas inde conquissiverat.

Cùm

Cùm enim primitus divitiarum inops, humeris suis merces suas venales circumferret, opidatimque exponeret; mercator pedetentim auctior factus; & ex hoc sub Carolo VII præfectus thesauri regii in Gallia. Ubi verò Occitaniam sive Aquitaniam depeculatus esset, eamque pecuniam cum aliis regni redditibus furtim retinuisse accusaretur, ipse, confiscatis bonis, anno ccccccliii proscriptus & à Gallia ejectus est. (*Ruthen. in Gall.*) Autor tamen Antiquit. Gall. pag. 482. innocentem Cordum fuisse defendit; quem, si placet, vide. In hac domo nota caveas, quæ subterraneis itionibus ducere Sancerram & Dunum regis dicuntur. Quæras ibidem historiam in fascello de habitu Turcico supra altare. Quidnam sibi velit conclave occlusum ob arma Caroli VII è Turciâ adportata; longior essem justo si hæc adscriberem. Dominus hujus egregiæ domus modò est *Monf. de Chasteau neuf*, qui hyemare heic tantum dicitur.

Ita habent structæ ædes; qui verò eas incolunt, sunt *cives*, Germanorum amantes, quibuscum benevolè vivunt, lubenterque suis domibus foveant. Ipsi sunt præsidio tenendo immunes; industrii in mercatura & pannificio: dum enim gregibus & velleribus regio abundat, (incolis inde è joco venit nomen, *les montons de Berry*; & vervex pro insignibus,) mercaturâ pannariâ excellunt, & per textrinam augentur. quod ex veteribus matrimoniorum contractibus, tùm in ipsa urbe, tùm in viciniâ apparet, ubi, si cui filix honestioris alicujus familiæ nupturæ de vestibus providendum erat, apertis verbis declaratum legitur, ex præstantissimo Bituricensium panno eas fieri voluisse. Per hæc, ut urbs in florem venit, ita per ignem & bella in favillas,

quinquies aut sexies bello expugnata , tota diruta est ; toties etiam incendio absumpta ; nihilominus hoc tempore ædificiorum splendore nitescit , licet jam non habeant regem , qui se regem Bituricensium scribat ; quod accidit Carolo VII Francorum regi ; qui cum præter hanc urbem nihil territorii amplius haberet , quo fugeret , Anglis omnia occupantibus , in hanc urbem se recepit , & inde Bituricensis rex per contemptum ac derisum appellatus est.

Cum hic commoraremur , jucundè ab amicis excepti sumus , & ab iis per paucorum dierum conversationem ægrè etiam dimissi : abeundum tamen erat ; sed alio conductore conducto ; cui quilibet *viii* sexagenarios aureos. (*viii escus à 60 sols*) Lugdunum usque pro vecturâ , equi pastu , personæ alimentatione solvit. Ita Biturigibus abivimus. per pagum *S. Iust* , ad *Dunum regis* opid. *vii. mill.* delati sumus. inde prandio refecti à l'*Escu de France* , perreximus *iii milliaribus* , cœnaturi in pago *Pont de chary* , à l'*escu de France*. Hoc in itinere , quod via regia aquâ pluviâ obducta erat , equus , nostras sarcinulas portans , in paludes incidit , nec nisi ei subvenissemus , inde egredi aut se sublevare poterat ; ipsimet eramus in vitæ discrimine , accedente nocte obscurissimâ , & vento tempestuosissimo voces auferente ; cogebamur pedites esse , quærentes viam manibus , cujus nulla vestigia amplius extabant ; antecedebat conductor noster pedes mediâ aquâ , sequebamur singuli ordine , sine luce , sine sono ; donec tandem multâ in nocte , quæsitis variis viis , ocreisque aquâ oppletis , in dictum hospitium pluviâ madidi veniremus. Hospitalem Baucidem offendebamus & Philemonem , largo foco pro vestimentis exsiccan-

candis , fœno & stramine pro ocreis extendendis , pane & vino pro stomacho opus erat. his contenti ibamus dormitum.

Sequente luce , ubi pluvia paullulum cessaverat , viâ lapidosâ ad opidulo *Coulenvre* , v mill. vix pervenire licebat. hospitium tenue erat , & metus , ne ignis singulis momentis illud invaderet ; ligna foco apposita flammâ evomebant in caminum , fœno superius circumcirca tectum ; unde aquâ continuâ ligna affundebamus , ut sopitis flammis illo quod adponebatur , frui possemus. insigne isti diversorio erat *l'Escu de France*. Vix paullulum siccatos , rursus pluvia à prandio nos occupabat , unde itineris difficultate , ultra *ix mill.* progredi non poteramus , divertentes sub noctem in vicum *Franchesse* , au *cheval blanc*. Omnia heic obvia & aperta erant , nulla claustra fenestris , nulla januis repagula. erant in hospitio infimæ sortis homines linum facientes. qui cum eodem sub tecto eademque penè mensâ nobiscum manerent , sarcinulis nostris metum incuriebant : curâ tamen & in parte vigiliâ omne sinistrum declinatum est.

Postridie pessimo à cœno itinere discessimus , venientes circa meridiem *Molinium* , quæ *Borboniæ* est metropolis. *vi milliar.* antequàm urbem ingrederemur , pons *Elavevo* superstratus superandus erat ; inde rectâ in hospitium *au cheval blanc* : quo obsonio & vino benè excepti , volebamus & noctem ibi transigere ; sed milite idem iter faciente præmissis impedimentis , festinandum erat : nec arx , nec urbs à nobis visâ , neque convictores nostri *Parisienses* , quod ignoscendum nobis , compellati. Exercitus erat , *Lugdunum* petens , omnia , si noctem unam morati fuissetus , hospitia & diversoria occupaturus ;

ita-

itaque præcurrendum, & periculum declinandum erat: vixque poteramus; præverant siquidem aliquot cohortes, quas in vico *Bessay* III cum medio mill. in hospitio à *Saint Anthoine* sub vesperam offendebarum: ibi omnia conclavia occupata ante adventum nostrum erant; vix uno solum vacuo pro nobis omnibus; in quo carnes, foco accenso, etiam clam militibus, pro cœna nostra assabantur. Inde ante diem surgentes, viam cœptam pergebamus, quantum poteramus: Circa meridiem v mill. in vicum *Saint-Geran* delati, vidimus mensorem sive diverforiorum designatorem sequentibus pro cohortibus: ibi caseo & pane contenti nolebamus largiori prandio subsequenter militem expectare. Vico adstat elegans arx, illustrissimo Hero *Saint-Geranio*, Palissæ Domino, peregrinantium fautori, parens; quem duobus inde milliaribus in opido *Palisse* domicilium suum habere, vespere in cœna à l'image de nostre Dame cognovimus. Huc arenosa nos ducebat via adventantes à buccinatoribus ex arcis turre excipiebamur; ita pro more illustriss. arcis herus habet. Opidum, in clivo situm, gibbosâ viâ est ascendendum in diverforium usque. cuius culinam curabant filie hospitis amplâ structurâ, lautisque piscibus; ita enim jubebat dies Veneris. Postero die difficilius iter nobis fuit; Montes ascendebamus, alios è longinquo, Sabaudia nives ostendentes, præ oculis habentes: multa jocosa interea in comitatu nostro peracta pro lenimine viæ; tandem tamen, relicto post nos conductore, ad opidum *Pasquaudiere* IV mill. tetendimus. illic refecti prandio, à l'image de nostre Dame, quod invito conductore paraveramus è piscibus lautioribus, rursus iter ingressi sumus, devenientes IV mill.

in

in opidul. *Roane*, (Rodumnam Latinis,) circa
 imam vesperam. ibi priusquàm diversorium à
la teste d'or ingrederemur, illustris Comes d'Oe-
 ringen, qui Lugduno advenerat, pernoctaturus
 proximo in hospitio, obviam nobis venit. multa
 ei debebamus à gratiosâ fronte Parisiis antè no-
 bis exhibitâ. itineri secundo vota dedimus sub-
 misso cultu, sequenti luce antequàm secessum fa-
 ceremus. Ligeris fluvius præterfluens hîc ponto-
 ne trajiciendus erat; mox recto itinere, imò ob-
 liquo (errabamus siquidem quandoque, pergere
 volentes) inexpeditum heïc erat progredi in fle-
 xuosâ & montosâ via: aliqui in hospitio, à *la*
Fontaine, quod *iv aut circiter* à quiete mill. situm
 erat, petebant emplastra stomachalia; verùm isti
 morbo nullus ferè ibi erat medicus, nulla medi-
 camenta; ea propter paratiori appetitu cœnam
 ut accederent, sine mora, pluvioso licet cœlo,
 viam rursus repetebant: mox præceps vallis, mox
 lapidosi montes, nimbi cum ventis ubi dimicare
 videbantur, prævia se offerebant; in summitate
 stantes, deorsum & ad latera omnia proclivia
 habuimus & horrida: de præcipitio pederentim
 nos demittentes, per vineta tandem, angustâ sa-
 tis via, buxo utrimque septâ, *iii mill.* in opi-
 dum *Tarara* bene madidi deportati sumus, vecto-
 ribus bene fessis & jejunis. Hospitio insigne
S. Sebastiani præfixum erat; joci & ludi intus:
 equile, cella vinaria, culina, mensa & reliqua cu-
 rabantur à sequiori sexu; nullum aliud ibi famu-
 litium; sorores erant, quibus hospes ipsa erat
 mater; singulæ singulis destinatæ servitiis; omnia
 ex ordine ibant, nec œconomia ejusmodi ulla in
 omni hoc itinere nobis visa: apparatus erant lu-
 culenti & lauti, vina cupita, conclavia ampla &
 pura, & quod laudem meretur, æquabili pretio
 omnia:

omnia: bene hæc stomachis siccis intus, & vestimentis madidis extus quadrabant. Iter sequenti die antequam ingrederemur, en mensa cibo & vino repleta stabat; jubebamur largiter jentare. forte hospes cum famulitio suo præsciebat tempestatem futuram: quippe rubente cum sole abeuntibus augurabamur pluvias mox mox sequuturas. hæc suspendebantur usque dum *iv mill.* ad opidum *Bresle* confeceramus, in ima valle positum: hospites, dum penetraremus, ampliter nos invitare; at animus anhelabat Lugdunum unitione. Opido hoc egressis mox præsto erat via clivosa ex infima valle, longa & glabris strata saxis: montis supercilium emensos tegebat nos pluvia; resistebant venti grandine mixti, præcipitatis equis, & ad terram dejectis: metus invadebat nos, ne nubibus implicati (hæ enim densæ cacumina montium circumvolvebant) vento asportaremur, ac alicubi explueremur. ipse conductor viæ experientissimus ultima sequebatur via, vento tantum non suffocatus. Hoc modo in pagum *la Tour*, unum & med. mill. vecti, in animo habebamus paulisper quiescere. verum angustia hospitii frustra eramus; nulla quippe ligna sicca, nullæque præsto erant serviles operæ. pergendum itaque *i & med. mill.* ad ipsam urbem erat, itinere non jucundo: vehebamur siquidem continuo progressu in monte sublimi, unde prospectus erat in montes remotissimos, nubium & pluviarum tantarum causas: & licet illi longo ab urbe intervallo distarent, circumquaque tamen velut circino ducti, montem, quem perequitabamur, ambire videbantur. Inde longo adhuc flexu ab hoc monte delapsi prono descensu, nec adhuc visa urbe, ad ipsam portam devenimus; usque adeò in vallem tota pæne urbs sepulta

pulta est, viatoresque eludit. Montes excelsi circa moenia ex omnibus ferè in circuitu partibus spectantur, quibus ipsi muri aliquibus locis impositi sunt. In ingressu portæ à custodibus nomina nostra & hospitium, quod petebamus, quærebantur: scribebam ego illa, isti subsignabant, præmiolo accepto. interea pluvia non cessabat. Sinuosus longo tractu ingressus erat, ducens nos per pontem Arari incumbentem. medias plateas lavabat jugis pluvia desuper per canales cadens, quam penetrando sustinere tenebamur in ipsum usque diversorium *au Lyon d'Or de la lanterne*. ubi hospiti mox schedam cum nominibus nostris in porta consignatis, ut nos reciperet, offerebam. Ita salvi ad primum itineris hujus portum appulimus, molestissimâ viâ, maximâ in pluviam. tædium hoc amicus hospes *Dn. Christophorus Pregel* facile levasset, nisi triste nuncium ab homicidio ibi non pridem perpetrato animi morbum auxisset. Comites nostri præmiserant cum reculis servum Parisiis Lugdunum, quò & tum curru, tum flumine Arari salvus venit. in via contraxerat familiaritatem plus æquo fidam cum Gallo quodam, homine nequam & scelesto: hic postea ante adventum nostrum, eodem in lecto cum servo cubans noctu, gulâ cultro præcisa, vitam ei ademit, fugaque, Magistratu & Justitia quiescente, sibi vitam servavit. Exemplum novum, quod moneat, circumspiciant peregrinantes cum quibus & quomodo converfentur in ignota terra.

LUGDUNUM.

VRbs hæc, quòd principalis totius Gallix Celticæ est, Franciæ fortalitium, suprema sedes totius Gallix in spiritualibus, & officina com-

commerciorum totius mundi:imo, quod æternæ ejus laudi positum sit, si qui sunt numi sigillares Principum, inscriptiones, sepulchra, theatra vastata, balnea, thermæ, aquæductus, canales, aquarum ætus, templa antiqua, statuæ, columnæ diversarum formarum, obelisci, pyramides destructæ, tabulæ, vasa, urnæ, lampades, opera emblematica, tessellata, & similia venerandæ antiquitatis insignia; de iis in solâ hac urbe Lugduno plus reperias, quàm in reliquis omnibus junctim sumtis; Urbs hæc, inquam, propterea fusiori calamo à nobis deformabitur, in externa & interna ejus descriptione occupato; adjunctis suburbanis quibusdam locis.

Externa habebit *etymon* & *nominis derivationem*, variaque *cognomina*, *insignia* & *fundatorem*.

Etymon varium est. Quidam derivant à *lucêre*; quòd in monte posita veluti specula luceat, & inde dicta *Lucdunum* quasi *Lucisdunum*, à *luce*, & *dunum*, quod tumulum significat: quo vocabulo omnia loca montosa & acclivia Belgis vocantur. Lux verò illa est *vel naturalis* à sole; quo versus Senecæ:

*Vidi duobus imminens fluviiis jugum,
Quod Phœbus ortu semper obverso videt,
Vbi Rhodanus ingens amne prærapido fluit,
Ararque dubitans, quò suos cursus agat
Tacitus, quietis alluit ripas vadis.*

vel artificialis, à speculo, quod in templo Veneris supra montem arte adeò admirabili collocatum erat, ut è longinquis Sabaudix montibus clarè conspiceretur. Quidam à *Lugdo* Celtarum rege, qui primus ante Plancum urbis fundator extitisse dicitur. Quinam à *lugendo*, quasi *Lugubre dunum*; quod ob tot exantlata & repetita incendia, afflictosque incolas, sæpius lugere necesse

cesse habuerit ; siquidem ab V. C. anno centesimo fatali igne intra unam noctem fuit absumpta, à Planco restaurata, à Severo Albinum prosequente rursus combusta. Quidam à Belgico vocabulo *luck*, id est , fortuna, &, *duno* , id est, colle. Quidam à *Lucio*; eò quod Lucius Plancus restaurator fuisse dicitur; quasi *Luciodunum*. Sed de his omnibus cuilibet sua sit sententia & opinio. Dicta etiam fuit *Maxima Sequanorum* , item *civitas Sequanorum* ; (quos hodiè Burgundiones nuncupamus.) quod pater ex antiqua inscriptione in templo D. Petri turri adposita :

Jovi O. M.

Q. ALCIMVS VIBICI
FIL. MARTINVS SEQ.
SACERDOS ROMAE ET AVG. AD
ARAM. AD CONFLVENTES
ARARIS ET RHODANI FLVMINA
II. IN CIVITATE
SEQUANORVM.

Non longè ab hac inscriptione extat alia sequens :

MARTI SEGOMONI SACRVM
ANNVVM
VIBICI FIL. MARTINVS
SACERDOS ROMAE. ET AVG.
MVNATIO PANSI COS.
IN CIVITATE SEQUANORVM
GALLIAE HONORES
ET SVIS DECREVERVNT.

Ex his monumentis comparet, Lugdunum fuisse adpellatum Augustam Sequanorum, Provinciam Sequanorum , & Augustam ad confluentes Araris ac Rhodani.

Insignia

Insignia urbis sunt LEO : unde urbi nomen mansit Gallico idiomate *Lyon* ; quod Imperator Cæsar, sub quo urbs funditus erat deleta & rursus cœpta reædificari , ei indidit , dum cogeret inhabitantes ut pristino nomine mutato & abolito hoc nomen urbi imponerent , quod usque huc mansit.

De *Fundatore* urbis primo licet nihil certi habeam quod adponam , constat tamen è verbis Plutarchi, L. Munatium Plancum, nobilem sub Augusto Imperatore oratorem , Ciceronisque auditorem, cum vel urbs antiquitate esset lapsa, vel alioqui obscurior ad ruinam tenderet, eò coloniam deduxisse ; ita scribentis : *Ibi nunc Lugdunum est celeberrima Gallia urbs, quam longis postea temporibus à Planco Munatio conditam fuisse accepimus.* Munatii hujus Planci spectata fides, eruditio, & autoritas tanta erat apud Cæsarem Augustum, ut eum , devicto Pompeio, abiturus in Hispaniam, urbi Præfectum unâ cum Antonio constitueret. Hic ipse est Plancus Ciceroni in Epistolis familiaribus familiaris , licet ab ipso Cneus adpelletur ; error est qui non tollit historiam, licet in nomine variatio sit. Missus est postea à Cæsare legatus, & factus proconsul in Gallia, ubi titulum Consulis à Senatu adeptus est. Causa verò duplex subest hujus in Galliam ablegationis. Altera est, cum in omnibus potentibus urbibus cives opulenti & potentes non vivant sine suspitione , quasi ungues suos in viscera civium, potentiam in suppressionem illorum, convertere velint , idem accidit Romæ, ubi Senatus metuebat à Lepido & Planco , quorum facultates erant amplæ, & vis magna in milite numeroso : ea propter, ne vel ambitione reipub. vel æmulatione sibimetipsis nocerent , & ita decrementum

tum urbi accederet, visum est Senatui, eos ablegare in Galliam, condendæ urbis ergò & deducendæ colonix. Altera est sita in Allobrogum eruptionibus, rapinis ac latrociniiis, dum non contenti sua regione, ex Alpibus venientes, in Narbonenses & Viennenses irrumperent, horumque urbem, unde nomen illi Vienna Allobrogum venit, occuparent. Senatus isti nodo cuneum quæsiturus, cogitavit de Viennensium tutela, qui propter vicinitatem & commoditatem loci ad Araris & Rhodani confluentes se receperant: jubens Plancum, eò coloniam ducere, anno V. C. Id. cc. xi; imperii Augusti ii: annis ante Christum natum xli. quo tempore ab eodem Planco Augusta Rauracorum propè Basileam, olim celebris nominis urbs, condita fuit, teste inscriptione Cajetana in regno Neapolitano:

L. MANVTIVS. FIL. L. N. L. PRON. PLANCVS.
COSS. ITER. VII. VIR, EPVLON. TRIVMPH.
EX. ROETIS. AED. SATVRNI. FECIT.
DE. MANIEVS. AGROS. DIVISIT. IN. ITALIA.
BENEVENTI. IN. GALLIA. COLONIAS.
DEDVXIT. LVGDVNVM. ET. RAVRACVM.

Hæc brevius habet Dion Cassius, lib. xlvj. hist., dicens: Senatores Lepidum ac L. Plancum, timentes, ne hi quoque se Antonio jungerent, miserunt ad eos, qui dicerent, nihil jam eorum rempubl. opus habere: ac ne quid sinistri suspicarentur, facinusque aliquod perpetrarent, jussi sunt à Senatu iis, qui quondam Viennâ, quod est opidum Provinciæ Narbonensis, ab Allobrogibus expulsi, ad confluentes Araris Rhodanique fluviorum confederant, urbem concedere. Itaque illi subsistentes, Lugdunum, quod olim vocatum fuit *Λγγυδών*, ædificarunt, &c.

Inter-

Interna descriptio habebit Materiale & Formale.

Materiale considerabimus *primò* in situ, respectu *aëris*, qui hyberno tempore nubilus ut plurimum; unde pluvioso cœlo maximam partem hyemis hîc transegit; æstate verò non item. Respectu *soli*, magna est *amœnitas* & *fertilitas*. hæc in frumentis, fructibus, uvis, præsertim moscatellinis, in gregibus & armentis, volatilibusque consistit; quæ omnia abundanti penù mensis victorum inserviunt. *illa* in loci genio & positu, in pratis vallofis, hortis, vineisque non paucis, quas colendi Imperator Probus Lugdunensibus circa annum Christi cclxxx veniam dedit: hoc ex indultu milites plantarunt vites, ex illis in monte Couzon collegerunt vinum, vino Choo non absimile; unde & monti nomen mansit. Respectu *fluminum*; quæ sunt *Araris* & *Rhodanus*.

Araris è monte Vogeso ad Lotharingiam originem habet; & per Heduos & Sequanos transiens, nobiles Burgundiæ civitates, Divionum, Augustodunum, Verodunum, Matisconam aluit; discriminansque ab invicem Comitatum ac Ducatum Burgundiæ, Lugdunum intrat; idque advectis navibus, mercibus frumentoque onustis, ditat; tandemque ad extremum civitatis, in duas partes divisæ, cum Rhodano se conjungit, nomenque amittit. Gallis dicitur *Saone*; Latinis quibusdam *Sagona*, à *sanguine*, quo totus fluvius rubuisse dicitur, cum Julianus apostata cruentâ persecutione martyres morti daret. Unde Gregor. Turonensis ipsam urbem dicit dictam nobilissimam, quòd martyrum sanguine fuit illustrata.

Rhodanus alter fluvius est, de quo Pompon. Mela

Mela lib. 11: *Rhodanus non longè ab Istri Rhenique fontibus surgit: deinde Lemano lacu acceptus, tenet impetum, seque per medium integer agens, quantus venit, egreditur. Inde contra in occidentem ablatus, aliquandiu Gallias dirimit. Post, cursu in meridiem abducto, hac intrat: accessuque aliorum amnium jam grandis. Et subinde grandior, inter Volcas Et Cavarras emittitur. Verè ita est; non mutato colore lacum Lemanium prope Genèvam penetrat: mox ad pedem montis Juræ, ubi nunc Clusa, se abscondit in terræ recessus, aliquotque inde milliaribus placidus egreditur, Lugdunumque descendit; ubi insulam cum Arare junctus constituit. Insula verò ista facta est, cum prima urbis fundamenta jacerentur, antequàm Plancus ea in vicinos montes transponeret: dicta aliquibus *Chersonesus*: quæ ex duorum istorum fluminum concursu & mutuo complexu representat insulam Δ Ægypti, quam Nilus divisus in partes secat: differt tamen in eo, quòd illius unum latas à mari claudatur, & amnium concursu cogatur; hujus verò alter terminus inter amnes à difficilibus & asperis montibus finiatur.*

Uterque fluvius suum habet *pontem* & *munita*; quæ videbimus.

Pons Arari instratus, rotus est lapideus, longitudine latitudineque conspicuus, arcuum ix, quibus ulterior & citerior urbs coit. Lignum Crucis erectum tali inscriptione videtur, licet mancâ:

D. M.

SEVERI. G. FIL.

VALERINAE

C. MEMMIUS SEVE-

RIANVS FEL.

N

Porta

Porta Nisiero proxima in eodem ponte talem habet inscriptionem :

L. BESIO SUPERIORI
VIROMNDE Q. R.
OMNIBVS HONORIBVS
APVD SVOS FVNCTO
PATRONO NAVTARVM
ARARICOR ET RHO-
DANICORVM PATRONO
CONDI ET
CONSISTENTIVM
ALLECTARIAE GALLIARVM
OB ALLECTVRAM FIDELI-
TER ADMINISTATAM
YES PROVINCI GALLIARVM.

[*Allectura* antiquitus officium erat, quo cognoscebantur lites mercatorum in re fluminum: derivatione deductâ ab *allego*.]

Pons *Rhodano* instratus ad finem civitatis, totus itidem lapideus est, firmæ & prægrandis molis, arcuum XIX amplorum: opus structurâ superbum. cui Crux lapidea imposita denotat limitem territorii Lugdunensis & Delphinatûs. In hoc ponte Andragotius, à Maximo Tyranno magnâ pecuniæ summâ ad hoc facinus conductus, Gratianum, Valentini I filium, Principem piæ, qui Ausonium præceptorem ad consularum evexerat, occidit: de quo Sozomeni verba sunt lib. IV: *Andragotius impetu continuo Gratianum persequens, Lugduni pontem transiturum comprehendit, & occidit, anno Christi CCC LXXXIII.*

Munimenta Araris sequuntur, ad sinistram ripam locata:

Henrico IV regnante, pace vigente, præfecti Coss. Cossque urbis Lugduni
Ara-

Ararim extra alveos prorumpentem cin-
xerunt, vallarunt hac eleganti serie, ut in
posterum sint portus, Mercatorum com-
moditati, Nautarum securitati, Urbis or-
namento, Populi oblectamento. incept.
anno M DC VI. perfect. anno M DC IX.

Adeandem sinistram ripam alia tabula nigro
è marmore posita est, obvia secundo flumine de-
scendentibus è castro *Pierre scize*:

En l'an M DC XXII, du regne de Louys le Juste
XIII, Roy de France & de Navarre; Messire
Charles de Neuville, Seigneur d'Alincourt, Mar-
quis de Ville-Roy, Comte de Bury, &c. Conseilleur
de sa dicte Majesté en son conseil d'Estat, chevalier
de ses ordres, Capitaine de cent hommes d'armes de
ses ordonnances, Seneschal de Lyonois estat, Gou-
verneur & Lieutenant General pour sa dicte Ma-
jesté en cette ville pays de Lyonois, Forests, &
Beaujolois; par le soing & vigilance de nobles,
Pierre de Seve, Conseilleur de sa dicte Majesté,
President en la Seneschaussee & siege Presidial de
cette ditte ville, premier President en Parlement de
Dombes, Prevost des marchands; Jean Guignard,
Conseilleur de sa dicte Majesté, & Contrerolleur
General du taillon au dict Lyonois; Claude Na-
vergnon, Bonaventure, Michel, & Louys Landry,
aussi Conseilleurs de sa dicte Majesté au dict siege
Eschevins de cette dicte ville, & aux despens des
deniers communs & d'octroy d'icelle, ce quoy des
long temps commence, pour la communauté publique
a esté parachevé.

*Rhodani munimenta ad ejus portam talem ha-
bent inscriptionem, muro adfixam:*

Du Regne & par le commandement du tres-
N 2 Chre-

Chrestien Roy Louys, troiziesme de ce nom: & par l'autorité & le soing de Messire Charles de Neufville, Seigneur d'Halincourt, Marquis de Villeroy, Comte de Bury, &c. Chevalier des ordres du Roy, Conseilleur en ses conseils d'Estat & privé, Capitaine de cent hommes d'armes de ses ordonnances, Seneschal de Lyonnois, Forests & Beaujolois, cette ville du tout ouverte depuis la reviere de Saosne jusques icy, a esté fermée par cette cloture & fortification, achevée en l'an mil six cents vingt deux.

Eadem ferè inscriptio eidem muro alio loco adposita est, mutatis solummodò circa finem aliquibus verbis, nimirum ut loco verborum: Depuis la reviere de Saosne; sequentia ponantur: Depuis le bastion Saint Clair jusques, &c.

Ira fuit primum Materiale respectu situs: sequitur alterum, respectu ambitûs urbis; qui, ut experientes notarunt, est sex milliarium & xxix perticarum: sat ampla circumferentia, quòd intra ipsa mœnia ac claustra sua continet complures areas, hortos ac vineas.

Tertium Materiale videbimus in partibus; iisque vel externis, vel internis. Externas facimus castella, portas, mœnia, &c.

Castella tria habet, la Pierre Scize, Sancti Sebastiani, & S. Clari.

La Pierre Scize ultra Ararim insigne est castrum, positum in summo monte supra petram durissimam, & quasi incavatam, muris suis & propugnaculis firmiter circumdatam, ita ut ex hac rupe tormentis bellicis facilè hosti via ad urbem intercludi possit. Castrum hoc nobilitatum est Ludovici Ducis Mediolanensis captivitate, anno cIdo Id; qui, spectante Ludovico XII, solus cum famulo dum huc duceretur, dixit:

O for-

O fortuna inconstans ! heri centenis hominum milibus imperabam ; hodiè vix unum habeo servum. quasi cum Comico dicere vellet :

Fortuna humana fingit, arctatque ut libet :

Me, qui liber fueram, servum fecit, è summo infimum,

Qui imperare insueveram, nunc alterius imperio obsequor.

Clarum item est à custodia Nemorosi Ducis, quam è Botereo, lib. 11 Comm. Gall. p. 147, huc ponemus. Diximus, Nemorosum Ducem à Lugdunensibus in Petrà Scissæ scopulo captivum factum, (qui Lugdunum non viderint, audiant, esse rupem, olim ad invertendum Ararim eique novum alveum faciendum dissectam ; unde vocatur illa) vivo & scrupulo saxo in acumen exurgit, ut deorsum despicientibus altitudo terrorem faciat. In ergastulo rupis plus novem mensibus servabatur pervigili civium custodiâ, vices alternantium : nec enim à milite vel exteris fides erat. ille morbum simulat ; decumbens in lecto, custodes filere, nec quieti esse molestos, jubet. proximo triclinio semotis custodibus, oscitantibusque in fabulis, in alea, ac hujuscemodi ludicris quibus tenebræ falluntur, fiduciâ morbi ; proripit se stratis, lixæ & gregarii habitu ; mentitur se alium ; lasanum, quo lotium excipitur, sumit ; (ecquis enim custodum credidisset, Principem, ex materno genere regii sanguinis, ad hæc olida velle demitti ? fecit tamen, cum ex re qualibet libertatis odor bonus sit ;) perque satellitum personatus ignotusque pergit in latibulum ; ex quo per muri hiatum, à coquo factum, fune innexo se demittit, innoxie dilapsus. ex familia foris duos præsto habuit, à quibus ad equestrem cohortem deducitur, quam Marchio Sansorlinus frater ad excipiendum miserat. hinc Vienne digreditur. Lugdunenses ut custodiâ dila-

psum intellexerunt, ab eo sibi plurimum metuunt, &c.

Alterum castrum est in monte S. Sebastiani positum, situ amœnissimo, defensionique urbis oportunissimo: defendit enim superiorem urbis partem, omnemque accessum per Ararem hosti intercipit; & Sabaudiam versus, muris fossisque munitum; ita ut hostis ab omni latere excipi & abigi possit. Structores hujus castrum fuerunt Comites S. Joannis; idque tribus sub distinctis propugnaculis formarunt. Primum tres continet areas pro milite numero excipiendo; supremam, mediam & infimam. In mediam primus fit ingressus. cæteræ angustiores sunt. in illa militum præfidiariorum est domicilium. ex hac via ducit angusta, interque duo saxa excisa, passuum xxxvi, ad aream infimam, amplam, longam pass. l, latam xlix, formâ quadrangularem; habentem murum iv pass. crassum. Isthinc descensus est cvi passuum, antequam in vii cameras spatiosas & longas subterraneas devenias: sufficiunt hæ comœtui multo abscondendo, capaces vel iv clo hominum. Ab his repedandum in mediam aream; è qua aliâ viâ iter fit in supremam, eadem ferè amplitudine quâ infima: sub hac, in ipsis terræ visceribus, alii sunt fornices, prioribus minores & angustiores. Alterum propugnaculum, communiter Sancti Sebastiani dictum, elevatum magis est primo, ita constructum ut inferius sub eo positum ex obliquo inde possit defendi. Murum habet xv pedum crassum, anticâ parte magis protuberantem; structura interior constat multis fornicatis meatibus. Tertium dicitur la grenouille, altius secundo, quod defendere potest, prominensque ut ex obliquo id magis defendat; triplices subterraneos habens

bens meatus. Hujus muros exteriores rex demolitus est, ne, si forte vacuum ab hoste caperetur propugnaculum, id ei inserviret in urbis detrimentum & ruinam. Eodem modo Carthusianorum fabrica regis jussu & studio securitatis intercepta est; ædificabant enim Carthusiani non procul ab hoc castro monasterium suum; sed potius cœperant tantum; verum nimis religiosum; ita enim id murorum circumductu firmare volebant, ut non locus precibus destinatus, sed castrum ad obsidiones sustinendas accommodatum videretur; Inhibuit igitur rex, & ab opere cœpto quiescere jussit.

Tertium castrum nomen habet S. Clari, ad Rhodanum situm, munitum quidem, sed priori cedens. Porta urbis numerantur VI: la porte d'Ainsay; la porte du Rhosne; la porte S. George; la porte S. Sebastien; la porte Vexé; la porte S. Just. Porta Athenaica, ducens ad confluentes Rhodani & Araris, habet hanc inscriptionem:

*Quà Rhodano fert dives Arar, qui dividit Orbi
Alter opes, nova quà facies assurgat Athena,
Annibal Ausoniaque acies & castra loquuntur,
Sub fido Francorum oculo custode Leonis.*

L V D O V I C O XIII regn.

Maria de Medicis matre regent.

Carolo de Neufville D. D. Halincourt

Prorege meritiss. Baltas. de Vilars

D. de Laval. mercat. Præfect. illm.

Alcy. Boulliod. Hor. Cardon. CL.

Pellot. Ant. de Pure

Coss. Ann. c15 15 cxi.

La porte du Rhosne ducit in Delphinatum per suburbium *la guillotiere*; cujus hæc est inscriptio:

N 4

En

En l'année MDCXIX, & le IX du règne de Louys XIII, roy de France & de Navarre, Messire Nicolas de Neufville, Marquis de Villeroy, gouverneur, noble François de Merle, Provost de marchands; Alexandre Cholier Octavian Vanelle, Philippe Sene, Benoist Bezern, Eschevins, ont pour la commodité & seurté du public fait rebastir ceste porte.

La porte S. George, est ad latus palatii archiepiscopalis; ad quam legitur sequens monumentum Romanæ antiquitatis :

NVMINIBVS

AVGVSTORVM

LEENIVS RVFFVS

ET LEENIVS

APOLLINARIS

FILIVS.

La porte S. Sebastian ducit Genevam: la porte Vezze, Bituriges; la porte S. Just Tholosam; ante hanc lapis est magnæ molis, immensi ponderis, qui ita in æquilibrio positus, ut vel puer ipsum minimo digito movere possit & faciat tremere. Est quod notes; in omnibus portis excubiæ Germanorum maximam partem locatæ sunt, quæ diligenter inquirunt, si quæ bona ab adventantibus importantur gabellis digna; hinc fuge dolum & poenam.

Mœnia urbis sunt fortissima, & sicubi lacera, non solum restituta, sed fortiora reddita; testantibus hinc inde Inscriptionibus, quarum hanc tantum placuit adponere :

En l'an-

En l'année M DC XI, le premier du regne de Louys XIII, roy de France & de Navarre, & de la regente de la royne sa mere, Marie de Medicis, par leur commandement, & par le soin & de l'autorité de Messire Charles de Neufville, Seigneur d'Halincourt, Chevalier de deux Ordres de sa Majesté, Capitaine de cent hommes d'armes de ses ordonnances, & son Lieutenant general es pays de Lyonnois, Forestz & Beaujolois, la ville de tout temps ouverte de cecosté a esté fermee par ceste fortification, faicte depuis icy jusques au Rhosne.

Aureis litteris hæc sunt inscripta muro interioris fossæ, ubi cuniculorum est habitatio.

Interna urbis partes sunt plateæ & ædificia.

Plateæ sunt angustæ & immundæ, unde foetor non exiguus. Ædificia iis inædificata non sunt vulgaris ordinis; alta, ut aër sanus ea perflare possit. Tria verò sunt quæ formam eorum deturpant: nimirum 1. canales lignei de tectis in medias plateas exporrecti, pluviam in prætereuntes evomentes, vestesque inquinantes. 2. Fenestræ è papyro, cui oleum inductum, factæ, quæ funiculo sursum deorsumque attrahuntur. 3. Domus, quarum frontispicia, laterculo crudo, nullâ calce sunt vestita. Hæc singula junctim ubi adspicis, præsertim in foetidis plateis, non te diu sistent aut morabuntur. Plateis adnumero areas; quæ speciosæ in hac urbe & frequentes. quarum nomina tantùm adjiciam. Amœnissima est *la belle cour*, ad pontem Rhodani; in qua ludus est *palemille*, equile gubernatoris, & *sphæristeria*. ibi in domo elegans hic versus:

Fortunæ prudens aciem fortisque retundit.

Altera, de *Confort*; in qua pyramis variis linguis vestita, inque honorem Henrici IV erecta. ibi ad

ades quasdam nigris litteris Rhodani & Araris effluvium notavi ;

L'an 1570, & le dimanche, troisieme jour de decembre, environ onze heures du soir, le Rhosne & la Sochne se sont assembleés en la place de Confort, au coing de la maison appelée la Tour ; & l'onzieme jour du dict mois le Rhosne est remonté au dict coing. Tertia, le Terreau. Quarta, des Cordeliers. Quinta, de S. Nisier; quæ foro olitorio inservit. Sexta, de S. Pierre. Septima, de la Grenette. Octava, le change; ubi mercatorum bursa. Nona, de la Doüane. Decima, de la Roche. Undecima, de S. Iean. Duodecima area; ubi supplicium aliquot mille martyrum versus fanum S. Iusti ; ubi Crux posita, la Croix decoulee dicta.

Ædificia sacris & politicis usibus destinata nunc à nobis videantur.

Inter sacra illustre est templum S. Iohannis, ultra Ararim. cuius videbimus structuram & Canonicos. Structura est amplissima, elegantibus illustrata facellis; inter quæ eminet sacellum Borbonii ; ubi Carolus è marmore ad sinistram: Modò Ludovici XIII regis Gall. & Mariæ Med. regis matris ibi effigies. In ipso antico templi ingressu grandis porta est, cui iv lepores affabrè sunt incisi; singulis binæ sunt aures, & tamen in universum iv saltem numerantur: hoc artificium si non observâris, sunt qui negare audent à te templum visum. Ioannis Baptista, templi patroni, statua è marmore candido mox ad introitum conspicitur: reliquis statuis circumcirca positis capita truncata sunt, motibus ultimis bellicis. Columna templi ex Augusti ethnico templo huc deportatæ dicuntur. In templi medio, sub ligno crucis, altare versus, aurea hæc legitur inscriptio:

Quod

QVOD BELL. CIVIL. LICENTIA
FOEDE DISIECTVM FVERAT
D.O.M. PROPITIO CAN. ET COM.

LVGD. REST. AN. MDLXXXV.

Docet hoc lemma gravissimas clades, quibus & Hugonottæ & Pontificii sese mutuò confecerunt, postquam anno cId Id LXII religionem sub sanguinolentis regibus defendere cœpissent. Videtur in eodem templo *horologium*, monstrans horas, dies, menses, cursum solis & lunæ; ibi, in loco ubi leo movens linguam, addita inscriptio, docens Reformatorum ardorem destruendi pontificia templa:

HOROLOG. HOC, AN. cId Id LXII impiorum rabie corruptum & deformatum, cId Id xcviij, Dei misericordia, & reg. invictiss. Henrici III virtute, pace partâ, fausto & insigni Comit. ac Canon. Lugd. rest. curaverunt.

Vexilla ibidem suspensa videas, trophæa Ledigerii, quæ Sabaudò redempta, regique oblata, hujusque jussu heic servata sunt. *Ossa Cypriani* martyris, à Carolo Magno huc apportata, dicuntur hîc asservari. Si placet *campanam* è metallo puro fusam videre, ascendes gradus clxix è medio templi. Ibidem *arçui sepulchrati*, penes portam *la Froc*, dextrorsum, talis inest inscriptio:

Bonæ memoriæ & spei æternæ, spiritu quoque incomparabili Feliciæ Minæ, fœminæ rarissimæ castitatis exempli, affectionis plenæ erga omnes homines, JULIVS PRIMITIVS D. E. C.C.C.C. AVG. LVG. conjugii incomparabili, quæ vixit

N 6

ann.

ann. xxxii, mens. v, dies iv, sine ulla querela, sibi que, vivus fecit & sub ascia dedicavit.

Primitius hic conjugis suæ denatæ maritus, fuit unus è ccc auguribus, qui urbem antiquitus inhabitabant in loco penes Augusti templum, quorum officium erat vaticinari.

Templo huic Johannitano contigua est *Aula Archiepiscopalis*. Portæ exteriori insignia Papæ Urbani VIII superstant, quæ anno cdo lxxv eò locata, cum Franciscus Barberinus, legatus Papalis, in Galliam ad regem iturus, huc diverteret: Tres apes sunt subtus:

Sugite nectareo madidantia Lilia rore,

Delicias pacis sugite, pacis aves.

Sugite pacificis volucres in floribus: Orbem

Nam condire suo Lilia melle queunt.

Ibi, ad sinist. ingressus, Papa, tenens claves sinistra; & benedictionem dans dextra, habitu Papali, sedem ad mensam; cui corona regalis imposita;

Eris corona, gloria in manu Domini.

Subtus:

Invitant croceis halantes floribus
horti.

apes sunt, lilia circumvolitantes.

Ad dext. ingressus, Rex Galliar, dextra tenens gladium, cum corona Papali; sinistra sceptrum, cum globo appenso, habitu Regali:

Pro domo Domini.

Subtus:

Altus amor florum & generandi gloria
mellis.

apes sunt rosas circumvolitantes.

In hac

In hac ipsa archiepiscopali aulâ , ut & in vicinâ areâ , & regio carcere , famosissima illa & detestanda laniena, anno cIo Io LXXII, sacro Bartholomæi, Parisiis, morte Colignii & clade Condæi cœpta, postmodum Lugduni peracta est. xxvii augusti dies erat, anni modò dicti, cùm primùm Mandelonius Lugdunensis præfectus de laniena Parisiensi certior fieret : hic mox xxix aug. die, omnes euangelio Christi addictos & profitentes, edito tùm edicto , tùm violentâ manu crudelissimam ad carnificinam rapuit. Carnifex ordinarius , cum aliquibus militibus , ad alios mandandum conductis , in aulam & palatium archiepiscopi adducitur. Ibi carnifex , atrocitate tantæ crudelitatis perterritus, publicè negavit, se quidquam violenti contra homines illos facturum, nisi, priùs illi ordinariâ sententiâ per iudices latâ damnati in manus sibi traderentur : hoc nisi fieret , de aliis sibi prospicerent homicidis, qui fortè non pauci in urbe invenirentur. Quo dicto & milites secum adductos absternuit à cruentâ hac intentione : hi enim, cùm à captivis nunquam læsi essent , nec eos ob aperta crimina iudicio convictos viderent, apertè dicebant; Indignum fore , tam sanguinolento & ferino ausu contaminare arma , quæ nobilitatis & virtutis sint testimonia. Ita macellum hoc suspensum est, usque ad horam 11 pomeridianam ; quâ sclopetariorum præfectus, *Clon* dictus , adductâ audacissimâ perditissimâque hominum colluvie , aulam ingressus ; quibus cum furiis suis , pauculo tempore , ccc l ibi detentos frustillatim secuit, confodit. Inter occisos fuit Franciscus du Couleur , dictus Bossu , mercator , cum binis filiis, quos consolando constanti oratione ad martirium erexerat ; eosque ab ictibus carnificum, se-

met ipse iis obijciens, defensurus, ulnis suis amplexus est: filii nec minus patrem ab imminentibus iētibus, corporum suorum objectione visi fuēre defensori: ita mutuo amplexu hærentes, pater & filii, finitā lanienā, inventi sunt. Quid amplius? mactatos sepultura judicabant indignos; nihilominus ne aër ex foetore sanguinis & corporum inficeretur, metus erat: capropter maximam eorum partem in præterlabentem Ararim conjici conclusum fuit. Dum fex populi occupata est in præcipitandis interfectis, ecce pharmacopola superveniens, modum ostendit, quo è pinguedine corporum argentum posset colligi. vulgus assentiebatur; selectaque fuēre obesa & magis pingua corpora; quibus dissectis omnem pinguedinem abstraxerunt, collegerunt, libramque tribus albis vendiderunt. Vide *Thuan. lib. LII, pag. 165, & seq.* Detestati sunt multi è Pontificiis in Delphinatu, Provincia & Languedocio hanc Lugdunensium crudelissimam lanienam, cadavera Rhodano secundo devectora sepulturæ mandantes. Duæ verò sunt hujus lanienæ crudelissimæ actiones detestabiliores: nimirum; primò, quod multi è Pontificiis auctores & incitatores fuerint, ut ipsorum fratres, consanguinei & conjuncti trucidarentur; secundò, quod, posteaquam à captivis, quidquid libuerat, abstulissent, mox eosdem contra datam ac juratam fidem interfecerint. In hanc evangelicorum truculentam necem noluisse etiam consentire dicuntur Canonici in æde Cælestinorum heic Lugduni. Aliud hujus crudelis facinoris testimonium adhuc hodie extat Lugduni, ubi non procul à templo Spiritus sancti, cum ad mœnia Rhodano adposita descenditur, in ipso muro relictum est foramen, per quod trucidati Reformati

mati anno dñi 10 LXXII in præterfluentem Rhodanum abjecti sunt. Verùm est Deus, qui, quæ nos gerimus, audit & videt; huic vindicta innocentis sanguinis relinquenda. Videamus CANONICOS hujus templi; qui titulum Comitum obtinent; uti Decanus titulum Ducis. Olim siquidem Lugdunum forma Comitatus regebatur; primusque Comes ei fuit Armentas. de quo Gregorius Florentinus: Armentarius, dicit, Comes urbem Lugdunensem judiciaria potestate gubernabat. Deinde à Lothario Galliarum rege, Mathildi sorori, cum eam duceret Cunradus filius Bozonis, II Regis Burgundiæ, donatus est Comitatus Lugdunensis. qui postea successionem temporis pervenit ad hos Canonicos dono Burgundico. quamquam sunt qui dicant, eos titulum Comitum gestare ab emptione Comitatus Forestii. Illud certum est, quod à Comitatu hoc multæ discordiæ ortæ fuerint inter hoc Canonicos & cives Lugdunenses; dum illi auctoritatem suam & potestatem extendere in cives voluere; hi verò rursus omne imperium recusare. Supremus pastor est archiepiscopus, totius Galliarum primas; cujus curia est etiam suprema per omnem Galliam in negotiis spiritualibus.

Sed diu satis hic fuimus: lustremus *templum Franciscanorum*, Ordinis minimorum, quod ante annos aliquot triginta noviter è fundamentis erectum est. Ad dextram templi portæ depictus est S. Franciscus, Ordinis auctor; cum inscriptione: *S. Franciscus de Paula, Ordinis fratrum minimorum institutor. Beati immaculati in via. Ps. cxviii.* Non procul ab hoc monasterio habitavit JULIANA HISPANA, virgo nondum xx annos nata, Latinas, Hebraicas, Græcas, Hispanicas, Italicas, Gallicas linguas docta, imò in
Logi-

Logicis, & Philosophicis sic versata, ut disputationes publicâ cathedrâ defenderit.

Hinc ascendamus *templum* S. JVSRI; quod conventuale est; olim civico furore multum dirutum. In hoc ostensus nobis fuit unus ex infanticidio Herodis reservatus infans. Juxta hoc templum inventum olim dicitur hoc epitaphium, laminæ aræ inauratæ incisum; cujus auctor comparet fuisse Christianus:

DEO INVICTO
AVR. SECUNDO
NIVS. DONAVS
FRUMENTAR
G. ET COMMENAVS
V. S. L. M.

Ascendamus porrò ad *templum* S. IRENÆI, quod sub ultimum urbis pinnaculum ad Ararim situm est. Ipsum ædificium rudera ac monumenta nil nisi antiquitatem ethnicismi, sed & Christianismi, docent. Nomen habet à S. Irenæo, II apud Lugdunenses episcopo, ut testantur Historici Lugdunenses Paradinus & Rubys. Hic Photino, qui primus fuerat hæc episcopus, ætate jam gravi coadjutor factus & collega, tandemque successor, anno Christi cLXVII; annorum Imperii M. Aurelii & L. Veri quinto. In templi cœmeterio è jaspide columna videtur, cum hoc monumento:

D. M.
ET MEMORIÆ
ÆTERNÆ
CVAIIN CENV.

Non procul inde prolixum monumentum, antiquis Romanorum characteribus, saxo ingenti inci-

incisum ; cujus præter principium (CONIV-
GI — GISSIMAE) nihil assequi potui ; cætera
vetustate exesa , non nisi aliquot syllabas aut
mutilas vocolas continebant. Ibidem lapis qua-
dratus cum inscriptione :

D. M.

SEX. COSSVTIO

SEX. FIL QVIRIN

PRIMO EMERITO

EX COHO XIII VRB

T. SILVIUS HOSPES.

Intranti templum è regione ara opposita erat ;
cui superjacet lapis , qui dicitur pars columnæ
ejus, cui Christus alligatus fuit, cum à militibus
flagellaretur. Ibidem circum illam aram mona-
chales versus leguntur in Irenæum & cæteros
martyres , qui sub Q. Septimo Severo circa an-
num Christi c. xcix, quo tempore Tertullianus
vixit, passi sunt :

*Ingressi loca tam sacra, tam rea pectora
tunde,*

*Posce gemens veniam, lacrymas hæc cum prece
funde.*

Præfulis hæc Irenæi turma jacet sciorum,

Quos per martyrium deduxit ad alta polorum.

Istorum numerum si nosse cupis, tibi pando ;

Millia dena novem-que fuerunt sub duce tanto.

Hinc mulieres & pueri simul excipiuntur,

*Quos tulit atra manus, nunc Christi luce fruun-
tur.*

xix cIdverò hi martyres non in ipso templo,
sed sub eo in subterranea concamerata cella ja-
cent sepulti. Duas ibidem videre habes arcas.
Altera earum dicitur sepulchrum Irenæi, sine
omni

omni interprete, præter has litteras: HIC IACET PETRVS. Altera S. Polycarpi. Verùm ex historiis scimus, eum Smyrnæ in Græcia, sub M. Antonio, supplicio adfectum fuisse, cùm Deo annos LXXXVI seruiisset. nisi igitur per reliquias of-
fium huc transportatorum historiam velant, vix veritati locus erit. Insuper in cœmete-
rio plura ethnica sunt monumenta, è saxis structa.

Templum in colle *la Forviere* exiguum est, & in honorem *Thomæ de Aquino* exstructum; quod etiam dicitur *Nostre Dame de Forviere*. Alit x Canonicos; quorum domicilia cum hortis non in loco inamœno sita sunt. Olim erat Veneri, sumtuosâ structurâ, speciosoque ornatu, dica-
tum. Prope id hæc inscriptio videtur:

D. M.

CACV ROM

SATTONIS

TREVERI

ANNOR

XVII

SIMILIS

TVNC VIVVS.

Penes templum *areola* est, cui si instas, Lugdu-
num omne oculis emensuras, ut & bonam Del-
phinatûs partem. Inde in *vineam* amplamitur,
ubi antiqui *theatri* ruderæ & vestigia, quæ à Præ-
torio & Palatio Augusti adhuc ibi superant. Ha-
bitavit siquidem Augustus Lugduni tres fere an-
nos, dum eò iter susciperet anno V. C. lxxx
xxxvii, L. Domitio Enobarbo & P. Cornelio
Scipione Coss. quod fuit anno imperii sui xxvii.
Causa verò sui Româ discessûs dicitur fuisse, ut
nimia

nimiâ sui Romæ morâ & mansione odium populi evitaret; vel, ut suspicionem amoris, quem cum Terentia alebat, declinaret: vel, ut querelas & accusationes in Licinium institutas iudicaret; accusabatur enim, duriori onere, quàm par erat, Lugdunenses affecisse. *Dion Cass. lib. 54.* Ab illa vinea videtur antiqui & crassi muri pars, circa quam vulgus refert, *vitulum aureum*, cui Augustus divinos honores offerebat, sepultum esse: at vitulus usque in hunc diem, licet laboriosè quæsitus, nondum repertus est. Vineâ ista agnoscit dominum *M. du Soleil*, officio clarum in urbe; cujus benevolo indultu videre poteris antiquam palatii & theatri imaginem, artificiosè depictam. In ipsa via, quâ inter muros civitatis & nonnullos hortos ascenditur versus templum *la Forviere*, spectantur *iv columna*, rudera antiqui ædificii, quæ olim aquæductibus inserviisse comparent. Hi autem aquæductus, ut habet commune populi effatum, aliquot milliarium longitudine protendebantur, usque dum ad ipsam scaturiginem pervenirent, aquas haurirent, inque urbem deferrent. Ideo autem tam longo itinere deducebatur aqua, quòd, cùm urbs destitueretur adeò salubribus aquis, illa purior per longos meatus & defæcator reddebatur priusquam ad usus hominum perveniret. Eorundem aquæductuum adhuc hodiè non procul ab urbe conspiciuntur rudera, per Saracenos, magnam Galliæ partem sub Pipinorum imperio devastantes, dejectorum.

Ultra Ararim videndum etiam *templum Iouis Burgundi*, mole quidem exiguum, sed sacello illustre, partim ob *iv columnas* è peculiari marmore Româ adportatas, partim ob picturam altaris egregiam.

Non

Non procul ab hoc monasterio ad radicem montis est *monumentum*, quod vulgò *la sepulture de deux amants* dicitur: Elevatum conspicitur & impositum i v magnis columnis, suis cum epistyllis; erectumque in publica platea juxta ædes fabri cujusdam ferrarii, inter portam *la Vezè*, quam sub adventum nostrum ingrediebamur, & montis castrum, *la Pierre Size*. De hac sepultura varix sunt opiniones. aliqui putant, Herodem Johannicidam, cum Herodiade in exilium pulsum, Lugduni mortuum esse, & sub his saxis cum suo scorto sepultum jacere. alii sunt, qui duorum amantium volunt esse monumentum, è Sicilia exulatum qui i verunt diversis & oppositis quasi viis & itineribus; ii que postea Lugduni iterum convenère, vitamque in mutuo amoris officio finièrè; unde constantix & mutui adfectus hoc iis publicum positum sit monumentum. De Herode constat, ipsum ob facinora deportatum esse in exilium ad provinciam Lugdunensem; num verò idèò Lugduni sepultus sit, credant qui volent.

Tantum de sacris ultra Ararim: *Cis Ararim* etiam quædam notabimus. In descensu de monte Sebastiani est templum *religiosorum Carmelitarum*, non magnum quidem, verum insigne, in quo sepultura illustrissimæ uxoris Domini d'Halincourt, magnifica & superba, cum aureo hoc epitaphio:

Icy gist Dame Jacqueline de Harlay, Dame d'honneur de la royne mere du roy, fondatrice de la maison & monastere des religieuses Carmelites de ceans. Femme de hault & puissant Seigneur Messire Charles de Neuf-ville, Seigneur d'Halincourt, Marquis de Villeroy, Viscomte de la Forestz Thaumier, Baron de Bury, &c. Chevalier des ordres du roy.

Conseiller en ses conseils d'estat & privé, Capitaine de cent hommes d'armes de ses ordonnances, Senechal du Lyonois, gouverneur & Lieutenant pour sa Majesté en la ville de Lyon, pays de Lyonois, Forez & Beaujollois. Laquelle deceda le quinzième jour de mars, mille six cens dixhuit.

Porro offenditur in descensu templum Sancti Petri; & structura & monumenta ostendunt antiquitatem & celebritatem. Non procul à muro templi lapis est magnus, unicum saltem hoc verbum litteris majusculis est inscriptum:

R. A T T I L A.

In hoc antiquo templo penes altare magnum, ad sinistram, legitur hoc epitaphium, antiquis sed legibilibus litteris lapidi magno incisum:

C. JULIO SEVERINO
SECVANO OMNIB.
HONORIBVS IN-
TER SVOS FVNCTO
PATRONO SPLENDI-
DISSIMI CORPORIS
IN RHODANI COR ET
ARAR CVI OB INNOC
MORVM ORDO CIVI-
TATIS SVAE BIS STATVAS
DECREVIT INQVISITORI
GALLIARVM TRES
PROVINCIAE GALL.

Huic ad dextram aliud stat oppositum:

TIBER POMPEIO
POMPEI TI FIL
PRISCO CADVR
CO OMNIBVS HO
NORIBVS APVD SVOS

FVNCT.

FVNCT. TRIB. LEG. V.

MACEDONICAE

IUDICI ARCAE

GALLIARVM III

PROVINC. GALL.

(Judex arcæ Galliarum dictus fuit antiquitus præfectus rei pecuniariæ ; hodiè *le President des finances.*) Recentiora ibidem notavimus duo. Alterum tale erat :

HIC SITVS EST CLAVD. BELIVRIVS. V. C. DELPHIN. SENATVS PRÆSES PRIOR. CVIVS INNOCENTIA HOMINVM INVIDIAM PROVOCAVIT ET SUPERAVIT. VIXIT ANN. LXX. M. VII, D. VII. JOANNES ET POMPONIVS PATRI OPT. POSVER. ANN. M D LVII.

Alterum, juveni Bohemo erectum, tale erat :

D. O. M. S.

Joanni Wettengel de Newenberg, natione Bohemo, è regia Praga oriundo, cum florentiss. Galliarum & Angliæ regnis perlustratis in Italiam iter pararet, juveni ad summum virtutis & gloriæ fastigium pleno cursu contendenti, in ipso ætatis flore, ardenti febris abrepto, filio cariss. PP, mœstiss. DEO animam commendantes inter lachrymas & suspiria hoc monumentum P. CC. Anno à Virginis partu supra sesquimillesimum XXCIIX, mense julio exeunte, C. V. ann. XIIIV, M X, D. L.

*Parcito (dicebam) juveni mors atra. Sed illa
Insultans miserum sustulit ante diem.*

Quis-

*Quisquis es, heu! frustra fidis juvenilibus annis;
Pallida mors nullum novit habere modum.*

In spe firma resurrectionis quiesco.

Huic templo adstunt sunt *moniales*; quarum
reditus ut sunt lauti & ampli; ita earum for-
mæ dicuntur esse præstantissimæ.

Non longè hinc abest templum *D. Cosmi*. Pars
ejus exterior habet inscriptionem sub Vespasia-
no erectam, vix ab antiquitate mutilatâ tantum
de ea legi potest:

CN O

O

ANNO SE

SPASIANI VIT

IMP. AUG F.

F. GALLIA.

Huic templo contigua est domus, in qua hæc
inscriptio, tripartitam Galliæ distinctionem
habens:

SERVILIO

MARCIANO

ARVERNO

C. SERVILI

DOMITI FILIO

SACERDOTI. AD

TEMPLVM ROMAE

ET AVGVSTORVM

TRES PROVINCIÆ

GALLIÆ.

Ne obliviscaris templi *Iacobinorum*, vulgò *no-
stre Dame de Confort*; quod Germanorum heic
denatorum est dormitorium, situm in area de
Confort. Lapidum sepulchrali insculpta sunt hæc
verba: *Icy est la sepulture des Allemans Imperiaux.*
Aquilam æneam, insigne Romani Imperii, se-
pulturæ impositam, furto sacrilega manus ab-
stulit.

tulerat; testantibus literis hisce, quas supplices illius Ordinis Monachi nobis offerebant: eas huc in elogium nostræ nationis adponere voluimus: Serenissimis Principibus, Ducibus, ac Marchionibus; generosis Comitibus & Baronibus; nobilissimis, nec non reliquis eruditione & virtute clarissimis viris Germanis peregrinantibus, atque hoc tempore Lugduni commorantibus, religiosi, conventus Dominae de Confort, ipsorum servitiis additissimi, utramque salutem humiliter devotione precantur. Serenissimi Principes, Duces, & Marchiones, generosi Comites ac Barones, nobilissimi, nec non reliqui eruditione & virtute clarissimi viri: Natio vestra Germanica, armis ac literis celeberrima, & laudatissimis dedita peregrinationibus, Ordinem nostrum, qui est DOMINICANORVM, jam dudum tantâ benevolentia complexa est, ut, si alicui Germano inter peregrinandum aliquid humanitatis acciderit, in nostri Ordinis ecclesiis potissimum sepeliri voluerit. Testes sunt Bononia & Siena in Italia; testis est hæc ipsa Lugdunensis civitas, in qua inclyta vestra natio ducentos abhinc annos & amplius sepulturae jus obtinuit: id quod antiquis monumentis probari potest: nec ita pridem demonstravit insigne Romani Imperii, Aquila aenea sepultura imposita; quam malitia improborum furtim sustulit: religiosa beneficentia bonorum ex vestra natione, brevi, ut speramus, reponet. Nimirum vestra natio Ordinem nostrum naturali propensione sequitur, singulari affectione prosequitur; quia novit, Sanctum DOMINICVM, Ordinis nostri authorem, natum esse ex illustri GVZMANORVM familia; quam ex Germania oriundam magnitudo animi & prudentia in Hispaniam transtulit; opibus, honoribus, atque dignitatibus ibidem auxit. Vos igitur, præclaræ clarissimæ nationis lumina & colu-

celumina, submissè & obnoxie rogamus, ut memores antiquissimæ affectionis, consuetum favorem nobis etiam hoc tempore exhibere, & quia ornamenta sacra, quæ habemus, pleraque continuo usu attrita sunt, ad paranda nova necessitati nostræ succurrere dignemini. De liberalissima munificentia vestra, eâ quâ par est, humilitate, hoc nobis pollicemur. Cum enim vel majores, vel cognati, vel affines vestri, Deo Opt. Max. ipsos in peregrinando ex hujus vitæ miseriis evocante, corpora sua mortua, veluti pretiosa pignora charitatis, Ordinis nostri custodiæ committere non dubitarint; spes certa nos fovet, fore, ut liberalitas vobis ingenta, Deo justissimo recompensatori fœneratura, hoc beneficii apud nos collocare velit. Facietis rem ipsi Deo gratam, vobis honorificam, Ordini nostro necessariam. Nos vicissim perpetuam ejus memoriam gratissimis animis submissè recolentes, vestra itinera, illisque peractis, illustres ac præclaras actiones vestras piis votis prosequemur. Valete.

In hac urbis parte est etiam templum S. Bonaventuræ, à Franciscanis Cordigeris inhabitatum. ubi horrus cum xylo spatioso; ibi hæc nota:

Noli	{	concupiscere	{	omnia	{	vides.
		credere		quæ		audis.
		dicere				scis.
		facere				potes.

In templo sunt trium Noribergensium monumenta, cum inscriptionibus Latinis & Germanicis; quas enotare non potui.

Hinc te confer ad templum dictum l' Abbaye de Saint Aisne: quod omnium Lugdunensium ædificiorum est antiquissimum. Hæc loci magnificentissimum totius Galliæ templum erat positum, Augusto Cæsari dicatum. De illo ait Strabo

lib. 17: Templum ibi ab universis Gallis communi designatione impensum, & Augusto Casari dicatum, ante hanc urbem adificatum est, ubi fluviorum est coitio; ad radicem enim templi illius Araris ac Rhodanus confluunt. Hodie nihil magnificentiae ibi, multum verò antiquitatis. Videatur Suetonius in vita Claud. Budæus lib. 14 de assè. Alex. ab Alex. lib. 5 genial. dier. c. 111. In hoc templo duæ erant aræ. Altera, quæ magnificentiâ & opificio erat eminentior, inscripta erat honori Augusti, anno V. C. 1500 XLIV, ejus imperii XXXIV, 1 Julii, Anton. & C. Fab. Afri. Coss., eodem die quo Claudius Nero est natus. Ex hac ara singulis diebus Augusto oblata sunt sacrificia, pompâ tanquam alteri Jovi, per sacerdotem. Vide Florum in Epitom. lib. 111. Altera ara erat omnibus communiter Galliarum provinciis consecrata; quæ tum temporis LX numerabantur. Hæ provinciarum sua nomina pyramidi, ad dictam aram erectæ, insculperant, tutelarium statuis adpositis, quæ in publicis festis & solemnitatibus circumferebantur. Vide Strabon. lib. 14, dicentem: Adest ara dignitatis eximiae, gentium LX inscriptum habens titulum; earum singularum statua una: alia subinde ingens locata est ara.

Juxta templum erat academia, à Romanis instituta, & Minervæ consecrata, tum quòd hæc literarum dicitur tutrix & præses, tum quòd Massilienses illius subsidio multoties defensos fuisse, opinio erat. Excolebatur in hac palæstra maximoperè Eloquentia, inque ea multum juvenus exercebatur, teste Sueton. in Caligul. dicente: Eloquentiæ plurimum attendebat, facundisque ac promptus edidit in Gallia Lugduni miscellos ludos, ac certamen quoque Græcæ Latinæque facundia, & c. Rhetoricis hisce exercitiis intererant viri

viri graves, quorum ad adsp̄ctum juvenes facundi expallere poterant, ut habet Juvenal.

Palleat, ut nudis preßit qui calcibus anguem,

Aut Lugdunensem rhetor dicturus ad aram.

Causa palloris subest; nam in palæstra hac rhetoricâ victus tenebatur linguâ suâ aut spongiâ madidâ eluere scripta in honoris sui decrementum, nisi eligeret in proximo fluvio præterlabente mergi.

Hodie adhuc locus vacat abbatiæ pontificiæ. in templo ad aram primam *Paschalis* Pontificis dicitur esse sepulchrum, qui auctor hujus templi dicitur, à versu:

Hanc eadem sacram Paschalis Papa dicavit.

Ibi sacellum in choro, continens ^{xiv} *Sibyllas* cum suis vaticiniis; quæ tamen motibus civilibus maximam partem pessumdatæ sunt. Ibidem monstratur lapis instar mensæ, qui Rhodano sine submersione innatans adportatus est. supplicium in hoc de Photino sumptum dicunt. In peristylliis monachicæ eruditionis legitur epitaphium:

*Virgo, Dei mater, Stephani miserere Boniti,
Qui jacet hîc, monachi venerabilis atque pē-
riti.*

*Festo namque tuo vitâ decessit ab istâ,
Istius ecclesiæ cantor simul atque sacrista.*

Nec procul ad dextram:

*Vmbertus Sulimas, quem lux à fine decembris
Sexta dedit fati, hac requiescit humo.*

Lux æterna Deus, &c. &c.

Inde egredientibus ad Ararim obvenit antiquus fornix, qui habet duas columnas lapideas & regis insignia: *Vn Dieu, un roy, une loy, une foy.*

Ad portam Rhodani est *templum Spiritus S.* ab ab opificibus nonnullis exstructum, habitantibus in Rhodani platea. Origo ejus est à gesticatione quadam, quæ festo Pentecostes Lugduni exhibetur à personato quodam equite, vel potius equo, quem adpellant *le cheval fol*; id est, equum fatuum. Sic verò se habet: Regnante Carolo VI, anno Christi cIo cccc iiii, infima fex plebis, ex opificum & vilium hominum colluvie, conflata, imperium urbis adfectabat, factò tumultu & seditione; quæ tamen mox composita & sedata est, lato edicto, ut in tumultûs hujus memoriam, festivitatis Pentecostes qui acciderat, quotannis homo quidam personatus per urbem ireret, in capite coronam, in manu gladium gestans, supposititiis capillis, iisque passis, linteo femoribus alligato & in formam equi concinnato. Hoc spectaculo monere volunt vulgus, quàm non modò fatuo animo regatur respub. tempore pacis, sed etiam ingruentibus bellis defendatur armis hebetibus, si summa reipubl. & rerum gerendarum commissa esset & demandata plebi. Ab hoc tumultu quia alieni fuerant opifices vicum Rhodani incolentes, indultu magistratûs, nec non in parte suppeditatis sumptibus, exstruxerunt templum hoc Sancti Spiritûs.

Hinc ad *templum Cælestinorum* in ripa Araris ire potes; videbis egregium monasterium, ubi olim Sabaudix Ducis aula fuit.

Ultimo te duco ad XENODOCHIA, quæ ne relinquas invisa, quod Gallix cum omnibus certant Lugdunensia, nova sunt; ordine & formâ afficiunt: distinctæ contignationes pro pauperibus, infantibus, senibus, ægris, orbis, exposititiis, lustrantem oblectant, & ad eleemosynam invitant.

tant. Processum celebrant sub feriis Paschalibus.

Tantum de sacris ædificiis. *Politica* nunc restant. Inter quæ primo videbimus *CVRIAM* : quæ *nova* & *vetus* est. In *nova* videbis regis imaginem, insignia, & alia egregia opera. *Vetus*, jam in usus privati mercatoris abiit. *Aream* habet, in qua duæ æneæ tabulæ suspensæ videntur, Romano charactere scriptæ : dicuntur esse rescriptum Imperatoris Claudii, quo cives Lugdunenses jure civitatis Romanæ donati sunt. Fecit hoc ut amorem suum erga civitatem, & civitatis fidelitatem in rempubl. Roman. testaretur : gratus in patriam, quam habuit pro nativitatibus domicilio. Prior vero tabula sic habet: *Equidem primam omnium illam cogitationem hominum, quam maximè primam occursum mihi provideo, deprecor, ne quasi novam istam rem introduci exhorrescat, sed illa patris cogitatis, quàm multa in hac civitate novata sint, & quidem statim ab origine urbis nostræ in quot formas statusque respub. nostræ deducta sit. Quondam reges hanc tenere urbem. ne tamen domesticis successoribus eam tradere contingeret, supervenire alieni, & quidam externi, ut Numa Romulo successerit ex Sabinis, veniens vicinus quidem, sed tunc externus, ut Anco Marcio Priscus Tarquinius, propter temeratum sanguinem, quòd patre Demarato Corinthio natus erat & Tarquiniensi matre, generosus, sed inopi; ut quæ tali marito necesse habuerit succumbere cum domi repelleretur à gerendis honoribus. Postquam Romam migravit, regnum adeptus est huic quoque, filio, nepotibusque ejus : Nam & hoc inter auctores discrepat: Insertus Servius Tullius, si nostros sequimur, captiva natus Ocrefia, si Tuscos, cælii quondam Vivennæ sodalis fidelissimus, omnibusque ejus casus comes, postquam variâ fortunâ exactus, cum omnibus*

reliquis Cœliani exercitus Etruriâ excessit, montens
 Cœlium occupavit, & à Duce suo Cœlio ita appel-
 litatus, mutatoque nomine (nam Tusce Mastarna ei
 nomen erat) ita appellatus est, ut dixi, & regnum
 summâ cum reip. utilitate obtinuit. Deinde post-
 quam Tarquinii superbi mores invisi civitati no-
 stra esse cœperunt, quâ ipsius, quâ filiorum ejus
 nempe pertæsum est, mentes regni & ad Consules,
 annuos Magistratus, administratio reipubl. trans-
 lata est. Quid nunc commemorem dictaturæ hoc
 ipso consulari imperium valentius, repertum apud
 majores nostros, quo in asperioribus bellis aut in ci-
 vili motu difficiliori uterentur? aut in auxilium
 plebis creatos tribunos plebis? quod à consulibus ad
 decem-viros translatum imperium, solutoque postea
 decem-virali regno ad Consules rursus reditum.
 Quid I M. distributum consulare imperium,
 Tribunosque militum consulari imperio appellatos,
 qui senî & sæpe octoni crearentur? quid communi-
 catos postremo cum plebe honores non Imperii so-
 lum sed sacerdotiorum quoque. Iam si narrem bella
 à quibus cœperint majores nostri & quo processeri-
 mus, vereor ne nimio insolentior esse videar; &
 quæsisse jactationem prolati Imperii ultra Ocea-
 num; sed illac potius revertar civitatem. Altera
 tabula ænea ad sinistram sic habet: Cæsar omnem
 florem ubique coloniarum ac municipiorum, bono-
 rum scilicet virorum & locupletium, in hac curia
 esse voluit. Quod ergò non Italicus Senator provin-
 ciali potior est, jam vobis, cum hanc partem censuræ
 meæ approbare cæpero, quid de ea re sentiam, rebus
 ostendam; sed ne Provinciales quidem, si modò or-
 nare curiam possint, recipiendos puto. Ornatisima
 ecce colonia valentissimæque Viennensium, quàm
 longo jam tempore Senatores huic Curia confert, ex
 qua Colonia inter paucos equestris ordinis ornamen-
 tum

tum L. Vestinum familiariſſimè diligo, meis deſtino; cujus liberi fruantur, quaſo, primo ſacerdotiorum gradu, poſtmodo cum annis promotari dignitatis ſuæ incrementa. ut dirum nomen latronis taceam. & odi illud palæſtricum prodigium quod ante DN. domum conſulatum intulit quàm colonia ſua ſolidum civitatis Romanæ beneficium conſecuta eſt. idem de fato ejus poſſum dicere, miſerabili quidem indigniſſimoque hoc caſu, ut vobis utilis Senator eſſe non poſſit. Tempus eſt jam, T. Caſar Germanice, detegere Te patribus conſcriptis, quo tendat oratio tua. jam enim ad extremos fines Galliæ Narbonenſis veniſti. Tot ecce inſignes juvenes, quot intutor, non magis ſunt prænitendi Senatores, quàm prænitet Perſicum, nobiliſſimum virum, amicum meum, inter imagines majorum ſuorum Allobrogici nomen legere. Quod ſi hæc ita eſſe conſentitis, quid ultra deſideratis quàm ut vobis digito demonſtrem, ſolum ipſum ultra fines Provinciæ Narbonenſis jam vobis Senatores mittere, quando ex Lugduno habere nos noſtri ordinis viros non prænitet. Timidè quidem, P. C., egreſſus adſuetos familiaresque vobis provinciæ terminos ſum ſed diſtrictè jam Comatæ Galliæ cauſa agenda eſt; in qua ſiquis hoc intuetur, quòd bellis per 8 annos exercuerunt Dirum Iulium, idem opponat centum annorum immobilem fidem obſequiumque. à tergo pacem præſtiterunt. Et quidem, cùm adſenſus novo tum opere & in ſit nobis; nunc, cum maximè, quamvis nihil ultra quàm ut publicæ notæ ſint facultates noſtræ, exquiratur, nimis magno experimento cognoviſcimus. Tantum de mutilo iſto reſcripto, quo imperator Lugdunenſes voluit recipere in jus civitatis Romanorum. Verùm, quia Imperatores nondum habebant jus regium, idèd Senatus neque eos recipere voluit pro civibus

Romanis plenis, qui gaudebant jure publico civitatis in judiciis magistratibusque petendis, suffragiis etiam ferendis; tales siquidem habebant sua domicilia Romæ, & in censum erant adscripti, sive cives essent originarii, sive assumti. Lugdunensibus vero & aliis è Comata Gallia Senatus largiebatur, ut in numerum civium semiplenorum adscriberentur, qui jure testamentorum, tutelarum, matrimoniorum, & patriæ potestatis, fruebantur. Convenit hoc cum Tacito lib. xvii, qui dicit: *Primores Gallia, quæ Comata dicitur, civitatem Romanam pridem adsecuti erant.* Penes has tabulas in ipso muro positus est alius lapis sepulchralis:

NOBILIS. TIB.

CAESARIS. AVG.

SER. AEQV. MONET

HIC ADQVIESCIT

JULIA ADEPTA CONIVNX

II. PERPETVA FILIA D. S. P.

His visis, confer te ad ASYLUM LVGDVNENSE, situm penes templum, nî fallor, sancti Nisieri, quo perfugis tutum receptaculum. Area est, in cujus medio pyramis & fons ferreis cancellis clusus. Portarum tibi scribam lemmata:

PIETAS FELICIS ANIMI STATUS, FONS ET SEDES;

CUM HVC PERVENERIS, FINIS EST.

Aliud: ADHAERERE DEO BONVM EST.

Aliud, ubi tria cadaverum capita muro imposita:

QVOD ADEST, MEMENTO

COMPONERE AEQVVS.

Aliud: VINDEXTOR ET ASSERTOR TVI

AVDE ESSE FELIX.

Aliud supra portam, cui columna quadriformis imposita:

HAC

HAC ITVR AD SECVKITATEM.

Multo de asyilis scripto & jure non te morabor ;
 si otium est , eruditissimum de *Iure asylorum* *Petri Sarpi Itali* scriptum vide ; non sine eruditione
 te dimittet. Vide etiam *Euphormionem in prasat.*
apologiae suae : nec non *Kockerm. in disput. de*
rebuspub. priscis, aphor. LVIII.

Hinc in HORTVM te deducam Gubernatoris,
 sat amplum, porticum & ambulacrorum amœ-
 nitate jucundum ; domesticis etiam eduliis con-
 situm. Lucus diversis ex arboribus in medio est
 sat densus ; habitatio lusciniarum suavissimâ
 harmoniâ aures ferientium. Muro imposita sta-
 tua conspicitur ; sub qua :

Istius domûs vivat hospes.

BERTHEAS

la Barbe posuit

P. C.

Subtus semicirculo inscriptum est :

Vnde superbit homo, cujus mortalis origo,

Et præter numen cætera fumus erunt !

Hinc ad armamentarium, *la Rigandiere* dictum,
 non ita à multis annis novo muro circumdu-
 ctum. tormenta non adeo multa in eo numera-
 bamus.

A feriis ad ludos, ad *sphæristeria*, te ducam ;
 quæ xxv in urbe numerari audio ; inter quæ ul-
 tra Ararim unum ascendi , subalto recto in su-
 prema ædium contignatione situm , visu mirum
 & rarum.

Dum ultra Ararim versaris , invise ad domum
Antiquariam , *l'Antiquaille* , in trivio montis
 Veneris sitam ; ubi vetus hæc inscriptio :

M. AETERNÆ L. CL. RVFINI

CL. HVNC VIVS STIGIAS RVFINVS

AD VMERAS INSTITVIT

TITVLVM POST ANIMAE REQV-
 IEM QVI TESTIS VITAE FATIS
 SIT LEGE FUTVRVS CVM DO-
 MVS ACCIPIENS SAXE CORPVS HA-
 BENS. QVOQVE MEAM
 RETINET VOCEM DATA LITTE-
 RA SAXO VOCE SVA VIVET
 QVISQVE LEGET TITVLOS
 RATIO HIC SITVS EST IVVE
 NILI ROBORE QVONDAM
 CUI SIBI MOXQ. SI SI NVTRICI
 MARCIANAE ITEM VERINAE
 COLLATIA HAC MONVMENTA
 DEDIT ET SVB ASCIA
 DEDICAVIT

CVRAE CL. SEQVENTE PATRONO.

Ita mutila hæc & interrupta, ut, quid sibi velint, non assequar.

Eademitione, antequam montem Veneris ad-
 scendis, in horto quodam videre potes antiquum
 sub terra Romanorum opus; *la grotte berluce*
 quod adpellant. E quadrato lapide in longitu-
 dinem producti sunt v. fornices, x cubitos alti, v
 lati: è traverso itidem iiii sunt, ejusdem ferè
 cum prioribus longitudinis ac latitudinis. De
 usu variant capita: Quorundam opinatio est,
 thermas aut balnea antiquis temporibus hic
 fuisse; quæ si vera, nescio quomodo respirationi
 aut spiraculis fuerit ullus locus, cum omnes den-
 sâ terrâ oppletæ sint concamerationes. Quorun-
 dam hæc verisimilior est sententia; Usus cister-
 narum præbuisse hos fornices, cum Saraceni
 Galliam vastantes, hanc urbem multis difficulta-
 tibus, nec non aquarum inopiâ, affligerent.

Altius si lubet antiquitates lustrare, ascende
 ad portam *Trium fontium*, (*la porte de Triens.*)

Hunc

Hunc ad locum aquæductus simplices exterius venientes in tres divisi sunt canales, ut diversis ita incolarum locis inferirent: nisi cum Claudio de Rubiis lib. 1, cap. x, velis asserere, locum hunc à triplici aquarum scaturigine nomen suum sortitum; quemadmodum illum fontem extra Romam ad ædem Divi Pauli, (quæ una est à VII primis Ecclesiis, diebus parasceues visitandis,) ubi is decollatus, nomen suum accepisse, Romana plebs nobis retulit.

Sufficiant hæc de Materiali urbis: *FORMALE est in regimine, & subditorum statu.*

Regimen *in spiritualibus* est penes archiepiscopum Lugdunensem, qui non solum per hunc tractum, sed per omnem Galliam est Primas.

In Politicis regis loco est Gubernator, toti territorio præfectus: Vir excellentis formæ, magnæ dignitatis, humanæ mentis, cui pro custodiâ Helvetii sunt perpetuâ: huic suus est locum-tenens. Quoad jura Majestatis & Regalia majora, constitutus est regis Procurator cum reliquis ei adjunctis.

Ita habent publica: Civitatis verò regimen *Optimatibus* est commissum, & ad aristocratiam vergit. Potestas eligendi magistratum est penes populum & opifices, sed restricta, & certis limitibus circumscripta. Cum Senator novus est eligendus, tunc magistratus totus convenit, & ex opificibus quosdam primores seu Magistros eligit & nominat. horum est deinde, votis suis novum eligere Senatorem, quem magistratus in suum ordinem adsciscit. Hinc anno c10 lxxvi opifices, contra Senatum insurgentes, Optimatibus Lugdunensibus magnas movere seditiones; Volebant siquidem opifices, ut sibi illa privilegia darentur; se quoque judicio pollere, Sena-

tumque jam satis diu summæ rerum præfuisse ;
tempus jam esse , ut opifices quoque ad clavum
reipublicæ sedeant. Verùm Parlamenti sedulâ
curâ & tempestivâ interventione , seditio illa ita
composita fuit , ut Senatoribus clavus reipubl.
gubernandus manserit. Rursus anno c1o Io xxix
popularis alius motus fuit , dum plebs in ditio-
rum ædibus frumentum tantâ copiâ contineri
ajebat, ut putresceret, interim se extremâ inopiâ
laborare ; eapropter granaria illa cœperunt in-
vadere , deprædari , & nihil non insolentiarum
peragere. quæ res Franciscum I Regem movit, ut
tumultûs illius capita dignis pœnis afficeret.

SVEDITORVM sive *Civium* statum videbimus
in religione, & extra eam.

Maximam partem cives sunt pontificiæ reli-
gioni addicti : dixerim tamen , mille & plures
esse ; qui reformatam amplexi publicè & serîo
defendunt ; ideoque etiam , cum in urbe exerci-
tio publico destituantur , regis clementissimo
indultu ædificarunt ædem Dei in pago Ulin,
qui horæ vel præterpropter intervallo ab urbe
abjunctus, in quo singulis diebus Dominicis sa-
cra sua concionando & cantando peragunt. Si
quem Reformatorum contigit mori in urbe, mo-
nasterium est monialium juxta aream de Con-
fort, in quod sub noctem citra omnem pompam
infertur, terræque demandatur. Nota circa reli-
gionem reformatam , quòd anno c1o c lx Lug-
duni prodierit civis quidam , Johannes Waldo,
sacras litteras doctus ; hic se Pontifici & ejus
doctrinæ opposuit ; unde hodiè supersunt Wal-
denses. *Bienen-korb* p. 4. b

Extra religionem , subditi florent *mercaturâ*
& *opificiis*. Quæ incrementa sua habent per Ara-
rim & Rhodanum heic confluentes. Arari fluvio
secun-

secundo defertur frumentum, vinum, carbones, è Burgundia : Rhodano , licet flumine adverso, ascendunt è Delphinatu , Provincia & Languedocio generosissima vina , mala citria , aurantia, merces item ex Hispânia & Italia. Non est quod heic quid desideres in sericis , pannis , linteis ; nec quod literatos tangit, in libris : officina heic est librorum & emporium , qui æquo pretio addicuntur, & in omnes Europæ plagas exportantur. Quo non parùm faciunt i v mercatus annui, à Carolo VII & Ludovico XI regibus concessi; nimirum festo 111 regum, Paschatos, mense augusto, omnium sanctorum , magno cum exterorum commodo, præter Genevensium , qui hinc multum vapulant, dum ab iis negotiationes huc transportatæ sunt. Commendati sunt etiam olim cives à FIDELITATE , quâ Romanos Imperatores coluere : eamque testati sunt anno Christi cccvi , Constantio Imperatori. sub quo cum Maxentius Tyrannus hinc inde faviret , Lugdunumque commorandi per aliquod tempus gratiâ veniret , ecce cives illum apprehendere , captivumque Constantio sistere voluere. Hic sica occultâ violentas sibi injicit manus, latereque perfosso, ita ut sanguis per os & nares efflueret , vitam perdit ; Ita extinctum Lugdunenses obtulerunt Constantio , qui gratâ mente agnovit fidelitatem; & licet Arrianus esset, Lugdunensibus religione discrepantibus parcere jussit.

Ita habet *Formale in quiete* : In adversis alia fuit facies; quò clades & ruinæ urbis referantur , ex Historicis Romanis à nobis breviter videnda.

Prima, quæ anno V. C. 1000 XIX, Neroniani Imperi XI, Christi LXVIII , ab ædificata à Plano urbe c VII, evênit, miserrima est : Ignis enim de

coelo lapsus, voraci flammâ in cineres universam urbem dedit, ut sequenti die villici foràs urbem accedentes, ne unicam quidem domum invenerint. Seneca Epistola xci ad Lucil. ait : *Tot pulcherrima Lugdunensis colonia opera, quæ singula illustrare urbes singulas possent, una nox stravit, & in tanta pace, quantum ne bello quidem timeri potest, accidit. Quis hoc credat? ubique armis quiescentibus, cum toto orbe terrarum diffusa securitas sit, Lugdunum, quod ostendebatur in Gallia, quaeritur. in hac ruina, una nox fuit inter urbem maximam & nullam.* Hunc interitum ut repararent Lugdunenses, liberali munere Imperator Nero eos juvit, ut habet Tacitus, lib. xvi. annal. dicens: *Cladem Lugdunensem quadragies fessert. solatus est Princeps (Nero,) ut amissa urbi reponerent. Quam summam Budæus lib. ii de assè dicit, collato cum nostro ære, efficere centum millia aureorum.*

Altera clades sub Septimio Severo, anno Christi cc, accidit, horrenda & ob id dolenda. Imperator hic, ut nulli nec amicorum nec inimicorum parcebat, ita in mares, foeminas, pueros, puellas, innocentesque infantes tanta sæviebat crudelitate, ut sanguis è corporibus effluens & vicos & fluvios tingeret, ut videre est in Julio Capitolino. Hic non contentus hoc hominum & inhabitantium macello, ad ædificia se convertit, quæ omnia demolitus est & evertit; à templo Augusti nihil, quod antiqui Lugduni formam referret, relinquens: ita placuit tyranno urbem incendio perire, velut Neroni Romam: imò alter Hannibal erat, qui inspectâ humani sanguinis plenâ fossâ, pulchrum esse spectaculum non erubuit dicere. Causa vero tantæ crudelitatis in Severo hæc fuit: Albinus quidam, quem Severus

Impe-

Imperator vocabat fratrem suum & Cæsarem, in Gallia nomen & titulum Imperatoris usurpans, provinciæ isti inhiabat; hunc Lugdunenses, nihil fortè hac hospitalitate contra Cæsarem se delicturos arbitrantes, in urbem suam receptum, hospitali sustentatione fovère. Hoc factum Cæsar Severus in contemptum sui interpretans, cives omnes criminis læsæ Majestatis arguebat, condemnabat, diraque hac executionis poenâ mactabat, non cogitans, se ipsum in causa esse, quod Lugdunenses Albinum, quem ipse Cæsar antè suum fratrem nominârat, tanquam Imperatoris amicum in hospitium suum receperint. Verùm ut versus habent :

*Ad generum Cereris sine cade & sanguine pauci
Descendunt reges & siccâ morte tyranni.*

Ita Severo huic accidit, qui dum membrorum omnium, imprimis vero pedum maximum dolorem sentiret, nec pati posset, loco veneni, quod ei negabatur, cibum & massas plurimæ carnis avidus invasit : hujus cruditate. cum conficere non posset, pressus miserè interiit.

Tertia clades anno Christi ccc l. accidit, teste *Ammian. Marcellin. lib. lvi*, cum Germani urbe captâ eam spoliarent : quos tamen Julianus circumventor interfecit, spoliaque ipsis ademit.

Quarta clades sub Theodosio Imperatore fuit, anno Christi cccc xxxv, cum Hunni & ipsorum rex Attila Galliam vastarent & depopularentur.

Quinta anno Christi Id cc xvv, sub Carolo Martello, Caroli M. avo, accidit, ubi Gothi & Saraceni urbem obsiderent & depraedarentur.

Tantum de antiquis cladibus ; novas superse-
deo adjicere, cum non interitum sed incremen-
ta urbi voceam, pro grato hospitio, mihi exhi-
bito;

bito; eapropter cum hoc elogio descriptionem
ejus finiam :

Lyon, qui de la France sers de force & rempart;

Lyon, qui de plaisir est reluis de toute part :

La riviere du Rhosne, doucement deconlant,

Qui embrasse la Saosne, te rendent opulent.

Extra hanc urbem restant nobis quædam loca
visenda. Nimirum, primò, INSVLA BAREARA,
(l'isle Barbe.) de cujus situ & excultu videantur
Paradinus lib. II, c. VI; & Claudius de Rubiis.
In templis hæc enotavimus: Mox in ingressu
templi S. Maria:

Suscipe, porta patens, porta celestis imago,

Sanguine quos emit sibi Virginis alma propago.

Ibidem epitaphium Longini, quod in introitu
sinistræ partis ad sacellum B. Andreæ conspi-
citur:

Qui salvatoris latus in cruce cuspide
fixit,

Longinus hîc jacet.

Longini hujus statuam vidi Mantuæ in publi-
ca platea cum tali lemmate:

Longinus qui lanceâ Christi latus aper-
ruit, sanguinemque ejus ann. IIII. Mant.
detulit, hoc in loco Cappadocia nuncu-
pato, sub præfide Octavio decollatus est
idib. mart. IXX.

Porro in templo S. Lupi:

D. O. M.

S S. Martino & Lupo sacrum, immani
hæreticorum impietate ferro & igne va-
statum & funditus eversum anno MD
LXII, Deo auspice & Ludovico XIII Gall.
& Nav.

& Nav. Rege , R. D. Camillo de Neufville, insulæ Barbaræ abbatis, Decani impensis, & curâ vigilantissimi parentis D. Caroli de Neufville, D D. Halincourt, Marchionis de Villeroy, &c. Lugdunensis provinciæ Prorégis , in integrum restitutum. anno M DC XX.

Secundò, extra urbem quod notes , est *adificium*, (LA DVCHERE,) c passus ab urbe sejunctum, in colle peramœno prope Ararim situm. Hodie agnoscit Dominum de Nellestan, ad quem hereditate Francisci Clappissonii Advocati regii , qui secessum hunc pecuniâ maximam partem lusu acquisitâ dicitur ædificasse , devolutum est. Videamus hujus *situm* & *adificium ipsum*. *Situs* ad invidiam amœnus , ad similitudinem valdè rarus est , commodiore in montis parte, è qua quidquid aliorum montium vicinorum , vinearum , agrorum , pratorum , convallium , fructicetorum est, imo ipsam in pede montis leniter descendentem Ararim , non exiguâ oculorum recreatione , mentisquæ voluptate , lustrare possum. *Ædificium* respondet situi. Primæ portæ è lapide structæ , ubi occipit introitus , inscriptum est :

Rure tibi vivas ; aliis , dum vixeris urbi.

Ubi hanc ingressus fueris , respice sublati oculis ; ubi :

Nec vidisse semel satis est.

Mox via passuum lxxx circiter calcanda est, ultrò citroquæ arboribus, maximam partem fructiferis, numero ccc lxxv, consita ; cujus terminus paullum acclivior. ibi ad colliculum cisterna, cui inscriptum: *Benedicite fontes Domino.*

Inde

Inde usque ad portam ipsius domus intra duos muros ascenditur. Hec *ambulacrum* est ; cuius parietes superiores , XII Imperatorum primorum icones ; inferiores , variorum animalium picturas ostendunt. Ibi propè ludo *palle maille* dicata area. Ex ambulacro ad penitiora itio est. Extùs porta habet insignia Procuratoris eleganti lapidi incisa , nimirum leonem nigrum , oleæ ramum ungulis suis tenentem , cum lemmate : *Luctus forti ludus. & paullo infra : Deus nobis hac otia fecit.* Intùs portæ eidem inscriptum est : *Pulchra, nisi abeundum esset. paullo inferiùs : Intravi ut exirem.* E regione istius portæ Henrici IV effigies muro adpieta :

*Si du sculpteur l'art & science
Pouvoient par un semblable trait
Graver sa valeur & clemence,
L'ouvrage seroit tout parfait.*


Ipsa area est quadrilatera , grandioribus saxis strata. Parietes ostendunt animalia depicta vario positu ad recreandos animos ; præ omnibus respice *ursum* ad fores introitùs sinistrorsum, qui inscios ferè terret , ita vivus videtur progredi. Hisce foribus inscriptum :

*Tant de peine pour bien amasser,
Puis mourir, & tout laisser.*

Versum hunc ita reddidit Latine celebris quidam medicus :

*Sollicito quod anhelosus collegeris ungue,
(Migrandum est,) aliis, quod legis, omne legis.*

In area hac seu potiùs impluvio , egregius est *fons*, è monte prosiliens, cuius aqua in dolium influat & effluit, isti verò dolio Bacchus insidet instar equitis. Fontis latera habent inscripta : *Sic oriuntur opes:* Et, *Sic moriuntur opes.* Ad dextram superne hoc triangulum cum litteris circum :



Quid sibi velit, alium quære. Ad dextram propè hunc fontem ascenduntur gradus. ibi supra portam : *Ex templo in templum*. Inde non procul alia janua, cujus superiori parti appicta est Justitiæ & Pacis imago, cum lemmate :

Vivitur sic tutodivis custodibus istis.

Januæ illi propè est *conclave*, in quo varia animantium genera, peculiareque venationes videas. Ex eo in *hortum* superiorem & inferiorem fat amplam itur; in quo aræ sunt occupatæ ole-ribus & herbis culinariis potissimum. Inde in superiores contignationes ascenditur, ubi *conclave* tapetibus & peripetasmatis aureis vestitum, regum aliquot Galliæ & aliorum imagines habens; inter quas, si rectè memini, Bellarmini imago, distorto ore, cum disticho hoc :

Ars utinam mores animumque effingere possët,

Pulchrior in terris nulla tabella foret.

Januæ hujus exteriori superscriptum est :

Heic statio est, alibi portus.

Ostenditur etiam *secretius conclave* Procuratoris, cum duobus procætiis, (*avantchambres*) formâ rotundâ, firmatum ponte pensili sive versatili, pro defensione corporis; dicitur quippe mul-torum inimicitias sibi contraxisse, & inde vitæ suæ insidias, quas ut declinaret, secessum in hunc se coarctavit. Nec longè inde *exupia cro-*
codis-

codilinæ sunt ; animal istud in horreo quodam latitasse , & à rustico trajectum globo fertur ; credat alius. Inde in SACELLUM ducebamur, historiis biblicis decoratum, multisque lemmatibus inscriptum. Fornix mysterium pietatis habet, cum his versibus :

Tres unum, Deus est unus, tribus una potestas:

Hac casti maneant in religione nepotes.

Ad aquiminarium sive vas lustrale, lamina ænea muro inclusa est, cui hoc inscriptum :

D. O. M.

Franciscus Clapifson in præsidiali præfectura Lugdunensi cognitor regius , ac publici juris vindex, & Magaretha Dulin, dulcissima conjunx, suburbanæ hujus villæ ambo Domini , par conjugum fidissimum pientissimumque, hoc sacellum sociali pietate auctum, ornatum, consecratum, pro sua in Divam loci tutelarem Margaretham religione eidem nuncuparunt dedicaruntque : tum jusserunt quotannis anniversario Divæ natali sacris factis adscripto heic rem sacram ritè fieri, ac diem festum feriatumque à Ducheriana familia universâ agitari: quæ ipsi omnia concordissimè vivi sanxerunt, ne posteros rogarent ex voto suscepto. Anno MDCVI.

Eodem ferè modo clauditur hæc voluntas, (*ne posteros rogarent,*) quomodo monumentum Ph. Decii Jurisconsulti, quod Pisis in Campo Sancto de semetipso factum legimus: *P. P. postquam*

quam Decius stipendium mille quingentorum aureorum in auro pro lectura consequutus fuisset ab excelsa Florentinorum repub. de morte cogitans, hoc sepulchrum sibi fabricari curavit, ne posteris crederet. In hoc monumentum adjiciam sarcasinam à Jano Vitale scriptum; quod dum in suburbano hoc secessu te delectas, non malè interpretaberis, amice lector :

*Dum curat Decius sibi sepulchrum
Clarum marmore ponere eleganti,
Inscripsit titulos ineruditos,
Ut visum magis extorquere possint,
Quàm laudare hominem undique clarum :
Quod si non sibi pulchrius sepulchrum,
Quàm doctos titulos & elegantes
Curasset, modò mollius jaceret.*

E sacello eundum est in xystrum, LXX passus longum, VII latum. Latera ejus varias picturas habent. inter eas tabula una, ubi gladii stricti multi :

*Cùm tribus infelix serviret Roma tyrannis,
Hæc rerum facies, quam modò cernis, erat.*
Superior pars varia emblemata & sententiosa lemmata habet. quorum quædam hæc sunt :

I. *Malum Punicum cum corona.*

Mihi cælo, non sorte, corona.

II. *Corona cui palma innexa.*

Tantis augustior una triumphis.

III. *Duo lilia albicantia & rubra, jaculo transfixa.*

Flori flos jungitur alter.

IV. *Corona cum insign. Ordinis Sancti Spiritus.*

Decus virtute merendum.

V. *Corona cum insign. Ord. D. Michaëlis.*

Im-

Immensi tremor Oceani.

VI. *Stella cum corona.*

Monstrant regibus astra viam.

VII. *Vna corona, per quam fax ardens, subitis quatuor aliæ coronæ.*

Venit, vidit, vicit.

VIII. *Viridis coloris labyrinthus.*

Dolis prudentia major.

IX. *Histrix.*

Cominus & eminus.

X. *Salamandra in igne.*

Nutrisco & extinguo.

XI. *Luna accrescens, sive nova.*

Donec totum impleat orbem.

XII. *Luna plena.*

Quum plena est, sit æmula Solis.

XIII. *Dua columnæ.*

Pietate & iustitia.

XIV. *Duo globi cum coronis.*

Unus non sufficit orbis.

XV. *Duo sceptræ transversim posita, in quorum medio gladius.*

Duo protegit unus.

XVI. *Dua coronæ.*

Manet ultima cælo.

Ex hoc xysto in aliud conclave itur, ubi inter pictas tabulas, quadrata una est, ostendens fabulam de aureo imbre, in Danaës sinum depluente: tabula licet magno pretio vendi posset, nullo est vendibilis. Hinc in hortum, sive vinetum potius dixeris: inde in sylulam luci instar; ferarum ibi latitantium volucrumque cantantium latibulum & domicilium est. His omnibus visis, si stru-

si structuram contignationum lustrare placet, ducêris in sublimiorem villæ hujus partem, quæ finis est horum laborum & lustrationis.

TERTIO extra urbem, est villa quædam LA CLAIRE; quæ nomen sortita à cive quodam nomine Claro. hæc non procul distita à villa *la Duchere*; non tamen à nobis visa, ab aliis autem ita communicata: Simul atque intras, hortus se objicit; & in eo silvula quædam, densitate arborum repræsentans lucum, amœnum satis ac delectabilem. Principale autem & visu dignissimum est FONS, olim quidem majori quàm nunc apparatu & sumtuosâ fabrica conspicuus. In eo primò est urceus, in quem aqua defluit; ex levissimò & lucidissimo alabastro formâ quadratâ excavatus. Ad ejus posticam partem monticulus IV ulnarum longitudine, II latitudine exstructus, tum artificem laudat, tum adventantem mirâ voluptate adficit: compositus siquidem est variis undique & inæquali ordine coagmentatis cochleis, testis, trophisq; maritimis, corallis, tum albis, eum nigris, & aliis lapidibus rarioribus. Ex illo monte promanat aqua, partim è canaliculis, qui centum circiter, partim rimis multifariâ hîscentibus, & aquæ eruptionem largientibus. Maximus canalîs inter aquarum ductus, est tuba pastoritia, è medio duorum capitum, serpentes repræsentantium, prominens. Totum illud conclave, in quo fons hic locatus est, tum suprâ, tum infrâ, tum ad singula latera, variis conchis, gemmis, corallis, & aliis marino artificio formatis, ita est ornatum, ut præ illis vix parietis cœmentum vel calx in conspectum veniat. Ad januam è marmore Satyri cujusdam & Veneris statua, magnitudine juxta repræsentatur: Eidem januæ inscriptum est hoc distichon:

Hanc

*Hanc ornans clarâ Claram clarissimus undâ,
Cuncta facit clarus quò sua clara forent.*

QUARTO, si porro ire lubet, restat villa cuiusdam mercatoris LA GORGE DU LOUP, priori non longè abjuncta: In ea fontes cum Medusæ statua: sunt siphones, è quorum maximo prædium hoc nomen habet, aquam undique evo-
mentes.

Tantum de Lugduno, & confinibus villis. Concludamus cum Botereo lib. I comment. Gall. p. II: Lugdunum urbs est, quæ Munatio Planco sua debet incunabula; Pop. Rom. colonia priscorum Rhetorum formidata ara, Celticæemporium, janua Alpium, specula Italiæ: ubi

*Rhodanus ingens amne prærapido fluit,
Ararque, dubitans quò suos cursus agat,
Tacitus quietis alluit ripas vadis.*

Et pag. 48: Mercatura, quæ ab utroque flumine invehitur Lugdunum, urbis est anima, duoque illi fluvii gemina sunt ubera, quibus regressis exsiccam & elanguidam fieri necesse est.

Convafemus nunc vasa & reculas ad iter Genevense; quod jam mecum ingredieris.

Postquam mensem decembrem, mediumque ferè januarium, Lugduni substitissemus, Genevam, reliquum hyemis ibi transacturi, abivimus, conducto alio viatore, cui quilibet pro suo & vectoris pastu, nec non vecturâ, xv florenos Gallicos (à 20 sols chacun) Lugduno Genevam usque solvère.

Itaque portâ Sebastiani egressi, excubantibus ibi Helvetiis nummos aliquot pro lubitu donavimus, citius ut nos in viam dimitterent, quod inspectâ schedâ ex urbe exportatâ facile faciebant. Per vineta mox erat ascendendum, relicto Rhodano dextrorsum in ima valle. post aliquot ob-
scuri

scuri penetrandi pagi, priusquam III *milliar.* ad pagum *la Boisse* devehremur, cœnaturi *ou monton.* (sero siquidem ab amicis Lugduni divelli poteramus.)

Sequenti die per pagum *Verbonne* ivimus, II *mill.* Mox planities & ad utrumque latus arces erant, *Chastillonnet*, & *Chastillon.* tandem fluvius D'AIN; qui pontone trajiciendus, soluto naulo pro quolibet equo v solidorum, (*5 sols.*) casula ad ripam ibi structa, portitores recipiens, qui sæpe integrum diem, quàm hominem trajiciendum habeant, expectant. Ipsum flumen rapidum est & pellucidum ad ipsum usque fundum; discriminans regionem de Bougie sive Buzay de Bresse.

A trajectu in apertum campum venis: pòst ad alium diffusum fluvium *Arbalinam*; qui quandoque exundat totum agrum, testantur quod ripæ vestigia; quandoque etiam ita siccus, qualis tunc erat, ut nec vel soleæ equi humectentur. Inde proximè pagus *Chasteau gaillard*, II *mill.*, pro prandio erat à *l'escu de France.* Quo sumto, per opid. *Bournay*, ad pagum *S. Jean le vieil*, in planitie satis amœnâ situm, devenimus. Post delati in altum montem, descendere rursus coacti sumus viâ faxeâ, longâ & præcipiti, in pagum *Cerdon*, III *milliar.* ubi pernoctandum *au lyon d'or*, satis tenui apparatu, satis tamen pro loci situ. Est pagus paucarum, ornatarum tamen, ædium in imo fundo structus, sub dominio Ducis Nemorosii.

Postridie è pago hoc via te ducet in præruptum montem; quem sinuoso flexu vix mediâ horâ pedes ascendere potis es; quod & nobis summo mane, Lunâ quidem splendente, frigore vero intensissimo, faciendum erat. in summita-

tem ubi venis, glacies & nives equitanti occurrunt; cautus itaque sis, si hyeme hâc pergendum viâ, ne equi lapsu præcipitêre. In via pagi sunt *Merignan & S. Martin*, 11 mill. Inde summa planities est. antequam hanc ingrederis, monticulus superandus, latronum latibulum, è quo non raro infestatos ac spoliatos viatores fuisse audivimus. Inde dicta ampla planities, quæ longâ viâ te ducet, usque dum dextrorsum, ubi montes quasi se findunt, Nantuam versus declinare necesse habes. Hâc viâ ingressus rectâ pergis ad lacum, dextrorsum relictum, cum præruptis immensisque rupibus ultra lacum: sinistrorsum cis lacum rupes & inaccessa saxa capiti imminet, jam jamque præcipitium è supercilio minantur; quod nec raro factum, indicio sunt immensa saxa ad crepidinem lacûs hinc inde sine ordine sparsa. Jocantur quidem, prærupta ista saxa jugo montium catenis esse serata, ut non possint decidere; verum diversum testatur iter subtus ineundum, quod sine devio in ipsum opidum *Nantuam* te deducet, 1 mill. Aedes in hoc opido habent porticus testas, columnis fultas, ubi in umbra ire & equitare potes, declinando Solis ardores, cadentésve imbres. Cives famam habentes ab acuum confecturâ; unde acifices appellantur; & ipsum opidum Germanis dicitur *das gusen stadtlein*. Hæc prandio sumto satis lauto à l'escu de France, perreximus ad lacum, ad sinistram offendentes locum *la pisse vache* dictum; montes sunt alti & prærupti, è quibus hyeme & æstate continui aquarum canales evomunt aquas coagmentatas, quæ jugi tenore ad terram delatæ absorbentur ibi à cavo quodam foramine, quod voraginis instar omnem desuper affusam aquam in sinum suum recipit. Mercatores
in mō-

in more habent , ut, si quem inter comites suos habeant qui ante id hanc nunquam viam inivit, cum cogant circumire hanc voraginem, benè madidus ut memor sit loci : sin minùs ; ut redimat hunc circumitum numerato aliquo argento. Ex opposito est lacus *la Bougie*, nomen habens à Provincia : in quem haut dubiè decidens modo aqua defertur subterraneo meatu , à nobis non viso. Lacus hic in medio , discriminatur muro : hæc pars sapidæ & dulcis aquæ, pisciumque salubrium, ad opidum Nantuam spectat; illa, quæ superior, meras paludes & cannas habens ; ad opidum Sancti Germani. Echo heic revocat verba ultra lacum effusa distinctè. Inde proximè ad sinistram opidum est *Saint Germain la chevre*, I T. mill. Mox mons ascenditur; quo superato venies ad pag. *Chastillon*, I mill. ubi amplum hospitium , ad viam patens ; quo nobis fuisset pernotandum , nisi circumventi ductoris nostri persuasionibus fuisset, negantis quidquam obsonii ibi reperiri. Ita nos , ignari conditionum hospitii istius, perreximus ad ponticulum quendam med. milliar. (*le pont des Oeules*) fluviolo ejusdem nominis impositum , qui è Burgundia descendens, non procul hinc Rhodano se miscet. Saxa utramque fluvioli ripam muniunt immensæ magnitudinis , qui sine hoc ponticulo esset impervius. Inde sinuoso, & præcipiti, lapidosoque ductu ad montem CREDO tetendimus; ad cujus jugum tandem difficili per nives itinere ubi ventum erat, Crucem ligneam altam vidimus; penes quam monachus Capucini ordinis cum puero nobis obviam venit ; non enim longè inde *monasterium*; penes quod angustus est transitus , qui regis Galliarum permissione conceditur Hispanis, ut è Sabaudia in Burgundiam transire possint.

Heic cum essemus, tenebrae oboriebantur densae, imo ipsa nox nos obruere videbatur; tempestas, grando, nix, ventus, agminatim accelerare, verba & voces abripere, equos praecipitare; nam via omnis gelicidio stabat; iter insuper pronum erat & declive in obscurissima nocte, omne de rebus, praeter oculis, praeter auribus quae erant, tollente iudicium & discrimen. ad summam, omnia elementa ibi nobis contraria esse comparebant: ignis non erat, qui vel frigus abigeret, vel viam monstraret: aer densus, nebulosus, nocivus, euntes impediabat: aqua in glaciem conversa praecipitabat vectorem cum equite: terrae nive tecta plane negabat sui usum. desperatum iter erat; & conclamatum fuisset, nisi divino ductu delati tandem fuisset circa decimam noctis, plane omnis via ignari, in pagum *Longeret*, 11 mill. à vico *Chastillon* abjungo. ubi à *la Croix rouge* commodè excipiebamur lassī & fessī.

Sequenti die, ubi lux ingrueret, vidimus praeruptas valles & praecipitia non longè à pago hoc dissita, quae divinam clementiam iuvante evitaramus. Pergendum erat hinc quadrante mill. ad fortalitium *la Cluse*; cuius meminit *Caesar* lib. I *Comment. Gall.* mox à princ. Erant, inquit, omnino itinera duo, quibus domo exire possent; unum per *Sequanos*, angustum & difficile, inter montem *Iuram* & flumen *Rhodanum*, quo vix singuli carri ducerentur: mons autem altissimus impendebat, ut facile per pauci prohiberi possent, &c. Has angustias (dicit *Rhellicanus* in *Caesar*.) Galli & Germani hodie *Clusam* vocant; in qua perquam munitum propugnaculum in praeruptis & altis *Rhodano* imminentibus saxis positum, *Bernates* solo æquaverunt, anno Domini clō Id xxxvi, quando *Sabaudorum* perfidia & jurisjurandi reli-

religione, quod Genevensibus civibus suis dederant, coacti sunt imperatore & auspice prudentissimo simul ac fortissimo viro Dom. Francisco Negelino expeditionem in Allobroges facere : in qua quidquid cis Rhodanum est , & paullo ultra Clusam , in suam ditionem , favente ipsis divinâ clementiâ , redegerunt ; idque mense januario cœptum, & in februarii exitu finitum est. Locus hic , ut ut vallis , propugnaculis non est speciosus , natura tamen eum fecit *fortalitium* , faxis cavis & inaccessis, monte alto, transituque salebroso firmatum , ut exercitus expedire illac ire transireque vix possit. Hoc, saxorum immensæ magnitudinis devolutione à jugo montis, Genevenses expugnarunt ; verum cum viribus suis non fiderent , fortalitium hoc , ut & *le balliage de Gaiz*, Henrico IV Gall. regi tradiderunt; qui recompensarum loco xxv cld aureos annua militum stipendia contra Sabaudum ipsis promisit ; & ab eo tempore usque dum sub rege mansit. Rex autem, cum hâc penetraremus, vix
viii præfidiarios (nam cessabant inter eum & Sabaudum bella) eò collocarat milites. quibus transeundo , si libet , quid honorarii penditur ; imo accessus & introitus ascensusque per scalas non detrectatur , modo stratagemâ absit , sine quo adeundum ; vel cum illo pereundum.

E regione huic est mons *Jura* ; cujus jugo olim impositum erat simile fortalitium , cujus tamen rudera hodiè duntaxat supersunt. Inter utrumque hunc montem Rhodanus in imo streperus fluit, quem tamen ob nimium præcipitium videre non potes.

Hinc *med. mill.* devedi sumus in opidul. *Coulonge* , quod præ cæteris belli calamitates representat.

Sequens via in regionem nos duxit frumentorum & pabuli feracem, sed desertam admodum hodiè, cujus pagi opidulaque miseris modis exusta, vastata, variisque spoliationibus exsucta, nondum exantlatas belli injurias superarunt & concoxerunt. Tota hæc regio paret regi Galliæ, qui eam Sabaudoademit ob retentum Marchionatum Saluzensem, Ledegiero Delphinatûs præfecto strenuam operam suo regi in hoc bello navante.

Inde per ignobiles pagos, *Ecoran, Leupgras, S. Jean, Toury* ad urbem GENEVAM, IV mill. festinabamus. ad quam circa meridiem delati, nomina sub porta signabamus, diversaturi apud hospitem *à la balanced'or*: ubi commoda quieti nostræ invenimus media.

G E N E V A.

PRIUSquam de urbe & republica hac aliquid notemus; præmittere volumus de regione Sabaudorum & Allobrogum paucula, præliminaris instar cognitionis.

Sabaudis olim nomen erat Allobrogum: & hoc venit ab Allobroge, primo regionis istius rege, qui unus ex Aboriginibus dicitur fuisse, qui Abrahami & Patriarcharum tempore è septentrionalibus Asiæ partibus in Galliam per mare trajecerunt. Nomen habent tritum apud Romanos, à Q. Fabio Maximo, qui Allobroges devicit; à conjuratione Catilinaria, quâ Catilinæ partes tutati sunt. Inhabitantes autem primitus montana ad Alpes loca, quæ Allobrox occuparat rex, & à se ita dici volebat: quidquid habebant, deprædationibus & latrociniiis habebant, non loci fertilitate, non mercaturâ, non opificiis: excurrabant in vicinaloca & ulterius ad
Rho-

Rhodani & Araris etiam usque confluentes, imò in Delphinatum etiam, cujus metropolin Vienne-
nam, occupare non sunt veriti. Unde *Plin. lib. 1, decad. 3*, Propè, inquit, (id est, ad confluentes
Rhodani & Araris,) incolunt Allobrogès; gens
jam inde nullà gente opibus aut famà inferior,
tum discors erat: & regni certamine ambigebant
fratres, &c. Simul atque verò montana sua re-
liquerant, & sibi viam in planitiem, Galliæ Lug-
dunensis versus partem, vi fecerant, effœminati
facti, defervescente martis ardore, rei rusticæ
operam dederant. Unde *Strabo ait lib. 1 v*: Allo-
broges superioribus annis militandi studio mor-
taliū multis millibus tenebantur: hac autem
ætate, rei rusticæ dediti, campos & Alpinas valles
arant. Constat autem multis antiquitatis monu-
menti, Tractum hunc Allobrogum regni titulum
habuisse, idque tempore Hannibalis: qui, Bronio
cum fratre de ditione certante, factus arbiter,
regnum majori adjudicavit, eumque imperio
restituit; ut est apud *Livium lib. xxi*. Sic Florus
mentionem facit regis Benulli, à Fabio Max-
capiti & devicti. Nec non historiæ Romanæ me-
minerunt Cotti Allobrogum regis, qui à se dictos
Alpes Cottias structis molibus commodiores
reddidit; Octavio Augusto familiaris: postea ve-
rò solum mutare, & in eam, quam modò inco-
lunt, regionem migrare sunt coacti; quam olim
antiqui inhabitabant Voconii, Veragri, Caturi-
ges, Centri, Lepontii; ubi hodiè est Comitatus
Genevensis, cum adjacentibus suis dominatibus,
à lacu Lemano usque ad Pedemontium. Nostrà
memorià & sæculo cum habitationibus suis &
nomen & regnum mutarunt. Dicuntur Sabaudi,
populi historicis antiquis incogniti. *Claud. de*
Rub. lib. 1, cap. 111, hist. Lugd. putat, Sabaudos

dictos fuisse à Sabaudò vel Sapaudo , archiepiscopo Arelatens. Hic à Papa Pelagio electus per Galliam ejus vices obtinuit ; & à Childeberto Francorum rege adjutus , Allobroges Christianismo beavit circa annum Christi 10 LVI. Quidam sunt qui eos derivant à Sabatiis vadis ac populis , à Ptolomæo & aliis inter Alpes positis ; quod & Plinius asserere videtur lib. III Hist. & Strabo. Allobrogum regnum quando habuerit interitum , non est in proclivi dicere : Sabaudiam verò (non ita multa sunt sæcula) Comites habuerunt , licet Pedemontium accesserit : qui à Sigismundo Imperatore in concilio Constantiensi Ducatus titulo decorati sunt ; & inter hos Amedæus Aimonis filius primus fuit , è Cæsaribus & Ducibus Saxoniz præsertim Ottone II , circa annum Christi 10 cccc LXXIV qui vixit , prosapiam & gentis originem ducens.

Præmissis hisce , convertamus nos ad urbem ipsam ; de qua Cæsar in princip. Commentar. Extremum , inquit , opidulum Allobrogum est , proximumque Helvetiorum finibus , GENEVA. Ex eo opidulo pons ad Helvetios pertinet. Cùm Cæsari nuntiatum esset , Helvetios per Provinciam nostram iter facere conari , maturat ab urbe , (ab urbe , ait , qui titulus dignitatis est , cùm olim sola Roma urbs diceretur ,) & quàm maximis itineribus potest in Galliam ulteriorem contendit , & ad Genevam pervenit. Pontem , qui ad Genevam erat , jubet rescindi , &c. Hæc ipsa Cæsaris apud Genevenses mansio , non modò urbi , quæ tantum monarcham dignata est hospitio , multum dignitatis attulit , sed & communi verbo opes adjecit , licet in confinio adhuc ex sint. Ajunt enim , Cæsarem cùm ab Helvetiis in fugam conjectus esset , ingentem thesaurum in Rho-

Rhodanum, ne hostibus prædæ esset, coniecisse; qui licet aliquoties visus, tamen in hunc usque diem nondum inde extrahi potuit.

Urbs alioquin *nomen* aliud habet, & dicitur AVRELIA, ab Aurelio Imperatore. nam cum Hellogabali tempore ignis omnem ferè depastus esset, is restauravit, jusque imperii ei attribuit, quod & hodiè tueri non sine dignitate videtur. Urbs verò, fastidito novello nomine, vetustum retinuit.

De situ ejus dicit Thuan. lib. LXIIX; Geneva, tanquam clavis & propugnaculum non solum Bernensis ditionis, sed totius Helvetiorum civitatis, inter eos habetur, & liberum inter regem & Helvetios aditum servat. id propter Clusuras dictum, quibus is verè potitur, qui Genève potitur.

Aër heic purus & salubris, à lacu Lemano, partem urbis majorem alluente; à Rhodano, urbem interfecante in duas partes; quæ tamen divisæ fluctibus, ponte ligneo junguntur. Hic fluvius (dicit Thuan. lib. XLIX histor.) in tantum excrevit anno cIo Io LXXI, ut Guilloteriam, Lugduni suburbium, cum pontis impositi parte, penè subruerit: nec longè à Geneva, ubi Rhodanus Lemanium lacum præterlabitur, ad angustias, quas Clusuras vocant, aquarum vi ex vicino monte revulsâ, in fluvium subjectum mole ita obstructus est alveus, ut accedente Arvæ perenni fluxu regurgitans aqua retrò ferretur, & stupentibus cunctis molatrinarum rota pistrinarios lapides adverso flumine torquerent. Talis est ratio fluminis utriusque, abundantis sapidissimis piscibus, truttis præsertim, quas vidi longitudine II & amplius ulnarum, pondere xxx librarum; captas includunt vivariis, palis cinctis, &, ubi lubet, ad culinam promunt. Reliqui pisces, quod experientiâ ha-

bent, capti, necati, & in cellis Genevensibus diem unum vel alterum reservati, sapidiores sunt iis qui à captura mox ahenis & foco impositi coquantur; ideoque pisces vivos, præter auratas vel truttas, in foro heic non videbis venales. Ita habet aqua.

Terra heic cum confinio, fertilis est, & vinum nobile producit; rura capones opimos, quibus ipsi Patavini cedunt, licet suo modo etiam pingues sint. ager ab ubertate commendatus, dicitur totius Sabaudiaë suber. Horti olera & legumina sapidissima; inde victus æquiori longè pretio heic quàm in Gallia. Amœnitas accedit è contiguo prato *le plain palais*, deambulationibus accommodissimo.

Montes partem civitatis habent, quam nunc in partibus suis videbimus.

Externæ sunt fossæ, muri, ac propugnacula, satis pro loco munita. Inter hæc *le boulevard de l'oye*, propugnaculum Anserinum, famam habet, à XII captivis, ultimâ in invasione ibi suspensis. Non longè inde eo ipso loco, quo anno cIo Io cII Allobroges scalis Genevam capere volebant, inscriptio est:

VIXI VT VIVIS
MORIERIS VT SVM FUTVRVS
SIC VITA TRVDITVR
VALE VIATOR (*scalator*)
ET ABI IN REM TVAM.

Portæ principales sunt, *la porte neuve*: la porte de la rive; *la porte Cornevin*, quâ in Burgundiam & Helvetiam itur; *la porte de la maison*; *la porte de la Treille*; *la porte du S. Leger*; *la porte de la Tartace*. Accedunt ultra fluvium Arvæ, rudera quædam propugnaculi, monti impositum quod erat, è quo strenuè Genevenses anno cIo Io LXXXIX hostem Caro-

Carolus Emanuel Sabaud. Ducem excepere,
& repulere.

Internæ partes sunt platea & ædificia.

Ad illas refero aream (*la platte forme*) in colle
amoenissimam, portæ contiguam; cui si instas,
subjectam planitiem, hortos & vineas circum-
jacentes, jucundo emetiris oculo. Plateæ sunt
partim *vallosa*, *montosa* partim: istæ ubi ad D.
Petri ædem ascendis: illæ subtus lacum versus.
inter has ampla, spatiosa & longa illa emi-
net, quæ jube & elevatum habet complu-
vium, trabiculis immixtis & instratis asseri-
bus ita ædificatum, ædibusque applicatum in
unam partem, ut subtus ceu in xysto siccus
deambulare possis, desuper vel densissimâ cadente
pluviâ.

*Ædificia sacra tria sunt, D. Petri, S. Gervasii,
& S. Germani.*

D. Petri palmarium est in accliviore urbis
parte situm, illustre ab antiquis inscriptionibus.
quarum hanc adponam:

D. M. S.

C. JULIUS CAESAR LONGINVS

D. CIL.

C. JVL. LEIBERTVS.

PERRVPTIS MONTIBVS HVC TANDEM

VENI VT HIC LOCVS MEOS CONTE-

GERET CINERES.

APOLLO TVAM FIDEM.

VIXIT ANNOS XLI, MENS. III, DIES XIII

HORA NVL.

T. FVLVIVS D. D. L.

COMMILITO COMMILITON

VALE LONGINE AITERNV.

S. T. T. L.

(*id est, sit tibi terra levis.*)

illustre item *ab Aquila bicipiti*, exteriori templo insculptâ; quæ ei servit pro argumento, liberam eam esse Imperii Romani urbem. In hanc Aquilam, ut & insignia Genevensium, jocatur *Owenus lib. I epigr. xli* :

Clavem Aquilamque gerit duplex insigne Geneva:

Illud Papatûs : hoc habet Imperii.

Hoc insigne tuum quo jure Geneva tenebis,

Si repetat clavem Roma, Rodolphus avem ?

Templis adnumero *xenodochium* ad ripam Rhodani extra urbem, non vulgari structurâ, nec paucis sumtibus structum.

Ædificia *politica* constituunt *I. Curia*. In hac nota *monumentum*, quod januæ ipsius curiæ est impositum, & tabulæ æneæ litteris aureis incisum :

QVVM ANNO cIo Io xxxv &c.

In interiore Curia ingressu vide *tabulam* cum inscriptione, erectam, cum anno cIo Io xxxvi Genevenses à Tigurinis in societatem ac foedus essent recepti ;

D. O. M. S.

ANNO A VERA RELIGIONE &c.

Postquam deinde nocturnâ illâ per scalas invasione & attentatâ truculentâ machinâ è faucibus Allobrogum essent liberati, hoc *monumentum* crexerunt :

D. O. M. S.

QVO NON ALLOBROGES &c.

Quo pertinet etiam *monumentum*, iis, qui hostem fortiter à muris abigendo, urbemque servando, fatali illo tempore mortalitatem exuere, erectum :

D. O. M. S.

QVORVM INFRA NOMINA &c.

Nota ibidem *scalas* in inferiori aliquâ camerâ repositas.

repositas, quibus Sabaudi anno cId lOc II in clandestina urbis invasione usi fuerant. *Urnas* item in artio suspensas, cinerum combustorum olim receptracula. *Crocodili exuvias & ichneumonis*: nec non artificiosam testudinem, quam vel equo insidens conscendere potes.

II. *Armamentarium*, Curia vicinum, in quo arma, vexilla, & spolia Sabauda adempta.

III. *ARX* antiqua prope S. Gervasium.

IV. *PONS*, qui utramque Genevam jungit, Rhodano impositus, ædibusque ornatus.

V. *Molendina* extra urbem, Rhodano incumbentia.

VI. *Turris* insulæ, veluti specula antiquissimi operis.

VII. *Bibliotheca*, ab antiquis & rarioribus libris auctoritatem habens; ibi Bibliorum Gallicorum ccc annorum versio.

Ita fuere *publica ædificia*; Pro privatis adjiciam monumentum, quod pater quidam filio suo juveni civi Genevensi & causarum patrono posuit:

D. M.

L. AVR. LIBERTO IVVEN.

ERVITO CAVSIDICO

BIS CIVI VALLENSE

ET EQVESTRE DEFVN-

CTO, ANNORVM XVIII.

FILIO PIENTISSIMO

AVRELIVS RESPETVS

PATER PONIENDVM

CVRAVIT.

Ita Cicero de Q. Hortensio, oratore nobilissimo, notavit, quod annos natus XIX, plurimas causas egerit, & orationes, iisdem quibus scripserat verbis, recitarit; hincque nomen Regis

fori Romani obtinuerit. Idem adfert Ulpianus, de Nerva filio, qui annorum XVII cum esset, aut præterpropter, publicè de jure responsitavit.

FORMALE videbimus, vel in *Ecclesiastico*, vel *Politico statu*.

Ecclesiæ Genevensis hodiè longè alia facies quàm olim. Omnes in universum incolæ modò puriori & reformatæ religioni sunt addicti; quam recepère anno Christi cIo Io xxxv. Hinc adflictorum Christi exsulum audit asyllum & hospitium GENEVA. quippe vidimus in ea Principes, Comites & Barones, dum ibi essemus, hospitantes & pacificè viventes. Olim pontificium habuit episcopum, qui etiamnum, licet ecclesiam ibi nullam regat, tamen se dicit Episcopum & Principem Genevensem. Cui is, qui *Apolo-*
logiam composuit pro civitate, id tantum repo-
nit, quod, sicut Episcopus Sionensis eodem ti-
tulo utitur sine potestate: ita idem in Genevensi,
honoris ergò toleratus fuerit, salvo interim suo
civitati jure. Arnif. c. 1, p. 9, de jure Majest. Huic episcopo compete-
bat privilegium, ut, quem-
cunque juberet, etiam post latam sententiam, is
ab ipso loco supplicii retraheretur, & liber esset. *Le*
cittad. de Genev. Hodiè verò in rempub. hanc
episcopus nihil habet juris. quod demonstrat
Rhellican. in comment. ad Cas. dicens: Geneva
antiquitate & emporio, quod inde tamen Lugdu-
num translatum est, celebris urbs, sed celebrior pro-
pter gravissimam obsidionem, & ab ea liberatio-
nem. Quum enim Genevenses Cochleariorum (no-
bilium Allobrogum conspiratio erat, qui argentea
cochlearia in pileis gestabant) manu undique ob-
sidione cincti essent, ac tantâ fame laborarent, ut
lactentes infantes pro lacte sanguinem ex matrum
& nu-

& nutricum uberibus suggerent : iusto exercitu per Bernates cives suos obsidione liberati, ac in libertatem ita vindicati sunt, ut quidquid juris in Genevenses aut episcopus aut Dux habuit, eis remissum sit per vindices. Adhuc jurisdictionis pomæria dilatata sunt adeo, ut, quum antea nihil juris extra mœnia haberent, nunc aliquosque imperent. Pro quâ vindicatione Bernates nihil aliud postularunt, quàm ut militibus stipendia numerarent, & ne cui aut Principi, nationi aut urbi se conjungant præter ipsorum voluntatem. Hactenus ille. Ita hodie, postquam dissensum & discessum à pontificiis fecerunt, ecclesiæ constitutio est penes magistratum, cui adjuncti sunt censores morum, qui sunt decemviri, quorum IV constituti sunt è Senatu LX-virorum, & sex è Senatu CC-virorum. Hi decemviri junctim sumti adpellantur collegium sacrum sive consistorium; Eorumque officium est, vitia & scelera scandalaque ecclesiæ data magnâ cum severitate coercere: quod etiam faciunt, & morum præfecturam sine censu, sine imperio, sine jurisdictione mandant. Qui non parere vult decreto eorum, sacris abesse jubetur: & hæc si aspernatus fuerit, à religionum procuratore apud judices convenitur: Hinc popinarum, tabernarum, & similium luxûs officinarum, nullus hic usus: otiosi & validi mendicantes exesse jubentur, ebriosi puniuntur, fornicatores gravius: saltationibus & choreis nullus heic locus, tripudiisve publicis. Unde Bodin. lib. II. *Damonoman.* dicit: *Sathanas*, eò quòd Genevæ saltationes ante omnia sunt odio, puellam Genevensẽ sic instituerat, ut quoscunque virga ferrea ab ipso tradita attingeret, eos ad saltandum compelleret. atque hæc judi-

judices ludificabatur, dicens, se necari ab ipsis non posse; neque umquam voluit recipiscere, donec ad mortem damnata esset. Hoc factum ab homine didici, qui interfuit. addebat autem, eam, simul atque fuit comprehensa, metu & trepidatione maximâ fuisse consternatam, dicendo, se ab herq suo deseri; ab eo promissionem, de morte non appetenda, accepisse, &c.

Quoad statum politicum; libera est hæc respublica ab omni dominio: Et hanc libertatem adepta est à Carolo IV Imperatore: qui omnem actionem, potestatem, jurisdictionem, præeminentiam in civitate Genevensi, & ejus territorio, Amedeo Comiti ademit. Assentitur Arnif. c. i, pag. 10, de jure Majest. dicens: Nec Genevensium, Lucensium, Ragusianorum respublica minus libertatis habent, quam Venetorum, Genuensium, Bernensium, Tigurinorum, licet his potentiâ nullo modo sint comparandæ. Absit enim, regiam potestatem inde æstimemus, quàm multis quis imperet, sed quàm liberè. Vivit hodiè libera sub tutela & patrocínio regis Galliarum; qui eam in patrocínium suscepit anno cIdo Id LXXIX. referente negotium Thuano lib. LXVIII, tali modo: Hoc anno de Geneva negotium retractatum, & tandem patrocínium ejus à rege susceptum est. Iam antè Ioanni Belleureo Altafortio, cùm Oratoris regi munere apud Helvetios fungeretur, mandatum fuerat, ut ea de re ageret. Bernates & Soloturnenses aliorum Pagorum nomine ad fœdus & pacem perpetuam inter Franciæ reges & Helvetiorum civitatem firmiore vinculo stabiliendam necessarium esse demonstrabant, ut reges Franciæ fœderatas ob viciniam Helvetiis civitates & ipsi fœderatas haberent, nec earum periculum negligenter; quo in numero præcipuam censendam Genevam, &c. Itaque apud Altafortium instabant, ut ea urbs, quæ propriis ri-
ribus

ribus contra potentiores securitati publicæ imminenteis ad se tuendam imparet, pace generali comprehenderetur, ad ejusque defensionem Rex peculiari tractatu cum Helvetiis se obligaret. Res tandem Soloturni VIII eid. majas transacta per Alfortium & Nic. Harlaum Sancium, qui tunc apud Helvetios orator erat, his conditionibus: Ut rex ad ditiones, Bernatibus à Sabando ultima inter eos pacificatione concessas, perinde ac si fœdere generali inter reges decessores ac Helvetios inito nominatim comprehensa essent, defendendas obligetur. In gratiam & favorem Bernatum & Soloturnensium Geneva eodem generali fœdere comprehensa intelligatur. ita tamen ut non propterea Genevenses, quantum ad commercium, alio jure quàm quo indigenæ Franci utuntur, in regno uti possint. Si ad publicam securitatem pertinere ex fœderatorum sententia visum fuerit, ut urbs prasidio firmetur, quâ in deliberatione regio oratori cum suffragii prerogativa intervenire jus erit, rex in v cohortes Helveticas, singulas ccc militibus constans, stipendium conferre, in eamque rem XIII CLD aureorum prasenti pecuniâ Soloturni deponere teneatur. si contingat, urbem ab aliquo apertâ vi oppugnari, ad ejusque defensionem tam Bernates ac Soloturnenses, quàm alii Pagi, qui huic novo fœderi subscribent, exercitum conscribere cogantur, rex XV CLD aureorum singulis mensibus, quamdiu bellum durabit, adnumeret, v Helveticarum cohortium stipendio in iis confuso. si qui ex Gallis in id bellum sponte nomen dabunt, à rege non impendantur. Si quis Princeps hujus fœderis ob Genevæ patrocinium initi causâ bellum aut regi au fœderatis Helvetiis indicat, Helvetii VI CLD peditum, rex X CLD aureorum, singulis mensibus suppeditare teneantur: Genevenses vicissim pro tanto beneficio liberum accessum in itin & reditu

ditu copiis regiis sine maleficio & seriatim per urbem transeuntibus regiis trans Alpes, & ubicunque opus fuerit, praebeant; obsequioque ac reverentiâ quâ debent regis amicitiam colant. Haëtenus Thuanus.

Talis forma est reipub. ratione patrocini; ratione autem regiminis, est aristocratica, quod oprimates, qui virtute clarent, ad magistratûs dignitatem evehuntur, modò originis domicilium heic habeant. Hinc, cum tam tenuibus quam locupletibus, tam plebeiis quam nobiles, aditus pateat ad dignitates, & ita nemini, præterquam ei qui dignitatem suam ac statum vitio aliquo deturparit & turpitudine dehonestarit, præcludatur; hinc, inquam, fit, ut Patrum cum plebe de honoribus & magistratûs dignitate nullæ sint contentiones, odia aut similitudines. Accedente præsertim annuâ Patrum censurâ, quâ ii, qui virtutis falsâ specie & obtentu ad honores evecti sunt, nec non ii, qui fiduciâ potestatis rem malè administrarunt, ab officio & clavo reip. cum infamiâ quasi perpetuâ detrudantur.

Videamus paucis *Patres ipsos*, & sub iis *cives*, sive *plebem*. Patres dividuntur in iv classes, *Prima est iv-virum sive syndicorum*; qui est major magistratus, annuos gerens honores. *Secunda est xxv-virorum*; qui constituunt sanctius vel secretius consilium; hi perpetua dignitate ad dies vitæ totius Reipubl. arcana tractant. *Tertia est lx-virorum*. Et *quarta cc-virorum*. Hi tres posteriores ita succedunt, ut, si quis è collegio xxv-virorum moriatur, mox è collegio lx-virorum is succedat, qui ordine & antiquitate prior est; & rursus in huius locum succedat è collegio cc-virorum is qui antiquissimus est; in huius tandem rursus locum è plebe novus aliquis pluribus suffragiis substituatur, qui nullâ infamiæ notâ aut

aut vitæ turpitudine sit aspersus. *Plebs* habet jus jubendæ legis, creandorum syndicorum, pacis & belli item indicendi; quæ sunt jura Majestatis. Alioquin dedita negotiationi, inprimis sericæ, & librarix; unde æquo pretio heic supellectilem librariam comparare potes. Sequior sexus in du- cendis filis sericis, texendis telis, & acuum pi- cturâ, maxime est occupata, aliena ab otio, luxu, levi & vagabundâ conversatione.

Ita fuit status quietus reipubl. sequitur *turba- tus*, vel per *seditionem*, vel per *invasionem bellicam*.

De seditione ait *Thuanus*, lib. xvi, pag. 667, hoc modo: Anno cIdo lv Genevæ ad lacum Le- manum tumultus quidam nocturnus excitatus fuit à quibusdam senatorii ordinis, qui rerum summam ad se suæque factionis homines contra- here in animo habebant; ii Joannem Calvinum Noviodunensem, qui jam complureis annos in urbe docebat, summopere oderant, atque illos inprimis, qui ob religionem, ut se supplicio- rum periculo eriperent, eò è Gallia migrave- rant; quorum plerosque in civium numerum allectos dolebant; eoque factum, ut alterius partis multiplicato numero, alterius robur & auctoritas labefacteretur. Igitur ut illos ejicerent, hoc astu usi sunt: Noctu concursatione diversis locis factâ, quasi signo dato, Gallos in armis esse, passim clamitatum, & urbem prodi- tam. sed cum advenæ se domi continerent, plebs quoque, quam conjurati se in eos hac ratione ar- maturos speraverant, se continuit; & ita fraus conjuratorum frustra fuit. Horum quidam sup- plicio affecti, quidam fugâ salutis consuluerunt.

Invasionem bellicam, præsertim postremam, à Sabauda ann. cIdo lxxi i urbi intentatam, quòd mirabilis est; nec ab omnibus, ut circumstan-
tiz

tiæ fuerant, fortè lecta, coronidis loco è Thuanolib. cxxix heic adjiciam. Ita ille: Post disceptatum multoties scriptis & in conventibus jus suum, Sabaudus, cum apud se decrevisset, quacunque ratione posset, Genevæ in potestate habere, sic rem instruit, ut, dum per delegatos, ac præsertim per præsidem Roquetum, de commercii libertate cum Genevensium Republ. agit, copias Camberti coactas ad vim faciendam paratas haberet. Summa rerum præerat Carolus Simienna Albinus. Brignoletus, Bonæ præfectus, præcipuus dux & auctor, dispositis excubiis, ultro citroque commean- teis sistebat, ne quis ad urbem index pervaderet. Sabaudus ipse, cum paucis, quò magis lateat, Augustâ Taurinorum xvi kalend. januar. profectus, ultra montes erepit, & ad Tremblerias, pagum leucæ spacio dissitum, quarto post die venit, ut emi- nus rei eventum opperiretur. Per Arvæ ripas copia incedere jussæ, ut strepitu aquarum inter saxa labentium, quo minùs audiri posset, armorum fragor impediretur. inde transmissio Rhodano ad Planipalatii pratum consistunt; ad Corratariam mediâ nocte per raticulas, ut lutosas voragines eluctarentur, appellant. In ea urbis parte à Corrataria turre longus murus ad propugnaculum Anserinum porrigitur, cui area pari longitudine subest, antiquo urbis pomærio substrata. In eo muro bina sunt specula: in altera vigiles stabant; altera neglecta fuerat, quòd turri propior esset, juxta eam scala novo artificio fabricata admoventur. nam & multis portari poterant, & terræ tantâ firmitudine inferi, ut pondere minimè flecterentur, aut gravarentur. ima unco ferro in terram adacta, ne loco moveri posset, mediæ transverso clathro ferreo per summa capita connectebatur; & rursus mediâ clathro item transverso ferreo summa pariter aptâ commis-
sura

surâ jungebatur, & ad murum fistucis applicabatur. summa autem cochleis binis seu rotis, panno coactili, ne fragorem ederent, involutis, pinnas muri attingebant. Summo silentio per unam ex illis **cc** delecti enituntur, duce Brignoleto: qui vigilem excubitozem occupat, & tesseram mortis metu intentato prodere jussum, de muro pugione confossum dejicit: in vestigioque circuitores expectare certus, usque ad alteram post mediam noctem horam mansit. Cùm eos pari astu deturbasset, puer, quilaternam præferebat, periculum evasit, & in urbem subito profectus, ad arma sumenda civeis excitavit. Idem ab excubitore, qui in turri monetaria stabat, sclopeto disploso factum. Quo animadverso, Brignoletus, qui horam quartam expectabat, ne per longiores tenebras aliquid inopinati, ut sit, suboriretur, non ampliùs cunctandum ratus, præsidium ad portam novam collocatum aggreditur; & crepitaculo affixo ingressum universis copiis, quæ ad Plani-Palatii pratum remanserant, aperire statuit. trucidatis seu dissipatis custodibus, unus ex iis, in summam portam enixus, rastrum demisit: continuoque in urbe armis arreptis, huc illuc magno, ut in nocte, tumultu discurritur; confusi que mulierum & puerorum, inde clamores, inde gemitus & ululatus, exaudiebantur. Verùm Sabaudi, qui fere jam **cc** ingressi fuerant, subito occursum turbati, non jam conferti resistere, sed, relictis ducibus, fugâ ad scalas quasi conatu irritò repedare cœperunt; quas tormentis interim ex Anserini propugnaculi lævo latere displois confraclas reppererunt; itaque **LI IIII**, cùm effugium non haberent, desiderati **XIII** circiter capti; in iisque Attiniacus à suis desertus, insigni Mauritianæ militiæ prius caloni tradito, qui fortissimè certans tandem in manus Genevensium devenit, capti
item

item Connas & Scalfidonus. Manè, qui in Dominicam incidebat, post prandium, in consilium itum, & quid de captivis statuendum esset, seriò deliberatum fuit. alii mitius agendum censebant, & quibus belli fortuna pepercerat, in eos quidquam gravius decernendum negabant. alii sub custodia tenendos aiebant, ut, si res ad bellum deveniret, obsides vitæ ac vades civium essent. sed, incensis animis, & tanto periculo exasperatis, vicit severior sententia, quæ eos tamquam fœdisfragos latrones & publicæ tranquillitatis turbatores morti addixit. Igitur iis strangulatis, ac pariter aliis, qui in conflictu ceciderant, capita abscissa, & in propugnaculo Anserino ad horrorem suspensa. corpora in profluentem proximum mersa. ex urbanis XVI interfecti, & in iis Canarius ex patitiis, & Marcus Cambiagus. Inde magistratus ad Philibertum Guichium Lugduni regium præfectum dat litteras, & de successu eum docet, & bis mille delectos in ea expeditione numeratos dicit; petitque, siquidem Sabaudus post irritum conatum nocturnum apertâ vi obsidionem tentare in animum inducat, sibi ut viribus regiis præsto esse non cunctetur; nam, quid periculi damni-que regis regni-que rebus amicæ urbis amissione impendeat, minimè ipsum ignorare. Sabaudus, copiis Thononii & Ternii ac per Fossiniacum agrum distributis, per dispositos equos actutum Alpeis repetit: per legatos suos apud Bernates factò excusato, quasi non, ut publicam fœderatorum Pagorum quietem turbaret, sed ut Diguierii, qui urbi cum copiis regiis insidiabatur, conatibus præverteret, expeditionem suscepisset: & verendum, non solùm sibi, sed ipsis summoperè, fuisse, ne tam potentem vicinum haberent. Rex cognitâ re statim ad Genevenses scribit, anno MDLIII, & de successu gratulatus, siquidem Sabaudus obsidionem tentaret,

man-

mandasse se dicit præfectis suis in Sebusianis & vicino limite, iis ut cum omnibus copiis præsto sint. Inde excursionibus utrinque certatum, sed exiguo successu. Mericus Vicus, qui apud Helvetios Oratoris munere fungebatur, cum inde discederet, ad eos proficisci iussus, & animos civium ad pacis consilia inclinare. accenso quippe bello Hispanos non quieturos apparebat; & Pontificius legatus eventum veritus, apud regem instabat, ne ex ea causa ambo Principes arma, Christiani orbis bono posita, resumerent. Cum multi inter eos cum hoste, toties reconciliato & numquam quiescente, bellum tutius quam pacem ducerent, rex, qui periculum sociorum negligere non poterat, & si in bello illi perseverarent, sibi in armis esse, impositam necessitatem videret, onus & invidiam deprecatus, per Basilienses, Scausianos, Clavanos & Appecellenses cum iis agit; eodemque tempore cum Sabaudis, ut pacem quam bellum mallet, quod non cum Genevensibus, si ultra tenderet, sed secum habiturus esset. Tandem ille, qui initio querelas æquè ac vires minasque illorum insuper habuerat, ubi vidit, regem, patrociniis suscepti ratione, huic bello se paratum immiscere, conditionem accepit, & Romillium, quod Genevensium delegati venturi erant, Albinum misit. Et post acerbis utrinque altercationibus conventus ad Iuliani fanum translatus. Vbi tandem inter partes convenit XII kal. sextilis. & tractatus perscriptus, XXII capitibus constans. quo commercii libertas ante omnia constituitur, salis usu excepto. iudicia utrinque bellorum occasione facta revocantur. bona ac possessiones, belli tempore occupatæ in Chablaisensi principatu, & Tervensi & Gallardensi præfecturis, sine mora aut tegiversatione restituuntur: vicissim Genevenses Genesii-fanum cum territorio suo restituere tenentur: controversiæ de S. Victoris & col-

& collegii terris suspenduntur; & eodem statu,
 quo erant anno cId Id LXXXIX, quo bellum cœpit,
 indecisa remanent. iis, qui hoc bello Genevensium
 partes secuti sunt, à Sabaudis fit gratia. præterea
 ii, qui religionis causâ aliò migraverunt, bona re-
 stituuntur; & si quidem eam religionem profiteri
 velint, retinere bona sua ac possessiones poterunt, &
 de iis arbitrio suo statuere, & quater in anno ad
 eas venire, singulisque vicibus per septem dies in
 iis salvâ conscientia libertate commorari: quo tem-
 pore nulla inquisitione vexabuntur, dummodo nihil
 agere comperiantur, quod dogmatis sui per secretas
 institutiones sparsi suspicionem faciat. privilegia,
 immunitates, Genevensibus à Sabaudi decessoribus
 concessæ, denuò confirmantur. alienationes & con-
 cessiones, à Bernatibus factæ, dum præfecturas oc-
 cuparent, rata habentur; si qui inde expulsi fuerunt
 quamprimum restituentur. persecutiones in jure &
 citationes addito temperamento mitigantur. pro-
 scriptiones occasione hujus belli revocantur & irri-
 tæ declarantur. per contumaciam decreta rescindun-
 tur. fructuum ex bonis sacris & aliis à Genevensi-
 bus ab ann. cId Id LXXXIX perceptorum persecutio
 cessabit. Sabaudus intra IV leucas ab urbe Geneva
 nullos delectus habebit, nec ulla loca munit. utrim-
 que captivi dimittuntur, impensis ex æquo persolu-
 tis. Genevenses Verriniensi pacificatione compre-
 hensi intelliguntur. à Sabaudis hoc tractatu Ponti-
 fex, Cæsar, ambo reges, & fœdera quæ ille cum
 Hispaniæ corona habet, nec non cum Pagis Helve-
 tiorum, comprehensa intelliguntur. à Genevensibus
 Cæsar & imperium Romanum, rex Christianissi-
 mus, & fœdera quæ ipsi cum Pagis Helvetiorum,
 & speciatim cum Tigurinis & Bernatibus, habent.
 Subscripserunt à parte Sabaudi, & Geneven-
 sium, item Helvetiorum, qui aderant, Legati;
 Cla-

Clarenſium Pagi nomine, Baſileenſium, Solo-
turnenſium, Schafuſenſium, Apecellenſium. Pacta
conventa Sabaudus quatrIduo poſt Auguſtæ Tauri-
norum rata habuit. Haſtenus Thuani verba. Videat-
ur etiam Meteranus, tom. 1, pag. 1045; & Rod.
Botereus, lib. 9. Com. Gall., de hac invaſione. Con-
cludam cum his eteoſtychis:

Mens Is Vt à ChrIſto LVX bIs ſeXta orta VoCaTI,
Laps I hoſtes sCaLI s noCte, GeneVa, tVi.

Gotts bVLf, bVit, WaCht, nebn Genffer
ſCbVtz,

An zWeLLffien ChrIſtMont Wehrt eIn ſaLLs
trVtz

Præter hanc invaſionem Allobrox bis tentavit
urbem expugnare. Obſidione cinxit anno cIo Io
LXXXIII. Liburnicis ſcaphis, phaſelis, ad præ-
cludendum com meatum, lacum omnem con-
texerat. Dehinc anno cIo Io xc, intercepto omni
aditu, terrâ & undis, in eas annonæ anguſtias
conjecerat: ut jam ultrâ in ediam non ferens,
deditionem factura eſſet, niſi Inſuber, deſiderio
Phoceniſis provinciæ, abductis copiis, liberio-
rem reliquiſſet. ſic dum aliena & longinqua ap-
petit, opportuna & finitima amittit. Botereus,
lib. 9, hiſt. Gal. p. 88.

Ita Genevam vidimus & habuimus in mar-
tium uſque menſem. qui cum ver nobis appor-
taret, nos ad iter Gallicum nos accingere juſſit.
Literis itaque ſalvi-conductûs à magiſtratu be-
nevolè nobis exhibitis, novos conductores con-
duximus; quibus ſinguli pro omnibus impenſis
iv florenos Gallicos per diem numerabamus. Sic
nos in viam dedimus, conducti extra portam no-
vam, & amicè dimiſſi, ab illuſtrib. & generoſis
ibi commorantibus. Relinquentes Planum Pala-
tium ad dextram, tectum fluvio Arvæ impoſi-
tum

tum pontem, qui terminat Genevates & Sabaudos, superavimus. Inde hiulcâ viâ pergendo, dextrorsum in summitate montis videbamus rudera propugnaculi *Divæ Katharina*: arduum olim, editiorique tumulo positum. ex eo circumjacens omnis planicies despici potest. aggeribus & fossâ egregiè munitum, in libertatem Genevæ compescendam, & tertio obsidendam, expugnandamque, structum. Hoc propugnaculum fortissimum, importunis Genevensium precibus sollicitatus, rex Henricus IV destrui & everti permisit; deditioe prius à præsidario milite factâ his legibus, ut, nisi intra XIII diem Dux obsessis tulisset auxilium, armatis sub signis exire, & bellicorum tormentorum, quæ ibi essent, trientem educere secum liceret: quod & factum anno cIo Io c.

Via salebrosa & lapidosa nos ad cœnam duxit in vicum *Luisettes*, IV mill., à la *Croix blanche*; ubi tenuis apparatus, præsertim jejuniorum tempore, & vile cubile. Locus aliàs famam habet ab eo, quod Henricus IV rex, cum heic hospitaretur anno cIo Io c, Theodorum Bezam theologum, Genevâ evocatum, cœnæ suæ & cubili eidem interesse voluerit; sequentiq; die munifico honorario auctum in urbem remisit. *Botereus lib. VII, hist. Gall. ait*: Theodorus Beza novatorum veteranus, totoq; orbe notissimus, tandiu septo inclusus, in castra egreditur, regemque salutatur; cui rex optare illi vegetius ævum, animumque concordem ad pacanda dissidia de religione. Thuanus sic habet lib. c xxv; *Ad regem, notus puero, sed ante xxx annos non visus, Theodorus Beza venit, jam octogenario major, qui senili facundia causam Genevensium regi plurimum commendavit, eamque ad regni non solum existi-*

exultationem, sed etiam & securitatem pertinere multis verbis ostendit, ac postremo navata patri matrique olim opera memoriam renovavit. Rex senem perorantem benignè audivit, & bona spe, ut & delegatos à se, dimisit; ipsum etiam Io aureorum honorario muneravit; quod in viro jam pridem tenuitati assueto ingentis pramii loco acceptum est.

Hinc per ignobiles quosdam pagos devenimus ad pontem *le Cupet*, unius fornicis, qui vadofum facit fluvium *la Fiere*; sinistrorsum videntes fortalitium *l'Annonciade*, à Sabaudis quondam exstructum, & destructum, quòd tantas impensas præsidarium in militem ibi habendum locare noluit.

Circa meridiem, ut pranderemus, in opidum *Remilly VII mill.* venimus, *au cheval blanc*, situm ad *fl. Fiere*; ubi pons II arcuum. Nec est quod hìc notes, præter lapidosas vias quemadmodum omnis ferè Sabaudia montibus attollitur, & se habere dicitur instar scalæ musicalis, *VT, RE, MI, FA, SOL, LA*, propter montes & valles. Solum lapidosum, humidum ac frigidum est, & proinde frugum non ita fertile; quas tamen ad incolarum usum sufficientes gignit.

A prandio *II mill.* ad coenam in pagum *Trochon* delati, ibi pernoctatum substitimus. Simplex erat hospitium *à la croix blanche*; impura cubilia, agrestes homines; vivebamus diem præ nocte, & festinationem ab inculto hoc populo. E regione hospitii ad dextram arx *Montsaucon*, Domini *de la Chambre*, eminè in colle conspicitur.

Ubi dies manè adventaret, festinabamus inde. Arx *Brese* sinistrorsum cum valle petrosa jacebat; E longinquo dextrorsum *le lac de Bourgeois* videbatur, cum montibus *d'Aiguebellette*. Nil

nisi petrosa via & sinuosa erat usque ad opidulum *Aix*, 11 milliar., sub dominio Nemorosii Ducis. Quæ opidulo lumen inferunt, thermæ sunt binæ, sulphureæ & nitrosæ, limpidissimæ aquæ Crateres magni erant, & castella lapidibus quadratis septa, in quibus pueri lavantes natabant tam artificiosè, ut injectum numum, sine ope manuum, ore assumere è fundo & exporrigere eos viderimus. Penes nitrosum fontem, dulcissimæ aquæ erat canalus; rarum visu quod videbatur. Antiquitates Galliæ, pag. 851, harum balnearum faciunt Caium Sextium auctorem & fundatorem, ibi: *Croyle mesme Sextius auteur & fondatuer des bains & de la ville d'Aist en Savoye. l'antique structure desdits bains, & l'arc triomphal qui s'y void encore, & dans lequel ceux, qui l'ont veu, escrivent, avoir remarqué plusieurs caracteres anciens, mais qui ne se peuvent rallier, pour former quelques enseignemens à la posterité; leur nom d'Aist, conforme à celui d'Aix; avec longueur du temps que Sextius commanda en ce pays, m'en font soupçonner quelque chose.*

Uno lapide isthinc abjuncta est arx ad sinistram le chasteau de Zonas; gentilitia domus nobilis istius, qui unà cum correis Genevæ anno cIo Io c i i in propugnaculo Anserino pensilis factus: de quo & uxore ejus Meteran. vide, tom. 1, pag. 1046; leges historiam, maritalis amoris & fidelitatis rarum exemplum. Densa & inamœna silva ibi transitur. quâ finitâ in sublimi te colle videbis positum. Isthinc sinuoso gressu & longo præcipiti quæ ducêris in vallem, quam secatur fluvius *la Gie*. Descensus fit per vineta mera, inter septa amygdalis & persicis, flore suo adventantes quæ afficiebant. Hospitabamur in suburbio *S. Antonii*, à la pomme d'or, confectis 111 ab *Aavis* milliarib. CAM.

CAMBERIUM, *Chambery*,

CAput Allobrogum est. Horum limes à septent. est Rhodanus; qui eosdem quoque ab occid. tangit: ab oriente sunt Alpes: Delphinatus ad meridiem eos claudit. Ipso prandii tempore aderamus. Quo refecti, arcem, Principis Thomæ domicilium, petebamus. Si faciem ejus videas, speciosa est primo obtentu; verum extracutem, intus nihil, quod te moretur, invenitur. Enotatas has inscriptiones ponimus. Exterior arcis porta sic habet:

D. D. Principibus piissimis
Victori Amadeo & Christinæ
tranquillitatis & læticiæ publicæ
Vindicibus
Vorivum felicitatis
carmen

*Vivo longævi felices vivite amore;
In vestro populi vivet amore salus.*

Ad dextram statua Prudentiæ:

Prudens simplicitas.

Ibi Principis effigies: *Victor Amadeus, bellator
pacisque lator fortiss. prudentiss. hostium sui que vi-
ctor invictissimus, Henrici Gallorum Magni Regis
voto peracto, sociatâ Sibylliâ Carolo Emanueli Patri.*

Ad sinistram:

Castâ pudicitia.

Ibi Sponsæ Ducis effigies. *Magno Sabaudia Duci,
quod felix faustumque sit, ducit regia conjugii
triumphales arcus. Lancei Marchio Cismontanæ E-
parchus provinciæ, intemeratæ fidelitatis argu-
mentum posuit. Utriusque, Sponsi & Sponsæ,
pedibus subscriptum:*

Auspex huic facti Deus, huic & pronuba Virtus.

Ex arce descendentes, ad *templum Cordigero-vum*, dicatum *Sanctæ Maria*, ivimus, monumentum Antonii Fabri Jurisconsulti visuri; quod dextrum aræ latus cum effigie tenet: à turba omnes angulos occupante, impediēbat illud exscribere. Faber hic scriptis celebris Præsidis locum tenuit in Parlamento; cui successit Dominus de Montoux, olim legatus ad Unionis Principes Germanos à Sabauda missus.

Ceterum urbs ædificiis antica facie similis est Genevensibus: porticus & ambulacra sub tectis ligneis elevatis, platearum vicem obtinent: si incolas vides, formâ & vestitus gratias abigunt, & hoc commune habent cum universa Sabaudorum gente, cui vix sine deformitate quid formæ.

His visis, relinquebamus hospitium, & urbem. Amœna via per *pagum S. George*, cui in colle imminet vetusta arx ad sinistram, euntes, sub vesperam ad opidum *Momelianum* accedebamus *ii milliar.* Mox sine suffamine interventive intro-mittebamur in eam, bene excepti in hospitio, cui pro insigni est *la croix d'or.*

MONMELIANUM.

ALias adventantes ante portam detinentur; interrogantur unde veniant, quo abituri sint; adjunctis nominibus & gente: ita quæstione facta invocatur custodiam agitans, num intro-mittendi sint advenæ; si affirmando responderetur, porta aperitur. A nostro adventu mox aderant milites nomina consignata in arcem ad præfectum delaturi; quorum ope etiam sequenti die ipsam

ipsam in arcem ducebamur. Castellum, cui præpositus erat Comes quidam Italus, *il Signore Rogiero Compignano, Conte de Lucerna*, sub se habens 10 milites in præsidio, præter 300 in opido; vir annis gravis & benevolæ frontis, utpote qui præter opinionem ipse nobiscum munitiones circumibat, monstrando situm loci, castrique defendendi rationem: castellum hoc, inquam, rupi impositum, nec cuniculis suffodi, nec scalis admotis invadi potest, & ab omni tormentorum vi tutum plerique militiæ gnari iudicant, ideoque inexpugnabile munimentum esse, persuasum est multis. anno tamen 1510 xxxvi, sub Francisco I rege, Comes S. Pauli id coepit. Ex opido acclivis est ascensus in castrum, duplo munimento firmum. alterum alteri impositum; nec defunt gerræ sive crates vimineæ, nec tormenta grandiora; qui in proverbium ivêre: *Quand tous les canons de Montmelian seroyent la, je ne le seray pas.* Quasi dicendum: Quidquid etiam operæ & mediorum adhibeamus, non tamen id effectui dare poterimus. Fossæ, quæ castrum circumdant, è vivo saxo excisæ, sunt miræ profunditatis. Hinc munimentum hoc primum est, post Nizam ad mare Ligusticum, quo Sabaudus gloriatur. Henricus IV tamen rex Galliæ (ita enim in fatis erat, ut huic regi non minùs quàm Hannibali Alpes perviæ essent. *Botereus lib. vii hist. Gall.*) non cessavit, usque dum illud expugnaret, hoc ferè modo; Ipse rex præsens erat, copias Momeliano circumfundens. magnas quidem arcem obsidentibus opidum, quod jam ante fecerat deditionem, afferebat commoditates: vix tamen ullus locus collocandis ad arcem verberandam machinis idoneus reperiebatur. sed omnia potest industria. tandem enim diligentia

maximè & ingenio Rosnii præfati machinarum effectum est, ut xxxiii, diversis in locis dispositis tormentis & muri arcis arietarentur, & præsidarii defensione prohiberentur. In descensu unius montium, quos arcem undique claudere diximus, præceps erat collis, vineis confitus. In hujus vertice septem tormenta, lacertorum vi eò pertracta, prædictus Rosnius collocavit, ut iis armis muri quaterentur; ad pedes verò ejusdem collis duas alias tormentis designavit stationes, tam contra propugnaculum, Maurosinum vulgò dictum, quàm loca alia, ad quæ ictus pertingere posse videbantur; è quibus etiam quati poterat turris quædam vetusta, formâ quadrata, ruinamque minitans, quòd olim ab exercitu Francisci I regis Francorum fuisset concussa. Citra fluvium Isaram quoque duobus locis positæ machinæ displodebantur in inferius propugnaculum, inferebantque damnum iis qui exire & oppugnantibus resistere aut etiam murorum ruinas restaurare vellent. Hæc majorem quàm ulla alia res timorem obsessis incussit, qui interea (quippe tormentis eorumque apparatu probè instructi) globos & tela in hostem spargere numquam cessabant. Brandisus, arci præfectus, impetratis viderum induciis, cum rege ita convenit, ut, nisi intra menstruum spatium Dux obsessis auxilio veniret, arx dederetur, præsidarii cum omnibus, quæ gestare possent, excederent, & è centurionibus aliquem, qui hæc pacta Duci significaret, mittere liceret. Ita ergo rex Henricus IV, cum intra vertentem mensem ex adverso nemo comparuisset, arce munitissima præter multorum spem expectationemque est potius xvi novembris. anno cId Idc.

Ex hoc castro fortalitium BARRAVX, ii miliar.

liar. abjunctum, videri potest, tympanumque, quando pulsatur, exaudiri. Sabaudus anno c1o 1o LXXXVII id posuit & crexit; non longè post Dedigerius id pro rege Gal. expugnauit, tenuit, eique præsidium dedit, cui præerat præfectus *Heyd Helvetius*.

Quoad opidum Mommelianum, est illud unum è celebribus Sabaudia, quòd medium inter vicinos montes plano æqualique loco est situm. Isara fluuius id alluit, ejusque civibus multas adfert commoditates. Opidum alioquin nec spatiosum valde est, nec civibus frequens, continuo bello attritis. Incolæ simplici sunt & agresti plerumque animo, à literarum cultu non minùs quàm olim majores ipsoꝝ alieni: quod tamen vitium eis cum aliis Sabaudis plerisque omnibus est commune. Quidquid famæ opido est, ab arce est, quæ magnitudine opidulum adæquat, toti-que viciniæ imperitat; non à commerciis aut ullis diuitiis.

Cœnam cum cubili unam cum hîc habuissimus, mane jentaculo addito, VII milliarium iter ingressi sumus per inuia loca ad magnum illud *Carthusianorum cœnobium*. Primo lapide arx cum pago d' *Amian* obvia erat. inde maxime acclivis & petrosus mons, *le Fraîsne*: quem non sine errore, sed & magno periculo, ascendebamus ad jugum usque. revertendum igitur angustâ semitâ, quæ ad sinistram præcipitium sine fundo ostendebat; nix viam tegens, in aquam resoluta, lutosam viam & difficilem progressum causabatur. descendendum tamen erat non sine exiguo periculo in profundissimam vallem ad pagum *Espernay*: cacumina montium densis nubibus circumvoluta fumabant; per quas tamen ire cogebamur angusto & periculoso tramite. relinquebatur la

chasteau vieil cum suis ruderibus. relinquebatur item pagulus *Sainct Pierre d'Entremont* cum arce vertici montis impositâ, quæ olim Dominum habuit illustrem Herum Colinium, Ianienâ Parisiensi anno cIo Io LXXII è vivis sublatum. hic pagus primus est cis hoc latus in Delphinatu, qui per fluviolum *Gie*, medium secantem, à Sabaudia discriminatur.

Hinc pergebamus, integrum diem impransi; jugis montibus, ubi hyemes vix unquam desinunt, circumvallati, & densâ nive tecti. nullæ hîc habitationes, nulli homines, nec animalia, nec volucres. constituti certè eramus nubibus & nive implicati in media aëris regione. Nulli viatores offendebantur, præter aliquot agasones, qui asinos ductitantes vesturam vini faciebant pro cœnobio Carthusiano. Ultro citroque ita equitantes, per montes, per præcipitia, supini & proni, per flexuosas & devias vias, in vallem *la village de Chartreuse* tandem delati sumus. Pauculæ ædes ibi & molendina. Inde per angustas fauces editiorem in viam rursus eundum erat, præcipitio dextrorsum relicto, usque dum angusto ductu ad primam cœnobii portam devehremur. ubi pons unius arcûs jungens imensos duos saxeos montes, rapidissimo fluvio & horrendo cataracte à se invicem disjunctos. Hæc fluminis vis & velocitas omnem impedit transitum, sive eques sive pedes venias: omnemque cludit ad cœnobium accessum, ponte dejecto. Non tamen Adretium excludere potuit, de quo Thuanus l. xxxi histor., anno cIo Io LVII, ait: Non. junii magnum Carthusianorum cœnobium, quia inter montes asperos positum, urbi Gratianopoli imminens propter viciniam incommodaturum credebatur, ob id

ob id ab Adretio expilatum & incensum est, in collegii illius sodaleis rejectâ artificiosè culpâ, quasi adversarios receptassent, & accepto milite hostilis animi indicium primi dedissent. Henricus IV rex, cum omni aula locum hunc aliquando visitaturus, præmiserat ornamenta, tapetes, & quidquid regium cubile regiamque culinam decebat; verum impeditus arduis negotiis non venit, omnisque convasata supellex retroportata difficili itinere fuit. Ludovicus XIII, qui modò Lilia Galliæ florere facit, idem in animo habuit, verum sine effectu, ut nos edocuit monachus cœnobii; auxit tamen cœnobium annuatim aliquot cL florenis, propter crescentes impensas; siquidem quotidie ccc hominibus hîc victus paratus porrigitur, interdum etiam pluribus, pro augmento decrementôve adventantium. Accedit, quòd cuilibet, quisquis etiam sit, huc adventanti, triduum integrum, liberale detur hospitium sine omni recompensa, nisi fortè aliquid coquo vel cellario honorarii ergò elargiri velit.

Pergamus ad cœnobium. Pons hic ubi superatus est, clausa præsto est porta, hæc à laico monacho, vestitus qui habitu religioso, aperitur, & mox rursus clauditur. Ascendimus angusta via ad amplæ formæ domicilium instar villæ, ædificatum pro opificibus cœnobii: heic pro equis est stabulum & pabulum; adventantesque non est quòd ullam pro vectoribus suis, quàm diu in cœnobio commorantur, curam habeant. Urso- rum prægrandium capita portarum valvis videbis affixa; frequentes siquidem in hac eremo & montosa solitudine oberrantes capiuntur. Relictis heic vectoribus, pedestri itinere contenditur altius, ad ipsum usque cœnobium,

LA GRANDE CHARTREUSE.

Huc ubi ventum, porta pulsanda, vel campanulâ adductâ aditus significandus. mox præsto est, causam adventûs quærens. quâ audirâ hospites intromittuntur, & gladios deponant in ædiculam dextrorsum portæ intus adstructam, rogantur, ibi ad discessum usque reservandos. Intromissi per aream spatiosam ad ipsum cœnobium ducuntur in conclave cuique nationi destinatum; quamvis nos Germanorum habitatione, quæ tunc temporis ab aliis erat occupata, excludebamur, hospitantes interim in Francorum cœnaculo. Adventantibus nobis sub imam vesperam mox largus focus incensus est, deinde mensa strata, pisces varii adpositi, oleo, non butyro, cocti; vinum rubrum, sed asperum, propinatum: & hæc omnia per cellarium exhibita, monachorum nullo præsentē. A cœna, lætē, alveorum instar, parietibus contigui & inclusi, apertis portulis strati, monstrabantur, nobis pro quiete nocturnâ destinati. Ita primum diem ibi habuimus.

Sequenti mane mystagogus aderat, circumdūcturus nos in monasterii penetralia. Ibi quæ de *monasterio & monachis* enotavimus, heic adjiciemus. Monasterium situm est in montibus (*les montagnes de Carthuse*), olim in Sabaudi territorio; modò Galliæ adscriptum, per regem Franciscum, anno cIo Io xxxvi. Ipsum ædificium amplitudine suâ non adedò magnum, structurâ nec adedò elegans: celebre magis propter sanctitatem & Ordinis originem, quàm propter majestatem; alioquin *Certosa Magna* prope Mediolanum primas teneret. Historiam de origine hujus

hujus monasterii, quæ sub Philippo I Gall. rege anno cId LXXXIV cœpit, supersedeo heic atrexe-
re. Passim ea extat, inprimis in antiquitatibus
Parisiensibus. Bruno quidam Colonienfis, au-
thor est Ordinis hujus & monasterii structor:
quâ causâ huc venerit & quâ viâ, authores do-
cent. Inò ipsam historiam, utut Parisiis sese ha-
buit, depictam invenies in peristyllis apud Car-
thusianos Parisienses, ad quos non una mihi itio
fuit cum ibi commorarer, invitatus à primario
Ordinis, viro literato & exterorum amante.
Inde tria defuncti eloquia (quæ Brunonem Pa-
risiis abire moverunt) cum memorandis versibus
de immutabili Dei judicio, exscripta, saltem ad-
jiciam: quæ sunt:

Iusto Dei judicio accusatus sum.

Iusto Dei judicio judicatus sum.

Iusto Dei judicio condemnatus sum.

Versus, non pontificiam redolent opinio-
nem:

Et sanè ipsa Dei sententia grandis abyf-
sus,

Cui soli detecta manent abscondita
cordis.

Quos sibi delegit, vel quos privavit
olympo,

Solus habet notos, solus discrevit ab
ævo.

Nos homines cæci rerum secreta vide-
mus,

Sicut Apollineum discernit noctua lu-
men.

Bruno hic aliquando è monasterio hoc Romam à Papa Urbano II evocatus est. Postquam inde rediit, non reversus est in Delphinatum ad monasterium hoc à se conditum, sed in deserta Calabria se recepit, existimans, se magis inquietum esse in Delphinatu, si rediret eò. Verùm non diu latuit in Calabria; canibus enim venaticis in lucem protractus, ad Comitem Calabriae ductus fuit: qui postea eum magni fecit, multum tribuens ejus meritis & precibus. Vide litteras hujus Comitis apud *Baron. in annalib. eccles. tom. 11.* Mortuus verò est Bruno VI octob. anno cIo c i. Epitaphium tale ibi ei positum:

*Primus in hac, Christi fundator ovilis, eremo
Promerui fieri, qui tegor hoc lapide.*

*Bruno mihi nomen, genetrix Germania, meque
Transtulit ad Calabros grata quies nemoris.*

*Doctor eram, praeo Christi, vir notus in orbe:
Desuper illud erat; gratia; non meritum.*

Carnis vincla dies octobris sextaresolvi:

Ossa manent tumulo; spiritus astra petit.

Mythagogus ducebat nos primò in *facellum Generalissimi*, (Prioris hoc nomen est, quòd generalem inspectionem omnium conventuum, qui hujus ordinis sunt, habet) angustum quidem, sed valdè decorum. aræ pictura aliquot cIo aureis æstimatur.

Deinde in *Capitulum* majus. locus est omnium cœnobarum, quando heic conveniunt de rebus ordinis acturi, confessui accommodus: distincta cuique nationi sua sunt subsellia. Parietes vi *tabulis* investiti sunt; Historiam fundati Ordinis in iis pinxit monachus Carthusianus artificiosissimâ manu. Prima *tabula* ostendit Canonicum, è feretro sese erigentem Parisiis; cujus verba & tria eloquia superius notavi: Feretro adstat Bru-

no cum aliis, pallido vultu & mœstitiâ spectaculi omnes perterriti. Secunda tabula ostendit Brunonem, somnio VII stellas videntem; quæ VII primaria Ordinis capita significare dicuntur. Tertia tabula Brunonis repræsentat adventum ad episcopum Gratianopolitanum, ut cum eo consulter. Quarta tabula ostendit episcopum manu ducentem Brunonem in solitudinem, cui monasterium hodiè stat inædificatum; Egregia pictura est, in qua situs montium artificiosè exprimitur. Quinta, ipsa est cœnobii structura; ubi cœmentum, calx, lapides, ligna, instrumenta opificum, circinus, regulæ merentur laudem artificis. Sexta, cadaver Brunonis est; cui monachi adstantes, mœrentes, affectuum ostendunt naturam: ibi inscriptio:

Innumerus dives meritis, confectus & annis,

Extremum claudit funere Bruno diem.

Angelicae plaudunt turmæ, referatur olympus;

Non moritur; vitâ nobiliore viget.

Inde ducebantur in auditorium, concionibus Gallicis destinatum pro novitiis.

Cæmeterium sine omni ornatu, sine cœnotaphiis est; Priorum monumenta ostendunt cruces ferreæ.

Refectorium duas habet tabulas & unam cathedram, è qua prælegitur conviventibus. Verùm diebus Dominicis solummodo in hoc refectorio conveniunt, & magnis ecclesiæ festis, observantes strictè Hugonis regulam & præceptum, & habentes oculos in mensa, manus in scutella, aures ad librum, cor ad Deum.

Templum non spaciosum, nec lucidum; in quo lampas argentea magni ponderis, donum Carthusianorum Ratisbonensium, cum inscriptione

ne: *Domus Carthusiana Ratisbonæ.*

Cellula monachorum & habitationes sunt quoad opus intestinum quercetano ligno vestitæ, nunquam cimicibus infectæ, quod Parisiis vidi, & notavi: opifices vero & servi domestici cœnobitarum proxime cohabitantes ab iis non sunt liberi. Antiquitates Parisienses ita habent: C'est une chose generale par tout l'ordre, que Dieu n'a point voulu que les moines de c'ordre soyent affliges & inquietez de ces puantes bestiales, appellees PVNAISES, & en a exempté toutes leurs cellules, desquelles autrement & difficilement ils se pourroient garentir. pour y avoir grande disposition, à cause qu'ils couchent vectus, n'usent point de linge, changent peu souvent d'habits, ont leurs cellules faictes de bois par dedans leurs lits, & fermés de bois au lieu de courtines, & le fûiure de leur lict, qu'ils sont si peu curieux de changer, qu'il y en a qui ne le changent pas en vingt ans une fois.

Videamus nunc *monachos*, & quæ circa Ordinem sunt singularia. Monachis præest Prior, generale omnium hujus Ordinis conventuum Caput. Hic semel electus è quocunque conventu, quicunque etiam ille sit, tenetur se conferre in locum & monasterium hoc grandis Carthusii; nec, quamdiu huic officio præest, sese ex montibus his recipere aliorum, in exemplum reliquis monachis, solitudinem qui selegerunt. Inter Priores fuere etiam Franciscus de Puteo, I. V. D., & Petrus Sardus, J. C. us.

Circa monachos videatur numerus conventuum, regula vitæ, & monachorum distinctio.

Conventus divisi sunt in XVII provinciis; ubi CLXXIX monasteria habent; in quibus numerantur IIII CCCC religiosi, & plures, ut scribit Azonius, lib. XII de instit. moral. part. I, cap. 21.
de mul-

de multitudine monachorum. Ex omnibus his conventibus anno semel unus ablegatur ad conventum generalem in hunc locum; quod aliorum Ordinum monachi non observant.

Regula vitæ est maximè austera, & consistens in his III punctis; in JEIUNIO, VESTIMENTIS & SOLITVDINE.

JEIUNIUM illis est perpetuum & abstinentia ab esu carniū etiam in extrema valetudine. Unde *Navar. tom. IV, tit. de regularib. lib. xxx, conf. v,* movet quæstionem, num Ordo Carthusianorum sit magis austerus, quàm Ordo Minimorum; cū illi tria tantum habeant vota essentialia; isti verò addunt quartum, nimirum, observationem continuam vitæ quadragesimalis, ita ut numquam nec butyrum, caseum vel ova edant; excepto tamen casu morbi, quo licitum Minimis vesci carne: concludit autem, quod rigorosior sit ordo Carthusianorum, quia facilius est vesci cibus semper quadragesimalibus, & interim carnibus ubi ægrotamus, quàm his perpetuò abstinere. Præterea, singulis diebus Veneris jejunium illis est in pane & aqua, nisi veniam impetrent à superiore, pro licentia & esu ciborum quadragesimalium, præter caseum, ova & butyrum. Sic strictè hæc regula observatur, ut, etiamsi kalendæ januarii seu festum Circumcisionis incidat in diem veneris, Carthusiani abstineant à lacticiiniis, etiamsi sæculares vel carnibus vescantur. Jejunium verò in pane & aqua Bruno in principio instituit die lunæ, mercurii & veneris; sed nimis austera fuit hæc regula, & mutata in diem veneris dumtaxat. Si verò cui libet hanc jejunii observare sanctionem, ei non licitum nisi permissu abbatis; cui competit judicare de cujuslibet sui religiosi vale-

valetudine, & sequi discretionem Patriarchæ Jacobi, lequel disoit : *Si je fay trop travailler à cheminer mes troupeaux, ils se mourront tous.*

Singulis diebus Dominicis tenentur fratres Ordinis, exeuntes è refectorio, postquam Deo gratias egerint in templo, ad portam refectorii se sistere, ceu mendici Jesu Christi, ubi singuli sumunt panem, eumque in sequentem diem reservant in suis cellulis. hic mos observatur in omnibus conventibus, excepto Parisiensi; ubi propter frequentiam hominum, templum ibi frequentantium, & fortè illudentium, huic regulæ non est locus.

Alterum punctum est in VESTIMENTIS; quæ sunt è pilis facta, & dies noctesque nudæ curi investiuntur. nihil lintei gestare eorum regula est; indormire strato stramineo, nihilque pretiosorum curare vestimentorum indumenta. *Mauritius abbas de Cluny, lib. II miracul. cap. 28, de institut. Carthus. scribit: Vestes vilissimas, ac super omne religionis propositum abjectissimas, ipsoque visu horrendas assumpserunt. amplitudine enim breves & angustæ sunt, formâ hirsutæ & sordidæ, ita ut indicio sint, nullum gloriandi vitium se posse admittere. Hoc vestimentorum genere de pilis capreis, adhuc hodiè utuntur in magno hoc cœnobio, & vicinis: in aliis provinciis meliori panno sunt vestiti, prout illis regula permittit, ut se vestiant pannis in ipsa regione textis, propter certas occasiones. Sanctus Dominicus Hispanus, instituturus Ordinem Prædicatorum, accessit patrem Basilium Carthusianum, ut consultaret cum eo: videns ibi Carthusianorum vestimenta, eadem Jacobitis fratribus ordinavit; hinc tanta vestium conformitas in utroque hoc Ordine.*

Ter-

Tertium punctum austeritatis est SOLITVDO; quia nullus eorum unquam exit monasterio, præter Priorem & Procuratorem conventûs: iidem non egrediuntur suis cellulis, nisi obedientiâ vel necessitate coacti, nempe eundo in templum, aut semel tantum de septimana exspatiando in claustris monasterii pro mutatione aëris, in hortis & areis muro cinctis: hinc Doctor Navarrus appellat eorum monasterium perpetuum carcerem. Accedit SILENTIVM, quod iis sic sanctum, ut sese obviantes, inclinato dumtaxat capite, sine effatu vel unius verbi, salutent invicem. Mulierum omnis adspectus iis interdictus à primo investituræ momento, nedum cohabitatio.

MONACHI numero c heic vivunt; discriminati in *Donatos* & *Conversos*. Illi sunt clerici, studiis & sacris operantes, cantando. Isti sunt novitii & laici, alieni à studiis, à sacris, vel non ita pridem in Ordinem recepti.

Dum hæc discurrendo enotamus, jentaculum paratur eodem in coenaculo, quo dormitum iveramus. Inter vescendum concludebatur de munere, coquo pro operâ præsentando. aureum exhibuimus illi, & mystagogo gratias; qui nos ad portam primam, ubi gladiis restitutis rursus accingebamur, conducebat; nominaque ibi nostra libro sat magno inscriberemus, rogabat; factum hoc pro memoria est; & ad equos repetitum iter, quos eundo & equitando ad primam portam duximus, ubi custodi tenue munusculum, & benevola dimissio.

Hinc aliâ viâ & longè meliori per Delphinatum ituris descensus factus in pagum *Sapene*, II mill. Inde sesquimilliar. ad urbem *Gratianopolin*. Cum medio milliari abessemus ab ea, constituebamur in extremitate montium, eminus
tempe

tempe Delphinatûs conspicientes. Vallis longa & lata est, vestita floribus, herbis, pascuis, hortis; interfecta fluvio Isarâ; ipsa tellus, cui insistebamus, violis purpureis tota investita erat: descensus per vineta fiebat, à se & amygdalis persicisque fructibus optimum odorem spargentia. Ita advehebamur in urbem, divertentes ad hospitium gratum à *saincte Barbe*.

GRATIANOPOLIS, *Grenoble*.

DELPHINATVS est una è nobilissimis Galliarum provinciis, divisa in duas partes: *superiorem*; in qua sunt Embrum, archiepiscopalis sedes; Valence, Die, Gap, & S. Paul. & *inferiorem*; in qua Vienna, olim metropolis; Grenoble, hodiè capitalis totius Delphinatûs; Romans, Crest, Briancon, Monteil-Aymar, S. Anthoine de Viennois, S. Valier la Coste, le Monestier, Chasteau Dauphin. Coaluit regno illa subalpina regio, Humberti Dynastæ liberalitate in regum primogenitos. sunt qui emptione dicant: ille enim rerum sæcularium pertæsus, amissis liberis, Dominicanorum cucullâ fastum sæculi privatumque dominium mutavit; ac post in huiusmodi sodalitis supremis muniis & tandem vitâ defunctus, sepultus est in basilicâ ædis Dominicanæ Parisiensis, ante primariam aram, viâ Jacobæâ, tegiturque laminâ aheneâ protritâ pedibus, hoc elogio litteratâ:

HIC IACET PATER AMPLISS. DOMINVS
HVMBERTVS, PRIMO VIENNAE DELPHINVS:
DEINDE RELICTO PRINCIPATV, FRATER OR-
DINIS PRAEDICAT. IN HOC CONVENTV PA-
RISIENSI, ET DEINDE PATRIARCHA A-
LEXANDRIAE, AC PERPETVVS ADMINI-
STRATOR RHENENSIS ECCL. ET PRAECIPVVS

BENE-

BENEFactor HVIVS CONVENTVS, OLIIT ANNO DOMINI MCCC LV, DIE XXII MAIL. ORATE PRO EO. *Rodolph. Botereus tom. II, lib. IX, Hist. pag. 58.*

Urbi olim nomen fuit *Accusio*, vel *Colonia Accusiorum* in provincia *Cabilloniorum*, teste Ptolom. in *Geograph.* hoc tenuit usque ad tempus Diocletiani & Maximiani, quo dici coepit *Cularona*: postea sub Gratiano Imperatore, (qui anno CCC LXXXVII Lugduni à Maximino fuit occisus,) murorum ampliorum auctore, nomen sortita est *Gratianopolis* per Romanos; unde corrupto vocabulo Gallis mansit *Grenoble*.

Sita est formâ ovali, in planitie, quæ pedentim se extendit ad montes vitiferos, (*Chalemonts*) fertilitate nulli regioni cedentes. *Isara fluvius*, ex Alpibus Orientalibus ortus, adque Tarantassium & Moriennam impetuoso agmine se præcipitans, eam lambit; post irrigato Delphinatu in Rhodanum influit intra Thinnium & Valentiam; ubi Fabius Allobroges devicit.

Partibus externis ad numero duo Fortalitia. 1, la tour de rabot. 2, la bastille trans Isaram in jugo montis. *Portas* item, *veteres & novas*: earum nomina & inscriptiones dabimus.

Veteres construxit Maximianus, qui à Diocletiano eò missus, duas ex quadrato lapide ita posuit, ut antiquitas eas non perdiderit.

Alterâ dicta est *Romana Iovia*. Diocletiano dedicata, qui Jovi se æquiparare rebus suis gestis non erubuit. talis ejus inscriptio:

D D. NN. Impp. Cæs. Cajus Aurel. Valerius Diocletianus P. P. invictus, Augustus & Imp. Cæsar M. Aurel. Valerius Maximianus, pius, felix, invictus, Aug.
muris

muris Cularonensibus, cum interioribus ædificiis, providentia sua institutis atque perfectis, portam Romanam Joviam vocari jusserunt.

Altera dicta est *Viennensis Herculana*, Maximiano dedicata, qui Hercule se non inferiorem existimabat: Ejus hæc inscriptio:

D D. N N. Impp. Cæs. Cajus Aurel. Valerius Diocletianus P. P. invictus, Aug. & Imp. Cæsar Marc. Aurel. Valerius Maximianus, pius, felix, invictus, Aug. muris Cularonensibus cum interioribus ædificiis providentia sua institutis atque perfectis, portam Viennensem, Herculeam vocari jusserunt.

Novæ portæ sunt v: 1. *La porte de Bonne*: cui hæc inscripta sunt:

Æternæ memoriæ Henrici III, Gall. & Nav. regis Christianiss., verè Augusti, op. clementiss. fortiss. felicissimique regni Gall. instauratoris, patriæ patris. Quod Francisci Bonnæ Lediguerii virtute, fide, manu, Senatui auctoritatem, civitati patriæque universæ pacem restituerit, urbem novo pomœrio amplificavit, civitas & patria gratitud. monum. c l o l o x c v.

II. *La porte royale, ou de France*: cui talis est inscriptio in marmorea tabula:

Ludovicus XIII Gallorum & Navar. rex, pius, felix, invictus, Gratianopoli monte auctâ, ejusque muris, propugnaculis,

culis, & interioribus ædificiis, providentiâ suâ, & curâ Francisci Bonnæ, Ducis Digueriarum, Paris. & Mareschalli Franciæ, Proregis Delphinatûs, institutis atque perfectis, portam hanc regiam vocari jussit. M D C XX.

III. *S. Laurent*, cum hac inscriptione:

Felicibus auspiciis & jussu Henrici III, Gall. & Nav. regis invictissimi, decora mœnia civitatis Gratianop. inchoata, & ex voluntate Ludovici XIII regis Christianissimi propugnaculis & pomœriis aucta, Franciscus Bonna Lefdigue-rius, Dux Par. & Mareschallus Franciæ, Delphinatus Prorex, fidelissimo studio & curâ solerti absolvit, & portam divi Laurentii exteris & incolis à fundamentis erexit. Anno sal. M D C XV.

IV. *La porte Chalemont, ou à sainte Marie.*

V. *Trois cloistres.*

Ex his portis obvium est unicuique, sentire quinam urbis fuere amplificatores.

Internæ urbis partes sunt templa & politicæ domus.

Templa pontificia sunt: D. Virginis; ubi Episcopi sedes; S. Andrea, quod à turri pyramidalis commendatur; S. Laurentii, B. Magdalena, Iacobinorum, Cordigerorum, &c. Reformatis unum tantum est, dictum le temple, intra muros urbis, elegantissimæ structuræ. quod nobis visendum contigit benevolâ Domini de Boteron permissione: ipse nobiscum erat reformatæ religionis

ligionis minister; intrabat, exponebat quæ rogabamus. Internæ portæ superstructa est congnatio pro pontificiis, qui clàm à nemine visi eò ire & conciones audire possunt. Coetus reformatorum ad 11 c10 se extendit. Comes-stabuli Heros Lesdiguerius suum prope cathedram peculiare habebat sedile; nec longè inde Consiliarii regii, Cameram Edicti & Rationum tractantes.

Politica ædificia ad usus communes destinata sunt 1 *turres*; quæ variæ & elegantes. Ponti imposita inter eas eminet, cum horologio, cui versus inscripti:

*Tolle moras; fugiunt tacito nam tempora cursu,
Nec tibi præteritos referunt horaria menses.*

Alteri lateri hæc disticha inscripta sunt:

*Dura ferox summa cernis quæ marmora turris
Abstulerat Mavors fulminis arte sui.
Cunctis optata jam non sine numine pacis
Laute structa diu non peritura manent.*

2. *Pontes bini*. alter qui in suburbium D. Laurentii ducit, à quo non procul lapidicinæ opidanis ædificiis inservientes. alter novus, regalis dictus, qui splendido opere struebatur cum heic essemus.

3. *Armamentarium*; ubi excubiæ Helvetiorum positæ in præsidio, nomine regis.

4. *Palatium Lesdiguerii*. hortus aditus nitidus & cultus; equile structissimum: quod verò famam & lucem ei infert, est clementissima acceptio nostri; nam intromissos dignata est illustri Hera alloquio sat amplo, jungens juxtim gratiosæ dimissioni felix ad iter votum.

Tantum de urbis structura & ædificiis. *Regimen Ecclesiæ* commissum est episcopo, qui tamen archiepiscopo Viennensi subest.

Poli-

Politie vero, commissum est *Parlamento*, *camera rationum*, & *edicti*.

Parlamentum, quod unum ex VIII Gallix grandioribus hic est, continet sub se duos archiepiscopos, Viennensem & Embrunensem, & v Episcopos, de Valence, Die, Grenoble, Saint Paul trichasteaux, & Gap.

Cameras Rationum VII habet Francia, à *Paris*, *Dijon*, *Montpolier*, *Nantes*, *Grenoble*, *Aix* & *Roüen*. Singulæ habent suos præfides, auditores, procuratores, advocatos, collectores, scribas, & alios officarios. quorum stipendia cum officiis possemus adjicere: verum hæc in theatro regni Gallix, volente Deo, amicus lector videbit.

Camera Edicti suos Præfides & Consiliarios habet. Eorum aliqui sunt pontificii, aliqui reformati. Nec solum cognoscunt rem religionis in Delphinatu, verum etiam in Provincia: Imo reformatis, sub Parlamento Burgundiæ viventibus, liberum est, si quæ de religionis negotio habeant, num Parisios vel Gratianopolim ire velint, rem jure experiri. EDICTVM VERO, quo gaudent Reformati, cum in omnibus regni ferè partibus & urbibus valere debeat, non abs re esse judicavi, præcipuos ejus articulos huc adscribere, ut amicus lector, quæ pax inter utramque religionem stabilita sit, videre possit. Dicitur *Edictum Namnetense*; quod in Protestantium gratiam factum, post longas altercationes & repetitas controversias finem accepit, & regio sigillo firmatum est, eidib. april. c. 10 xcviii; licet anno sequenti demum in Senatum allatum, publicatum, & promulgatum fuit. non enim rex pacificus, ante legati Pontificii è regno discessum, Senatum convocare voluit.

Orationem, quam in eam rem, convocatis in Luparam regiam è singulis classibus Curia delectis, habuit, vide apud *Thuan. lib. cxxi*, sub ann. *clō lōxcix*, & *Botereum lib. vi Comment. Gall. p. 470*. Circa hoc Edictum observantur curiosi, eadem in urbe, in qua ante xxxix annos prima coitio Protestantium ob religionis causam, sive conjuratio contra Guisianos, facta fuerat, quæ bellis civilibus toties infelicitè repetitis principium dedit, pacificatorium Edictum, quod iisdem finem esset impositurum, à rege conditum esse. Perstringamus Edicti hujus, quod vocant religionis, xxv febr. anno *clō lōxcix* promulgati, præcipua capita, è *Meterano & Gasp. Ens, lib. xx, hist. belli civil. Primo amnestia & oblitio omnium secus ab anno MDLXXXV factorum sancitur. Catholica religio omnibus in locis restitui, decimæ aliique redditus, templa & fabricæ ecclesiasticis reddi jubentur. Iisdem solutis fabricarum in ecclesiæ solo exstructarum impensis, fundum redimendi datur potestas. Protestantibus ubique per regnum liberè habitare ac vivere, nec in eorum fidem aut conscientiam inquirere licebit. Omnibus Principibus aliisque è nobilitate, qui merum habent imperium, liberum religionis exercitium suis in opidis & vicis concedetur, eique omnibus, quicumque voluerint, interesse licebit: at quibus alta, ut vocant, jurisdictio non est, ad ejus religionis exercitium familiam tantum, aut præter eam non plures quàm triginta, admittant. Idem exercitium omnibus opidis & locis permittetur, in quibus anno MDXCVI & XCVII usurpatum fuit, &c. Lutetia & quinto ab ea milliari eadem ne fas sit uti. Protestantibus templa locis permisis exstruere, scholasque constituere, permittatur. Ministri à conviciis & seditiosis verbis abstineant. Protestantes dies festos*

festos clausis januis celebrent; intra limen verò sine strepitu opus faciant, si velint. Nullibi Protestantium librinisi in locis ipsorum religioni addictis vœnum exponantur. Ad academias quisque sine respectu religionis admittatur; itemque pauperes in nosocomia & xenodochia. Protestantes matrimoniorum leges, quoad gradus affinitatis, obseruent. Ex muneribus publicis solvant constitutum; nec tamen ad ceremonias, quas non probant, adigantur. Idem à nulla parte, modò idonei sint, publicorum munerum excludantur. Cœmeteria iisdem assignentur; eaque inviolabilia sunt. Lutetiæ Parisiorum, quo iustitia omnibus æqualiter administraretur, Curia sive Camera constituatur, in qua unus sit Præses, & XVI Senatores; in aliis verò Curiis, Iudices aliquot Protestantium religionem professi legantur, coram quibus causæ inter utriusque religionis homines sine odio aut invidia disceptentur & dijudicentur. Idem in Curiis Gratianopolitanâ, Burdigalensi & Carnutenfi fiat, accommodatis ad id certis legibus & institutis. Omnia decreta, sententiæ, res iudicatæ, distractiones bonorum, aliæque exsequutiones, post mortem proximi regis Henrici II vel in religionis vel seditionis causa factæ, irrita, vana, nulla pronuncientur & habeantur: simul omnia monumenta, vel ad memoriam vel ad contumeliam cuiusquam erecta, dejiciantur & tollantur. Damnatæ, si adhuc in vivis sunt, vel ipsorum heredibus, bona abjudicata restituantur; itemque in integrum omnes illi in quos lata est sententia, eò quòd vel Protestantium militiam sequuti fuerint, vel religionem professi. Omnes religionis causâ exules, etiam in peregrino solo nati, pro regni civibus agnoscantur & recipiantur. Omnia privilegia, jura, libertates, immunitates, quibus regni Gallici subditi ante annum M D LXXXV & priores annos usi sint,

isilem reddantur. Omnes ob religionem vel in vincula coniecti, vel in exsilium pulsi, vel ad trivernem quoque addamnati, libertati & patriæ restituantur. Protestantibus ne in publicis exactionibus & tributis plus oneris quàm ceteris imponatur. Iisdem ne fraudi sit quòd vel bellum gesserint, & regiâ vel publicâ pecuniâ ad id usi sint; quod arces, opida, templa demoliti sint; quòd cum exteris fœdera contraxerint; quòd peregrinum militem accersiverint, &c. nec ulla harum rerum omnium ratio ab eis reposita sit, nisi fraus intervenisse convincatur. Iidem verò ab omnibus externis confœderationibus discedant: neque militem, nisi regis permissu, conscribant. Pradam tam terrâ quàm mari in bello acquisitam uti quis possidet, ita possideat; at quod præter vel contra militiæ usum, odio tantum aut avaritiâ alteri ereptum vel extortum fuerit, ejus jure repetundi jus esto. Opidorum mœnia dejecta, assentiente rege, restaurentur. Protestantes denique omnes & singuli fortunis, famæ & honoribus restituantur: revocatis & annihilatis omnibus superiorum temporum decretis, placitis, sententiis, in eorum ignominiam vel damnum latis. Quæ omnia fusiùs singulari quodam libello Gallicè, regis permissu edito, perscripta, & xcii capitibus sive articulis comprehensa exstant; decreta mense aprili MDCXCVIII, Nanneti; promulgata Lutetiæ, xxv febr. anni sequentis. Præter hoc Edictum, ejusdem regis jussu, è generalibus illis, speciales quidam articuli, numero LVII, extracti sunt, ad Protestantium res & religionem maximè pertinentes: quos rex non minùs quàm illos observari, & in publica Curiarum acta inferri, omniaque ad eorum observationem necessaria expediri jussit. Et hi quidem mense majo MDCXCVIII decreti sunt & confirmati, sed anno MDCIV de-

mum typis excusi. Sic ergò tandem omnibus re-
 motis obstaculis, Galliarum rex Henricus IV
 Edictum hoc religionis & pacis in universo suo
 regno promulgari & observari iussit; eâ spe, cum
 pace religionem quoque & pietatem, omnium
 virtutum parentem & nutricem, felicia incre-
 menta sumturam; cui nihil magis quàm bella,
 inimicitia, odia, fœcundissima omnis impie-
 tatis semina, adversantur. Didicerat quippe rex,
 ab ipsa experientia edoctus, & melius quàm quif-
 quam hominum, *conscientiis frustrâ vim*
inferri; neque fidem ferro, sed verbo &
exemplo animis esse inserendam. Principio
 quidem neutris, tam Catholicis quàm Prote-
 stantibus, Edictum hoc satis placebat, multas
 ob causas: at paulatim pacis beneficio deleniti,
 utrique in eo tandem summâ cum modestiâ ac-
 quieverunt. Catholici enim religionis suæ exer-
 citium omnibus in locis, unde jam diu exfula-
 verat, restitutum videbant; & redditibus suis &
 decimis pacatè fruebantur. Protestantes etiam
 religioni suæ, tam acerbis odiis, ustionibus &
 sectionibus hætenus exagitata, pacem tandem
 redditam gaudebant. Illud unum jam reliquum
 esse videbatur, ut pars utraque non ferro am-
 pliùs, sed bonæ & probatæ vitæ exemplis; non
 conviciis, sed ad pietatem instigantibus sermo-
 nibus, inter se ac secum ipsi decertarent. Huc
 adponere placet renovationem Edicti hujus Nan-
 netensis è lib. I, tom. III, Boterei; qui ita insit;
 Quamvis novelli reges, antecessorum servandis
 edictis obnoxii sint, & privatim filii parentum;
 placuit tamen Nannetense renovari, ne quid re-
 ligionis disparis cultores, ad suam publicam-
 que securitatem prorsus desiderarent. illud ve-

ro sic ex vernaculo nos Latinitate donavimus :

LVDOVICVS DEI GRATIA FRANCORVM ET NAVARRAEORVM REX. Omnibus hanc nostra sanctionis paginam lecturis faustum sit. Ab immani & horrenda illa cade præcelsi & plurimum colendi genitoris nostri (cui numen propitium sit) Augusta vicaria regni parens nostra, æquè nobis colenda, quantumvis alto pectore saucia, oculis iugifletu madentibus, quâ est animi celsitudine & prudentiâ, ut plurimum enixa est, ne mihi privatim, regno & subditis, exinde quidquam noxium succresceret. Huic curæ obnixè incubuit, tùm ob eum quo me amplectitur maternum affectum, tùm ex votis suffragiisque liliatæ stirpis, aliorumque Principum, antistitum, patritiorum, officialium, administratorumque Franciæ coronæ, decreto Lutetiani Senatus, concreditam regni procurationem, me in excelso folio iustitiæ assidente & annuente. Solertia & sedulitas optimæ parentis, procerum nobiliumque qui affuere, Lutetianorum civium fides & probitas ita emicuerunt, ut nec in eorum cultu & observantia, nec in Augustæ prudenti regimine quidquam desiderari possit. Lutetiæ non solàm pacata omnia, sed in dies de universi regni tranquillo statu, provinciales legatos nunciosque accipimus; ita ut inter religione discrepantes, nulla prorsus sit in rebus politicis discrepantia; quin imò inter utroque, de obsequio & benè merendi officiis, est veluti quoddam laudabile certamen. Ex illa olim dissidentium animorum conjunctione, Deo agendis gratias maximè obnoxii sumus. quo auspice eâ speducor, illum, qui stator servatorque nostri imperii fuit, totque exhaustis periculis illud olim & tandiu eripuit, ut tot sæculis effloresceret, impuberi meo ævo præsidium & fulcimentum suum non negaturum, ut ad sui nominis gloriam cum pietate & virtute
adole-

adolescens; quod unum efflictim ab eo depono; utque consilia & salutaria monita cœlitus inspiret, quibus concreditos mihi populos, pacatos & unanimos regere valeam; cum post numinis providentiam, regni inconcussi fulcrum sit civium concordia. nam experientiâ & rerum usu antecessoribus regibus satis exploratum fuit, frustrâ vi & armis ad Apostolicos & Romanos ritus, qui ab illis defecerant, fuisse impulsos: quin imò inefficax remedium damno fuit. Quod ubi experti sunt, colendæ religionis suæ veniam indulserunt. Emulatus idipsum praelatus genitor noster. Vique aversos animos conciliaret, Nannetense Edictum tulit. quo promulgato, servatisque illis decretis, pax inturbata coaluit. Et quamvis lex sit fixa, quæque non sit refigenda, nec ratihabitione egeat: nihilominus, ne quis de nostrâ mente dubius sit, utque constet omnibus, mihi immotum esse, ut sanctio illa Nannetensis, tamquam lata ad quietem Orthodoxorum, æquè ut aliorum, inconcussè servetur: Notum & publicum facio, quòd me cum Augusta parente regni vicaria assidente, re sedulò perspectâ, ex consilio & adsensu Principum nostræ & liliatæ stirpis, aliorum etiam Ducum, patriciorum, officialium Francicæ coronæ, insigniumque procerum consistorii nostri, statuo, decerno, volo ac lubet, ut Edictum Nannetense, atque illius appendices, decreta & Senatusconsulta, ad illius explicationem lata, rigide & sigillatim observentur: quique minùs obtemperantes fuerint, velut publicæ quietis turbatores ut coercantur, omnibus juridicis distinctè mando: neve sanctionis despectum inultum patiantur. Quod si idipsum vindicare neglexerint, cum despectoribus eadem severitate pœnæ æquabuntur. Datum Lutetiæ, xx maji cIdo Id c x. Huic sanctioni nova addita, quâ severissimè indictum, ut, qui statim ab ex-

cessu regio, vel protervitate & pruritu rerum novarum, vel fortè ad præsidium regni & provinciarum, arces & castra occupaverant, milite & bellico comineatu instruxerant, commilitones turbasque acciverant, ut, quamprimum relictis arcibus, castris, præditiis custodibus, dimissâque omni molitione, prisce quieti se redderent. si minùs obsequentes fuerint; præfectis provinciarum togatis & succinctis, ac etiam latrunculatoribus jussu, ut illico tamquam perduelles, & quietis publicæ perturbatores eos comprehendant, de hisq; indictas edictis pœnas publicè exigant. Nihil profectò conducibilius, quàm, fræno illo legum, homines ad latrocinia publica jam se effundentes cohibuisse: nimaturè eorum audaciæ & furori obvium itum esset, quot sunt munitissima castra & arces, tot latibula & latrociniorum officinæ fuissent.

Adversa urbi quæ evenerint, cùm fame expugnata sese dedere coacta fuit, vide apud Thuanum lib. xxxiii, pag. 537, & seq.

Revertamur in viam itineris. quod, Gratianopoli visâ, fecimus unâ leucâ ad pontem de Bonne; qui è lapide structus, uno fornice, sed amplæ quantitatis, coarctat fluvium *Dracum*. hic vehemens valdè & rapidus, frequentibus exundationibus campos vicinos infestat. Arcus seu fornix hic superstructam habet portam cum bina inscriptione. altera facies, quæ Gratianopolim respicit, in fronte habet:

ROMANAS MOLES PVDORE SVFFVNDQ.

Subtus:

Henry le grand, tres Christien roy de France & de Navarre, Dauphin de Vien, pere de la patrie, tousjours augustin,

ste, victorieux, & triomphant apres avoir vaincu ses ennemis, la paix reſtablie tant par mer, que par terre, toute l'Europe, par l'advis & conduicte de tres illuſtre Franc. de Bonne, Duc de Champſœur, Seigneur des Diguieres, & Pair & Mareſchal de France, gouverneur & adminiſtrateur general pour ſa Majeſté & Dauphiné, pour le bien & commodité des peuples de Viennois & Diois, a jetté les premiers fondemens de ce merveillex ouvrage.

altera, quæ vicum Viſ reſpicit, in fronte habet;

UNVS DISTANTIA IVNGO.

ſubſcripta erant Latino idiomate, quæ feſtinando enotare non potui. ſed condonabis, lector; erant ſiquidem ejusdem ſenſûs cum Gallico prior. Ibi pro quoq; vectore 1 ſol. de France ſolvitur.

Inde adhuc unâ leucâ abeſt vicus VIÆ. ubi prandio noſtro intererat an Dauphin Mag. Rollinus, miniſter verbi, quo interprete arx & hortus Heri iſtius loci nobis patebant.

Uno iſthinc lapide diſtat la fontaine qui bruſte. Fons eſt ad torrentem exiguus, qui perpetuam flammam ejicit, cœlo præſertim nubilo & pluvioſo, comburens quicquid in eum injeceris. Si cœlum ſudum & defæcatum eſt, opus eſt viatore, quem in pago S. Barthelemi conducis. hic ſtramine ad fontem accenſo monſtrat flammam ejectam, non videndam niſi palliis expansis ſcaturigo obſcuſcetur, & radii ſolis impedianſur.

Antiquitates Francia, pag. 829, habent: Il y a une fontaine, remarquable par une ſecrete propriété, qui luy fait jetter ſans ceſſe flammes & bouillens, & qui embrâſe de ſes feux tout ce que

l'on en approche. Tale naturæ miraculum videtur etiam in fonte Dodonæo ; qui cùm sit gelidus, immerfas faces extinguit: si extinctæ admoveantur, accendit. Idem meridie semper deficit: quæ de causa *anapaumenon* eum vocant. mox increfcens ad medium noctis exuberat ; ab eo sensim deficit. *Plin. lib. 2.*

Dextrorsum retroeundo videas arcem *Bernas*, Domini de Mirabelle, priusquam ad vicum *Vif* redis ; in quo viatorem conduximus, qui vadum per fluvium Dracum nobis monstraret. Nulla heic via alia, nisi velis retrò per pontem Bonne prædictum ire. Perreximus equis insidentes ; prætor vestibis exutis per vadum ibat ; quod quandoque voraginem habere videbatur, & in decem ramos divisum, aquosum ferè ad collum usque viatoris est, nec sine periculo. eundem tamen erat ; quod & alacriter præstitimus, ad pagum *Achan*, 11 mill. Ubi fluminis finis, & prægrandis montis initium. Quo longâ viâ superato, descendimus in vallem, amne *la Rimanche* affusam. Ibi pagus *la Martineffe* ; ad quem pons ligneus ducit. Penes ripam via recta est 1 mill. ad vicum & arcem *Vigile*. Pernoctatum est *au paradis*. Cum primâ luce Solis ad arcem itum Desdiguerii. Hic à vigilantia suâ dictus est Antipater Philippi regis Macedoniæ. cùm enim Philippus Alexandri M. pater reprehenderetur quòd nimis altum sterteret, pressus multitudine negotiorum supervenientium; respondisse fertur, se posse securè dormire, dummodo Antipater sui loco vigilarer. *Plutarchus.*

LE CHATEAU VIGILE.

Ipsa arx in vallosa planitie sita, tota est montibus circumcincta ; non vulgaris structuræ, nec pauco-

paucorum sumtuum. *Bina portæ* introitum largiuntur. *Altera* cataphractum ostendit in summo ipsum Desdiguerium, equo insidentem. à latere dextro inscriptum :

Franciscus Bonna, Digueriarum Dux,
Par & Mareschallus Franciæ, summus exercituum, castrorumque regionum.
à latere sinistro :

Præfectus equestr. hâc æneâ statuâ Martis ora ferente ad vivum exprimitur, anno
M D C XXII, ætatis LXXVIII.

Altera porta ostendit nigrum marmor; cui inscriptum :

Felicibus auspiciis Henrici IV, Francorum & Navar. regis invictissimi, pace terrâ marique partâ, Franciscus à Bonna, Desdigueriarum Dominus, Delphinatûs prorex, tot bellorum superstes, secessum hunc sibi suisque à fundamentis erexit; anno salutis M D C XX, ætatis suæ sexagesimo.

Deus nobis hæc otia fecit.

Major post otia virtus.

Per hanc portam ad *hortum* via est. Cujus sinistrum latus, Herculis cum clava, ænea statua munit. Ipse hortus, non elevata buxo confitus, duo horologia ostendit.

Hinc ad *labrum* rotundum itur; in cujus medio saxea rupes, ligno similior quàm saxo, è superna parte aquam ejiciens, quæ medio mill. dicitur inducta : artificiose iv in eo canales sunt, duo pro inductu, & duo pro aquæ eductu. lautum hoc est trutrarum vivarium.

Proximè *labyrinthus* est formâ Dadalaâ, multiplici & intricata viarum perplexitate non cuius meabilis, ostendens in circuitu VII CLO arbores fructiferas.

Ad sinistram *hortus florum* situs est. medium ornat fons cupreus, opus natum Germano auctore.

Hinc per aliam portam itio est ad *mala aurantia*, cupreis vasis implantata. mox *sphaeristerium*, & ipsa *arcis* structura; quæ tota cum gradibus è vivo lapide. huic substructa sunt granaria & culina.

In arce interiore notavimus duo ambulacra pensilia sive *xystos*, unum sacellum, conclavia multa, cum armamentario, quæ singula paucis videbimus.

Primus xystus res gestas habet regis Henrici IV & proregis Desdiguerii. Mox sub introitum dextrorsum Henrici IV effigies, cum regina Maria Medicæ & filio Ludovico. Porro ejus res gestæ; 1, *Expugnatio castri Montmeliani*. 2, *la siege de la Ferre*. 3, *la bataille de Contras*. 4, *l'entrée du roy à Paris par la porte neuve*. 5, *la siege de Rouen*. 6, *le combat d'Aigues*. 7, *la bataille d'Yrry*. 8, *le rencontre de Fontaine Française*. 9, *la siege d'Amiens*. 10, *le Roy*. 11, *la Royne*. E regione ad sinistram, res gestæ proregis. 1, *le combat de connestabel à Pontcharra*, l'an 1592, le 19 de sept. ubi ipse capite nudus alterum armatum per bucculam interimit. 2, *le combat de Molettes*, l'an 1597 le 14 d'aoust. 3, *la siege & prise de Grenoble*, l'an 1590, le 23 decemb. 4, *la prise du fort de Barraux*, l'an 1598, le 14 de mars. 5, *la place d'Exilles en Savoye*, l'an 1595. 6, *la défaite de Don Rodrigues de Tolledos*, avec deux milles Espagnols à Salebertrand en Piemont, l'an 1595, le 7 de juin.

7, la

7, la prise du fort de Chamouffet en Savoye, l'an 1597, le 19 de juill. 8, la desfaite d'Allemagne en Provence. (c'est une ville ainsi appelée.) 9, la siege & prise de Cavours en Dauphiné, l'an 1592. Omnes sunt pictæ tabulæ.

Ex hoc xyſto in ſacellum itur; quod altaris à pictura meretur videri. Aſcenſio Mariæ eſt. ad dextram Franciſcus Deſdiguierius, totus cataphra-ctus congenulans; cui adſtat D. Franciſcus monachus, digito cœlum ei monſtrans. ad ſiniſtram proregis uxor Magdalena; cui adſtat B. Magdalena pœnitentiaria.

E regione ſacelli alter xyſtus intratur, xxi tabulis pictis exornatus; opera ſunt multorum mill. aureorum æſtimio. en catalogum dabo: 1 eſt effigies Ducis Nemoroſii, equo ſcutulato inſidentis. 2, ruſticorum & militum conſictus. 3, Narciſſus pronus aquam inſpiciens, cum Diana & Cupidine. 4, raptus Helenæ. 5, Mars, Venus, Vulcanus cum operimento. 6, Narciſſus, Venus, Pan. 7, Diana & Orpheus. 8, & 9, ſunt ruſticorum conventus & tripudia. 10, Henrici IV effigies jam annis & pilis cani. 11, Ejuſdem effigies, ſed juvenis. 12, Belli & conſictus facies. 13, Equus ſcutulatus, dictus *milleſieurs*. 14, Hiſtoria ſacra de Hiericho. 15, Henricus III, Pol. rex, profugus è Polonia, Venetias adventans; Dux, Patriarcha & Senatus, Buccentauro eum excipientes. 16, Leander, Hellespontum Thraciæ tranans. 17, & 18; cubantium ſunt picturæ. 19, rex Mida, & iudicium Deorum. 20, Ferdinandus II, Roman. rex, copulatur matrimonio per Pontificem. 21, Henricus IV, rex, equo inſidens.

Hinc ad duo conclavia ſecretiora eundum eſt. alterum hyemali uſui; ubi camini, & xlii pictæ

icones. alterum æstivo inservit; in quo LV elegantissimæ effigies.

Præter hæc *conclavia* in arce numerantur CXX; unde amplitudo ejus & decus, si ordinem spectas, constat.

Armamentarium elegantissimo ordine structum est & regio apparatus: In eo loc ferrea indumenta, sive thoraces ferrei; hastæ præpilatæ 11 CLO; sclopetæ majora x clo; ad summam, arma ibi conspiciuntur pro integro exercitu.

Viso hoc regio domicilio, 11 leucarum iter fuit Gratianopolin; sed è valle montosum satis. Hinc Lugdunum ob conductorum fraudes redire conclusum erat. Itaque per pagos S. Martin, S. Robert, per vicos *Voreppe* & *Meyran*, v mill. ad pag. RIVES venimus, pransuri à la fontaine; ubi luciorum & aliorum piscium copia & apparatus nos invitabat, hilariores ut essemus. Gratianopoli huc iter est viâ nitidâ, grandioribus lapidibus stratâ, curâ Desdiguierii; quod boni gubernatoris indicium statuunt politici. Herus pagi hujus, est consiliarius quidam Gratianopolitanus, cui nomen *Dorne*. Quod in eo videas, est fabrica verutorum sive laminarum, Vulcano & Marti sacrata: operæ multæ sunt, nec sine periculo capitis opus agentes, & levi pretio; xv enim solidis Francicis diurnus labor venit; interea vita in discrimine versatur à cote gyratili sive rotariâ. hæc non ita pridem rupta, inque partes disjecta, cranium politori fregerat, cerebello ad fornicem officinæ sparso.

Prandio refecti, planâ viâ pergebamus per pagum *la Frette*, ad pag. *Champier*, 1v mill. Ubi tenuis cœna au *Dauphin* nobis erat; in causa Galli quidam præoccupantes culinam & conclavia. Sequenti die per pagos *la Bastye*, *Merieu*, *Artaç*,
Ponnas,

Pounas, in vicum *Eyrien*, deVecti, *iv* cum medio *mill.*, diversabamur pransuri *à la croix d'or*; Verum hic nihil obsonii, & parum villi; Itaque *iv* *mill.* hinc *Lugdunum* festinabamus; quod & jejuni sat stomachis tandem sub vesperam per pontem *Rhodani* ingressi sumus, liberi ab omni vectigali, quod nihil præter supellectilem vestimentariam nobiscum ferebamus. Heic, ubi ventum, *Genevenses* illos conductores ab itinere futuro semovimus; aliâque viâ initâ cum *Abrahamo Pening*, integræ vitæ viro & cive *Lugdunensi*, cumque *Claudio Bernard*, conclusum est, ut equos meritorios darent, nos eis argentum, *xvi* nimirum solidos pro singulis per diem; reliquum omne quod vector cum equite in itinere desideraturus esset, nos solveremus. Ita contractus initus & subscriptus est; ipsoque *Claudio* cum servo quodam *Helvetio* viam præeunte, equitantisque vices alternante, *Lugduno* discessus factus, mense *aprili*. comitabantur nos nobiles multi, ex amicis *primarii*, & è civibus non infimi; qui tamen omnes post in urbem retrogressi, præter duos *Germanis* parentibus natos, comites jucundissimos nobis in hoc itinere, *Bartholomæum Erwarde*, & *Fridericum Endorffer*. Educti sumus per *Rhodani* pontem, & suburbium, in planam viam; quæ mox elevatior paululum, culta tamen, vino, nucibus, & frumento; nec non pagis inædificata, qui sunt *Font la poste*, *S. Saforin* vicus, *iii* *mill.* dextrorsum *Comunay* opidum. Ita cum vespera *ii* *mill.* *Viennam* intravimus; ubi cœnam & noctem cum comitibus non injucundam habuimus *à la S. Barbe*.

V I E N N A.

VRbs *Delphinatûs inferioris*. De hoc, & superiore, ad urbem *Gratianopolim* diximus.

Regio

Regio verò hæc olim Allobrogibus paruit, non quidem ampla adeò, si comparare eam voles cum reliquis Galliæ regionibus, verùm amœna vallibus, & planitiis, montibus & clivis. Reges Galliæ nihil juris antè in eam habuere: dein, cum Guido, ultimus Principum Delphinatum, improlis moreretur in acie, teste *Paulo Æmilio*, per Humbertum fratrem regio ad regem Galliæ devoluta est eâ lege, ut primogenitus regis Franciæ Delphinus semper vocaretur, & Delphinatum etiam antequam rex crearetur, possideret. Quod sub Johanne rege Gall. anno cccc xlix etiam factum, cujus filius Carolus fuit Delphinus primus, assentiente Imperatore Carolo IV, modò Delphinus ille & primogenitus regis feudum illud ab Imperio susciperet.

Situs urbis Viennæ amœnus est ad Rhodanum, clivo paullulum elatiori; ager circum situs vino frumentoque fertilis; unde Cæsar suo tempore ibi granaria sua & cellaria constituit: nec non L. Munatius Plancus eum locum præ aliis selegit, teste Cicer. lib. x ad famil. 9; ad quem sic scribit: Exercitum ad vi kal. majas Rhodanum trajeci; magnis itineribus Viennam equites mille viâ breviori præmisi.

Urbis structorem, sed ridiculè magis quàm accuratè, ferunt quendam Venerium Afrum, qui urbem biennio à se structam *Biennam* nominavit. Romanis dicta fuit *Senatoria*, quòd ibi habuerunt v legiones præsidarias, quarum singulæ singula occupare propugnacula.

Rhodanus rapidus mediam interlabitur, cui se jungit fluviolus *la Giere*, officinæ laminarum valdè conducibilis.

Arces sive munitiones Viennæ tres ponit *Thuanus lib. civ; nim. Fanum Columba*, quod est Vien-

Viennæ suburbium trans pontem; *Bastiam* ad portam Lugdunensem, loco edito sitam, quantum natura loci finit, egregiè munitam; & *Pipetum*; quod præcipuum, editiore loco positum in rupe, declivi urbi imperat. Hæc quomodo cum urbe per Disemium, Delphinali gente & gestis inclytum, regi Gall. dedita sint, vide *Thuan. d. loco*, & *Botereum libro II Comment. p. 149*, anno cId Io xcv.

Inter urbis *portas*, una est dicta *la porte de Cloistre*. ad quam lapis penè grandis, cum his incisus,

Dd. Flamminii c. a. Viennæ regulas æneas auratas cum carpusculis & vestituris basium & signa Castoris & Pollucis cum equis & signa Herculis & Mercurii.

Plateæ in parte clivosæ sunt & angustæ: *ades* antiquitatem magis quàm splendorem repræsentant, alioquin commodæ satis & capaces interioribus conclavibus.

Videamus *ædificia sacra*. Inter quæ templum *B. Mauritio* nuncupatum cathedrale est; amplum & magnificum, x utrimque altis & prægrandibus columnis firmatum. xxxii gradibus ad id fit adscensus. Ad portæ ingressum hæc inscriptio videtur:

L. Portio T. FILIO Latino quo publico ornato præf. fabrum I. II vir. Ær: III vir loc publ. per seq. Porcia Tirutei.

Intus monstratur caput Mauricii & Francisci Delphini monumentum, ad aram grandem, circa fornicem templi. Aliud insuper ibi videas sepulchrum honoratum:

REGINA MECHTILDIS VXOR CONRADI.

Cum

Cum nullus rex Gallorum sit Conradus, præsumitur hæc neque fuisse uxor alicujus regis Galliæ.

Monachi *B. Petri* ostendent tibi templum suum satis elegans & antiquitatibus plenum. In cœmeterio III leones vastâ mole, à Romanis unâ nocte conspiciuntur locati. opus antiquitatem docet, causam verò addere non est in proclivi. additæ sunt litteræ; DEVE PENATE. quæ tamen ad eruendum sensum non sufficiunt. Ibi-
dem lapis grandibus litteris positus est: RIVS
mans. IIII VIR. AVG. OLOGIVM DESVESANO-
VORES. Sunt eò loci adhuc aliæ inscriptiones,
uti in lapide quodam sepulchrâli:

D. M. Sex. Valeri Sabini Duronias Januaria conjugis Optimo. Item Valeri Bellin.

Alia item:

Et memoriæ eterne. Campanie Camulati Caliamæ Rex.

Ita quoque ad portam abbatiæ S. Petri, quâ itur Valentiam, hæc est:

Virtute fortissimo & pietate clementissimo D.N.F. Constantino Maximo & & invict. Aug. M. Altius Apronianus ut Pp. f. Vienæ Deum MA. Q.

In ipso templo sacellum est, quo sepultura Salvatoris in marmore ostenditur; ibi per vitrum lumen immittitur, tam umbroso colore sacellum replens, ut videatur esse crepusculum matutinum. Non procul inde ostenduntur antiquæ ethnicæ Rom. inscriptiones:

Matris augustis D. Dimarius M. Effulius restituit ex voto.

Item:

Item :

Apollini sacrum ex voto C. Virius Victor & L. Virius Italus S. L. M.

Extat ibidem adhuc alia :

Det quietem æternæ Lucili metrobi signo saprici. stator civitati qui vixit anno xxxviii. m. ii. divitia domit olamater filior. iii conjugii karissimo & incomparabili ponendum curavit & filii sub ascia dedicaverunt.

Hiatus explere, sensumque adstruere non potui, quod ignoscas.

Templum *B. Severo* dicatum inscriptiones antiquas non paucas habet. Mox præ portâ una est, nec legibilis. mox in pariete ad sinistram :

DIs Manibus Avinnius Gallus vivos sibi.

In cœmeterio tumuli ethnicorum sepulchrales multi sunt; cum suis inscriptionibus. Unam hanc pono :

D. M. P. VETTI GEMELLI SACRI ROMANENS. VIXIT ANN. XXI, MENSIVS VIII, D. X. P. VETTIVS PROEVTVRVS FILIO PIENTISSIMO. SIT TIBI TERRA LEVIS.

Templum hoc positum est in loco quodam, quo olim cives urbis in ethnicismo colebant c. DEOS fictitios, sub præsidio Diaboli, nihilque fanierat præter arborem; quam *B. Severus* rescans, & funditus cum radice extirpans, invenit calvariam auro & argento plenam; quæ omnia impensis hujus templi locata sunt. In hujus rei testimonium extat in hoc templo columna, cui inscriptum :

ARBO-

ARBOREM β . DEOS SEVERVS

EVERTIT CENTVM DEORVM.

Legitur ibidem epigramma, sed monachali poësi, in B. Severum duobus lapidibus inscriptum :

*Occubat hoc tumulo speciosus mente Severus,
 Qui quondam hoc templum funditus instituit.
 Non solum hanc adem, sed cætera tecta sacravit:
 Plurima constituit, vinctus amore Dei.
 Divina si fetus ope, quod semper ubique
 Quo posuit dextra auri metalla tulit.
 Sed quid plura loquar? laudetur gratia Christi,
 Quæ sic in cunctis fecit ubique bonis.
 Exulibus qui dona suis largitur operta,
 Et peregrini O. N. N.*

Templum B. Mariæ, Romanorum tempore infervit tribunali, & fuit locus quo justitia exercebatur; unde in exteriori parte, ubi murus ad tectum elevatus ascendit, grandior conspicitur, ibique lapidea pila cum his verbis: *C'est le pommeau du sceptre de Pilate*, quasi Pilatus hujusmodi sceptro cum tali pila usus fuisset. Fabula est, Pilatum Viennæ natum: verum, huc in exilium missum concesserim: quid enim exilii quis sustinet in patriam relegatus? Olim verò hoc templum majus fuisse dicitur, sed tempestate nocturnâ totum dejectum, imò inversum, ut cacumen terram, fundamentum cælum tangeret.

Templum B. Martini hoc antiquitatis monumentum habet:

TITIAE CATIAE DEFUNCT. ANNORVM VIII,
 M. V, D. VIII. D. CATIA BVBATAE FIL. PISSIMAE ET SIBI VIVAE POSUIT HOC SAX. SVB ASCIA DED. EST.

Templum B. Antonii duo antiqua, sed non legibilia, habet monumenta.

Celle-

Collegium Iesuitarum est quod intres, videas, mireris; editiori urbis loco structum, unde urbs & circumjacentes agri conspici possunt; amplum est & novum; è ruina vel cædium natum; peristylia columnis sunt stabilita bina; numerus frequentantium cccc est.

Hinc ad *xenodochium* te confer, insignitum versibus Latinis, quos tamen præpeditus itinere exscribere non potui.

Inter *adificia politica* primum est *Curia*. ubi in introitu emblemata; Mulier obvincta oculos cum bilance & anchora:

Hæ tibi erunt artes, quæ regum fœdera nectas:

Non dona, nec ullus constanti de mente favor.

Intus, ubi conclave consilii, insignia urbis ostendit ulmus cum titulo: *Vienna civitas sancta*. Ex hac epigraphæ alia nata est, arcui triumphali in honorem Ludovici XIII R. G. inscripta:

Antiqua sanctæ mœnia Vienna subis;

Quæ sanctiora te hospite deinceps erunt.

Eidem arcui in area posito inscriptum invenies:

Felicissimo & expectatissimo adventui Ludovici XIII, Gall. & Nav. regis Christianiss., primæ fortunæ Herois invictissimi de perduellibus triumphantis, favente cælo, gestiente terrâ, horâ ridente, S. P. Q. Viennensis arcum pietatis suæ obsidem, amoris indicem, ad perpetuum obsequii monumentum

E. A. P.

Curia vicina est *turris Auriacæ*; quæ dum pro custodia Principi Auriaco alicui fuit bene multorum annorum, nomen inde tale sortita est.

Est

Est item alia *turris rotunda*, sed remotior, inscripta Pilato, portæ Lugdunensi adstrueta; de qua *les antiquitez de France*, pag. 834. Tybere y fist construire ceste haute tour, où l'on tient communement que Pilate rendit la vie à celui qui la luy avoit prestée, comme aussi se voyent encore de grandes pyramides dans les vignes, où estoit son logis.

Amphitheatrum, opus antiquum Romanum, adhuc interiori ædificio satis conspicuum, murisque veteribus è prægrandibus saxis illustre.

Pons Rhodano instratus sat altus, sat longus est, à Tiberio Graccho, cum expeditionem in Galliam faceret, structus ann. ab V.C. 10 LXXVI, munitusque ad utrumque extremum duabus arcibus. Ad dextrum pontis hoc monumentum extat:

A. 22 ANNO

L. CALPVR. PISONI

M. VETTI M. BOLANI

Cos.

Pontifex stipe.

Asylum in urbe ostenditur. locus est è lapide structus quadræ formæ, columnis IV, quibus vexilla & insignia gubernatoris suspensa sunt.

Ultimum inter profana ædificia locum habeat *officina Vulcania*, gladiis, quorum maximum æstimium & grande pretium in Gallia est, fabricandis destinata; divisa in IV partes. elocatur à Capitulo supremo seu Clero archiepiscopali. Operæ monstrant astantibus talem modum conficiendi gladios: Pro singulis gladiis veteres & oblonga chalybis pars sumitur, longitudine dimidiæ spithamæ, densitate hastæ, quæ in medio perforata elongatur in foco sive fornace; post in foramen chalybis immittitur ferrum, quod cum chalybe coalescit, miscetur, & in formam rudem

dem gladii redigitur. Hinc ad alteram fornacem rudis hic gladius portatus, justâ longitudine extenditur, formatur, & ad rotas gyrales acuitur & politur.

Ita Materiale urbis fuit : *Regimen in spiritualibus* obtinet heic suprema Delphinatus curia. nam archiepiscopus sub se habet Gratianopolitanum episcopum, cum illis de Maurienne, Gap & Valence. Pluria si voles cognoscere, opus est emas libellum de Antiquitatibus Viennensibus publicè venalem.

Viennâ egressos comitati sunt adhuc aliqui amicorum ad *pyramidem Pilati* dextrorsum, ubi illis ultimùm valedictum, & itineri animus totus explanatus est. Penetravimus vicum *Auberive*, 11 mill. Mox quercetum nemorosum, viâ tamen petrosâ, in viridi valle, quam alluit Rhodanus. relicto ad dextram monte Pilati, ad vicum *Piage de Rusillon*, 11 mill. sub prandium devenimus; ubi hospitati sumus ad dextram in *angariis*, à l'ange.

A prandio sinistrorsum conspiciebamus editiore loco *S. Romans*; Inde *S. Ramberti* vicum, 11 mill., & opidum *S. Valerii*, 11 mill., habuimus; ubi pernoctare duximus *au lion d'or*.

Egredientes mane medio mill. vidimus arcem cum pago, *la maison de Pilate*; quam inhabitasse dicitur Pilatus. Ab eo med. mill. distat pagus *le chasteau de Serve*; quem insequitur 1 mill. *Thynnium* vicus; via saxis, colles buxo prægnantes sunt. vicus hic & opidum *Tournon* ultra Rhodanum situm, uni Comiti ejusdem nominis parent.

T U R N O N I U M.

T*urnonium* dicitur originem habere à Turno Trojano, Gregorio Thuronenfi dictum *Thauredu-*

redunum. Opidum est ad Rhodani ripam non ad-
eò magnum, loco tamen amœno, plano & fer-
tili situm; Supra se habet in rupe, quam Rhodanus lambit, arcem munitam. Quod heic no-
tes est *collegium Iesuitarum*, cujus ingressus supra
portam hanc habet inscriptionem:

FRANCISCVS SECVNDVS STIRPIS TVRNO-
NIAE FLOS S. R. S. P. QVAT. GALL. REG. IN-
TEGR. ET MINISTER NOBILEM HANC MOLEM
QVADRATO LAPIDE ET AERESVO LIBERALIS-
SIME A FVNDAMENTO EXCITATAM, ANNO-
QVE CENSV DITATAM CELEBERRIMAM PIE-
TATIS ACADEMIAM ESSE VOLVIT, ET RE-
LIGIOSISSIMIS SOCIETATIS JESV LEGIBVS
PERPETVO GVBERNARI FIDE ILLVSTRIS-
S. FAMVLI SVI BENEVOLENTIA AC TVTELA AN-
NO MILLES. QVINGENT. SEXAGES.

Ipsa area collegii continet classes: iis impositæ
contignationes bibliothecam, in qua Paparum
& Iesuitarum, nec non Francisci Turnonii Car-
dinalis & fundatoris effigies.

Præterea nota ad portum hunc Turonensem,
quod dicit *Thuanus lib. LII hist. sue*, sub ann.
CLIO LXXII: Cum Lugduni Idccc omnis generis
& sexus immaniter interfecti essent, eorum cada-
vera per Rhodanum supernatantia tanto concursu
ad Turnonium coacervata sunt, ut ripas comple-
rent, & opidani casu inopinato territi, tanquam
hostis adesset, ad arma conclamarent. mox horrore
perculsi, & sceleris auctores detestati, quamvis à
Protestantium religione alieni essent, homines adhi-
buerunt, qui ad amovendum spectaculum rapido
fluctu delata corpora contis à ripa averterent. tam
horrendum spectaculum & homines aver sati sunt
Vienna, Valentia Cavarum, Burgi, Vivarii, ad
Spiritus sanum; etiam Avenione, ubi majus Pro-
testan-

testantium odium. Arelate verò, ubi puteorum & fontium penuriâ aquam è fluvio vicino haustam potant, ultra facinoris detestationem gravissimo incommodo opidani conflictati sunt, cum esu piscium & aquâ, quæ ipsis è solo Rhodano suppetunt, uti nollent, & à conspectu fluminis ipsius abhorrent, &c.

Cis Rhodanum equitantes 11 mill. habuimus ad rupem *Coleyn*; ubi *Isera* fluvius, in monte *Cenis* oriens, per *Sabaudiam* in *Delphinatum* labens, *Gratianopolim* & *Romanium* lambens, in *Rhodanum* influit magno impetu. Locus dicitur *Confoulant*; insignis à victoria quam *Q. Fab. Max.* à Gallis reportavit. Heic pontone trajectus est; naulum singulis pro equis sunt duo solidi Franc. A trajectu, amœna planities est, patens agris & vinetis; vestita fructibus, ficibus, nucibus, amygdalis, &c. Ad urbem usque *Valentiam* 1 mill., antequam hospitium à la ville de *Paris* pransuri ingrederemur, longâ viâ per maximam civitatis partem equitare necesse habuimus.

V A L E N T I A, *Valence.*

URbi huic idem nomen est cum Roma; Græcis siquidem *ῥώμη*, dicitur apud Latinos *robur*. Inde hanc *Valentiam* antea *Romam* dictam à Romo Hispanorum quondam rege, scribit non solum *Annius* in *Manethonem*, sed etiam *Beuterus* in suo *Hispaniæ chronico*. In *Goltzii historia* est numus æreus, cui inscriptum: COL. IUL. VAL. ubi nonnulli legunt, *Colonia Iulia Valentia. Carol. Stephan. in Diction. Historico*. Alii volunt à *Valentio* seu *Valente Imperatore* tum conditam, tum denominatam. Verum antiqua monumenta docent, urbem hanc ante Romi

& Valentiniani tempora, utpote qui posterioribus sæculis vixerunt, conditam, & antiquorum Romanorum opus esse. Probemus hoc ex Historia Ecclesiastica; ubi Irenæus legitur Lugduno Valentiam ablegasse tres discipulos, Felicem, Fortunatum & Achillem; qui omnes sub Aureliano Imperatore martyres facti Valentia; ita ut, hinc urbis nomen centum & amplius annis constitisse ante Valentinianum, & hunc Valentia; autorem & fundatorem esse non posse, dixerim. Dicitur alio nomine etiam *Valentia Cavarum*, quod *Cavara* Gallia Narbonensis populi fuere, ut volunt *Mela*, *Plinius*, *Ptolemaeus*, *Strabo*.

Sita est urbs in superiori Delphinatu, planitie summè amœnâ & foecundâ vitibus frumentoque; *Rhodanus*, rapidissimus descensu, alluit eam fluctibus adeò pernicious, ut muros impetu suo olim dejecerit, non ita multis ab annis grandi civium ære restitutos.

Murus duplex, diversis, æquali tamen distantia positus, turribus auctus, eam cingunt & defendunt. Immensum quidem opus cœperat Franciscus I rex, verum sine deformatione nudâ nihil ipsi formæ restat.

Porta, ut alias præteream, cum sint sine magno præconio, quæ dicitur *Sanniere*, antiqua hæc monumenti inscriptio superest:

D. M.

Vindauscia E.

Petronia

I I V S. Æliam S.

Conjugi Sant.

si ma.

Æstimatur esse pars tumuli alicujus antiqui, huic structura adplicata.

Ædi-

Ædificia plurimam partem antiquitatem faciunt. quod inter omnia caput erigit, est id, quod Præses quondam Gratianopolitanæ Curia occupavit, cælaturâ & artificio conspiciendum.

Inter publica, & quidem ecclesiastica templum Apollinaris palmarium est & cathedrale; opificium elegans, nisi bellorum civilium calamitatem expertum fuisset, tametsi nunc damnum grandi impensâ redemptum sit.

Videasei adsitam aulam episcopalem, & sacellum, structurâ lapidum & cælaturâ commendandum. Ab uno latere aulae hæc antiqua inscriptio est:

T. Pompeio Hilari Luerino

T. Pompeius Bassus

Et patri sibi.

In templo B. Felicis, videre habes tumulum equitis Romani & uxoris, cujus inscriptio lapidi incisa:

D. M.

Memoria aterna. Petroni Castivet.

Missi honesta

Missione ex leg. Princ.

Min. ex optione Procon.

Ducenar

Et Vitalina Florat. conjug. illius

Vivi sibi ponend. curaver.

Et sub assia dedicaverunt.

*Cænobium Dominicanorum habet sepulchrum cujusdam nobilis Germani Bertrami ab Horst, anno ætat. xxii ibi defuncti, sub ann. cIo Io-
lxxxv, M. O. In horti pariete observabis gi-
gan-*

gantis Buardi picturam , latit. VII, longitud. XV pedum. Ossa in peristyllis inventa dicuntur, postea juncta , mensurata & in hanc formam deformata. Insuper duos fonticulos , in area unum, extra aream alterum ; hyeme calidiores quàm æstate.

Nec negligas *abbatiam B. Ruffi* , superbissimorum totius Delphinatûs ædificiorum unum, priusquam à reformatis deformatum : columnæ in monasterio è marmore figuratæ variegato, quibus historiæ V. & N. Testamenti incisæ.

Templum S. Iohannis rotundum , de la ronde, olim , *Pantheon* dictum , antiquitatem ostendit opere suo.

Templum B. Petri à Carolo Magno fundatum, habet antrum , quod subtus Rhodani flumen dicitur exisse in adversam urbis partem.

Templis adponemus *academiam* , olim à Cujacio , modò à Pacio , tantum quantum est famæ , habentem. invisentes excipiebat nos amicis & humanis gestibus, quærens multa de Germania nostra , de bellis & rebellibus Cæsaris; nec non privata quædam sua miscebat de studiis suis, præsertim juridicis, monstrans arborem consanguinitatis & affinitatis, novâ formâ laminis æneis à se incisam. post , nomen suum philothecis nostris inscribebat, amicamque manum cum voto felicititineris jungens nos dimittebat. Nullus hodiè nitor , nullus splendor inest auditoriis ; studiosorum numerus non venit in numerum , flore illo præteriti sæculi jam deflorato. Vapulat verò plurimùm à vicinis scholis Turonensibus & Avenionensibus , quò Jesuitæ, quidquid pubis literatæ est , ad se trahunt.

Publica ædificia vix calamum merentur. *Curia* sine pompa IV consulibus constat. *Fontes* extra

tra portam ostendunt incolæ magnorum fornicum, à Julio Casare structorum, quorum scaturigines per aquæductus ultra milliare derivantur. *Ædes privata* Delphini civis, habent ex uno lapide tumulum, usus fontanos exhibentem; qui olim dicitur fuisse ethnica cujusdam Imperatricis. in eo præter sequentia nihil leges:

D. JUSTINA. M.

forte, *Diva Iustina Mater.*

Tumba postquam aperta, ostendit speciosam foeminam, aures perforatas habentem, à singulis pensiles annulos, ornatos erano & smaragdo: ejus pedibus crater crySTALLINUS, capiti lampas vitrea adstitit: quamprimùm aurem aër tumbam introivit, cadaver in pulverem abiit.

Ita urbs stat: ruinam verò sæpius experta est per bella diversa, famosissimasque vastationes: altera accidit anno Christi 10 LXXVI, cùm à Gothis obsideretur & expugnaretur: altera cùm Burgundiones illam captam deprædarentur: accedunt infesti Longobardorum conatus expugnationem molientium, sed infectâ re rursus secedentium. Videantur istius temporis historia.

Viennâ abeuntes divortium fecimus à Rhodano propter excursions ex opido *Poyßin*; cujus incolæ, omnes reformatæ religioni addicti, nescio, quos ob motus, Rhodano naves hinc inde euntes detinebant, viatoribusque molesti iter maximè intutum reddebant. Nos igitur à via regia sinistrorsum descedentes, per pagum *la Vache* & *Monthaison* arcem, circa vesperam devenimus salvi in opidum *Crestum*, IV Viennâ mill.; ibique ad III reges pernoctavimus. Sequenti mane opidulo *Poyßin* propiores facti, dum id eminus colli impositum dextrorsum cernebamus,

majori cautione & circumspeditione opus erat. perreximus itaque, relinquentes ad dextram arces *Antichat, Chabreillan, Roche sur grane*, pagum *Roënac* sinistrorsum, *Marfane, Savassè* vicos. ita v. ferè *milliarib.* ad opidulum *Montelimart*, Thua-
no *Montelium Adamari*, delati, prandium sum-
simus *au gryphon*. Via, quæ huc ducit, petrosa
multum est, frumenti tamen ferax. Opidulum
alluit fluvius *Roubion*; castellum regit *Mons. le*
Comte de Villeville. Tempia occupant reformati,
cùm hic locus pro securitate sit à rege iis datus.
Mercatores potissimum heic Mercurio litant.

A prandio *11 miliaribus* venimus ad opidum
Chasteauneuf; ubi rorisinarini magnum proven-
tum vidimus è saxis vivis prorumpentis. Opidu-
lo adjacent duo castella, jugis-montium imposi-
ta, *castelnau de Ratte & chasteau de Rhosne*. angu-
stix sunt viarum hîc, nec transitus obviis omni-
bus, antiquum Romanorum opus, maximam
partem per Ligistas devastatum. Spicæ heic ma-
gnâ copiâ proveniunt. *Donzerra* opidulum *1.*
mill. hinc abest, situm loco amoeno & nemoro-
so: adsitum ei castellum vetus in summo mon-
te, summisq̃ue ruinis: tellus heic frumento gra-
vida est; oleis item, lavendulâ, spicâ & thy-
mo agri pleni: Vina generosiora heic magisq̃ue
calida occipiunt quàm in reliquo Delphinatu,
ideoq̃ue non mera sed diluta bibuntur.

Cœnæ opidum *Pierre latte* destinatum erat,
quò *uno & medio milliari* superato, perventum
& pernoctatum *au chariot*.

PETRA-LATA.

Situm est in finibus Delphinatûs, egregiâ pla-
nitie, ad fluvium *la Berre*. Castrum regio præ-
sidio habet munitum editiore in rupe; cui præ-
fectus

fectus Mons. *de la Croix*. Thuanus lib. xxxi, sub ann. cLo lō lxxi, hæc habet de hoc opido: *Petra-lata est opidum in planitie situm, disitis leu- cam ampliùs ab eo montibus. tantùm rupes opidi dorso assurgit, cui arx insidet, omni ex parte præ-rupta, ad quam ex opido admodum angustò calle aditur. Factâ ruinâ primo impetu urbs capitur, (ab Adretio) subito adventu attonitis adeò præsidia-riis, ut ruinam defendere non ausi, statim in arcem se receperint. Potitus opido Adretius, cunctisque, quos armatos nactus est, ad unum occisis, rectâ ad arcem progreditur, ne spatium militi animos ex pavore concepto colligendi daret; fortunaque usus, ad portam vim facit; territisque præsidia-riis huc illuc palantibus, &, quid agerent, ignaris, collo- quium poscitur; sed dum de conditionibus alterca- tur, Arausionenses, recenti suorum clade efferati, & ultione ardentes, irraunt, &, refracta porta, in confusos rabiem effundunt, nulli parcentes, parte de rupe dejecta, parte gladio trucidata, &c.*

Animus erat hinc *fanum S. Spiritus* adire, quod sequenti die, per amenissimam latamque plani- tiem dextrorsum divertentes etiam attigimus, III milliaribus à nocturnâ quiete dissi- ti. Eo iti- nere visa nobis opidum *la Palu*, & vicus *nostre Dame des Plans*, in quod multum devotionis peregrinantes videntur conferre.

Pont S. E S P R I T.

Hic exiguum prandium sumere, quod & fe- cimus, jussit nos vigilia Paschatos, in ho- spitio à *nostre Dame*. *Fanum hoc Spiritus*, unde nomen sumserit, non verè dixerim: Straboni *Planasia* dicitur. Quod heic notes, est *PONS* à Romanis structus; opus certè quod omnibus pontibus, non Rhodano solùm, sed omnibus

Europæ fluminibus, impositis, palmam facere potest ambiguum. Quamprimum hanc supergressus es, Aquitania te recipit; distinguit enim pons hic Provinciam à Languedocio, estque limites tum Delphinatûs, tum Comitatus Venusini. Ipsum opidum situm est in provincia *Vivaraïs sur la Rhosne*.

Sed videamus nunc PONTEM; ejusque *quantitatem & structuram* in partibus. *Quantitas* est in *longitudine* clo xxx passuum, *latitudine* xii. ita ut curribus binis obviantibus sat magnum, ut sibi cedant, sit spatium. *Structura* respicit *superiorem & inferiorem*. Illa fornices complectitur, & majores numerat xix, minores v, omnes uno eodemque lapide quadrato videntur secti. Singuli hi fornices, quaternis rursus suis nituntur sustentaculis instar fenestrarum perforatis, usibus sordium à ponte defluentium & architecturæ pontis accommodatis. Singulis his fornicibus alius oblongus, sed minor subædificatus est, ita ut rarum hoc opus benè notes, dignum majestate Romana, & nomine. *Ipsa*, quæ præbet viam, sub dîo, sine tecto, lapide caruleo, sed siliceo, strata est tam eleganti & artificioso positu, ut vel ad regulam totum ædificium compositum esse videatur: omnes eadem lineâ & serie singuli sese excipiunt, formâ quadratâ, & latæ manûs mensurâ. Medium pontem duæ lineæ permeant junctim unitæ; unâ ad utrumque latus ductâ. Ita totus pons ex quadrato silice, sed glabro, constat. unde vectori tuo ne multum fidas, in proclivi siquidem casus, & ab hoc tibi damnum. Dum hæc visu obis, juxtâ notabis sacellum & præsidium ponti impositum.

Adversus opidum habuit sub Johanne Gall. Rege, anno Christi, clo ccc lx, cum prædones id te-

id tenerent, uec non sub Carolo VI, anno c13 cccc xvii, cum Princeps Auriacus Johannes id caperet & sibi subjiceret.

Viso heic ponte & Rhodano, qui periculosè heic navigatur, repedandum tibi est è Languedocio in Delphinatum, *medio milliar.* isthinc distat opidul. *Montdragon* prope montem, cuius summitas arcem antiquam ostendit: opidulum sine omni ornatu, amoeno non tamen sine situ ad fluv. *le laid de Montdragon*, Occidentem versus influentem. Vicinus ager frumento, oleis, amygdalis & ficibus abundat. ad amussim quasi videas intra elices & sulcos positas arbores fructiferas. oleæ amplexantur vites, hæ botros suos illis suspendunt. ad summam, singularis oblectamenti hoc iter est. quo notes terrarum diversarum genios: quæ enim domi apud nos in hortis studiosè & operosè colimus, ea heic sponte suâ sine cultu in campis proveniunt & neglectui habentur. morus, amygdalus, malus Punica heic non raræ, libanotis, spica, nardus, thymus, hyssopus, periclymenum pro gramine campestri sese gerunt.

Mournas opidulum i. mill. inde situm, ad montis pedem. in cuius vortice antiqua arx eminet, pendula rupes & jam jam casura comparet. subtus Rhodanus præterlabitur. via omnis oleis septa instar nemoris.

Hinc per *Piulone* opid. transitur, è quo magna planities, & eminens castrum *Orenge* sese ostendit.

Non longè inde procedis in Principatum Arausionem, per pontem fluvio d' *Egues* superstratum. à quo rectâ viâ *sesquimill.* tendes ad urbis portam. quæ non longè à se habet *Rudera arcus Marii*. Ita in urbem ipsam & hospitium à l' ai-

gle d'or venientes, communi calculo decrevimus, ut hunc & subsequenter diem & nostræ & equorum quieti impenderemus, tum propter diei celebritatem, (erat enim sacrum Paschatos festum,) tum quòd itinere superiore ita equos exagitaveramus, ut remissio laboris ad diem unum eis tacito quodam pacto permissa videretur. Hospitium amplum erat, sed non mundum, non ad Belgicum nitorem, licet Auriaco, Belgarum præfecto, pareat hic Principatus, verum sub alio Jove aliud famulitium cogitandum, nec usquam Gallia vel exquisitissimâ operâ in mundum Belgicum transformabitur.

ARAUSIO, AURENGE.

Nobile hoc venerandæ antiquitatis ruinis oppidum, olim dictum fuit *Secundanorum colonia*, teste Vadiano Pomponio, & antiquo lapide, qui habet;

COL. ARAVSIO. SECVNDANORVM

COH. XXXIII VOLVNT.

Ita Arelate Sextanorum, Septumanorum Boeterræ, Forum Julii Octavianorum, Narbo Marcius Decumanorum adpellabantur, à legionum, quæ ibi erant in præsidio, ordine numeroque. Urbs hodie principatûs supremi titulo cum sua ditione insignitur, in Provinciæ Comitatu sita, cujus & partem facit *Thuan. lib. xxxi*. Argente fluvius eam proximè allabitur, sitam loco plano, amœno, vitifero, & frumentorum fructuumque, præsertim croci, feracissimo, aureis tamen malis destituto; unde diverbio locus: *A Aurenge il n'y a point d'orenges*. In gyrum se extendit. Olim multo amplior & in vicinos agros diducta fuit; rei indicem faciunt rudera murorum relicta, hinc inde adhuc conspicua. Contra hostilem incur-

cursum hodiè novos muros , profundas fossas , ostendit : præcipuè autem CASTRVM ; quod *primum* erit *extra urbem* visendum.

Hoc natura loci firmum est, situm in immensa rupe, latissima quam cingit planities. nulli vicini sunt montes , nec colles ; solum hoc castrum eminet, natum è vivo lapide, & summo artificio ad perpetuitatem erectum. videas propugnacula cum suis munitionibus è vivo saxo posita, altissimâ præcipitantia. accedit robur à præsidio benè multo ; cui præfectus erat *Iohan d' Orsmael, Dominus de Falckenburg*; qui hoc anno cIo Ioc xxx, xiii junii periit; causa & commissa typis excusa sunt ; quo lectorem remitto. Intùs præter munitionem & situm videas tres areas , *la vignasse, le donion, la cortaine*. cameram item , (*le beau regard,*) quæ prospectum in vii circumscitas provincias largitur : Languedocium, Provinciam, Delphinatum, Vivaresium, Arverniam, Forestum & Arausiensem principatum. insuper *puteum*, qui reliquos Gallix puteos profunditate & latitudine superare dicitur: è summo per penetrabile montis ad imum excavatus est lapis ad vivam usque scaturiginem : unde civibus etiam non parum accedit emolumentum.

Alterum, quod extra urbem videas , nimirum extra portam quâ Lugdunum itur, est *arcus triumphalis C. Marii Cos. Romani*, monumentum totius Gallix antiquissimum. Hunc arcum dicitur posuisse postquam in agro illo Cimbros devicisset , adjutus Catuli subsidio , ita ut uno die c XL cIo LX fuderit. Totum hoc monumentum quadratâ formâ stat : cujus inferior pars & concava in formam arcûs est fornicata, tribusque portis & cameris discriminata , quarum lapides veteri artificio sunt incisi & exornati. Anticâ &

primâ exterioris muri parte repræsentantur trophæa omnis generis terrâ facta, ut sunt scuta, hastæ, cuspides, clypei, thoraces, parma, telorum fasciculi; lupi item, qui signa erant militaria. Superiori parte nautica extant trophæa, sed vetustate exesa, vix lineamenta ostendunt. nec dubium est quin verba quædam superscripta fuerint, testibus vestigiis, sed vetustate temporis abiêre. de his Ausonius verò: (scant:

*Miramur periisse homines, monumenta fati-
Mors etiam saxis nominibusque venit.*

Trophæis istis nauticis imposita fuit imago sculpta cujusdam sagæ, quæ digitum auri immittens, videtur eventus consiliorum signare velle. Hæc ex Syria oriunda, aliquando in spectaculo gladiatorio uxori C. Marii prædicens quisnam congregientium futurus esset victor, mox ab uxore ad maritum C. Marium missa est, qui eam honorare secumque in lectica circumducere voluit; ejusque suasu & præmonstratione prælia solum inivit, ad hanc sagam prælia sculpta repræsentantur. *Alterâ* arcûs quadra, dextrorsum, habet & nautica & terrestria trophæa; ibi tres thoraces grandiores, quibus singulis bina præposita sunt semicomesa capita. *Tertiâ*, grandiora habet & navalia & terrestria trophæa; inter illa malus & vela adhuc conspiciuntur, nec non litui, quorum usus erat auguribus in captandis vaticiniis; Ibi-
dem videre est prælium inter Cimbroſ & Romanos. *Quartâ* ostendit triumphum, quo Cimbroſ captos vincitōſque Romam duxerit.

Tertium extra urbem visendum est *la torre ronde*. Ubi duo ostenduntur; *balnea* & *arena*. Illæ sunt cavernæ quædam, olim scaturientes aquis calidis, & ideo *therma Mariana* dictæ, quod iis usus Marius fuerit. *Istæ* binis in turribus ostendun-

duntur, (*les arenes*,) quarum rudera volunt esse amphitheatrî vestigia. Verùm angustia loci evincit, isthic loci non potuisse fuisse molem amphitheatrî, licet nomen remanserit arenarum; quod & hodiè apud Italos & Gallos pro amphitheatro in usu est. Arenis siquidem antiquitus insternebatur area intra muros conclusa, cui insitebant certantes; & hi ne ex lubricitate profusi sanguinis facilè caderent, per sparsas arenas impediabantur. Ipsa autem arena locum ostendebant, quo ferae & gladiatores sistebantur; quandoque etiam naves, quæ advectæ solvebantur, in arenis hinc inde veluti in mari fluctuantes; adductis insuper monstris marinis, ita ut pro terrestri navale prælium ostenderetur; teste *Dione in Nerone*, dicente; *Aliquando beluis interfectis & venatione exhibitâ subito aquas in amphitheatrum eduxit, & navale certamen ostendit, rursusque eâ eductâ gladiatores in loco præbuit.* In media arenarum area, ara erat lapidea Jovi Latiori dedicata, ad quam unum è pugnaturis maetabant. Hinc Prudentius de cruenta hac maetatione & gladiatorum oblectatione conqueritur:

*Quid pulvis cavea semper funebris, & illa
Amphitheatralis spectacula tristia pompis?
Hæ sunt delitiæ Iovis infernalis: in istis
Arbiter obscuri placidus requiescit averni.*

Quartum extra urbem ad pedem rupis est fons versus viam publicam, dictus *Lavecon*; è quo si lavent id quo audiunt foeminae, sterilitate abactâ concipere posse creduntur.

Hæc extra urbem. Intra urbem quæ videas sunt; In ecclesiasticis templum cathedrale, S. Andreae dictum; cui XLIX episcopi præfuere; hodiè reformati ei præsident. *Episcopi sedes* tota, præter muros, dejecta est, ut locus inserviret urbis munitioni.

Academia antiquissima est, nata fundatore Carolo Magno; cuius adhuc privilegium à Friderico renovatum asservatur: studiosi vero ibi nulli; unde locus ibi, Rectorem cum scriba & pedello academicum corpus repræsentare; juxta illud; Tres faciunt collegium. Commodè tamen ibi offendi Dn. Guilielmum Grajum, medicum, gente Scotum, olim in patria sub B. Keckermano philosophantem; è quo, quidquid raritatis academix supererat, cognovi. ut amicitiam renovatam arctius testaretur, litteras jungebat Nemausum ad D. Abrenetheum Scotum, à quo non exigua humanitatis deinde mihi exhibita officia.

In profanis est circus sive theatrum, magnificum olim, hodiè aliqua ex parte dirutum, integrum satis, ut Romani splendoris majestatem testari possit. Videamus ejus formam & partes. Illa est in modum arcûs; cujus antica pars murum habet stupendi operis, longum c xxxvi, altum c pedes; area interior c pedum est, maximam partem ædificiis & habitationibus occupata. Partes sunt: suggestus, proceres & caveæ. Hæ, penes muros conspiciuntur, olim ferarum receptacula, è quibus ad pugnam educebantur. Isti, sunt è marmore præminentix, quæ in superiore muri illius quadrati parte extant perforatæ, quibus antennæ, mali & trabes immittebantur; ab iis dependebant vela tanquam totius theatri tegmina, ne vel æstu solis pluvîæve spectacula impedirentur. Ammianus lib. xiv horum velorum inventorem facit Catulum, aut ab aliis populis ad Romanos derivatorem; inquit: Ex turba minimæ sortis & paupertivæ in tabernis aliqui pernoctant: atris nonnulli velabris umbraculorum theatralium latent: quæ Campanam imitatus lasciviam Catulus in adilitate sua suspendit omnium

omnium primus. Vela est variegata coloribus & interstincta solere esse, ait *Lucretius in princ. l. iv:*

*Et volgò faciunt id lutea ruffaque vela,
Et ferrugina, cum magnis intenta theatris,
Per malos volgata, trabisque trementia pendent:
Namque ibi confessum careai. subter & omnem
Scenai speciem, patrum, matrumque, Deorumque
Inficiunt, coguntque suo fluitare colore.*

Ille, suggestus nimirum, erat in muri quadrati inferiori parte sive in podio locus elevatior, Romæ pro Cæsare; in provinciis vero procoff. & Præ-tore, qui ludis præsidebant.

Præter circum hinc videntur in civitate adhuc rudera *aqueductus*, unâ & remotiori parte integri adhuc, alterâ vero collapsi.

Viso ita Materiali urbis, sequitur FORMALE; quod est in Magistratu. Qui vel *dependens*, & opidanus, quem constituunt IV consules, & reliqui consiliarii utriusque religionis, ex placito Principis Philippi; (*Met. lib. xx, pag. 898, a;*) vel *absolutus*, neminem præter DEVM recognoscens superiorem, eod. *Met. teste ibidem*, dicente; Principatum Aransionensem absolutum habere dominium & imperium, nec ullum agnoscere superiorem Magistratum, sed immeditatè à Deo & jure gladii dependere; unde Principi etiam titulus: *Princeps Dei gratiâ, par la grace de Dieu*; qui ademptus omnibus Gallix Principibus. Obtinet insuper *jus cudendi monetam*. quod præter hunc Principem, excepto Rege Gallix, nemo habet nisi Comitatus Avenionensis. *Arnif. de jure Majest. p. 434.* siquidem omnibus Gallix proceribus, (dicit *Bodinus lib. 1. de repub. c. ult.*) privilegium cudendi monetam, uno & eodem Francisci I Regis edicto ablatum fuit.

Ut verò successionem *augustæ gentis Nassovix*
ad

ad Principatum hunc in fundamento videamus, alius reperemus historiam è *Thuani* libro xxxi, ad ann. clo Io lxi. Ita ille: *Arausio* imperio *Franco-Germanico* olim subiecta fuit, ut ex bulla aurea academiae ejus institutionem complectente constat, aliaque praeterea, quae privilegiorum ecclesiae primariae à *Friderico II*, anno cIo ccxxv concessorum confirmationem sanxit; ex monetaitem, quae cum Imperii insignibus cudebatur; & tabellionum privilegiis, qui auctoritate Imperiali instrumenta publica conficiebant. Postea Imperii per Galliam nostram infracta potentia peculiare Principes provinciam tenuere, & cum ea *Arausionensem* Principatum; qui tandem ad *Bauscorum* regulorum familiam seu successione sive alio titulo devolutus est, eadem prerogativa ac immunitate, quibus hodie Imperii Principes fruuntur. de quibus instrumentum fuit confectum à *Bertrando Bausco*, anno cIo cc xlii, eid. decemb. In eo Principatu & partem habebant *Hierosolymitani* equites, à Principibus, ut vero fit simile, in societatem asciti ob virtutis famam & praecipuum belli adversus *Saracenos* gerendi, cui illi destinati erant, ea aetate studium; ut à *Rigensi* episcopo in *Livonia* alibi factum memoravimus; idque ex numis plerisque patet, quibus in antica parte *Arausionensis* Principis, in postica *Hierosolymitani* Ordinis insignia visuntur insculpta. Et ita res in eo Principatu fuerunt usque ad ann. cIo cc lvi. quo *Carolus Andinus* *Ludovici IX* frater, qui *Beatricem* *Raimondi Berengarii* ultimi ex *Barcinensium* Comitum illustri familia provinciae Comitum *F.* uxorem duxerat, eam ditionem crevit, & *Gulielmum Bauscum* *Arausionis* Principem tanquam beneficiarium in fidem accepit per *Odonem Fortenarium* magnum provinciae Seneschallum. *Carolo* *Carolus II F.* successit; qui

tot regulorum suspectam potentiam habens, ab Hierosolymitanis equitibus permutationis titulo partem, quam in Arausionensi Principatu habebant, comparavit, anno *CLCCC VII, XI, kal. novembris*; eamque mox Bertrando Bausco attribuit, lege adjecta, ut ipse posterique ejus de Principatu universo tanquam beneficiarii, provinciæ Comitibus fidem deinceps præstare tenerentur. Ea de re instrumentum confectum anno sequenti *XI kal. april.* Secundum hæc Bertrandus Bauscus à Roberto Caroli III F. sacramento adactus est anno proximo; cumque biennio post idem Bertrandus cum Syndico Arausionensis civitatis nomine agente de privilegiis & immunitatibus transigeret, supremi imperii jus, quod Comitibus provinciæ competit, disertè exceptum est. Bertrando mortuo Gulielmus fil. hereditatem adiit, qui itidem à Roberto iisdem conditionibus in fidem acceptus est. Gulielmo Raimondus filius successit, & huic Raimondus II; qui ambo Ioannæ Neapolis & Sicilia reginæ sacramentum fidei dixerunt; & hic quidem de vi publica, ob quam violenter perpetrata Cortesone, quod est Principatus municipium, à Fulcone Agutio magno Provinciæ Senescallo postulatus fuit, bonaque ejus annotata, nec, prius quam gratia delictorum à Ioanna impetrata, eorum plenam possessionem recuperavit. Ioanna cum nullos liberos haberet, Ludovicum II Andinum Ioannis Franciæ regis fil. adoptavit & heredem instituit, & post eum Ludovicum II ejus filium, eique Ludovicum III Calabria Ducem substituit: à quibus omnibus Principes Arausionenses in fidem accepti sunt. Raimondi Bausci sine masculis decedentis ditionem Maria filia crevit; quæ Ioanni Cabilono nupsit anno *CLCCC X*, cum Bausci eum principatum ab anno *CLCC XL* tenuissent. Ex eo matrimonio genitus Ludovicus Cabilonus; qui à
Renata

Renato Sicilia rege in fidem acceptus est, eique XV
 cld librarum commodavit ann. cld cccc xxxvi, dum
 captivus Divione à Philippo Burgundione detinere-
 tur. vicissim Renatus, ut ei de hujus summa resti-
 tutione caveret, jus supremi imperii, quod ipse in
 Principatu habebat, obligavit; cumque carcere li-
 beratus as illud dissolvere paratum se ostenderet,
 Cabiloni tergiversatione effectum est, ut negotium
 exitu caruerit. Ludovico Gulielmus Cabilonus suc-
 cessor, qui cum summo imperio illo licentiosè, atque
 adeò injuriosè, contra Arausionenses abuteretur,
 tandem vicinorum interventu inter partes trans-
 actum est, cautumque, ut Arausionensibus à Princi-
 pis magistratibus appellare esset. Id actum anno cld
 cccc lxxi, mense januario. Quo tempore rerum
 in Francia potiebatur Ludovicus XI; qui Renato &
 & Carolo Andimis in Provincia Comitatu succes-
 sit, & cum Gulielmo Cabilono transegit, his condi-
 tionibus, ut Gulielmus acceptis à rege xl cld aureo-
 rum fidem in posterum regi & Delphino Viennensi
 tanquam beneficiarius obligaret, & ejus subditis
 ad Gratianopolitanum Senatum appellare jus esset:
 ceteroqui ipse titulus supremi Principis, seque gratia
 Dei Principem Arausionensem indigetare, monetam
 percutere, gratiam delictorum impertiri, aliæque
 ejusmodi, quæ summi imperii sunt, facere posset.
 hisque conditionibus in fidem acceptus est VII kal.
 jun. anno cld cccc lxxv. Ab eo tempore de Arau-
 sionensium appellationibus Delphinatûs curia co-
 gnovit usque ad annum cld cccc ic. Quo Ludovi-
 cus XII, qui impensè Ioanni Cabilono Gulielmi fil.
 favebat, officiorum memor & egregia ab eo navata
 opera in prælio ad Albini fanum in Armorica, ubi
 ambo capti fuerant, supremum jus illud bene meri-
 to amico remisit, non tamen sine contradictione, nam
 cognitor regius intercessit, & ad Delphinum &
 Del-

Delphinatûs gubernatorem appellavit, protestatione factâ, & monumentis publicis eodem anno 1494 eid. septembr. consignata. verum spreta cognitoris regii protestatione, Ioannes ex eo supremum jus in eo Principatu usurpavit, & curiam Parlamenti præsidemque & 14 consiliarios instituit, qui ius cum suprema potestate dicerent; idque usque ad Ludovici XII excessum tenuit. nam eo defuncto, cum Franciscus gratiam à decessore suo factam revocasset, Philibertus Ioannis fil. in fidem ab eo acceptus est; rursusque Gratianopolitanus senatus de Arausionensium iudicum appellationibus cognovit. Philibertus is sine liberis decessit, & Renatum Nassovium Claudie sororis F. heredem instituit. ii, quod relicta Galliâ Austriacis operam suam addixerant, eorum gratiâ contra beneficii collati auctores usi sunt; & post Ticinensem cladem Madritianâ pacificatione cautum fuit, ut, nullâ habita iuris, quod regibus competeat, ratione, Arausionensis Principatus cum summo imperio ipsis restitueretur. & quamquam bellis postea inter Carolum V & Henricum II subortis regii magistratus manum in Principatum injecissent, & Gratianopolitanus senatus per id tempus de appellationibus cognovisset; tandem pacificatione ultimâ anni 1510 1511, rursus supremum Arausionensis Principatûs imperium Nassoviis juxta Madritiana pacta restitutum est: & Gulielmus Gulielmi F. Renati frater patruelis præfectum urbi imposuit, & magistratus denuo instituit, qui citra provocationem cum summa potestate ius dicerent. Hactenus Thuanus. Gulielmo Nassovio Arausionis Principi successit primogenitus F. Philippus Gulielmus, anno 1516 1517 mart., qui, Genuam cum Alberto Archiduce è Hispania veniens, mox Massiliam, & inde Arausionem, ubi à clero & civibus acceptus, per-

perrexit; eique hominum seu homagium præstitum. actum lege apud *Meter. lib. xx.* Accedit investitura & confirmatio Henrici IV Gall. regis, de qua *Thuan. lib. c xxxvi sub fin.* Et *Meter. lib. xxvi*, ad annum cId Idc vi, dicit: Philippus Araus. Princeps primogenitus, Gulielmi Araus. F. in uxorem ducens, Condæi sororem Heleonoram, in Fonte-bellaqueo regis sumtibus nuptias celebrat; cui insuper rex Principatum Arausionensem, unà cum omnibus libertatibus, præ eminentiis & juribus, plenè, inò longè plenius quàm nulli antecessorum ejus, cum renunciatione omnium jurium, quæ regnum Galliæ in eum habere arbitratur, junctâ amplissimâ dote, donat. Philippo successit frater *Mauritius*, plenariâ potestate per præfectum administrans Principatum. & huic denato inuictus *Princeps Henricus-Fredericus*; quem gloriorem sera videat posteritas.

Ita Principatum & urbem vidimus in statu pacato & flore: *Turbatum* talem deformat *Thuanus libro xxxi*, ad ann. cId Idc lxi: *Urbs Arausio una atque altera Synodo celebris, episcopali quoque dignitate ornata est; quam eo tempore (anno cId Idc lxi) tenebat Philippus Camerarius, ex illustri Camera marchionum familia, Protestantibus, qui jam in ea liberè conveniebant, valdè infestus. ii pacatè sub Causano præfecto, & postea sub Alexandro Turrio, à Gulielmo Nassovio urbis Principe imposto, vixerant, donec de Vassiacena cæderumore sparsò territi opidani, eandemque fortunam veriti, arma capiunt, Turrio præfecto, tanquam sibi suspecto, ejecto, & acceptis Idc præstariis, se muniunt, misso etiam Lugdunum ad amicitiam firmandam, rem pecuniariam expediendam, & arma coëmenda, Perrino Parpalea loci præfide, qui in reditu juxta Burgum in Vivariensi pago, cum per*
Rho-

Rhodanum cum armis devehetur, v ab Arausione leucis à nauclero proditus & interceptus est. quo cognito, opidani statim militem Saulio Santandreaano duce ad recipiendum, si fieri posset, Parpalearum emittunt, tam vicinum hostem minimè rati. jam ante, Philippo episcopo urgente, Frabritius Serbellonus, penes quem summum armorum imperium ei à Pontifice cognato attributum in Venaſcinenſi Comitatu erat, Caralione loco condicto conuenerat cum Honorato Sabando Sommarinio Claudii parentis Tendæ Comitis legato, Francisco Balma Suzæ Comite, Pontenefio Carſio Flacceano ejus fratre Aquenſis ciuitatis præfecto, Gabriele Bolleſio Centalio, G. Ventabreno Laverdeno, Mondragonio, Venterolio, aliisque regiæ ditionis proceribus, & de Protestantibus Arausione, ut nimirum vicino, expellendis, consilium inierat. Cùm, intellecto, præſidiarios urbe egressos, inopinatò ad portas cum 11 muralibus tormentis & minoribus aliquot aduolat non. junii, vix albeſcente die; opidani, casu territi, mox ad revocandum Santandreaanum mittunt; & eodem tempore, ut moram negotio interponerent, cum Serbellono colloquium poſcunt, & vi è suo numero ad eum legant. Tum perſcriptæ conditiones: ut externus miles statim dimitteretur: arma omnia in templum majus comportarentur, claribus ejus in Turri præſidis manu traditis. Quibus conditionibus rejectis, continuo Serbellonus urbem ita cingit, ut Santandreaanus, qui ad Serinianum remanserat, ingreſſu prohiberetur. mox tormentis admotis ad eam partem, quæ Eutropii sanum ſpectat, arcem verſus pulſationem incipit. Verùm cùm ab arcis præſidiariis, quibus Coſta junior præerat, graviter infeſtaretur, tormenta inde deducit, & ad portam molatrinarum transfert; ubi poſt CLX circiter ictuum diſploſionem,

edita

edita ampla ruina, opidani, spe omni auxiliorum destituti, pars noctu cum conjugibus ac pueris diffugiunt, & ad socios, qui Seriniani erant, tendunt, pars se ad defensionem comparant. verum, cum diversis partibus hostem vim facere, & clatris revulsis ab adversa factionis civibus etiam plerisque locis admitti, frustra que arma expediri cernerent, in arcem confugiunt. Victor hostis nullo non immanitatis genere in eos, qui in urbe remanserant, seviit. nam, qui primum impetum effugere, alii lentis ac minutis pugionum ictibus, sic ut se mori sentirent, occisi; alii supra contos, sarissas ac strictos enses præcipiti; alii ad cremasterum paxillos appensi & combusti; alii denique exsecti. nec decrepitis senibus, mutilatis & in lecto per valetudinaria decumbentibus agris, miserisque messoribus, subita obsessione in urbe oppressis, quibus nulla præter falces arma, parci tum pleraque feminae interfectæ, aliæ ad fenestras & porticus suspensæ, & avulsis ex eorum amplexibus parrulis infantibus, scloppetorum ictibus confossæ, multæ virgines per vim corruptæ. pueri multi item rapti, & ad nefandam libidinem satiandam in miseram captivitatem, ex qua non nisi diu post redierunt, abducti. auxerunt crudelitatem contumeliosa spectacula, pro ductis mulierum cadaveribus, & in eorum pudenda bouum cornibus & saxis ac stipitibus ad ludibrium injectis. Virorum item interfectorum plagæ foliis sacrorum librorum factæ, qui, ut vernacula lingua scripti ab illis, discerpti passim jacebant. Nec adversa factio, quæ hosti ad opidum capiendum prodita concivium salute viam straverat, furorem evasit: nam, cum se in platea armati cum uxoribus ac pueris conglobassent, hostes, eos ad defensionem separare rati, irruunt; & ad unum omnes trucidant; nec proinde illi civium suorum exitio diu latati sunt.

sunt. Inde ad arcem itum. cujus præsidarii vitam pacti, ad unum omnes, qui CIX numerati sunt, aut præcipitati, aut gladio deleti sunt, exundante passim per urbem cruore. Post cædeis, in domos incendiis sævitum. publicæ ædes, serpentibus flammis, etiam episcopi palatium, igni absumtum est; & ccc ferè privatorum domus: in iisque plerique, qui latebant, præfocati. vixque, exortis post ingentia tonitrua insolitis imbris, incendium restingui potuit. quâ commoditate usi plerique, qui à strage superabant, per noctem aufugiunt, & ad socios, qui Seriniani substiterant, se conferunt. Tum direptæ ædes quibus ignis pepercerat, ac postridie mœnia Serbelloni jussu à fundamentis eversa. Capti Aransione Costa arcis præfectus, Cariteus & Ruifius; & Tarasconem sub custodia ducti.

Arausione commorati sacro paschatos, sequente die iter Avenionem instituimus. Duabus leucis *Sorga* fluvius obstat transjiciendus; navulum pro singulis equis est i solidus. inde dux leucæ ad ipsam urbem Avenionem; quæ custodias portis impositas habet. Ad ipsum ingressum quærebat, num sacræ Missæ interesse vellemus? negando responsum est, ubi diverteremur? à *la mule*. ita schedula signata nobis tradita pro tridui libera in urbe commoratione. sed & è custodia miles ad diversorium nos ducebat, hospitii indicium facturum nostro de adventu & commorationis tempore. Intromissi in urbem longo per stratas vias ductu ducimur ad dictum hospitium à *la mule*; commoda ubi & lauta habitatio.

A V E N I O,

VRbs, secundum nonnullos, sorte quadam & ad volatum accipitrum minorum fundata dici-

dicitur , quemadmodum Roma vulturum. quâ occasione adhuc in urbe hac moris est, ut ii, qui tale avium genus in urbem venum important, ab omni vectigali & portorio immunes sint.

Sira est in Comitatu *Venissino*, *Rhodano*, *Durantio*, *Sorgâ* fluminibus irriguo. ad primum horum urbs ædificata loco amœnissimo & fertilissimo : si *planitiem* videas, agri frugibus, prata hortensibus herbis , vineæ botris , arbores malis citriis & aureis rident : si *fluvium* , piscium natatu lenique susurro murmurat : Si *montes*, culti omnes sunt , attolluntur , sed remoti plusculum ab ipsa urbe. Accedit oblectamentum *murorum* , eleganti turrium pari intervallo dispositarum ordine conspiciendorum. A parte quâ flumen præterlabitur , præcipiti rupi *fortalitium* est impositum exiguum, cum tormentis & milite prædiario , tamen à situ loci ingens ibi strui posset castrum pro pontis & urbis defensione. *Fossæ* profundæ sunt ; *portæ* *vii* firmæ, excubiiisque munitæ.

Pons (de cujus fabulosa structura vide *antiquitat. Gallie* pag. 883, & seq.) si non circa finem obliquè incurvaretur, non multum cederet ponti S. Spiritus. diminuit eidem multum trium arcuum , qui multis jam abhinc annis concidère, defectus , & quidem mediâ ferè in parte : rex eum sumtibus suis, si fieri posset, restitutus dicitur. Arcuum est *xxiii* ; quorum duo , *Avenioni* vicini , cum sacello , quod tertio est inædificatum , jurisdictioni Papali ; reliqui regiæ subsunt. Latitudine angustus est , & vix *v* passuum ; longitudine *clo ccc* & plurium. Hic jungit *Neapolin* (*la ville neufve*,) *Avenioni* oppositum opidulum depressiori loco ; supra se habens *S. Andrea* fanum editiori loco positum in excelsa rupe,

rupe, munitum loci ingenio, firmissimis propugnaculis & præsidio regio.

Quoad *plateas*, ex sunt amplæ, præsertim eò loci ubi urbis pomœria producta. *ædificia* sunt nitida & elegantia, nec non palatiis superba; quæ si publica spectas, septenario numero (ut perfectissimo, ex toto pari & toto impari constante) superbiunt, VII *nim. palatiis, portis, templis parochialibus, canonicorum collegiis, xenodochiis, virginum monasteriis & conventibus.*

Videamus ea nunc separatim. Inter *templa* primum locum obtinet *D. Virgini* sacratum, in area spatiosa situm, eminenti in saxo, cui mulæi gradus incisi pro via ad ipsam sumtuosam ædem. Porta talem habet inscriptionem:

Ludovico Justo, Gall. & Navar. regi Christianissimo, avitæ virtutis æmulo, glorios. Caroli Martelli in Saracen. Aven. pellendis fortitudinem, & Divi Caroli Magni laureas jam adepto, in Albicensibus, tota Septimania Galliaque fræn., S. Ludovici pietatem & magnitudinem assequuto, ob impiatum rebell. hæreticorum furorem triumphantibus armis expiatum, ob ecclesiam Romanâ pietate defensam, ob Avenionem benignitate regiâ conservatam, sui obientes Præpositus & Canonici hujus Avenionensis ecclesiæ per D. Martham primum erectæ, mox D. Ruffi Christi discipuli episcopal. sacris inauguratæ, & per Carol. Magn. Gothicâ impietate restauratæ, hunc in-

T

gen-

gentem & perennabilis gloriæ fornicem
D D. C C. M D C X X I I.

Interior ejus structura ad stuporem dives est : altare grande auro & argento stringit oculos : lampades xī totæ argenteæ de funibus suspensæ lumen augent ; non longè grandia candelabra itidem argentea. Ad latera vides *facella*, in quibus Pontificum aliquot magnificæ sepulturæ , & capitum v tegmina , honorum insignia. Canonici xx cum xiv capellanis ibi rem sacram faciunt. illi , quòd ipsi Pontifices tempore quadragesimali olim ibi missam fecerunt, *adhuc habitu & ornamentis Cardinalium utuntur*. Isti Ordini addictus fuit *Franciscus Petrarca* , Italorum Poëtarum princeps, de quo infra. Est quoque, quod templum maximè decorat, videndum *S. Marthæ sacellum*, quod olim ei pro domicilio serviit ; descenditur aliquot gradibus ad illud : januæ superstat ipsius Marthæ effigies. Extra templum *area* est , in qua puteus amplitudinis & profunditatis magnæ. In altiori area , cui templum istud inædificatum , videntur iv rotundæ turres , pulvere quæ tormentario dicuntur esse refertæ.

Inde non longâ viâ lustrare potes in descensu *palatium minus*. Archiepiscopi mansio est. exigua compareret extûs , sed interiori structuræ nihil deest ; conclavia ad amussim exornata sunt ; adstat turris elegans , hortus malis punicis & aliis abundat ; prospectus inde in urbem , in Rhodanum, imo in bonam territorii partem apertus.

His visis ad *Franciscanorum (les cordeliers)* mecum ito , visurus *monumentum LAVRAE*. Templum est spatiosum ; in quo unum , quod me & alios affecit, est sepulchrum illud modò dictum, quod

quod Regum & Poëtarum meruit encomium.
Inscriptio recens talis est ei addita :

D. O. M.

Et memoriæ æternæ D. Lauræ
cum pudicitia tum forma fœm.
incomparabilis, quæ tam diu vixit
ut ejus memoria nunquam
extingui possit, R. R. veterum
monumentorum peregrin. in-
dagatores D. Christophorus
de Allegre eques Lusitanus &
D. Antonius de Prat. Prætor
Parisiensis, & Gabriel Simonius
Florentinus, Ἀδωνίας ἡμέραν

iv idus april. 1558.

Sola manet virtus; cætera mortis erunt.

LAVRA hæc à Francisco Petrarca honesto amore
amata, & odis artificiosissimæ structuræ decan-
tata est. Sepulchrum multis retrò annis incogni-
tum fuit; à Mauritio autem Scæva, viro litera-
tissimo, in lucem protractum & mundo osten-
sum. Sacellum, in quo illud videtur, obscurum
est. sinistra ingressûs habet altare muro adstru-
ctum, ante quod sub grandi saxo sine omni or-
natu & inscriptione Laura cubat. Majores ejus
id struxerunt; restantur insignia stellæ, lateribus
apposita. Franciscus I Franc. rex Massiliam itu-
rus, Avenionem transiit; ubi de Lauræ sepul-
chro audiens, illud aperiri, & cadaver spectare
voluit: saxo amoto, sepulchroque aperto cor-
pus præter ossa in cineres abiisse visum est. Pe-
ctori imposita fuit scatula plumbea operculo fir-
mata, quâ apertâ nummus & carmen inclusa reperta
sunt.

sunt. Numus plumbeus unâ parte ostendebat figuram femellæ, alterâ has litteras: M. L. M. I. id est, MADONNA LAVRA MORTA IACE. Carmen, manu Petrarcæ membranæ pergamenæ inscriptum Italico idiomate, tale erat:

*Qui riposan quei caste, & felici ossa
Di quell' alma gentile, e sola in terra,
Aspro & dur sasso hor ben teco hai sotterra,
E'l vero honor, la fama, & beltà scossa.
Morte hà del verde Lauro suelta & mossa
Fresca radice, e il premio di mia guerra
Di quattrolustri e più s' ancor non erra
Miò pensier tristo, e'l chiude in poca fossa.
Felice pianta in borgo d' Avignone,
Nacque, & mori: & qui con ella giace
La penna, e'l stil, l'inchostro, & la ragione.
O delicati membri, ò viva face,
Ch' ancor mi cuoggi, struggi, in ginocchione
Ciascun preghi il Signor t' accetti in pace.*

O S E X O.

*Mortal bellezza in darno si suspira,
L'alma beata in ciel vivrà in eterno.
Pianga el pute e il futur secul priva
D'una tal luce: & io de gli occhi e il tempo.*
His visis & lectis, rex Franciscus magnanimâ fronte sententiam tulit, tumba honoratiori formâ dein stare; ipsus præire viam scripto Gallico metro, quod tale est:

*En petit lieu compris pouvez veoir
Ce, qui comprend beaucoup par renommee;
Plume, labour, la langue & le devoir
Furent vaincuz par l'aymant de l'aymee.
O gentill' Ame, estant tant estimee,
Qui te pourraloüer, qu'en se taisant?
Car la parole est tousjours reprimée,
Quand le sujet surmonte le disant.*

Sequi-

Sequitur aliud Latino metro, auctore Iulio Camillo:

Laura ego quæ fueram Thusci olim vita Poëta:

Laura ego, quam in vita Thuscus alebat amor:

Heic sine honore jacui non cognita, quamvis

Cognita carminibus culte Petrarca tuis.

Nullus purpureis spargebat floribus urnam,

Nullus odoratis ferta dabat calathis.

Nunc quoque Francisci, sed versu & munere regis

Notescio, officiis conspicienda piis.

Aliud item Italico metro, auctore Ludovico Alamano:

Qui giace il tronco di quel sacro Lauro

Che del Tosco miglior fu dal og getto,

Ch'ouunque scalda il Sol n'ando l'odore:

Hor dal Gallico Re del ciel thesauro

(Sendo in poco terren vile, & negletto)

Et di marmi, & di stilriceve honore,

Et sempre i rami haurà fioriti, & freschi

Sotto l'ombra immortal de duo FRANCESCHI.

His subscribo meum, cogitans vanitatem mundi,
& perpetuitatem literarum, in Petrarcae Lauram
& metra:

*Carmine laurum habui, LAVRAE studiosus
amator:*

*Mors rapuit LAVRAM, carmina non po-
tuit.*

Viso hoc Lauræ monumento, ducam te ad
Casimiri Polonix regis monumentum; quod in
D. Martialis æde tale extat:

B. C.

Poloniæ rex in Galliam secedens,
Cluneatæ monasticæ vitæ se addixit, &
professione amissâ frater Carolus voca-
tus, & Diaconi ordinem suscepit. Anno

T 3

fui

sui monachatus tertio à Polonis requisitus, S. P. dispensatione à voto absolutus, regno inaugurari meruit, his tamen conditionibus: I, ut Poloni singulis diebus Mercurii jejunent, unicâ tantum refectione contenti. II, ut omnes rotundâ coronâ in morem monachorum utantur. III, ut nobiles festis solemnibus, dum sacra peraguntur, stolam è collo suspensam ferant. IV, ut singuli è plebe persolvant obolum in lucernam usturam Romæ. Anno millesimo quingentesimo primo.

Præter hoc ipsius Martialis egregia sepultura è lapide meretur videri.

Nec insuper habeas *Calestinorum ædem*. In qua duo Renati Siciliæ regis opera; altare & sacellum. *Altare* è marmore nitidum, insculptam habet historiam passionis Salvatoris, cum hac epigraphe:

*Sicelidum regis sunt hæc monumenta Renati:
Iusserat hæc quondam fieri quæ Carolus heros,
Rex pius absolvi voluit quæ marmora cernis.
Tristia cum gemitu Christi spectacula euntis
Ad mortem, liceat vobis spectare, fideles.
Cogitur ecce piis humeris casusque cruentus
Ferre crucem lassus, quâ criminanostra ferantur,
Sacrilegasque manus Iudææ gentis iniquæ.
Discite Christicolæ; memores estote dolorum,
Quos Deus, ecce, tulit; sic vos licet esse beatos.*

Anno Dn. M CCCC LXXXI.

Sacellum habet sceleton justæ magnitudinis, manu Renati regis elegantissimè pictum, quod olim matronis Avenionensibus strenæ loco ipse

rex

rex donasse dicitur. In hac pictura commendatur & notatur tela arenea in feretro videnda, ita imponens oculis, ut naturale araneæ alicujus opus & texturam esse existimes. Tabula ista præter Gallicos versus, hos habet Latinos :

Contemplare paucis qualis sit imago subacta,

Corpore qui fulges ; talis tibi morte paratur.

Præter hæc sacella, alia adhuc supersunt. Nimirum, *Clementis VII Pontificis*, in quo monumentum ejus sepulchrale, non clericum, sed regium, gratitudinis & memoriæ ergò ibi positum, quod Avenio illum schismatis tempore octo annos in sinu suo foverat. Aliud item pro *Clementis VII P. cubiculario*, è marmore exstructum. Aliud, in quo Papæ missas celebrarunt, cum heic essent. quorum etiam vestimenta & sacra pallia cum lituis in adyto adhuc servantur. Ad sunt etiam aliæ tabulæ *de legenda Petri Luxemburgii*, qui puerum de summa in pontificio palatio turri delapsum & omnibus membris fractum precibus dicitur ita restituisse, ut fractæ & segregatæ partes suâ sponte coaluerint, puerque pristinæ valetudini & omnibus vitæ sanæ functionibus restitutus fuerit. Sepulchrum hujus Petri est in crypta subterranea, cum fontis scaturigine. Non longè inde exrat distichon in *Ludovicum Valesium* scriptum :

Ille ego, qui gnatus, patruus sum, frater, avusque

Regum ; non habui regia sceptrum tamen.

Horti monasterio adædificati amoeni sunt, consiti è moris, ficibus, granatis, capparibus, aliisque boni saporis fructibus, ultra ferè monachorum ordinem.

Hinc ad *adæm Minimorum* ; quæ tibi galeros Cardinalium plurimorum & sub altari monumentum archiepiscopi, cujus cadaver nondum

consumtum dicitur, cum hoc epitaphio ostender:

Hic jacet reverendus in Christo frater Vitalis, Ordinis Minorum bonæ memoriæ, Episcopus Albanensis, S. R. E. Cardinalis; qui obiit die XII mens. augusti, anno cIo ccc xxvi; cujus anima requiescat in pace.

Si pluria templa lustrare placet, sunt ea non paucò numero; *D. Augustini*, sacellis utrumque ad latus structissimi; *D. Magdalena*; in quo Nothaffii Rhodano merfi monumentum: *Iesuitarum* item, cum adjuncto collegio, Philosophiæ officinâ.

Ab ædibus his sacris dependet *inquisitio* in hæreticos; satius esset, in Judæos, imò in lupanaria, essent instituta; verum utrique cum fiscum papalem augeant, feruntur: illi, mercium imposturis; meretrices, lactis vestigali, (*milch-zins oder huren-zoll.*) Quî mos Romæ quoque observatur, ex antiquitate Romanâ originem trahens: ibi enim solebant mulieres, meretricum quæstum captaturæ, apud ædiles licentiam stupri vulgare, ut de Vestilia, prætoriâ familiâ genitâ, Tacitus scribit lib. II, atque insuper mutatum nomen Cellæ in lupanari, ubi prostabant, inscribere. *Alex. Sardus de morib. & ritib. lib. I, c. xv, ex Pancirollo in novis repertis, cap. x de horolog.* Verum uti nullum tam est formosum palatium quod non habeat cloacam; nec formosa facies sine aliquâ maculâ, ita egregia hæc urbs non caret hoc foetido hominum genere. Meretrices Christianorum templa, Judæi suam *synagogam* frequentant; in hac tamen monachum singulis

gulis septimanis concionantem ferre tenentur, si fortè quis eorum ad Christianismum converteretur, repudiato Judaismo.

Ecclesiasticis ædificiis *academiam* adnumero, olim florentem & famâ magnorum Jurisconsultorum celebrem; qui suæ cathedræ inscriptum habent:

SESSIO ÆMILII FERRETI:
PERITVM ORNO, IMPERITVM
DEDECORO.

Doctores in theologia sunt III, in jure IV, in medicina III, in philosophia cœtus Jesuitarum est occupatus.

Sacra ædificia concludam cum *palatio Pontificis*, firmissimo saxo quod impositum. Notemus heic *aream*, *atria*, *facellum* & *armamentarium*. *Area* ad introitum præsidio Helvetio custoditur. Mox aula; & *atrium* primum, amplum & longum, sed non ornatum, nisi his, quæ parietibus inscriptæ sunt inscriptiones:

CLEMENS V PONTIF. ABSENS ELECTVS ANNO M CCC V ROMANAM
CVRIAM LVGDVNVM TRANSTVLIT.

Prope huic hæc:

JOHANNES XXII, LVGDVNI CREATVS,
AVENIONEM PRIMVS SE CONTVLIT.

(Hic mortuus, dictus est ditissimus, quod auro post se relicto omnes præ se superarit pontifices.)

Sequitur hæc:

BENEDICTVS AVENIONE CREATVS
CONSEdit AC MORITVR PALATII
HVIVS PRIMA AC MAIORI PARTE
CONSTRVCTA.

Hic Benedictus, numero duodecimus, dicitur molitoris fuisse filius; ad quem cum pater papalem

lem ad dignitatem euectum inuiferet, sericeis vestibus ultra ordinem molitorum indutus, à filio non receptus fuit, priusquam habitu hoc, molitores non decente, deposito, veste suâ molitoriâ compareret; ita benignè admissus, & interventu Cardinalium molendino à filio Papâ donatus, dimissusque est.

Alia inscriptio sequitur:

CLEMENS IN SUA OBEDIENTIA
VI AVENIONE CONSEDIT QVO
TEMPORE URBANVS VI ROMAE
APOST. SEDI PRAERAT MAGNO
TVNC ORTO SCHISMATE.

Item hæc:

BENEDICTVS IN SUA OBEDIENTIA
XIII PRIMO PETRVS DE LVNA
NVNCVPATVS IN LOCVM DE-
MORTVI CLEMENT. VI AVE-
NIONE ELIGITVR VNDE POST
IN HISPANIAM AVFVGIT AC
IN CONSTANTIENSI CONCILIO
CVM GREGORIO XII ET JOAN-
NE XXIII DEPOSITVR.

Ultima hæc est:

MARCELLVS II PONTIF. OPT. MAX.
QVI PIVS SECRETARIVS ALEXAND.
FARNESII R. E. C. VICECANCELLA-
RII AC LEGATI AVENIONENS.
FVERAT, MORITVR IN VRBE
XX DIE PONTIFICATVS, AN. MD LV.

Ne hoc omittram; sedes pontificia Româ Avenionem translata est sub Alberto Austriaco Imperatore per *Clementem V*, Papam, anno Christi 1309. ubi permansit LXXII annos. Clementi succedere *Iohannes XXII*, *Benedictus XII*, *Clemens VI*, *Innocent. VI*, *Urbanus V*, *Gregorius XI*. Pe-

XI. Pexel. in mellificio histor. Helvicius in Chronolog. Hic sedem Avenione Romam rursus transulit hanc ob causam : Erat ei nepos, homo petulans, insolens, virginum stuprator, matronarumque impudicus sectator. de qua vi & insolentia nobiles cives apud Pontificem sæpe conquesti non audiebantur, nedum vindicabantur. Hinc de capite stupratoris alia sententia lata est; junxerunt sese multi, & noctu lascivum hunc venatorem capiunt, moxque ante Papæ palatium pensilem faciunt. Papa ignominiâ affectus, de vindicta cogitans coenam magnificam struit, invitat primores civitatis; veniunt hospites, sed coenaculo, cui pulverem tormentarium subdiderat, incenso in aërem exploduntur. Papa verò prius de mensa surgens, reditumque simulans, navigia constituerat, quibus Arelatum, indeque in Hispaniam aufugerat. *Platina* aliam adfert rationem, inquiens : *Gregorius XI de profectione Italica cogitare cœpit, inflammatus præcipuè Episcopi verbis, qui ab eo reprehensus, quòd non rediret ad Ecclesiam suam, tamdiu sine pastore nudam, respondit : Et cur neque tu, Pater sancte, ceteris exemplum daturus, Episcopatum Romanum repetis? Ergò peractis in Rhodano una & viginti navibus, (aliò se iturum simulans, ne à Gallis emolumentum causâ retineretur,) Genuam primò, inde Cornetum contendit : unde terrestri itinere navigationem pertæsus, hyeme præsertim, Romam pervenit. Anno sal. cIo ccc lxxvi, idib. januar., pontificatus sui VII, migrationis verò Romana Curia in Gallias anno lxx. Coenaculum illud pulvere tormentario & igni sublatum hodiè atrium est, inserviens sphœristerii usui. Aliud non longè inde, olim electioni Pontificum, modò pilæ majoris lusui destinatum.*

Ab his te confer in *atrium* seu conclave destinatum publicis legatorum exceptionibus, ornatum his versibus :

*Qui varias operum moles, turritaque passim
Mœnia dimensa suspicis artis opus :
Ingressus nostras humiles ne despice sedes,
Quarimus ex sola commoditate decus.*

Turris hisce atriis adstat, cujus summum perforatum, olim per quod puer delapsus, frustillatim fractus, & à Petro Luzeburgio restitutus dicitur, ut habent tabulæ apud Cælestinos. Ibi *campana* in veteri palatio suspensa, quæ tota argentea fertur ; indicit, mortuum pontificem, vel novum esse eligendum.

Hinc ad *facellum Pontificum*, exornatum scamnis è ligno cupressi. structura hæc poenæ loco alicui à Papa injuncta fuit. Nec negligas *Rotam audientie* Papalem : uti nec vicinum *armamentarium*, cui inscriptum :

*Dum parat Avinio Lutheris grassantibus arma,
Dumque movet gladios, hoc sibi fecit opus.*

Anno 1570. PIVS V, P. M.

Sequitur *officina monetaria*, cui inscriptum :

PAVLVS V, PONT. OPT. MAX., HAS AEDES
AVRO, ARGENTO, AERE FLANDO, FERIVNDO
AD VRBIS DECOREM EREXIT, ORNAVITQVE,
CVRANTE JO. FRANC. A BALNEO. ARCH.
PATR. V. LEG.

ANNO SALVTIS MDLXXIX.

Hinc ad aream te confer, cui nomen est *la place pie* ; domus ibi dejecta videtur, superantibus adhuc XIV columnis rotundis & VIII quadratis. Olim habuit dominum nobilem quendam, qui ob civitatis prodicionem rogo impositus & combustus est, ædibus dejectis præter has ruinas, quæ adhuc conspiciuntur in facti exemplum
& me-

& memoriam. Ita quoque supplicium sumtum videas de *Cardinale aliquo*, *cujus caput* summitate domûs alicujus affixum est; magicis artibus dicitur Pontifici, *cujus imaginem* propè se habebat, toties dolores & puncturas exhibuisse, quoties aciculis eam pungeret.

Sufficiant hæc de *materiali urbis*: *Formale* videbimus in regimine *magistratûs inferioris & superioris*. Illum constituunt Consules & Senatores opidani, à quibus ad Legatum Pontificium, ordinariè in urbe residentem, provocare licet. Hic est superior magistratus, ipsam Pontificis auctoritatem repræsentans, lectus à Purpuratorum consistorio. Præter hunc habet *archiepiscopum*, cui parent tres alii in Comitatu hoc siti; Carpentoraënsis, Caballionensis & Vasionensis. Regimen verò hoc supremum Comitatus, Clemens V, Papa, anno dñi mccc vi dicitur impetrâsse à Joanna Siciliæ & Neapolis regina. quæ cum maritum Andream laqueo sericeo sustulisset, è regno Neapolitano diversis præliis victa fugere Avenionem coacta est; ibi Ludovico Tarentino consobрино suo nubens, Pontifici supplex facta, ejus autoritate interpositâ regno suo rursus potiretur, nec ignara Romanæ avaritiæ, promittit Pontifici se Ecclesiæ urbem patrimonii sui Avenionem ultrò concessuram. Contractus hic ex composito factus ne innotesceret, egit cum Pontifice, ac si urbem dono datam ei vendere vellet, modò Pontifex aliquantulum ex annuis redditibus pretii loco Joannæ penderet. Hoc pacto inter se inito, Pontifex factus est Dominus Comitatus Avenionensis, & Joanna, intercessione pontificiâ, regnum Siciliæ adeptæ est. Nec desunt qui asserant, Joannam multo ære fuisse obstrictam Pontifici, cui

cum non esset solvendo , patrimonii sui urbem hanc pro solutione tradidit.

Subditi sunt benignis moribus, dediti multum negotiationibus , præsertim byssi pannorumque tincturæ , cui ob loci commoditatem sedulo operantur. Splendidi inter incolas conspiciuntur *Itali*, divites numis & palatiis : contrà sordidi sunt *Iudæi* & multi , peculiari urbis loco positi, veluti cloaca in domo; operti pileis flavis, sequior verò sexus fasciis flavis capite redimitus. adventantibus importuni sunt mercibus suis ; à quibus, uri & ab aliis venditoribus , qui se mox in hospitium ingerunt corruptis suis mercibus , caveas , nisi loculos tuos ab illis velis vapulare. dictum tibi sit :

Hic, niger est intus ; quem tu Germane caveo.

Avenioni valedicentes, perreximus itinere exquisitè amœno, accedente cœli serenitate. Solum plantis raris, amygdalis , oleis florens & granatis , mirè nos afficiebat , ad *Novocastrum* usque, opidum Papale, 11 *milliar.*, situm in monte undique suavissimo & fecundissimo. Inde agro frumentis gravido , inter oleas & amygdalas 11 *mill.* itum est ad opidum Papæ *l'Isle* , in plano constitutum , & à flumine Sorga , unde nomen traxit , insulæ instar undique cinctum. opidum certè suave & situ tam commodo delectabile. Hinc *sesquimilliar* ad vicum *Vallis clausæ* (*Vaucluse*) deventum est, viâ non adeò rectâ, petrosâ satis & asperâ, inprimis quæ in vicum proximè ducit. Locus angustus est & solitudini proprius. eo ubi ventum, porro ire haud licet, sed pars viæ emensæ reassumenda est in reditu. Unica platea paucarum ædium vicum constituit : nullum in eo diverforium est ; recipiebamur à molitore, *sub insigni S. Verent* ; tenui sed caro apparatu omnia

omnia erant, & vix quid pro equis pabuli. Sorga fluvius tanto strepitu præterlabitur, ut alter alterum loquentem vix exaudire possit.

V A V C L V S E.

Locus nomen sortitus est à valle & montibus, quibus undique circumclauditur; commendatus naturâ & decantatus PETRARCAE metris.

Natura ibi artificii quid operata conspicitur. In ima valle vorago est ad saxi pedem, è qua nebula & aër frigidissimus exit non sine infectione; unde adventantes monentur ne ad imam viam eant, neve diu ibi subsistant. Vorago hæc sub altissimo saxo fontem scaturientem facit, qui in ipso egressu inter duas ficus arbores, multorum passuum longitudine, jucundo oblectamento sese extendens, per prægrandia saxa horrendo strepitu & catarractâ sese præcipitat, inque latitudinem magnam se exonerans, mox Sorgam fluvium navigabilem facit. Hic suavissimo decursu irrigans agros circumfisos & piscibus ditans, duobus ab Avenione lapidibus Rhodano sese miscet.

Loco verò huic potior fama est à PETRARCAE domicilio & poësi, ut & ejus in LAVRAM amore. Ostenduntur ibi adhuc & Petrarca & Lauræ ædes. Illius licet sint vastata, comparet tamen inter rudera adhuc subterraneum quoddam antrum, usum cisternæ quod dedit, modò ovibus pascendis commodum; ex hoc, Petrarca subterraneo itu Lauræ in domum, è regione structam, venire poterat. Superior ædium illarum pars adhuc conclavium vestigia monstrat. inter quæ unum, Petrarca fuit musæum, dulcissimarum cogitationum conceptaculum, è quo in Sorgam præterlabentem, circumfisa saxa, vineas & colles
patet

patet prospectus jucundissimus, cujus hinc inde mentionem facit, præcipuè in *Oda x*, part. 1; *Od. cclxi* & *cc lxxxi*, part. 11; & in *triumpho amoris cap. i*.

*Amor, gli sdegni, e'l pianto, e la stagione
Ricandotto m'haveano al chiuso loco.*

Sorga fluminis, ad quam maximam poëmatum suorum partem scripsit, meminit *parte 11*, *Od. sive sonetto cc lxxv*:

*Mira'l gran sasso, donde Sorga nasce,
E vedravi un, che, sol tra l'herbe, el'acque
Di tua memoria, e di dolor si pasce.*

Item *part. 1*, *Canzon. xxxi* sub fin.

Chi spiassè canzone

*Quel ch'è fo, tu poi dir; sott' un gran sasso
In una chiusa valle, ond' esce Sorga.*

Item *part. 11*, *Od. cc lxxviii*:

Quella, per cui con Sorga hò cangiat' Arno, &c.
E regione Petrarce domûs, habitabat Lauretta (ma da lui poi per miglior suono del nome, *LAVRA* sempre chiamata) Petrarce Laura; integra illa adhuc maximam partem, & habitationibus destinata. In memoriam duorum horum amantium paucis eorum vitam deformabimus. *LAVRA*, uti causa amoris, primum locum habebit. Nata est anno *clo ccc xiv* in loco Vallis clausæ è patre nobili Henrico Chabodio Avenionensi, Domino de Cabrieres. Tredecim vel præterpropter annorum cùm esset, aliquando è Valle clausa ad opidum Insulæ exspatiata, obvium habuit eadem viâ Petrarcam *xxiii* annorum juvenem, eo ipso occurso extinguiibili in Lauram amore incensum ob summam ejus pulchritudinis perfectionem, morumque suavitatem; factum hoc anno Christi *clo ccc xxvii*, die *vi* aprilis, ut ipse scribit *part. 1*, *Sonet. clxxvii*:

Mille

*Mille trecento venti sette à punto
 Sa l' hora prima, il dì sesto d' Aprile
 Nel laberintho intrai ; ne veggio ond' esca.*

Hiscce amoribus Petrarca xxi annos dedit , dum
 viveret Laura. quibus x addidit adhuc , cùm
 jam mortua esset , uti ipse dicit *part. II, Sonet.*
ccc xlii.

*Tennemi Amor' anni vent' uno ardendo
 Lieto nel foco, & nel duol pien di speme ;
 Poi che Madonna, e' l mio cor seco insieme
 Saliro al ciel, dicce altri anne piangendo.*

Mortua verò Laura est anno ætatis xxxiv , non
 solum eodem anni tempore , eodem que mense,
 sed etiam eadem diei horâ, quâ eam amare occe-
 perat, ut ipse affirmat, *cap. I in triumpho amo-*
ris, cantans :

*l' Hora prim' era, e' l di sesto d' Aprile,
 Che già mi strinse, & hor lassò mi sciolse,
 Come Fortuna vâ cangiando stile.*

Annus erat cdo ccc xlviii, ut ipse dicit *part. II,*
Sonet. ccc xci:

*Sai che'n mille trecento quarant' otto
 Il dì sesto d' Aprile, in l' hora prima
 Del corpo uscìo quell' anima beata.*

PETRARCA autem natus est anno incarnationis
 cdo ccc iv, die xx Julii, Aretii in opido Thu-
 scia, parentibus Florentinis; per exilium inde in
 Galliam delatus ad hunc locum, ubi poëmata
 ad murmura Sorgæ meditatus est sua; ob quæ
 etiam anno cdo ccc xli, die resurrect. Domini-
 cæ, Lauream accepit Romæ summo S. P. Q. R.
 applausu, ætatis anno xxxvii. Mortuus est in
 Italia anno cdo cccc lxxiv, die xviii Julii, anno
 ætatis lxx, in vico, literato Petrarca labore de-
 cantatissimo, qui dicitur ARQUATVM, decem
 leucis Patavio distante, versus montes Euga-
 neos,

neos, ubi statim in principio pro templi foribus
ejus sepulchrum, iv columnis è rubro marmore
sustentatum, nostris etiam oculis fuit obvium,
cum hac Epigraphe:

*Frigida Francisci lapis hic tegit ossa Petrarcae:
Suscipe virgo parens animam, sate virgine parce,
Fessaque jam terris, cœli requiescat in arce.*

VIRO INSIGNI FRANCISCO PETRARCAE
LAVREATO, FRANCISCOLVS
DE BORSANO, MEDIOLANENSIS,
GENI, INDIVIDVA CONVERSATIONE,
AMORE, PROPINQVITATE, ET SVC-
CESSIONE, MEMORIA. MORITVR.
ANNO DOMINI M C C C L X X I I I I,
DIE XVIII I V L I I.

Supra tumbam vultus Petrarcae extat, ex orichalco fusus, cum inscriptione:

Fr. Petr. Paul. Valdezuccus, Pat. poë-
matum ejus admirator, æd. ægrique pos-
fessor, hanc Eff. P. anno M D XLVII,
idib. septembr. Manfredino Comite Vi-
cario.

Ibidem exteriori templi muro lapidi incisum
vidimus:

Danti Aldigerio, Francisco Petrarcae,
& Joanni Bocatius, viris ingenio eloquen-
tiaque clarissimis, Italicae linguae paren-
tibus, ut, quorum corpora mors & for-
tuna sejunxerat, nomina saltem simul
collecta permanerent, Johan. Brevius
Canonicus Cenetensis, hujus Basilicae
Rector in sui erga eos amoris observan-
tiaeque testimonium posuit, M D XXIII.

In edi-

In editiore ARQVATI parte ejusdem adhuc supersunt ædes satis lautæ. quarum inferior conignatio habet picturas de triumphis amorum à Petrarca compositis; superiora conclavia ostendunt metamorphoses Lauræ parietibus adpictas, à Petrarca descriptas. Marcus Antonius Gabriel, nobilis Patavinus, ædium inhabitator, musæum, abacum, sellam & lectum, in quo factis concessit Petrarca, imò quidquid antiquitatum restat, reservat: vidimus bibliothecam cum impolitis quibusdam sedilibus, cumque muralæ ossibus, ita compactis, ut spirare videatur, cum his versibus:

Etruscus gemino vates exarsit amore;

Maximus ignis ego, Laura secundus erat.

Quid rides? divina illam si gratia formæ,

Me dignam eximio fecit amante fides.

Si numeros geniumque sacris dedit illa libellis,

Causa ego ne sevis muribus esca forem.

Aliud de eodem epigramma:

Arcebam sacra vivens à limine mures,

Ne Domini exitio scripta diserta darent.

Incutio trepidis eadem defuncta pavorem,

Et viget exanimi in corpore prisca fides.

Præter hæc, pluria ibi adhuc Petrarce sunt monumina, ut in atrio publico (*la loggia pubblica*) ad picturam Petrarce studentis & Lauræ astantis:

Carmine Laura tuo facta est divine Petrarca

Notior Eois, notior Hispæis.

Porrò illa eximiæ perfecit munere formæ,

Vt caneres sanctis carmina digna Deis.

Ne cessate bonos pulchrè redamare Poëtas,

Damna etenim occidui nominis hi reparant.

Ibidem Fons Petrarce limpidissimus habet:

Fons

*Fonti numen inest. hospes venerare liquorem,
Vnde bibens cecinit digna Petrarca Deis.*

Magno cum affectu hæc omnia vidimus, legimus, & enotavimus in Petrarce memoriam, cumque lectore communicare volumus, ut sciret plenior Petrarce historiam. Loco illo, ubi ultimum vixit & expiravit, non extat ullibi clementius cœlum, nusquam suaviora vina crescunt.

Sufficiant hæc in Petrarce & Lauræ mentionem; Pergamus ex hac Valle in itinere nostro, quod campo amœnissimo, viridi planitie spatiosissimâ, frumentorumque fertilissimâ, fecimus 11 milliar. ad opidum *Caballionem*, (incolis *Cavaillon*,) divertentes ad hospitium *sub signo urbis Parisiensis*; in quo pernoctavimus.

Opidum situ gaudet amœno & ad fertilitatem oportuno, muris satis munitis. Regio, in qua situm, dicitur Provincia, nomen retinens ab antiquitate Romana, in Narbonensi Gallia. Romani siquidem, expugnaturi Galliam, primum hunc locum in ea occupare, nomine nudo provincie indito, *ἡ γὰρ ἐξ ὅχλῳ*. Festus Grammar. vult eam dici à *pro* & *vicit*, quasi prius oportuit eam esse victam, quàm Romano Imperio additam. Provincia hæc habet tres Dominos, Papam, Principem Arausionensem, & Regem Gallie. Præter segetes abundantes feracissima est nobilissimorum fructuum, non exquisitâ culturâ heic provenientium, uti malorum citriorum, aurantium, cydoniorum, granatorum: campi naturâ luxuriant rosmarino, myrto, tamarisco, sabina, lentisco, terebintho, croco, oryza & vino generosissimo: nec desunt cappares, ficus, uvæ passæ; quæ tanta abundantia heic crescunt

ſcunt ut vix alibi in quodam Europæ, cui vel hæ etiam quâ potiffimam partem ſufficere poſſint, angulo. cœlum maximè benignum in cauſa eſt. Æſtas verò peregrinantibus multùm moleſta, præcipuè non aſſuetis Germanis, ſomnum etiam equo inſidentibus conciliare viſa eſt. Erat quidem vernum tempus & menſis aprilis, cùm tædium hoc aliqui noſtrùm experirentur; quid futurum cogitas ipſa æſtate?

Sequenti die *II mill.* progreſſi ſumus per frutices roſmarini ad rapidiſſimum & ſordidiſſimum fluvium *Durantiam*; cujus origo eſt in montibus Genevenſibus; ubi duo fontes duo flumina dant; alter Turinum Dovere, *Durantiam* alter egerit; hæc, Delphinatum à Provincia diſcriminans, vehementiſſimo prægreſſu uno Caballione milliari in Rhodanum ſe mergit. Trajectus heic fit pontone, ſed periculoſo modo; Ad utramque fluminis ripam arborum trunci, inſtar haſtarum, terræ ſunt infixi tranſverſim, quibus funis incumbit ductarius, ripam utramque jungens. huic funi trochlea appenſa verſatilis, à qua funis alius minor dependens navigium trans *Durantiam* vehit. Naulum venit pro ſingulo vectore *III ſolidi* Francici, ſed non ſine multo litigio, quod cum portitoribus inſolentibus, plus juſto à peregrinis poſcentibus, habuimus. caveas itaque naulum ſolvas ante trajectum.

Superato flumine per odoriferas herbas & frutices perreximus, ad ſiniſtram relinquentes opida *Malamort* & *Ourgon*, in colle ſita, muris rupibuſque firma, ſub dominio Guiſiano. Inde itinere montoloſo & plano inter roſmarinum, thymum, &c. delati ſumus *III milliar.* ad opidulum *Lambec*, Duci parens Guiſiano. commodè
heic

heic prandebamus & lautè *au chapeau rouge*; nuptiis enim diversorium occupabatur, mensæ eduliis lautis ornatae stabant. non nidore sed hospitii humanitate attrahebamur, participes facti ciborum & vini generosissimi, omniumque æquisssimo pretio. Opido egressi, sumto nuptiali prandio, 11 milliar. perreximus ad aliud, dictum *Cinquerat du roy*; quod ruinas ostendit bellorum civilium. Isthinc elegantissima valle, amœnissima & fructuosissima terra, prospectu eminens jucundissimo, mari etiam de colle primitus conspecto, descenditur *sesquimill.* in urbem *Aquas Sextias*. heic moroso cum hospite, duriter operas suas tractante, viximus unam noctem *à la ville de Paris*.

AQUÆ SEXTIÆ; Aix.

PROvincia licet gaudeat pluribus civitatibus, tamen hæc dignitate, licet non antiquitate, reliquas superat. *Aqua Sextia Salyum* dicitur urbs; estque Gallia Narbonensis; eam Cajus Sextius, dux & consul Romanus, redactis in potestatem Salyis, ædificasse dicitur Straboni, thermarum causa, cum hic cum exercitu suo hybernaret, anno ante natum Christum c xx. Plutarchus in vita C. Marii habet *Sextilia*. In theatro Goltzii ex antiqua descriptione dicitur *Colonia Iulia Aqua*. In Scaligeri Ausonio vetus inscriptio est: *Colonia Iulia Augusta Aqua Sextia*.

SITUS urbis est in planitie amœnissima, ampla, & fertilissima, quam montium non longè distitorum juga cingunt. Agro famam faciunt historici. *Ad Sextias Aquas à Caio Mario Ambro-num & Tentonum ad decem myriades, id est,*
supra

supra c millia hostium, aut cæsa aut capta dicuntur. Livius, ducenta millia cæsa, nonaginta capta, auctore est, & in his Theutobochum eorum regem, hominem eximiam magnitudine, & qui quaternos senosque equos solitus erat transcendere. Massilienses, quod ad magnitudinem cadis attinet, procedente tempore, humanorum ossium congerie vineas munivisse dicuntur, terraque, dilutis crebro imbrum casu cadaveribus, humano cruore & adipe macerata, in ubertatem & frugum copiam incredibilem resoluta est. Supra sexaginta millia, bis totidem & amplius cæsa, nec multò post propè Vercellas Cimbri à Mario & Catulo victi. Sabellicus.

Plateæ & urbis vici eleganti ordine, structurâ amplâ & spatiosâ, nec non munditiæ, nitent. Ædificia superba & magnifica, palatiorum instar, conspiciuntur.

Si sacra cogitas, templum S. Salvatoris primum est, anticâ facie Viennensi Petrino & Avenionensi non absimile. In eo duo visenda; cenotaphium & baptisterium. illud VIII columnis, immensi pretii, lapideis, (sunt qui volunt, Baali olim super illas fuisse immolatum,) circumdatum est: ipsum è marmore splendidum, sepulchrum habet Carolum Comitem Andegavensem; regem Siciliae & Neapolis; Comitem item Provinciae, fratrem Ludovici XII Gall. R. cui hæc disticha adscripta:

Lilia Francorum, cœlestia munera Regum,

Reliquias veteris Andegavaque domus,

Occulit iste lapis, cælataque marmora claudunt:

Obruta sic fati Regia sceptra jacent.

Hierusalem & Siculos & (si per fataliceret)

Arragones poterat nostra tenere manus.

Sed fortuna, diu nostros ne ferret honores,

Accelerat mortis tempora dicta mihi.

Qui

*Qui legis hoc tristi conscriptum marmore nomen,
Dic, Tibi sit requies, Carole, paxque tibi.*

Templum & Commendataria D. Iohannis, Ordinis Melitenfis, non exigua est structura. Apud Carmelitas sacellum & sepultura Renati regis Siciliae est; in quo tabula altaris magno in aestimio & fabrica ponitur.

Politicis usibus destinatum est palatium regium, à Francisco I coeptum, illustratum ad perpetuitatem praeside eloquentissimo (qui Petro Matthæo *l'Aigle de l'éloquence de France* dicitur) *Monf. du Vair*. Inferior huius aedificii structura tabernas habet & cameras mercatoribus elocatas: Superior conclavia diversa, in quibus iustitia administratur. Centrum & fons quasi videtur esse Provinciae, è quo circumjacentes omnes veniunt haurire quod desiderant. Praeter Cancellariam habet Cameram Rationum, in qua Provinciae examinantur rationes regiae. Inter omnia conclavia videatur Camera Comitum, throni instar gloriosi, picturis exornatissima, auroque coruscans. Omnibus verò, diversis tamen in functionibus, IV Praesides praefecti sunt; quos si in loco hoc videre vel audire voles, calcaria deme ocreis, ne in poenam curiae incurras; togae siquidem formidant sonantia ista & succincta equestria, pannisque inimica pretiosis. Circumfertur versus notabilis vulgari lingua, quem defendant incolae, à quibus habeo;

La Cour de Parlement, le mystral, & la Durance,

Ces trois sont la ruine de Provence.

Senatus huius regii ut auctoritatem videas etiam in clerum, imò in archiepiscopum, exemplum dabo, quod Thuanus libro c xxvi his verbis signat: Ioannes Imbertus, sacerdos Arelati, puerum

rum sexennem raptu & stupro contaminaverat. quâ de re cùm querebatur, Officialis archiepiscopi urbis sententiâ suâ decreverat, ut partes coram se sisterentur. à qua cùm parens pueri appellasset ab abusu, Senatus malè & abusivè ab eo decretum pronuntiavit, tantique criminis cognitionem ad regium judicem pertinere declaravit. id actum xi kal. april. Secundùm hæc reus criminis convictus & ad mortem à Senatu damnatus est. Antequam ad supplicium duceretur, interpellatur Paulus Huraltus Hospitalius archiepiscopus, ut sacerdotem detestandi criminis reum peractum exautoraret. semel atque iterum à cognitore regio rogatus cùm recusasset, reus ad supplicium ductus est, v eid. april. id in ferias Paschaleis eo anno incidebat. Quarto post die archiepiscopus sacrum urbis ordinem cogit; & regios judices, qui in Imberti causa sederant, censurâ ecclesiasticâ pœnas incurrisse pronuntiat; ac proinde diœcesanos monet, ne quem illorum ad pœnitentiæ aut aliorum sacramentorum participationem admittant; breviculum etiam iis datum, quo judicum nomina edebantur. Re cognitâ Senatus pro gravitate facti ultra modum commotus est; & regius cognitor fuisse tempus dicit, cùm Pontifices in reges & eorum magistratus spirituales gladium strinxerint, quibus se semper regni proceres & ordines generosè opposuerint; nusquam visum, ut episcopus, qui regi subditus est, & fidei sacramento regi obligatur, in eum aut magistratus publico munere fungentes idem juris sibi sumpserit. perniciosè rem exempli & quæ ad auctoritatem regis & publicam tranquillitatem labefactandam spectet, minimè negligi debere. Itaque citatus archiepiscopus semel atque iterum, cùm non compareret; eremodiciu contractum pronuntiatur; etiam libellus, quo primarius præses & præcipui judices, &

trium viri regii, tanquam suspecti, ab eo rejiciebantur, à Curia tanquam calumniosus explosus est. Ipse, quem serò erroris pœniteret, de injuria expostulare; libertati ecclesiasticæ vim afferri, clamitare; denique omnia facere, ut, quod temeritate peccaverat, obfirmato animo tueretur. Tandem senatusconsultum factum, quo archiepiscopi censura tanquam abusiva rescindebatur: & ipse jubebatur, coram iisdem sacerdotibus, quibus eam fecerat, revocare, & ea de re instrumentum intra triduum apud acta Curia deponere; ni faceret, x c l o aureorum multam contraxisse declaratur; sanctione adjuncta, quâ quicquam tale deinceps admittere vetabatur, alioqui in sacri ipsius patrimonii possessionem rex mitteretur. Missi interim à Senatu (sic enim decretum erat) Gulielmus Æmarus & Claudius Arnoldus, Senatores, qui archiepiscopum erroris admonerent, & censuram ut coram iisdem, quibus facta erat, revocaret, instarent. alioqui Senatum severitate in re tali usurpari solita usurum. Cùm ille tergiversaretur, & Avenionem, ut ea revocaretur, misisse diceret; eâ re magis exasperatus Senatus, quòd ad externos, quòd intra parietes tegi oportuit, culpâ ejus emanasset; denuo instare, ut sine conditione excommunicationem revocaret. Initio cùm exitium rei non videret, verbo declaravit, se censuram revocare; protestatione adjuncta, qua de Senatus decreto, ut nullo & injurioso, contestabatur. Cùm ne sic satisfaceret Senatui, & cognitor regius decreti contra eum lati executionem urgeret, tandem extrema necessitate victus, archiepiscopus manus dedit, v l l l eid. majas, instrumento manu sua subscripto apud acta Curia deposito; quo sine conditione excommunicatio abrogabatur; & sacerdotibus mandatur, ut breviculo ab se iis tradito comprehensi ad ecclesiæ sacramenta ab ipsis admit-
tan-

tantur. Quo facto & populi offensio & tumultus ex hac occasione per totam Provinciam exortus conquievit.

Sufficiant hæc de Parlamento. THERMAS, quæ urbi nomen fecerunt, offendes, non procul à pomœriis in ædibus privatis, tepidas magis quàm calidas, mixtas è sulphure & alumine. locus subobscurus est ubi aquæ scaturiunt. Quod Romanam struat magnificentiam, heic nihil est præter naturalis fontis reliquias. Alio item urbis loco scaturiens fons est aquæ calidissimæ; isque, digressus paululum à sua origine, mox frigida, usibus publicis inhabitantium inserviens, vimque purgandi habens.

Publicis his expeditis, privatae supersunt ædes, nimirum *Guisiana*, à republ. proregi oblata: & *Beriera*, antiquitatum thesaurum in iconibus, statuis, numismatis & aliis habentes. His addo in defuncti cujusdam Præsidis ædibus antiquam inscriptionem in lapide, pro memoria Nemausensis basilicæ:

Plotina. Trajani. uxor. summa. honestate. integritate. fulgens. sterilitatis. defectu. sine. prole. fecit. conjugem. qui. ejus. opera. Hadrianum. adoptavit. in. imperio. successorem. habuit. à. quo. in. beneficiis. memoria. Nemausi. æde. sacra. maximo. sumptu. sublimique. structura. ac. hymnorum. cantu. decorata. post. mortem. donata. est.

Ita urbs ita pace habet: in bello longè alia facies ei; quod Espernonius molitus, sed frustra: Incolæ tibi locum monstrabunt castrorum; ego verò ipsum factum & historiam obsidionis è

Thuano lib. CVIII, & Botereo, lib. III commentarior., dabo. Ita hic: *Espernonius Aquas-Sextias*, indigenarum tacitis consiliis & artibus, recipere moliebatur; sed re detecta proditores capite plectuntur. Et dolos ex voto non cecidisse videt *Espernonius*, jam non arte, sed Marte, urbem premendam putat, obsidione cingit; dumque diuturnius protrahitur, ut fame & rerum inedia ad deditionem cogat, arcem ad portam munitissimam tumultuario opere aedificat. *Aquenses* non ferentes tam vicinam servitutem, ab opere fossores & artifices eruptionibus, machinis sclopiisque prohibent, memorabili ejaculatione, qua, in carbaseis tentoriis *Espernonio* assidente, sex ex delectu suorum nobilium toto corpore disrupti necantur, illo salvo & illaeso. Vultum & vestes tantum scædatus elisi cerebri minutiis, sanguine & fragmentis cadaverum, pro exanimi creditus est *Espernonius*, ut re vera non longè à morte absuit, quæ inteream stragem assidentium uni vi arcana numinis pepercit; tam certo rumore, ut, re ad conjugem perlata, acerbitate doleris expiraverit; qui tam altè pectori semel conceptus insedit, ut nullo alio prior falsus nec privata scriptione mariti eradi potuerit. *Aquenses* implacabiliter aversati imperium *Espernonii*, ut vicina arce se liberarent, *Desdiguerium* in auxilium vocant. Adest ille; & dicto ocius minax urbi & libertati propugnaculum evertitur. *Espernonius*, nihil fractus dejectione arcis, novas angustias & molimina parat *Aquensibus*; qui illius in caput jurant, latenti exitio, & propter insolentiam facinoris memorabili. *Brugnolii* agebat *Espernonius*. molitor quidam, insidiarum nescius, mulo sarcinario pro trito farre ingentem saccum, pulvere catapultario plenum, in hospitium devehit, reponitque canaculo quod subiacebat camera *Espernonii*. illeratus esse triticum,

ticum, ut de more panifici modio metiretur, dum resolvit funes, quæ latebat machina ferrea, tritura filicis, scintillas excitat in pulverem; qui concepto igne tanta vi, fragore, & strepitu intonuit, sævitque, ut diruta ades funditur, ac convulsam sit tabulatum, uno Esspernonio incolumi redacto in angulum qui ex chasmate supersuit. Vi autem Provincia cederet, sineretque Guisium vicarium regis agere, per Fresneium à sacris iussuibus amanuensem monetur. agrè morem gerit; quod fraterna virtute suisque armis victas urbes, domitamque gentem, Guisio recens misso dedi non æquum sit; eas esse belli leges, ut victori manubiæ exuvieque victorum maneant; si auferantur, ingratam esse militiam; quam deinceps fortissimi merito detrederint, quibus vulnera & stigmata maneant in trunco corpore, trophæa & res partæ sint apud tirones & novellos: parcemiam Gallicam hinc opportune sumi; Non gaudere fructu aucupii, qui aves dumetis excutunt, quique feras agunt in retia, sed qui otiosus aucupii & venationis prædam aufert. Guisius vero nec indiligens, nec inermis & imparatus, præfecturam adit, tanto cautior in præfidiis, quod ibi gentium omnia disitis animis factionibusque turbari audiebat, &c. Ita obsidione solutâ urbs regi restituta est.

Abivimus *Aquis Massiliam*, viâ lapidosâ, à pluvia multum lutosâ. & angustâ. in parte surgunt montes, viâ, quæ ad urbem ducit, proximâ discriminati. omni ex parte horti, numero c10 Idccc, ædibus decorati conspiciuntur, muroque longo ultrò citroque septi, luxuriantes oleis, amygdalis, ficibus, malis aurantiis & citriis; vitibus item ad maris usque sinum, v ferè milliar.

Ad urbem ubi ventum, excubiæ ad portam

V 3. nos

nos morabantur sine causa, &c, quod molestum, tandem non sine pluvia admittebamur, diver-
tantes ad nobile illud hospitium au *faucou*
royal.

MASSILIA.

VRbis nomen quidam derivant à Mars &c
ville: quò alludunt Poëtæ versus, *Antiquit.*
Franc. p. 862 :

*En faveur de ce jour nous bastirons un mur
Contre le pied marin de l'importun murmur
Du sein Mediterrain : ce sera une ville
Aux Meridionaux & commode & fertile :
Tout y abordera, ce lieu sera, dit Mars,
Pour marque de ce jour à nos François soldats.
Là depuis en a fuit une ville impareille
Qu'on a depuis nommé la cité de Marseille,
Comme disant, de Marc celle ville a le nom.*

Primi ejus structores dicuntur Medi, ab A-
styage tyranno natali solo expulsi; instauratores
verò Phocenses, regnum Rom. obtinente Tar-
quinio prisco. *Agell. lib. 2, c. xvi.* Occasionem
condendæ hujus urbis describit Justinus lib.
xliii: Temporibus Tarquinii regis ex Asia Pho-
censium juvenus ostio Tyberis invec̃ta, amicitiam
cum Romanis junxit: inde in ultimos Gallia sinus
navibus profic̃ta, Massiliam inter Ligures & fe-
ras gentes Gallorum condidit, magnasque res, sive
dum laceſſunt à quibus fuerant ultro laceſſiti, gesse-
runt. Namque Phocenses ex ignavitate ac macie
terræ coacti, studiosius mare quàm terras exercue-
runt; piscando, mercando, plerunque etiam latro-
cinio maris, (quod illis temporibus gloria habeba-
tur,) vitam tolerabant. Itaque in ultimam Oceani
oram procedere ausi, in sinum Gallicum ostio Rho-
dani

daniamnis devenire. Cujus loci amœnitate capti, reversi domum, referentes quæ viderant, plures sollicitare. Duces classi Furius & Peranus fuere. Itaque ad regem Segoriorum, Senanum nomine, in cujus finibus urbem condere gestiebant, amicitiam petentes, conveniunt. Fortè eodie rex occupatus in apparatu nuptiarum Gypsiis filia erat: quam more gentis electo inter epulas genero nuptum tradere illi parabat. Itaque cum ad nuptias invitati omnes processissent, rogantur & Gracii hospites ad convivium. Introducitur deinde virgo cum juberetur à patre aquam porrigere ei, quem virum eligeret; tunc omisis omnibus, ad Gracos conversa, aquam Perano porrigit: qui factus ex hospite gener, locum condendæ urbis à socero accepit. Conditâ igitur Masilia est prope ostia Rhodani amnis, in remoto sinu veluti in angulo maris.

Sita urbs est loco cultissimo ad mare mediterraneum; quod intra duos saxosos montes ingreditur, portumque ovali figurâ format. Mercibus verò uti portus hic invehendis è diversis mundi plagis & rursus avehendis valdè commodus est; ita non minus periculosus ob Turcarum & piratarum in vicino mari crebras excursionses. Igitur ut sit in tuto, catenis ferreis est clausus, munitusque castello, quod dicitur *le fort de nostre Dame de la garde*. Quod de portu notes, sunt triremes & numerosa statio navium.

Non longè àbest templum *D. Iohannis*; secundum quod collis adscenditur, è quo mare circumcirca spectari potest, & tantum non Africanum cœlum.

Nobis jucundum erat castella tria in marinis insulis ædificata lustrare. Navigium suum concedebant Domini *Solighofferi*; benevolè à quibus & lautè sumus excepti, dum heic commora-

remur. Primum, cui nomen d' *If*, merum saxum est & scopulus, cui munitio, ex arte incisa, castellum claudit. subtus cuniculorum sunt latibula, quæ canibus venaticis Præfecti excuti solent. Una porta, unusque pons publicius, aditum dant. Intus duæ sunt apothecæ sive armamentaria pro penu & milite. altior turricula ferrum protensum, cui vexillum, ubi naves adventant, suspenditur, ostendit. duo sunt fontes dulcis aquæ; ad superiorem vinum cum pane oblatum est. Præfecto nomen erat *Pelio*, sub quo præsidium LX milit. erat; stipendia menstrua singulis IV floreni solvebantur, cum pane & vino sufficienti in quemque diem. Majora tormenta XXIV à nobis numerata. Quod de hoc castello est notandum, asylum est, ad quod alterum in urbe occidens si fugit, liber est ab apprehensione iudicis urbani. Reliqua duo castella, *Sancti Iohannis & Ronneau*, longius ab urbe in mari protensa hinc satis conspici possunt, ita ut eò navigio ire insuper habere possis, cum nec ita præsidio sint firmata numerofo.

Præter hæc castella, urbs turribus, mœnibus ac propugnaculis, nec non portis munita est. Illa, quæ regalis dicitur, liberatoris patriæ Libertæ hoc positum habet elogium:

Hic cecidit iustis Libertæ Casalus armis:

Redditur urbs Regi, libertas redditur urbi.

Plateæ angustæ sunt & sordidæ potiores; palatia tamen spatiosa iis inædificata prævalent, & ornamento sunt.

Ædificia sacra duo videbimus, *S. Lazari, & Victoris*. Illud est cathedrale, dictum *la majeur*; in quo caput Lazari asservari dicunt, à Salvatore suscitati. Hic exul cum Maria & Martha sororibus factus, huc venisse, & primi episcopi munus

nus obiisse fertur. *Hoc* ultra portum est duplicis ædificii. *Superius* habet columnam, cui *labrum lapideum* insistit, quod lotioni pedum destinatum fuit à Servatore discipulis exhibitæ. *Peristylia* habent *puteum*, & *columnam lapideam*; de coquo personato sacrificulus tibi narrabit, in eo suffocato. *Inferius* habet *facellum Mariæ Magdalena*, pœnitentiâ septennali clarum: *Crucem* item apostoli *Andræ*, & alias reliquias.

Academia olim celebris hic fuit; studia siquidem ingenuarum doctrinarum ad eò Massiliæ floruerunt, ut Romani pro Attica peregrinatione Massilioticum peterent gymnasium ad disciplinas capeffendas. Inde boni mores exiêre, quos *Plautus in Casina* probat:

Vbi tu es qui colere mores Massilienses possulas?

Hodiè verò nullæ ibi sunt Musæ, sed domicilia Mercurio sua reliquerunt inhabitanda, qui strenuè etiam ea exercet.

Ædibus politicis famam & nomen faciunt *Guifiana*, reginæ exceptrices. (historia plenè apud P. Matthæum videatur.) sed & nos ibi, interpretibus *Salighofferis*, benè excepti, hortensique donario aucti fuimus.

FORMALE reipubl. nunc videamus. Aristocratiæ olim heic erat locus. Populus gubernatur à loc Senatoribus, quos Timuchos appellabant. exiis xv erant viri principes, & xii præsides, autoritate & opibus præ cæteris pollentes. si liberis carebant, carebant etiam officio Senatorio. Legem strictè servabant, ne minorennis interessent spectaculis publicis, ut juvenus moribus incorrupta maneret. hinc mimis præcludabatur aditus ad scenam, ne gesticulationum

imitatione seduceretur populus. quod Ciceroni fuit pro argumento in orat. pro Flacco, ut putarit, hujus civitatis disciplinam gravitatemque non solum Græciæ, sed cunctis gentibus anteponendam: omnibus siquidem, qui per aliquam religionis simulationem alimenta inertiae quærent, portas clausas habebant, mendacem & fucosam superstitionem submovendam è republica existimantes. Hodie rex Galliæ, summus uti magistratus, præfectum sui loco habet DVCEM GVISIVM, à quo consulum & senatorum ordo dependet. Olim *gladius* justitiæ ibi servabatur, rubigine ita exesus ut noxiis jugulandis vix sufficere potuerit; servabatur ille, inquam, à condita urbe, & usurpabatur, quod putabant, etiam in minimis omnia antiquæ consuetudinis monumenta esse servanda. rex tamen mutavit illa antiqua, & sublato ethnicismo, Christianismum introduxit, constitutâ novâ Camerâ, cui Justitiæ titulus est.

Civium ordo splendet à mercatura & opificiis. illa ob loci situm & commoditatem externos advocat ex Oriente, ut ditescant. ista occupata sunt in corallinis globis, in cochlearibus & marsupiiis è concharum domiciliis conficiundis. æquo pretio rara illa addicuntur, nec in reliqua Gallia invenienda.

Ex his urbs habet famam & decus; *damnum* vero & dedecus experta est à diversis hostibus. nimirum Visigothis, Burgundionibus, Provinciæ Comitibus, & Alphonso Arragonum rege; imprimis vero à duobus proditoribus, quos *Meteoran.* & *Thuanus libro cxvi* fusè deformat: illos sic *Botereus lib. 3, p. 239.* ad ann. cLo lxxcvi: *Masilia Francici regni claustrum est maritimum, quæ Italiam, Siciliam, Mauritaniam respicit, ab omni*

omni ævo populosa & pugnax tenaxque libertatis
 suæ, adeo ut Iulius, dominor nostrarum gentium, cum
 Massiliensibus de summa fortuna Romani nominis
 ancipiti exitu certaverit. At ostento simile erit
 posteris, audire, Massiliam pugnacem, invictam,
 nesciamque cedere Iulio Cæsari, duobus gregariis,
 fungorum more, & instar Cadmeorum militum ex
 gleba repente exortis, cessisse: hi sunt, nequitia ma-
 gis quam alio nomine memorabiles, Ludovicus A-
 quensis Vicarius urbis, vulgò Viguiet, & Carolus Ca-
 sallus primus Ædilis. Duumviri illi, consortes domi-
 nationis, in quinquennium prorogata sibi dictatura,
 tantum sibi perditorum hominum, clientum, am-
 bactorum, virium & opum, ex tyrannide & latro-
 ciniis acciverant, ut divulgatam ab imperio Gallico
 Massiliam pluris licitanti addicere cogitarent.
 Intus & foris duo illi Catilinæ imperabant, turres
 seu propugnacula sancti Iohannis, Virginis quæ
 de custodia dicitur, & suburbanum divi Victoris
 occupabant; in acta & litore novam arcem, non
 modo ad recipiendas depellendasque triremes &
 naves construxerant, sed quæ editiori loco posita urbi
 declivi imperaret. Stabant semper ad motum &
 omnem auram expeditæ illis in litore duæ triremes,
 in quas æmulos adversantesque sibi ad subitum tu-
 multum, ad vincula & compedes remigum dedu-
 cturos minabantur, quibus illi, si quando rebus
 desperatis urgerentur, pelago se committerent.
 Præibant in publicum progredientibus quinquagin-
 ta catapultarii, mercede conducti, minaces in vul-
 gus, lychno ardenti; subsequabantur equestres turmæ
 domesticum & quotidianum satellitium utriusque
 nebulonis, qui vitio temporum tanta ausi sunt. At
 diffidentes rebus suis, patriam gentilitiamque
 urbem Hispano venalem habuerant, accito in portum
 Carolo Doriâ, Genuensi maris Ligustici architalasso,

cum VII trirēmibus, Italo & Hispano milite, remigibus omnique apparatu bellico egregiè munitis. Masilia, cum tribus partibus mari alluatur, toti illi tractui Veria foris imperitabat, intus duo illi cum affinibus & satellitio tam metuendo, ut contrà hiscere nulli impunè esset: Guisius, (quod olim Caesar de ipsa Masilia prævidit,) quæ longam & difficilem haberet oppugnationem, loci naturâ & altissimâ valle munita, ab ea non esse incipiendum ratus, proxima opida, Grassam, Draguignanum, Hieram, Sanctum Eutropium, deditibus se non anxie opidanis, occupat; exinde Gardiam opidum, quod validissimo præsidio Espernonii tenebatur, obsidione cingit. Dum ibi castra habet, urgetque opus, monetur, esse centurionem urbanum Masilia, cui portæ regalis cesserat custodia, nomine Libertam, qui de libertate urbi restituenda, exigendisque tyrannis, cum consciis aliquot gentilibus amicisque tacite iniisset consilium, porta illâ, quos quantosque velit Guisius, admissurum. Audit ille percupidè, sed ancipiti animo nutat, veritus, quod plerumque fit, ad se suosque intercipiendos militarem esse astum. Dum ita hæret dubius, fit certior à Bernardo, qui, pro fœderatis olim acerrimus, juridici supremum munus obibat, quique deposito veterano cum rege tacita consilia inibat, nullis pollicitationibus præmiorumque incredibili magnitudine Tribunitios illos Cethegos ad sanitatem reduci potuisse; exuisse penitus mentem Gallicam; abdicasse patriam, agnatos & gentiles; qui lenibus pharmacis curari nolint, ferro & igne esse tollendos: Libertæ molimina sine fraude; hominem esse à quo uno nominis omen & memorabile facinus expectari possit; si foris oportune juvetur, Masiliam tyrannide liberaturum. Guisius ut rem serio & sine noxa tractari videt, hinc inde fide data

data urbi recipiendæ, diem XIII kal. mart. præstituit, egressusque castris Gardiæ, Massiliam ex improvise appetit. Casalus & Aquensis tanto securius liberiusque ab omni metu agebant, quod non nisi expugnata Gardia Principem excelsæ animi castris discessurum crederent; sed ille, quod ajunt, muscam reliquit, ut aquilam aucuparetur; musculum, ut ingentem cetum expiscaretur XVI. febr. Albibagno serotinus & inexpectatus adest; nocte, quæ nimbofa & austris perflantibus sonora fuit, quantumvis repugnante cælo, tenebrisque iter invidentibus, equestres turmas propius Massiliæ succedere jubet. Liberta, dubius, ne tempestate noctis Guisius serior, nec oportune, & ut pactum erat, sub crepusculum, cum portæ recluduntur, adesset, speculatorem emittit ad explorandum; qui cum in vigilas & stativa Guisii incidisset, re omni perspecta regreditur, jubetque Libertam bono esse animo, quod sui auxiliores in proximo essent. Aquensis & Casalus de more habebant, orta luce, porta regali extra pomerium egredi. Libertæ erat animus, egressis portam occludere, ut illi foris ejecti, à Guisianis non longè excubantibus mactarentur; duobus illis sublati urbis recuperationem non multum arduam fore. Ex consuetudine prior se dat foras Aquensis; quem Franciscanus fortè ex suburbano cænobio urbem adveniens admonet, ad tertium ab urbe lapidem nonnullos esse equites, quos hostes suspicaretur. dicto ocius Aquensis illuc fervidus ad exitium cum viginti sclopetariis præcepse festinat. è vestigio Liberta sublicium pontem erigit. Ut se Aquensis foras ejectum videt, & in eum Guisianos laxis habenis effundi; ad suos, qui in pinnis speculisque murorum stabant, se proditum inclamat, jubetque ut glandibus hostem insequentem depellant. nec

mora; tanta grandine impetunt, ut Aquensis cum suis ad eam partem urbis, quæ mari alluitur, dilapsus, scapha in urbem redierit. Guisiani, praeclusâ illa porta, quâ aditum à Liberta sibi spondebant, quod antè veriti erant, meram esse fallaciam, & ad suum exitium paratas insidias, credunt. Libertæ tamen alia mens; qui, ejecto foràs Aquensi, Casalum stricto mucrone medium trajecit, hac voce morituro insultans: Scelestissime proditor, patriam urbemque Hispano auctonanti tradere molitus es; sed te occiso infectum scelus efficiam. Casalus vagina ensẽm diripit; sed Liberta geminato vulnere, Bartholomæo fratre longa cuspide rursus medium fodiente, Casalus mortuus sternitur. Ex satellitio omnibus dilapsis quatuor fidentiores sclopetarii displosis catapultis Libertam opprimere, & antesignanum ulcisci conantur. ustulatus thorax Libertæ ab ignescenti pulvere, glandibus in auras innoxie dilabentibus, ille cum agnatis gentilitiisque omnes fugat, & viciniam omnem in partes regias pellicit, emittitque postico qui Gnifium de felicibus initiis admoneat. Aquensis in urbem regressus, gentiles ambactos suosque stipatores cogit. Fabius Casalus interempti filius dat se socium. Omnes illi in Libertam suosque irrumpunt, ut porta deturbarent; sed, jam reclusa Guisianis succedentibus, numero & viribus impares loco cedunt. Aquensis & Fabius, ut res suas in summam desperationem adductas vident, egressi urbe ad triremes fugiunt, ut suburbanis propugnaculis prospicerent. Invalescente Guisianorum numero, tota urbe inclamatur, **VIVAT REX.** Princeps d'Avria rei novitate perculsus, ut regio milite fultam firmatamque urbem, Gnifiumque ad navalia ingenti agmine armatorum progredi audit; tumultuario vix commilitonibus ad triremes convocatis anchoras solvi, rudentes secari, remis

remis altum peti iubet vix fugienti satis latum pelagus; adeò turbatis animis convasavit. ex Hispanis plurimi, qui dispersati & sparsi, propter subitum & inopinum digressum trirremium, cum salo salutem quærere sibi haud potuerint, solo intercepti manantur; armamenta, castrenses exuviae, & ditissima spolia Hispanorum, in prædam vendere; Aquisiensis & Casali domus expilata; suarum trirremium remiges ruptis compedibus & catenis sese in libertatem vendicant. Propugnaculum, quod velut fenum populo coercendo urbiq; privato imperio opprimenda posuerant, à plebe vel ipso die dominico funditus evertitur: sic ira nec moras nec serias, ubi iusta est, admittit; evellenda enim tyrannidi oportuna dies digna fastis & kalendario. Habita sollemnis & publica supplicatio, quam numini pro recepta urbe gratiæ referantur. Aquisiensis rebus deploratis in suburbanum D. Victoris, Fabius in divæ Virginis propugnaculum, quod de custodia dicitur, profugerant: sed conscientia scelerum, Guisii rebus secundis, Hispanorum fuga, tam adversa rerum commutatione, territi, pelago se credunt, mitius rati naufragium quam crucem vel acerbius supplicium: Genuamque se recipiunt. Guisius tanta celeritate & felicitate omnia ista consecit, ut de se merito Casareum illud fari potuerit, VENI, VIDI, VICI. Gloriæ & felicitati accessit, ut, paullo post bis inito prælio cum Espernonianis, victor extiterit, & exhinc longè lateque campis patentibus sine æmulo dominaretur, &c. Rupelaureus ex aulicis primoribus tandem mittitur; quo monitore Espernonius Provincia cessit, & Guisio in posterum pacatè & sine æmulo regendam reliquit.

Ita viximus Massiliæ cum amicis; quibus non sufficiebat ut nos ædibus suis lautè exciperent in urbe;

urbe; verum intimioris adfectus testandi ergo in suburbana invitare; ubi Gratia *Straßiane* pleno apparatu nobis ostensa: ultimum, abitum ostreae marinae & vinum Hispanicum coronare apud Dnn. *Solighoffiros*.

Ita dimissi per portam Francicam sinistrorsum offendimus aqueductuum rudera, genere modoque ædificandi adhuc conspicua. isti vero aqueductus ad propugnaculum, quod dicitur magnum, extenduntur inter Francicam & A-quensem portam.

Iter hinc III *milliarium* habuimus clivolum & saxosum ad opid. *Esperre*: ubi ad dextram arx antiqua consulis Massiliensis. Porro planities longa lataque est, quæ viam per *milliare* ferè ostendit juxta lacum *Marignanum*. hic nomen habet ab arce & pago *Marignana*, cis pagum sita Baronis *de Cauvet*; alioquin lacus magnus est, Lemano non absimilis, diciturque *l'estang de Berre*, ab opido adsito. Pergitur hinc III *milliar.* solo herbarum, minus frumentorum fertili, ad opid. *Cabanes*; quod parer domino *Rovignaco*, consiliario Aquisensi. ubi amnis trajiciendus, singulis pro equis med. solido soluto. Post I *mill.* itur ad opid. *Berre*, salis cocturâ celebre; ubi coenatum *à la fleur de Lys*; dextrorsum conspecta arce *Vellaus* monti impositâ, subiectâ Baroni *Dulierio*.

Altero mane in viâ, quæ ducit ad opid. *S. Chamas*, occurrit rivulus per vicina prata & agros se extendens: cui pons superstructus, antiquus Romani ædificii index, latus VI, longus xxx passus; duobus fornicibus affabrè structis subsistens, inscriptioneque antiquâ insignitus. Sinistrorsum mons est, ostendens duas columnas lapideas, à Romanis rudibus superstites: idem testan-

testantur in agris rudera murorum & ædificiorum, passim hinc inde extantia, olim Romanæ magnificentiæ haur dubiè domicilia; jam prætorum vanitates. Ipsum opidum *S. Chamas* exiguum & sine nomine est, monti plurimam partem impositum, cui tanta mollicies, ut citra adjumen aliorum lapidum vel materiei, videas ædes ex eo cavatas & structas; quæ dum numero & opere per concamerationes excrescerent, collapsu diminutæ sunt. Ad pedem montis hujus antrum conspicitur, quod pervium facit montem, latitudine v passuum, longitud. lvi; ita ut subterraneo ductu ad Rhodanum pertingere possis ulteriore montis latere. Illinc ad sinistram, lacus & opidulum *Miramas* in monte relinquitur, sub dominio abbatis de Monte majore. Via heic ob florentes campos & fragrantissimum odorem est amœnissima ii mill., ad locum *trus Saints*. Arx est multangularis loco plano sita, ac munita, olim Romanorum castrum, modo turris & taberna, ubi vestigal de invectis & evectis mercibus exigitur. loci herus est nobilis quidam, *Monf. de Meignan*. Jam ii milliarib. ibis ad diversorium amplum *S. Martinide Crau*: ubi prandium à molestissimâ viâ habebis apud *S. Antonium*. Heic est CAMPVS LAPIDEVS, centenū ferè stadiorum diametrum habens, lapidibus, qui singuli manum impleant, plenissimus, sub quibus gramen exoritur, à quo pecoribus pabuli suppeditatur ubertas. In medio salæ scatent aquæ, salisque vis magna. Iste *Campus saxosus* *Plinio* dicitur: *Strabo* ipsum inter Massiliam & Rhodani constituit ostium. *Campum lapidarium* habent *Solinus* & *Marcianus*, sed eum in Liguria ponunt. *Litus lapideum* à *Mela* dicitur. Liguriæ fines olim Massiliam usque

que extensos fuisse, è *Trogo Pomp.* liquet; ubi scribit, Massiliam inter Ligures & Gallos conditam. Massilienses etiam in Liguria *Sempronius* locat, huncque campum *Lamonem* à Lamone Herculis filio vocat: hodiè *la Crau* & *Melamborium* vocari scribit *Marius Niger*; sed ventum pro campo accipit. Universa circumadjacens ora ventis exposita est. Validissimè autem Melamborii venti procellis infestatur, quo saxa ipsa volvi traduntur, hominesque ex curribus excuti, & vi ventorum armis vestibisque nudari. Hujus rei originem ad hujusmodi referunt fabulam: Herculem, cum Alcione & Bergione Neptuni filiis, qui Herculi Rhodani ostia trajicere paranti vi obstiterunt, pugnantem, cum deficientibus telis in vitæ discrimen venisset, Jovem patrem orasse, ut sibi tela ministraret; statimque imbrem lapideum in ea loca decidisse, quo gigantes fuerunt interempti. *Strab. lib. iv.*

Hospitio hoc *S. Martini*, quod ad silvam oleis plenam situm, egressi, perreximus lapidoso majori ex parte itinere, donec tandem i v mill. superatis Arelatem intraremus, sub vesperam, ad diverforium à la ville de Marseille.

A R E L A T E, Arles.

A Relatum, urbs Ptolomæo. Arelate, Sextanorum Plinio Colonia dicta, quod è sexta legione milites coloni eo deducti sint. Galliarum Narbonensis nobilis urbs, quam *Strabo* ad Rhodanum sitam amplissimo emporio insignem esse scribit. Multarum civitatum decus vocat *Marcellinus*. Gallulam Romam nominat *Ausonius*. Constantinam appellari sanxit *Fl. Constantinus Imperator*, ut docet in *Ausonio* suo *Scaliger*, qui antiquam etiam inscriptionem præfert, in qua

qua Arelate *Mamillaria* vocatur. Antiqua inscriptio est in Goltzii Thesauro, quæ habet; *Col. Iulia Pia Arelate. Aram latam* olim dictam à duabus columnis (quæ etiam hodiè extant in Musarum sacro) quibus ara imposita erat, scribit ex Gervasio Guagninus. Hodiè *Arles*. Urbs Provinciæ, provinciarum lumen non ultimum; in eo loco sita, ubi à mari recipitur Rhodanus fluuius: quam *Henricus IV* rex optimus, Christianissimus, potentissimus, rerum gestarum magnitudine ter maximus, monte ab Oriente, in quo pistrina ventilata, amplificandam, vallis imis & antemurali vallandam, murisque circumcingendam curavit; unde eam civitatis partem antiquissimi cives & viri Arelatani *Henryopyrgum* nominatam voluerunt. Urbs sane ædificiorum, amphitheatri, sive arenarum, Dianæ delubri, Rolandæ turris, nunc armamentarii, pyramidum, Elysii campi, nunc divi Honorati; Flaminia, montis majoris abbatia opulentissimæ, sed imprimis antiquissimæ regum Basilicæ antiquitate, longe nobilissima, à qua urbe totum *Arelatense regnum* nomen habuit. Omnia hæc postea videbimus tam extra quàm intra urbem.

Urbs sita est ad collem, solo plurimi frumenti ferace; unde incolæ non parum ditescunt; ex eo enim adnavigant Genuenses ex Italia atque Hispania ab occasu, & avehunt frumentum, atque ob id ibi annonæ non rara caritas.

Rhodanus ab occidente est, urbem interiorem & citeriorem secans. *Ausonius* ait:

Prode duplex Arelas, quam Narbo Martius &
quam

Accolit Alpinis opulenta Vienna colonis.

Præ-

Præcipitis Rhodani sic intercisa fluentis,

Ut mediam facias navali ponte plateam,

Per quam Romani commercia suscipis orbis, &c.

Rhodanus vero in duos ramos divisus ad *astrum* facit insulam, quam CAMARGUES vocant, (voce corruptâ à Caio Mario, quod Marius, *Cimbros* debellans, insulam illam deducto hoc alveo effecisse creditur,) quæ quatuor fere milliaribus Germanicis patet in longum & latum, ferens frumentum & vinum, atque pascua copiosa. Pagus in hac insula est *Tringuetaille*, bis centesimo lare celebris; ubi ad litus Rhodani rudera conspiciuntur, urbi opposita, è quibus non raro antiquæ monetæ & alia eruuntur vetustatem docentia.

Ad orientem urbis palus magna est, & sine usu, nisi quod hostem arcere possit.

Viso fluvio, videamus nunc *portum*, qui insignis heic, & *urbis portas*, quàm urbem ipsam ingrediamur.

Portus habet inscriptionem:

D. O. M.

& Divis Principibus Franc. & Nav. Regibus Christianissimis, Magno Henrico IV & Ludovico XIII, quod eorum auspiciis & liberalitate urbis muri antiquitate collabentes resecti & pomærio hoc ad navalis emporii securitatem & commoditatem nobilitati sunt, grata Arelas Coss.

Porta ad portum & pontem hanc habet epigraphen:

D. O.

D. O. M. S.

bello, peste, fame, Rhodani xxvi Augu-
sti repentina ex defectu inundatione ab-
repto ex areis tritico, semente prohibita,
widis wis, & ubique corruptis singulis
post hominum memoriam gravissimis,
civitas oppressa, re comminuta, proditio-
ne petita, & à suis contagionis ergò pe-
nè deserta muros refecit, CR. GRILLEO,
AI. USANPO LYBORELLO ET MAT.
VIGNONEO CONS. ANNO DOM. cIo
Io LXXX.

*Porta fori novi (la porte du marche neuf, ou Mar-
canau) tale lemna habet superscriptum :*

Henrico III Galliarum Poloniæque rege
regnante, universa Gallia intestinis bellis
in sua velut viscera desæviente, hostibus
huic urbi ferro flammaque minitantibus,
consules sacræ religionis obsequentissi-
mi, ΕΥΠΑΤΡΙΔΕΣ quidem, Jo. de Bo-
che, Lu. de Viguiet: ΠΟΛΙΤΑΙ vero
Jo. Espinaud, Li. Taulemesse, avertendi
hostilis impetus ergo, percussa fossa & ex-
cisa rupe antemurali, propugnaculi ad in-
star de integro constructo ponteque versa-
tili portam fori novi præmuniri ærarii
sumtibus curarunt. Non. Mart. cIo Io xic.

Porta S. Laurentii ita habet :

D. O. M.

Henrici Magni munificentia & Ludovici
XIII

XIII Christianissimorum Gall. & Nav. Regum jussu consulens urbis ornamento, civium commoditati & emporii tutæ stationi hoc Propylæum exstruendum curavit. Coss. &c. c l o l o c x i.

Porta S. Crucis ita habet :

D. O. M.

Ludovico Regi, urbis ornamento, civium utilitati, adeuntium commodo, quod ex dono Henrici Magni non ultra possent à porta Stæ Virginis hoc usque modo nova mœnia construi, moleque continua præmuniri, nova porta Crucis dicata feliciter Coss. &c. c l o l o c x v i. mens. decembr.

Videamus nunc urbem in suis ecclesiasticis & civilibus ædibus: illis non tantus splendor, ut alibi.

Templum *Trophimi* ostendit Ferreti Jurisconsulti sepulchrum.

Templum *Antonii*, ostendit divi illius caput argenteâ capsâ inclusum, cum aliis reliquiis.

Supra Rhodanum *domus Commendatorum S. Iohannis* est, quæ meretur ut adeas.

Ab his ad *xenodochium*, quod sub Carolo IX natum, elegantissime exstructum est, & in pauperum usus opulentis annuatim redditibus auctum.

Inter civilia & politica caput extollit *Basilica* sive *Curia*; cujus lemmata dabimus. Exticâ portæ parte LEO, insigne urbis, depictus, cum hoc disticho:

Stratos non; ast ille superbos conterit hostes,

Sic Arelas hostes pacis amica terit.

Paulò inferius hæc: SALE RATA REFERAT A-

RELAS:

RELAS : cancrina hæc verba sunt ; retrolegi possunt. Ibidem talis inscriptio :

Civili undique sæviente bello Arelate seditionibus agitata , patriciis viris Senatoribusque proscriptis , consulatu in-vaso , ærario expilato , foris repetito militum incursum , gregibus & armentis abactis expopolata, Duce Allobrogum cum copiis introducto pene subacta , civiumque proborum virtute expulsis Allobrogibus perduellibusque profligatis fortiter liberata : His septennio confectis cladibus , extorribus revocatis, Gallico Imperio conservato, postmodum horrida bien-
nii fame ferè consternata , pace denique inter Gallos , Iberos Allobrogesque constituta ob Rempubl. civesque servatos C. M. H. IIII. ID. IVL. C. FR. DAN. TONELLO. CAP. LAVABRE. ET GV. MONFORT. P. M. I. C. D. SEN. CAR. F. decrevit.

Interior curia habet conclave quoddam , in quo trophæum :

CAROL. LOTHARENVS , GVISIAE

DUX, CAROLO LOTHARINO

GVISIAE DVCI

EX ANAGRAMMATE

TRIVMPHVS

AVE DUX, VIRTUS chara , honos
Galliæ.

Inferiùs ista sequuntur:

Henrico Imperante

virtu-

virtute florescente
honore confluyente
pietate approbante
amicitia invitante.

Asservantur in eadem curia canales plumbei è Rhodani imò olim extracti, quibus aqua in ulteriorem urbis partem deducta fuit.

Palatium de Froilla, olim regum Arelatensium, nunc multâ parte dirutum, invitabit propter antiquitates ut videas. Idem faciet *amphitheatrum*, quod *les arenes* vocant, formâ ovali, ad formam amphitheatri Titi Vespasiani, quod Romæ vidimus, structum. *Lipsius* de hoc inquit: *Arelate etiam esse ajunt amphitheatrum, sed parum integrum.* Veniâ verò ipsius sit dictum; integrum satis est, nec collapsum nisi aliquâ subfelliolorum parte. Mihi opinio est, illum nec hoc, nec Nemausense vidisse; unde utrique suum detrectat encomium, sententiam ferens sine prætorè, sine arbitris. Arelatense hoc, uti & Nemausense, 1x est arcuum, quorum singuli xv pedes longi, è vasto & uniformi lapide egregii operis adhuc conspiciuntur. Area olim viris & feris pugnantibus dicata, modò incolarum domiciliis accommodata est. Inde in subterraneas magnæ capacitatis specus descensus fit; ferarum creduntur fuisse latibula, priusquam ad certamen educebantur; hodiè textorum officinæ, & vini repositoria, frigiditate gratissimi. Porticus laterales ostendunt caveas & antra, è quibus per minores in arenam portulas feræ ad certamen emissæ sunt. Videantur *Pompon. Latus* & *Ammian.* quibus opinio est, Imperatorem Gallum Hostilianum anno Christi cclv, in hoc ædificio ludos suos amphitheatrales, postquam Europam

ropam à tyrannis vindicasset , populo exhibuisse. Ab hoc itio fit ad *cellam vinariam publicam*; ubi ductus ostenditur , olim sub Rhodano , quolibatur Nemausum usque.

Plures antiquitates si lustrare placet , invise ad *collegium* prope sedem archiepiscopalem. area ostendit 11 columnas è marmore fusili , longas 1x pedum , crassas xiv spithamarum , quas in Dianæ templo , quod propè abest , steterisse volunt. ab hoc templo præter 11 arcus nihil superest.

Inde *turris Rolandi*, & v *portæ triumphales Romanorum*.

Publicis ita datis , dabo duo etiam privata: Alterum est Domini Agathi, viri promptissimi, *conclavium*; in quo, quæ peregrina , quæ rara , à natura , ab arte ficta & excogitata sunt , pertinenti studio conquisita , curiosis ostenduntur. Alterum est, *PORCELLETORVM* domus, non à multis visa; ante fores devoluta adhuc stat pars pyramidis grandioris; cujus pars infima & basis extra portam in agro quodam conspicitur jacens. Ex Belleforesto , Gaulartio & aliis , talis de illis narratur historia: Mulier quædam , pluribus onusta puerulis , stipem à matrona domus hujus , cui adhuc 1x in lapide sunt incisi pueruli, petens , non exaudiebatur , additâ exprobratione lascivix & nimii viri concubitus. mulier ista misera , aliàs proba , rogat Deum , ut matrona imprægnata tot liberos pariat uno partu , quot scrophæ edere solet porcellos. Quid sit? mulier exauditur , matrona novem emittitur puerulos; è quibus unum reservat , reliquis per ancillam suffocandis. Isti obviam factus herus , puerperæ maritus , interrogat quid oneris portaret. cui illa: Scrophæ enixa est porcellos , quos , cum non sit

nutriendo, in Rhodanum portabo submergendos. At fortè fortuna pueruli manus propendet, quam maritus videns, sarcinas detegit, ac fraudem sub silentii fide & securitate ex ancilla cognoscit. liberi clam matre in villam ablegantur, educantur; postea grandiusculi jam, eodem genere vestitus, quo reservatus ille domi à matre erat indutus, vestiuntur, inque urbem & domum parentum reducti coram matre sistuntur. Ubi pater sive maritus ab uxore poenam facinore perpetrando dignam sciscitans, ex sententia, quam ipsa sibi tulerat, perpetuo carceri ipsam mancipavit. Patavini similem ferè habent historiam de ampla *Scropharum* familiâ. Et *Picus Mirandula* tradit, foeminam quandam Germanam in Italia duabus vicibus enixam esse xx puerulos, ita ut prima ingravidatio XII, altera VII fuerit infantum: onus tantoperè mulierem pondere suo afflixit, ut mantili sustinere cogeretur. Nil dixerim de alia Germana quadam, à Lupis nomen adepta.

Sufficiant hæc in urbe visa; *Extra urbem*, si placet, vide locum *la Roquette*; item *abbatiam montis majoris*, in paludibus sitam; & prope portam fori novi, *cæmeterium & templum Honorati*.

Cæmeterium habet plusquam I c ethnicorum tumulos lapideos; sepulchra certè uti longè elegantissima, ita Romanæ magnificentiae admiranda monumenta: Inscriptionibus aucta sunt, sed vix legibilibus: dabimus pauculas:

T. VALERI DIONYSIVS

D. VALERIA CHARIS, VXOR ET VALER.

MARCELLVS ET FELICIO PATRI FILS.

Ad dextram in sacello aliquo alia est:

JVLIA SOSYME

CIONION

CIONION IO POLY
CARPO MARITO PIEN

TISSIMO

ET SIBI VIVA POSVIT.

Non procul à Sabaudia Ducis monumento, in
marmore hæc est :

VIII KL. OCTOBRIS OBI
IT PORCIA. DE AQVE-
RIA. ANNO DOMINICE
INCARNATIONIS M. C. L.
XXIII. ORATE PRO EA.

Ipsum Sabaud. Ducis monumentum catenâ ferreâ transversim fuit obductum : quod Carolus Emanuel, nuperè denatus Sab. Dux, cùm cognovisset, gentis suæ insignia ibi insculpta, præsens, remotâ ferreâ istâ catenâ, aperiri petiit ; verum præter ossa nihil in eo invénit, nec ex litteris sepulchro inscriptis oratio aliqua certa potest elici, ita omnia vetustate sunt exesa. Alia præter hæc sunt ex marmore, cum historiis è Vet. Test. insculptis. comparent fuisse *episcoporum* sepulchra. Est etiam heic loci monumentum *Guisianum*, sed antiquum, ut insignia incisa docent. Ad januam templi ostenditur *monumentum marmoreum*, sed crudelis memoriæ, quo conditur quidam, qui adversarium certamine devictum, in frustra secuit, eaque canibus devoranda objecit. Sunt & III prægrandia saxa ibi, XL passibus à sese invicem distantia ; mensuræ dicuntur esse saltuum Rolandi.

In ipso templo, quod rabie Hispanicâ destructum, jam valdè exiguum, ostenduntur II columnæ prægrandes, ædificii fulcra, fuerunt IV aliæ è jaspide, sed Parilios dicuntur avectæ. Cavea subterranea prope chorum habet tria marmorea sepulchra, ex iis *medium*, quod præter

hominis ingentem calvariam nihil habet; *Rolando* ascribitur, *Caroli M.* ex sorore nepoti, qui cum anno Christi 1000 119, Dux procericorporis & magni animi, contra Saracenos in Hispaniam iret militatum, ibidemque Masurium Saracenorum summum ducem suâ manu jugulasset, siti extinctus obiit. Ipse *Carolus M.*, ut erat in Latino & patrio sermone promptus, ei hoc epitaphium posuit:

Tu patriam repetis, tristi nos orbe relinquis:

Te tenet aula nitens, nos lacrimosa dies.

Sed qui lustra geris æto & binos super annos,

Ereptus terris justus ad astra redis.

Ibidem aliud est sepulchrum, & superius, *ossa Hilarii* continens: aliud inferius. Utrique aqua perpetua inest tali modo, ut quantitas eadem semper ei sit, nihilque vel decrescat, accrescatve. Ad altare magnum lignum crucis ostenditur, quod voces edidisse narrant. alia præter hæc sacrificulus repetet, uti de ara *S. Honorati*, de monumento Ducis cujusdam *Bavariæ*, de *xix* item *Franciæ Parium* sepultura. sed hæc, ne nimius sim, insuper habeo.

Regimen in ecclesiasticis obtinet archiepiscopus; cui *xv* episcopi subsunt, *Massiliensis*, *Arausionensis*, *Tolonensis*, & *S. Pauli*. Olim episcopus in causa fuisse dicitur translati regni *Arelatensis* ad *German. Imperium*; Denunciavit rex *Boso* episcopo *Arelatensi* in vigilia natalis Christi, ne matutinum officium in ecclesia celebraret, nisi ipso præsentem. Episcopus autem cum aliquandiu cum clericis adventum regis expectasset ultra horam consuetam, nec ille veniret, sacra est persecutus. Et superveniens rex, exposulare cepit cum Episcopo cur non expectasset, commotusque dedit in medio populi & clericorum alapam episcopo: quam injuriam

popu-

populus agrè ferens , in tumultum est versus. Deinde verò factum est , cùm Episcopus adisset Imperatorem , essetque conquestus , quali contumeliâ rex ipsum coram populo afficisset : *Cæsar* iratus , per barbam suam juravit , se hanc ulturum contumeliam , morteque puniturum. unde collecto sine ulla cunctatione magno exercitu , ingressus est Galliam , obsedit & expugnavit Arelatum : cepit regem & aulicos ejus , mandavitque ipsum regem decollari. Archiepiscopus verò una cum reliquis episcopis , abbatibus & Principibus , mitigans Imperatoris furorē , suâ obtinuit intercessione , ut hoc judicium sanguinis suspenderetur. Tunc ait rex ; Non est æquum , ut rectum Imperatoris judicium executioni non mandetur : cùm non conveniat , vel ullum verbum ex Principis ore egredi frustrâ. Camque de hac sententia multa utrimque fierent verba , tandem decretum est , ut rex tonsus , ac regio titulo spoliatus truderetur in cœnobium. Quo factō , Imperator *Otton* I Arelatense regnum Romano adjunxit imperio. *Hac Munster. lib. II. Cosmogr.* Verum hæc historia , ad alios historicos relata , non sibi constat : novimus enim , *Ottonem* I , sive *Magnum* , anno Christi *Idccc lxxiv* defunctum , & *Conradum* II *Salicum* , cui obvenit testamento Arelatense regnum , anno *clo xl* mortuum. Illud , inquam Arelatense regnum , (quod complectitur *Delphinatum* , *Sabaudia Comitatum* à *Sigismundo* in *Ducatum* erectum , tractum *Sequanensem* , sive *Burgundia Comitatum* , & tractum *Helvetiorum*) *Rudolphus* rex *Burgund.* *Conrado* II , qui *Salicus* nominatus fuit , (à gente *Francica* , quæ *Salica* appellatur ; & *Franci* ipsi *Salii* , à flumine *Sala* , cujus accolæ aliquot è *Francis* fuerunt , dicuntur , ut habet *Mell.* *Pezel. part. 3. p. 135* , ex *Ammian. lib. xii.*) testamento tradi-

dit ; quod is , ejecto inde Odone , Celtica Comitatus , Germaniæ adiecit. *Mellef. Pexel. sub Conrad. II. Pencerus lib. IV Chron. Arnisa. de jur. maj. lib. 2, c. 1, n. 5. Wilhel. Paradin. Annal. Burgund. c. ult.* Ita Burgundia cum Arelate urbe, quæ Burgundiæ regia fuit , teste Gunthero,

Quodque caput regni sedesque fuisse vetusti

Fertur Arelatum , priscorum Curia regum,

in provinciæ formam redacta , cum Germania conjuncta fuit; teste *Thuano lib. 11: Regnum Arelatenſe, antequam in potestatem regum nostrorum veniret, sub Imperio fuit.* Hinc Impp. jura & titulum regni Arelatis usurparunt ; hinc Treverensis archiepiscopus ornatur adhuc hodiè archicancellarii titulo per Galliam & Arelatenſe regnum ; non , ut explicat *Marq. Freherus ad Petr. de Andol. lib. 2, cap. 1,* per eam tantum Galliæ partem , quæ regno Arelatenſi continetur, olim Imperium Roman. recognoscens ; sed per omnem Galliam , & regnum Arelatenſe , & versâ vice : pertinuit enim olim Gallia tota ad Imperii corpus ; à quo tamen postea secessionem fecit ; ut habet *Gunther. in Ligurino lib. 1:*

At simul à nostro secessit Gallia regno,

Nos priscum regni morem servamus ; at illa

Iure suo gaudet , nostra jam nescia legis.

Hujus ergo juris antiqui respectu potius , quam moderni status ratione , ubi nec Gallia , nec Arelatenſe regnum , quicquam nostro desert Imperio , cancellarius dici poterit , æquè ut alii veterum dignitatum retinent emblemata , re licet mutata ut plurimum. *Limn. lib. III. de jur. publ. c. 5, num. 4.* Carolus verò IV Imperator , hircundo Imperii , (*Alphonſ. del bene in Burgund. videatur,*) Arelatenſe regnum , unius prandii gratiâ , in Villa nova , propè Avignonem , Galliæ regi

regi tradidit. *Crus. lib. 5. part. 3. annal. Suevia.*
 Idemque postea Sigismundus, hujus filius, ap-
 probavit. *Diploma in bibliotheca Parisiorum, quæ*
in templo suburbano, D. Victori dedicato, se legisse
affirmat Arentinus lib. VII, annal. Bojor. p. 491.
 Invalidam verò hanc esse translationem, dicit
Limn. lib. 1 de jur. P. cap. IX, num. 12: quod im-
 perium non sit in marsupio aut sacciperio Prin-
 cipis, *Bl. in c. intellecto. de jurejurand.* Impera-
 torque eligatur, ut imperio præsit ac consulat,
l. 2, §. 11. ff. de O. I. ut sit ejusdem administra-
tor, R. absch. de anno 1559, in pr. ut sit allezeit
mehrer des reichs, & reipubl. (quæ pupilla voca-
tur, l. 3. C. de I. reip. lib. 11) commoda, tan-
 quam tutor, quærat, &, quantum ad providen-
 tiam quidem, dominus sit, *l. 27. ff. de admin.*
tutor. l. 56, §. 4. ff. de furt. absque tamen licen-
tia donandi & diminuendi, l. 46, §. ult. ff. de
admin. & peric. tut. c. monemus 12, q. 2. Iura
 enim proprietatis ad ipsum Imperii corpus per-
 tinent. *Peregr. de jure fisci, lib. 1, t. 23, num. 74.*
Vult. 1 de feud. c. 5, n. 15. Paurmeist. de jurisd.
lib. 1, c. 21, n. 19. Quod ipsum probè perpen-
 dens Carol. V, Paulo III Pontifici ingenuè re-
 spondit, de Parma & Placentia: Eas civitates,
 si ad Imperium pertinerent, non posse se in di-
 tionis ac dignitatis Imperialis præjudicium alie-
 nare. *Thuan. lib. IV histor. Hujus regulæ cùm in-*
gens sit utilitas; Antimachiav. theor. 1, p. 66.
 & non solum in aliis regnis, sed & in ipsa Gal-
 lia frequentetur: (ut patet exemplo, tum Fran-
 cisci I, qui ex eadem causa recusavit, quæ Ca-
 rolo V promiserat; *Bellai lib. 3 Com. Guicc. lib.*
16; tum Caroli VI, revocantis quod Anglo con-
 cesserat; *Frossard. lib. 3:*) certè reges Gallia non
 aspernabuntur idem jus sibi dici, quod aliis di-

xerunt ; & , quod in alterius persona æquum esse crediderunt , in sua propria iniquum haut arbitrabuntur , l. 3. ff. *quod quisque juris* , &c. Hujus tituli nullitatem , aut , ut mitius dicam , imbecillitatem , cum vidisset *Choppinus* , de *dominio Francia lib. 2, tit. 1, n. 14* , aliundè ius regis sui in Arelatense regnum deducere maluit , Gallos scribens antiquissimos Comitum Provincia patronos fuisse : Horum vero subditos , etiam ante tempora Caroli IV , extitisse Arelatenses. Sed cum aliud constet ex hætenus dictis : & auctor libelli Gallici , qui inscribitur *Entrevene de Charles IV, de son fils Wenceslaus , roys des Romains, & Charles V, roy de France* , p. 15 , conceptis verbis testetur , quod Imperator Carolus IV motu proprio in favorem regis , & ejusdem primogeniti , Delphinum Franciæ fecerit locumtenentem & Vicarium Generalem in regno Arelatensi : facile apparet , quid *Choppino* reponendum sit ; ut & *Bodino lib. 1 de republ. c. 9* ; qui venditum hoc regnum scribit Philippo Valesio ab Henrico V Imperatore. Verùm narrantur hæc , sed non probantur.

Sufficiant hæc etiam de regimine politico , quod immediatè rex Galliæ heic habet & in flore & quiete. Accingamus nos ad iter , quod amœnissimum fuit IIII milliar. cis Rhodanum , relicto pago *Lansac* dextrorsùm , ad opidum

T A R A S C O N,

UBi , hospitium commodum naſti *au cheval blanc* , etiam pernoſtavimus. Duo ſunt , quæ heic notes ; *arx* & *templum*. Opidum ædificiis non ad eò ſplendidis , ſed nobilibus tamen incolis ſuperbit à loci amœnitate & fertilitate.

ARX pro fundamento habet ingens ſaxum , è quo

quo nata caput erigit ad præterlabentem Rhodanum. Interior structura *aream* habet & *conclavia*. Porta areæ in lapide ostendit excisa verba: *Renè Duc d' Anjou, Comte de Provence*. Hic filio destitutus, & genero Antonio Lotharingio invidus, Provinciam Ludovico XI, Gallorum regi donavit. Ipsi cum uxore ibi effigies & inscriptiones intuerè. impluvium est, peramœnum, longum *LXIV* passus, latum *XLVIII*, muris aliquot pass. crassum; unde prospectus patet in urbem Arelatam, Tarasconem, & agrum circumcirca patentem, longè amœnissimum & fœcundissimum. Inter conclavia illud ne negligas, quod secretius est ipsius Mareschalli Dornani. res in eo pulchræ, raræ & magni pretii: libri item variarum linguarum, tabulæ picturis exquisitissimis, vasa diversa, armariola è gemmis; imago Christi palmæ magnitudine de cruce pendentis è marmore pellucido, adè ut candelæ lumen suum transverberet. Januæ superstat tabula picta, Mariam & Josephum repræsentans, æstivio aliquot aureorum.

TEMPLVM *D. Marthæ* dicatum propè arcem, adhuc reliquias ejus conservat, (*faciem* nimirum & *brachium*), opulento thesauro vestitas. Sacello, in quo cubare dicitur, hoc adscriptum est distichon:

Quæ Christum hospitio excepisti, Martha, precare,

Hæspes sit nobis, hæspes ut ille tuus.

in introitu Ecclesiæ ad dextram, ubi Martha & Draco sextipes, quem vocant Tarasconem, ad organum hæc leges:

Viginti novies septem cum mille relapsis

Anno postremo nobis patet hospita Christi.

Mille ducentis transactis minus, at tribus annis,

Imbertus præsul Restagno Præsule secum

In prima junii consecrat ecclesiam.

In introitu sepulturæ D. Marthæ ad dextram est sepulchrum duorum discipulorum Emauntem euntium, *Sosthenis & Lysippi*; ad sinistram, sepulchrum *mulieris*, quæ exclamavit de Christo: *Beatus venter, qui te portavit.* Præter hæc, in columna templi conspicitur *animal illud sextipes*, quod à Martha funiculo ductum dicitur interfectum. disticha adposita adponere heic supersedeo. Non procul ab hac pictura, depicta est navis pro monumento aliquorum, qui ante aliquot annos naufragio in Rhodano periisse dicuntur.

Tarascone relicto relinquitur juxtà Provinciam; nam trajeetus heic fit fune ducto super Rhodanum, solutis pro equo quolibet 4 solidis, in Languedocium ad opidulum *Beaucaire*, Tarasconi rectà oppositum.

BEAUCAIRE,

Quod nonnulli *Bellum pulchrum* appellant, quia situm fortè; quod in planitie longè amœnissima, viniq; boni feracissima, situm est. *Thuanus* appellat *Belloquadrum*, libro nonagesimo septimo.

Castellum ad Rhodanum præterfluentem firmissimo saxo superstructum est. Præter nundinas annuas, beneficio Rhodani tanto splendidiore, & commodiores, vix est quod heic videas. Solemnis dies illis inscriptus est xxii augusti. Mariæ Magdaleneæ sacer, quo ejus nescio quas reliquias per opidum magnâ pompâ multatâq; superstitione circumferunt. in campo publico, quod mercatum reddit celebriorem, lascivix suæ sequior sexus dicitur reddidisse poenam,

nam, sed nimis lascivam. Sequenti die Christophori statua non minori festivitate circumgeritur: presbyteri & monachi cum frequenti militum & plebis copiâ comitantur. Ipse mercatus XIV dies celebratur, famam primam habens à generosis equis: advolant ex Italiæ & Hispaniæ confinibus locis emtores & venditores, ut sese circumveniant. Ita illic nundinæ habent totâ Galliâ celeberrimæ.

Belloquadro pontem Gardi versus itio sequitur amœna, partim ad Rhodani, partim ad Gardonis litus. Opida ultrò citroq; relinquunt multa. *la Roche* situm insulæ in Rhodano ostendit. *Monfront* ad dext. colli adædificatum est opidum cum veteri arce, loco oleis confito; Rhodanus heic loci est vadus, ita ut sine navigio transire possis. Ultra flumen turris cum æde telonio destinata videtur. Regio frumenti ferax, oleis & moris abundans; via montosa & lapidosa, præsertim ubi propè abest à ponte, qui, Belloquadro IIII milliar. distans, celeberrimus nobilissimusque ubique audit, & Poldo dicitur miraculum mundi.

PONS GARDIUS.

GALL. *le pont du Gar.* Nomen à subterlabente fluvio *Gardo* seu *Gardone* habet. Quem vadus habuimus ocreis siccis; nec alioquin per se fluvius iste aliquo nomine famam meretur. in superiori Occitania ortus, Uzezas, (Uticam,) allabitur, & postea hunc pontem, à quo prope Belloquadrum sese in Rhodanum mergit. Quicquid verò famæ flumini adest, id pons hic triplici serie artificiosissimè structus ei commodat; quem aliqui fabulosè appellant etiam *pont du chat*, à catto, per diabolum desuper ibi infandum dejecto; unde prope molem adhuc antrum in monte monstratur magnæ capacitatis,

quod nescio quibus fabulis, cum historiam nesciamus, velint reddere celebre. Autorem pontis quidam statuunt Antonium Imperatorem; cuius auspiciis fontes circa Uricam, elegantem urbem, antiquitatibus insignem, collecti, & per aquæductum huius tergemini pontis Nemausum dicuntur deducti. Sed hæc sine auctore. Unde Beza, in omni genere metri poetæ argutissimi, tantò elegantius epigramma in pontis huius triplicis aquæductum, Gardo flumini inter duos montes, nullâ tanti artificis additâ inscriptione, impositum, tertio à Nemauso milliari:

Montibus impositos cantavit Gracia montes,

Pyramidum ostentat barbara Memphis opus.

Plus est quod cernis, triplices conjungere pontes

Fornicibus, montes sic posuisse duos.

Et plus est, victam quo se natura fatetur,

Imposuisse ipsius flumina fluminibus.

Et rursum hoc plus est, contempto laudis honore,

Artificem nomen non posuisse suum.

Mire opifex, quod tu fecisti, sit licet ingens,

Quod non fecisti, plus ego miror opus.

Videmus nunc structuram pontis huius à multa antiquitate firmissimi & fortissimi. Is triplici arcuum seu fornicum ordine, ita ut infimus medium & supremum sustentet, est discriminatus, nec tamen ullo uspiam cæmento, quoad lapidum commissuras, conjunctus. Infimus fornicum ordo, Gardoni transitum concedens, VI arcus habet, & longus ccccxxxviii, altus lxxxiiii pedes: singuli verò arcus lviii pedes sunt longi arcuum columnæ singulæ xviii pedum longitudinem habent. Spacium, quod inter primum & secundum arcuum ordinem intercedit, constituit vii pedes & xiiii digitos. Medius ordo xi arcus habet, & longus est lccc

cc xvi,

cc XLVI, altus XXI pedes : singuli arcus LVI pedibus à sese invicem distant. Columnæ XI hos arcus sustinent, quarum singulæ XIII pedum sunt latæ. Arcus verò ex uno eodemque lapide dextrè & artificiosè videntur constructi ; inter lapides inveniuntur XXII spithamas longi. Inter hunc arcuum ordinem & supremum intercedit spatium VI pedum, VIII digitorum. Usus viæ hic est communis pro hominibus & onustis jumentis ; non tamen amplius, ita ut præter unum equum via non capiat. *Tertius* arcuum ordo sive summus, è costis latere structus est, indies per tempestates ruinam faciens, aperto aëri expositus; extrema utraque, montes versus, sunt ab iis abjuncta ; ita ut nulli isthac ascensus, via, nedum transitus pateat. Hujus summi ordinis fornices numerantur XXXV ; singuli XVI pedum habent longitudinem: ipse verò tertius hic ordo longitudinem habet IO IV pedum, altitudinem VI : columnæ fornicum singulæ V cum medio pede habent longitudinem. His supremis arcubus aquæ ductus excavatus olim fuit impositus, XII pedes altus, ob quem immensum hoc ædificium structum antiquitus creditur; nam vestigia adhuc deprehensa fuerunt, per quæ ex opido Uzensi, aqua Nemausum usque deducta fuisse dicitur, licet hodiè montes utrimque à ponte supremo & ita ab isto antiquo aquæ ductu sint abscissi, ita ut in montibus, quos pons hic mirandus olim conjunxit, hodiè nulla appareat vel scaturigo, aquarumve per subordinatos canales derivatio.

Inde nos via duxit non longa ad cultissimum hortum cum arce adsitâ *illustris Baronis de S. Privato*, quem non solum benevolentissimo ejus permissu ingressi sumus & contemplati, sed nec

inde dimissi nisi vino generoso rubro & albo donati, argenteis lagenis nobis oblato; additus pagus alioquin tenue prandium ovis & lactucis parabat, condimentum verò erant donaria hæc improvisò immeritis oblata à tanto Hero.

Ex hoc loco mons lapideus, buxo denso vestitus, superandus uno cum medio milliari, ad pagum *S. Gervasi*; à quo amœna per frumentum, vineta, oleosa via sese aperit uno & med. mill. ad quietem usque nocturnam, quam *aux arenes* sumimus in antiqua urbe *Nemauso*.

N E M A U S U S,

GAllis *Nismes*. Opidum ædificatum fertur à *Nemauso* *Herculis Ægyptii* (cùm alioquin vi sint *Hercules*) filio. Idque probatur testimonio & conjecturis. Testimonium sumit *Iohan. Poldus de antiquit. Nemaus.* è Stephano de urbibus: *Νεμαῦς*, πόλις τῆς Ἰταλίας, ἀπὸ τοῦ Νεμαῦς & Ἡρακλείδου, *Nemausus, civitas Italiae, à Nemauso Herculis filio*. Civitas Italiae dicitur, quia Imperatores ex Italia coloniam eò deduxerunt. Augustus victor ex Ægypto redux *Nemausum* coloniâ illustravit. unde frequens numus cum crocodilo palmæ alligato, & litteris: COL. NEM. Conjecturæ sumuntur ab *Heraclea*, à *Hercule* sic dictâ, ad quoddam *Rhodani* ostium extructâ, quam in honorem patris *Herculis* filium *Nemausum* extruxisse referunt historici, postea à conditore ipso *Nemauso* denominatam. Augent conjecturam insignia *Herculis* gentilitia, duo dimidiata boum corpora, quæ ad introitum amphitheatri *Nemausensis*, uti & alibi in urbe, conspiciuntur. Tempus primæ foundationis secundum *Eusebii* & *Prosperi* in vita *Herculis* suppu-

Supputationem ponitur annus M. III cIo Io cccc L. & ita mille centum quinquaginta novem annis ante Christum natum, Io xc item ante Romam ædificatam. Sub Pompeio ad Romanos devenêre; etiam ad Imperatorum usque monarchias perseverâre, teste Sueton. in vita Neronis; cujus statuas tanquam urbe sua indignas dejecêre Nemaufenses.

Hodiè Nemausus Narbonensis Gallie præcipua civitas est, præter opes & alia hujus avi decora supra omneis, quæ toto orbe Romano fuerunt, si Romam unam excipias, antiquitatis veneranda monumentis spectanda, amphitheatro, palatio, delubro Veste extra urbem, & admirandæ passim pulcritudinis rudibus ac fragmentis, quæ cum recentibus regum nostratium ædificiis integris etiam hodiè certant, ac postremo fonte cognomine, veterum testimoniis famoso, & urbi fatali, (de quo infra.) Thuanus lib. XLVI hist.

Paucula de situ, priusquam urbem intus & extus inspiciamus. Loco amœno sita est, olim ad montes usque exporrecta, quorum VII sunt; unde Septicollis, velut altera Roma; cum qua & antiquitatibus certat; testantur antiquitatem murum in montibus, tum in planitie adhuc hodiè superantes. Circa urbem ager fertilis fructibus, horti ficibus & oleis per quos cuivis licet exspatiari, amœnitateq; frui. Ambitus olim dicitur fuisse XI cIo Io ccc LII x passuum, ita ut Roma Nemausum II cIo passibus non superarit tempore Vespasiani. Plinius l. 3, c. 5; & Fl. Vopisc. in Aurel. Hodiè amplitudinis & ordinis multum amisit, uti & antiquitatis, non solum per bella, sed & tempestates, testante Thuanolib. XVII, sub fin. hist. Anno (dicente) cIo Io LVII, v eid. septembris, in Septimania Nemausi ingentia toni-

trua & coruscationes exarsere, quas subsequuti imbres insoliti, antiqui operis monumenta, statuas ac moles, quæ inibi ad stuporem visuntur, penè merferunt, & urbem fædis ruinis deformarunt.

Videamus nunc ædificia intra & extra urbem.

Intra, ut religiosa præcedant, quædam reformati, quædam pontificiis patent. Hi occupant templum cathedrale, magnificum monumentis antiquis & operibus raris, inprimis autem illustre pavimento vermiculati operis, quod appellant mechanici Mosaicum. Præterea S. Laurentii; nec non monasteria diversa. Reformati, sive Protestantes, aliis frequentiores sunt; *Thuan. lib. lxxxvi*. Qui & tenore edicti Synodos heic suas celebrant, ut factum anno cIdo Id lxxii, mense maio, magno Pastorum concursu, cui Theodorus Beza, factoper Valentiam Cavarum itinere, interfuit & præfuit. *Thuan. lib. ii. hist.* Ab his etiam urbs miro astu intercepta est. pacelectoris adjiciam tam notabilem, è *Thuano lib. xlii*. Protestantes, qui nimium quàm multi illis locis (Nemausi) sunt, partim inde exacti, partim in dignitatibus ac fortunis male habiti, à Santandreano urbis præfecto jam seniore, sed supra ætatem ferociter iracundo, ut sunt Septimanorum ingenia, aut in amorem aut in odium nimia, cum & ultionis & patriæ repetendæ desiderio æque arderent, nihil non agebant occultis cum amicis, qui in urbe remanserant, consiliis, hortatibus, vi, dolis, ut bona sua ac libertatem pristinam recuperarent. magna exsulum pars ad Genesii fanum hant procul profugerant, locumque ante mœnibus à regis nudatum rursus vallo & fossa muniverant. Vbi, dum in commune consultant, lignarius quidam faber ex Calvissone municipio, nomine Madaro, spe præmii in vi-

invitatus, viam se reperisse dicit, qua circa Ne-
mausenseis in patriam reduceret. Fons ille (quem
dixi fatalem urbi supra) tanta aquarum copia
fluit, ut melatrinis compluribus extra & intra
urbem serviat, inter arcem & Carmelitanam por-
tam decurrens, in quam per canalem admittitur,
porta humili clavis ferreis obserata; supra quam
haut longe ab arce, quam Astulius cum praesidio
servabat, specula collocata erat, quae singulis horis
noctu permutabatur;isque qui in statione erat,
cum ex ea discederet, pulsato arcis tintinnabulo,
commilitoni ad id destinato, ut in vicem succede-
ret, significabat. id aliquo temporis spatio interje-
cto fiebat. Quo observato, Madaro, re cum amico,
qui haut procul ab urbis fossa juxta arcem humi-
leis adcis habebat, communicata, cancellos illos
ferreos lima secandos aggressus fuerat. Id autem ea
ratione peractum ferunt: Cum Madaro in fossam
exscendebat, fune à socio, qui in urbe erat, accepto
se cingebat, & cum specula permutabantur, prout
socius ducebat aut laxabat funem, nam ita inter
eos convenerat, per intervalla illa monebatur aut opus
urgere, aut intermittere. tum antequam illucesceret,
cera & luto desuper secturas oblinebat, & quam
minimo cum strepitu discedebat. Opus per xv cir-
citer noctes, non continuas, sed ut maxime illuces
ac nimbose erant, summâ constantia consumma-
tum, cum Madaro toto eo tempore in luto genuum
tenus haberet, & pluviam ac cæli injurias pa-
tientissime ferret. Adjuvabat hominis industriam
tempestas autumnæ, quæ maxime iis regionibus
ventosa esse solet, & aquæ subterlabentis murmur,
ne fragor exaudiretur; qui si quando exaudiebatur,
cuius causæ potius tribuebatur, & aut fontis
collidentia saxa secum volventis, aut canum erro-
num semesa ossa rodentium, eum sonitum stationa-

rii suspicabantur. Non prius quàm perfectò summo
 silentio opere, ne interim res emanaret, Madaro
 exules XVII kalend. decembr. adit. Res periculi
 summe plena initio videbatur: sed, cùm universorum
 salus in illa verteretur, eam tentari placuit;
 negotiumque à Salvatio, qui P. P. nomine vicina
 regioni imperabat, datum Sancofmo, strenuo ordi-
 num ductori, ut cum CCC delectis, tam equitibus
 quàm peditibus, rem susciperet. Is igitur magno
 silentio praefectus, suos in olivetis, quibus urbs cir-
 cumdata est, in insidiis collocat. dumque pastor,
 quem ille secum duxerat, precibus de more conce-
 ptis socios ad rem fortiter capeffendam, efficacibus
 & ex religione ipsa petitis argumentis, hortatur;
 res incidit, quæ animos aliqui periculi magnitu-
 dine percussos fere consternavit. nam repentina &
 novembri mense insolita coruscatio emicuit, tam
 crebro ac longo fulgore, ut plerique se à stationa-
 riis detectos arbitrarentur; & alioqui pavidì ho-
 mines, occasionem discedendi quærentes, casum
 illum, tanquam aversantis rem Dei signum, su-
 perstitiose interpretabantur. Contra cùm San-
 cosmus, suffragante pastore rei tanquam prosperum,
 feliciter successuræ augurium à Deo acciperet, qui
 luce sua fidis gloria suæ assertoribus in tenebris
 contra veritatis hosteis præiret, sic ille partibus suis
 blandiens loquebatur; tandem ipse in fossam ex-
 scendit, & cancellis facile revulsis, cum xxx, qui-
 bus magis fidebat, per canalís portam in urbem in-
 greditur; dato negotio lixis ac caculis, ut cùm pri-
 mum ingressus esset, ipsi cum equis circa muros ma-
 gno cum strepitu discursantes, numerosi equitatûs
 advenientis opinionem opidanis injicerent; tum se
 ad portam Coronalem, qua admitti debebant, si-
 sterent, & per eam ingressi, per vicos itidem eadem
 specie discursantes, opinionem jam conceptam magis
 ac

ac magis confirmarent. adjuncti eis insuper tubicines aliquot, qui per urbem quasi captam personarent. Ad strepitum stationarii, qui supra Canalem excubabant, in arcem confugiunt, & pulsato tintinnabulo ad arma conclamant.

Passanus cum xx c Sancosmum sequutus juxta arcem confedit, ut præsidiariis egressum & opidanis ad illam accessum intercluderet. Sancosmus ad Carmelitarum profectus, stationem obviam trucidat, quæ fere sacerdotibus constabat, qui de salute sua anxii contra insensos assidue excubabant. Iis casis ad Coronalem portam tendit; ubi centurionem nactus, pugione ad os adactotesseram ab eo exposcit. qua intellecta & inter suos distributa, jam liberè per urbem divagari cœpit, & Coronali portaresecta cacularem equitatum admittit, qui, ut jussus erat, majore, quàm bellatores fecissent, strepitum vicos implevit; tanto terrore præsidiariis ac opidanis, qui in xv signa distributi continuo in armis erant, injecto, ut multi pedem domo efferre vix auderent; alii palantes & trepidi sine ducibus à consciiis, & iis qui in urbe erant, capti & armis spoliati sunt. Santandreas cum armatis aliquot subito casu oppressus, frustra dispersos colligere conatus, cùm receptum ad arcem sibi præclusum videret, gratia à Protestantibus desperata, temerario consilio se ex mœnibus in fossam saltu dimisit, lapsuque illo cùm homo jam senio gravis sibi crus fregisset, in fossa à suis relictus ad lucem usque jacuit. multi, qui in amphitheatrum, vulgò arenas vocant, trepidè confugerant, portasque lapidum fortuito objectu obserarant; mane loco deserto per Santandreasnam portam emissi sunt. Astulius, arcis dux, qui in urbe hospitium habebat, cum xxv, quos penes se habebat, Dominicanam portam occupat; eamque, fortiter resistens, ad medium usque diem infē-

insequentem contra victores defendit. quo tempore urbe excedens, per posticum rursus in arcem ingressus est. Capta citra magnum certamen urbe, tamen, ut ab insensu & recenti injuria irritatis, vario insolentiae & crudelitatis genere etiam extra belli jura à victoribus in victos saevitum est, et amplius ex opidanis occisis. Santandrianus in urbem & hospitium suum relatus mox à furente plebe, cum in lecto decumberet, sclopeti ictu confossus est. Saevientium indies opidanorum furorem compressit Santomani adventus à P. P. missi, ut cum summo imperio Septimaniae praesesset; quem Fulcus cum iis, quas secum adduxerat, copiis secutus est. Restabat ARX, quam Astulius cum L armatis totum trimestre obstinate defendit, accepto à Margaritani castri, quod III leucis abest, praesidiarii auxilio; sed postea cuneis actis, cum aliqua pars turrium concidisset, neque magno praeterea profectu; tandem praesidiarii omnis auxilii spe destituti deditio- nem fecere.

COLLEGIUM, in quo olim docuere Pacius & Pistorius, (quorum ille apud Valentienfes, iste apud superos vivit,) hodie celebre est à clarissimo viro Dn. Abrenetho philosopho & medico, qui clavum tenet. Vir à me compellatus supraibat tantum non omnia humanitatis genera, quae meminisse dulce, recompensasse dulcius foret.

ARX, ut ad politica eamus aedificia & antiquitates, praesidiarium habet militem. quae ea expugnata & à quibus habet Thuan. lib. XLII.

AMPHITHEATRUM, quod Rodericus Toletanus in rebus Hispan. lib. III, c. VII, appellat praesidium arenarum, videamus. Quo autore & tempore structum, variae, sed lubricae sunt conjecturae, ut certi quid statuere nequeamus. Partes ejus externa sunt & interna.

Exter-

Externæ conspiciuntur in pariete exteriori, nim. *lupa* lapidi incisa, ejus ab uberibus pendent duo pueruli, quæ historia fortè Romuli & Remi sit. *lucta* item incisa, duorum pugnantium. *vultures*, Romæ urbis ædificandæ nuntii. *triplex* item *penis* in lapide, vetustate multum abiens. regina quædam Galliæ fertur aulicorum quendam suorum, Nemauso & illis è locis redeuntem, rogitalse, num arenas Nemausenses, & quid summe notatu dignum in iis vidisset. cui ille, quæ viderat, omnia exposuit, inscius triplicis hujus penis. objurgatus verò est à regina, dicente; Hunc qui non vidit, præstantissimam amphitheatri partem non vidit.

Internæ partes ovalis amphitheatri sunt *arcus*, *muri*, *subsellia*, *area*, *cavernæ*, *podium*. *Arcus* numerantur LX; crassitie singuli x pedum invicem distant, ob interpositum *murum* xii pedum. Totum ædificium integrum adhuc est maximam partem, tum quoad circuitus murum, tum quoad *subsellia*. Horum, ut & arcuum, lapides sunt grandes & unius ejusdemque magnitudinis, sed sine ullo cæmento vel calce artificiosè conjuncti. *Area* ædibus est adeo oppleta & inhabitata ut vicum referre videatur. *Cavernæ*, quæ feras in pugnam producendas continebant, adhuc comparent; nec non *muri*, qui arenæ cingendæ serviebant & *podium* antè constituebant. *Podium* locus erat dignissimus, ad arenam proximus, pro Senatoribus. *Suetonius in Augusto, Factum decretum*, inquit, *patrum*, ut, quoties quid *uspian* publicè spectandum proponeretur, *primus subselliorum ordo senatoribus vacaret*. Ibi in orchestra locus erat pro Principe & honoratioribus spectatōribus, prætorē item; utque is tutior esset à bestiis infestis, muro arenæ cinctæ erant, cui

cui retia benè nexa ac densa, versatilia item ligna, cancelli ferreæve supersternebantur. Fistularum & tuborum diductio, per quos in spectatores suavis ejiciebatur odoratus, heic nulla habet vestigia. Odoratus iste è liquido constabat, mixto è vino & croci floribus, ut refert *Plinius*, dicens: *Crocum vino mirificè congruit, præcipuè dulci, tritum, ad theatra replenda.* Ita *Ovidius*:

Nec fuerant liquido pulpita rubra croco.
 Croci hanc sparsionem, quam *Lipsius* è statuis manasse suspicatur, *Seneca* sæpe tangit in epistolis & *quæst. natural.* *Utrum*, inquit, tandem sapientio rem putas, qui invenit quemadmodum in immensam altitudinem crocum latentibus fistulis exprimat? Item: Numquid dubitas, quin sparsio illa, quæ ex fundamentis mediæ arena crescens in summam altitudinem amphitheatri pervenit, cum intentione aquæ fiat? Utut desit operta & cæca hæc tubulorum diductio, cætera tamen, quæ amphitheatrum hoc ad miraculum usque evehere possunt, non desunt. Si lapidum molem & structuram spectes, Veronensè post se relinquit, etiam si hoc, quâ parte corruerat, à civitate Verona sit restitutum, ut ipsi vidimus ex inscriptionibus ibi enotatis. Non itaque satis mirari queo *Lipsum*, præter nomen vix reliqui quid facientem huic amphitheatro, cap. v de amphith. ita verò ille: *Credunt multi, eximium etiam olim opus fuisse: non ego, qui scio majora multò & operosa magis habuisse Lugdunum & Viennam, & nobiles illas Gallia urbes. præ quibus quid Nemausus? Nomen tamen non injuria retinet, quia & pulchrum est, quod satis sit, & integrum magna parte.* Itane verò *Lipsi*? Concesserim, Lugduni & Viennæ fuisse amphitheatra, ex *Eusebio* in hist. ecclesiast. at vero, an nobiliora & operosiora fuerint, quo aucto-

auctore, quove argumento mihi persuaderi patiar, non video. Et dicis; *Præ quibus quid Nemausus?* Imo Nemausus, cum paullo angustior fuerit ipsa augustâ Româ suo ambitu, etiam Lugduno & Viennâ, quæ tunc temporis non ita amplæ erant, quin angustior fuerit, & ob id utrique præferenda, non vereor dicere. Demus hoc sine affectu ex vero majestati hujus amphitheatri, quod nec furor Gothorum, nec Saracenorum indigni conatus, nec flammæ Artilæ, nec ruinæ Martelli, destruere potuere.

Ante hoc amphitheatrum *Campus Martius* olim fuit, nunc ad alios usus locus commodatus.

CAPITOLIVM, *cap-dueil*, quod hodiè vocant *la maison Carré*, quadratum quidem ædificium est, sed in longitudinem tendens: frontispicium cum opposito, sex columnas habet; latera singula decem; totum quadratis saxi coopertum in deambulationum usus. Trajani volunt esse opus in honorem uxoris Plotinæ structum; verum dubitò, cum heic nec spatiosa illa ambulacra, porticus, peristylia, pergulæ, sedes, nec alia reperiantur, quæ Vitruvius & alii magistri in basilicis requirebant.

Non procul ab hac *domo quadrata* abest *tabula*, cui incisus *Pegasus*, cum inscriptione:

PROCVL ESTE PROPHANI.

Haut dubiè locus Musis olim sacratus fuit; nam, illas post Massiliam heic in cultu fuisse, testatur apud Eusebium Domitius Afer Nemausensis. Ibidem epigramma hoc inventum dicitur:

— Atroni. famam. barba-
cujus. Roma. libris. adserit-
amissos. ornat. titulis. en aspice-

quos.

quos. habet. incolumes. fovit. amore-
supremas. error. ne. possit. rumpere.
cer-

arte. sua. cavit. clausit. operta. fide.
Excipiet. maner. sua. qui. sine. lite.
reliquit.

laudabit. studium. cui. sua. cura. cau.

PORTA CORONAE insignem substitutionis
formulam habet & testamentum, quod Sincer-
us notavit. Ad propugnaculum hujus portæ
statua videtur hominis justâ magnitudine ma-
num capiti imponentis, denotans mimum seu
histrionem, varios hominum gestus in specta-
culis edere solitum.

Publicis his locis adnumeremus etiam *colu-*
mnam cum salamandra, Francisco I, cum urbem
ingrederetur, erectam. triste item lignum in an-
gulo vicus alicujus: arbor est à qua pensiles fiunt
laqueo suffocandi.

Intra privatas aedes ad angulum aliquem vi-
debis statuam Geryonis, hac figurâ; unum est
caput, duo corpora, iv pedes, brachia nulla.
hieroglyphicum amicitiae symbolum est, deno-
tans tres aut plures amicitia junctos unum tan-
tum constituere hominem. Geryon vero hic
unum tantum cur caput habeat, cum alias ex Lu-
ciano & Plutarcho constet, eum tricripitem fin-
gi, causa est è Justino petenda, lib. XLIV; qui
narrat, tres Hispaniae reges fuisse, & vixisse adeo
concordes, ut regnum, quod alias socium non
admittit, non bene nisi ab uno gubernari existi-
marint. In alia quadam domo inscriptio est:

CINTIAE. HONORAT.

FIDELIS. TABULA.

Facies

Facies est affabre facta, cum capillitio elatiore, quali hodie nobiles fœminæ turritam Cybelem referunt. *Grasser. dicit: Solebant antiquitus lautiores dominæ crinem fastigiare, & in summum verticem adstringere, in modum turris. unde Iuvenal. satyr. vi:*

— Tot adhuc compagibus altum

Ædificat caput.

Insuebant etiam adscitos crines, quibus promissi non erant. *Apulejus lib. xi Mil. Adtextis capite crinibus fœminam mentiebatur. Habebant insuper adulterinorum crinium sutiles quasdam formas, quas capiti ut veras adponebant. Firm. Astr. l. 8, c. 7: Appositis alienis crinibus fictam pulchritudinem mentiantur. Tertul. de cult. fœm. Adfigitis nescio quas enormitates sutilium capillamentorum, nunc in galeri modum, nunc in cervicem retrò suggestum. Juvenalis crinem supposititium appellat. Vide Hieron. Epist. ad Demetr., ad Man. Artemidorum lib. i. Clem. Alex. Xiphil. Num autem viris hoc in usu quoque fuerit, relinquo. hodie inveniri qui turpissimis his nugis delectantur, ridiculum est.*

Plures antiquæ inscriptiones non raro videntur in ædibus, quæ dum ædificantur, aut terra aliqua foditur, à fossoribus inveniuntur. earum en aliquot:

Q. Q. N.

Trophimus. Ser.

G. L. N.

C. Valerius Germanus amicus.

D.

Pompejo Homuncioni Patri C.

T. Claudii Abascantiani vix. an. xxii. obitus est Narbonæ. Privin. T. Flavius Abascantius & Claudia Stratia PARÆ.

Y

Q. Monejo

Q. Monejo Verecundo Narbonensi. tribuni militum Leg. VIII Gemol. Ælia Valentina marito B. M.

Lucilia L. filia Secundilla P. Attejus Saturninus uxori rarissima quæ secum vixit ann. xx. H. M. H. S.

Sattia Myrtallis Maximia Calvina marito.

D. M.

Ummidia Cale Felicio pater Cale mater Myrtillus Tata, & Eros conjunx fecer. Vix. an. xvi. m. VIII, d. VIII.

D. M.

Pompejo Pannychi d. l. Ivirius Eutyches & Iunius Triphon T. Geminii F. T. Geminus Titullus patri.

Flaminica Vienna statuas aneas, auratas, cum corpusculis & vestituris basium, & signa Herculis & Mercurii & Castoris & Pollucis, cum equis. D. S. D.

D. M.

Baro Mansvelis. Quarta Ariam matern. fil. Auncio piissimo Deo Nemaus. x. Titullus Persens Horologium & cerulas II argenteas.

D. M.

Primnia Comitilla, quæ vixit an. xx, cives, Mediomatrica, maternus, Nemausus, arator Cos. & Lucius Lucinus, mensor frumenti numer.

Cæsaris minister. Cæsaris corpore custos, ab epistolis, à ciatho, castellaris aqua, Claudia Verna à veste regia, à suppellectili dispensator, Aug. N.

D. M.

Livii Lucrini L. Iulius pecuriaris. liberto optimo & pientissimo.

Et quieti æterna Eutichia filii dulcissimi.

Beryllus. Esse. lib. xx. Nat. Gracus An. xxv Nommas. conjunx vir. B. mer.

I S I S.

SARAPIS. *Vasta Diana Somni H N S. N. VI.*
Et Phalas II Chrysen. C. H. β. GN A. deorum
argentea castrensis domo habebat. item dedicatione
templi Isis & Serapis Deo domibus Nemausen-
sium & ornamentor. singulis xv. ita ut in publico
versentur distribui iussit. inque ejus domus Talen.
H S. N. x. reliquit. Item imaginem Martis argen-
team ex Amnagensib. dedit C. ordo, Bitur.

Si plures statuas videre cupis, cum Abrene-
 theo Rectore canonicum quendam invise, anti-
 quarium & collectorem raritatum. Præter hæc
 in urbe notabis *turrim* (*la tour Vinatiere*) ex vini
 vestigialibus structam; *turrim* item *hoalogii*.

Sed recipiamus nos extra urbem ad monaste-
 rium & abbatiam *Bausille*; ubi monticulus ar-
 gillofus, incolis *Montjouxien*, olim Judæorum
 cœmeterium. pro quolibet ibi cadavere sepe-
 liendo numerabant monachis Judæi certam pi-
 peris quantitatem.

Inde ad templum *Dianæ*, quod appellant *de la*
Fontaine. hodiè monasterium religiosarum est.
 Quod penes fontem exstructum est, videtur
 nomen sortitum. Hoc dignum visu est. Ostentat
 rudera magnis lapidibus ejusdem quantitatis,
 sed sine cæmento interjecto stantibus. Ad sunt
 columnæ, excavata armaria pro positu deorum;
 foramina item è quibus fumus in sacrificiis ex-
 citatus exiit; loca item victimis mactandis, ubi
 cruore parietes tangebantur. Sunt, qui hoc tem-
 plum Vestæ faciunt. sed negamus hoc cum *Poldo*,
 tùm quia Romani templum Vestæ in meditullio
 urbis, ut Vestales virgines in medio populi à
 malefaciendo absterrentur, locare, non ad
 muros urbis, qui huic templo vicini adhuc con-
 spiciuntur; tùm quòd forma Vestæ templi erat

rotunda & circularis, uti Pantheon Romanum à M. Agrippa excitatum; *Polyd. Virgil. lib. IV de invent. rer. c. 14.* hoc verò templum fuit quadrangulare.

Propè abest FONS DIANAË, ob luciditatem & salubritatem celebris, cui tamen Burdigalensem præposuit *Ausonius*:

*Salve urbis genius, medico potabilis haustu,
DIVONA, Celtarum lingua fons addite divis.
Non Aponus potu, vitrea non luce Nemausus
Purior; aquoreo non purior amne Timavus.*

Fons hic lacui similior est. in medio ejus vortex est, sive vorago, in quam si homo vel bestia incidat, periit, quia fundum non habere ajunt. Ex hoc fonte aqua per canalem in urbem ducitur pro usu incolarum, ferramentis ferreis firmatum. per hunc Protestantes ingressi sunt, ut suprà retuli, & noctu urbem occuparunt.

Porro paullulum eundum est, & ab incolis quarendus locus, ubi *echo* suavissimam resonat distinctamque vocem. foramen exiguum est, parumque excavatum, sine ulla profunditate, in pede montis; cui si pronus adponis os, cantans vel clamans, posticâ montis parte singulas à te editas voces, repetitas audient comites tibi præfentes.

In summitate montis proximi *turris* extat; sub qua templum & fons Dianæ subsunt, adpellata *la Tourre-magne*, quod magna fuerit & pro propugnaculo usurpata: aliis *Turris Romana*, quod à Romanis dicitur ædificata, elegantia non mentitur artifices; optica artificia ad situationem urbis facientia notantur, non cuivis obvia. lapidum tanta est durities, ut robustissimus, etiamsi diligentissime operetur, vix totum diem mediæ ulnæ quantitatem de turri hac deicere possit. Ita de

hujus turris robore dici potest, quod legitur apud Herodian. lib. III de Byzantio, qui dicit, eos qui urbis destructionis erant spectatores, æque fundatoris & architecti admiratos fuisse. Hoc in jugo ubi stas, urbs cum circumsitis agris egregio prospectu tibi ostenditur.

Quo facto dimitto te rursus in urbem; & inde in viam primo salebrosam, mox frumento & vino abundantem, ad pontem usque Codonianum (le pont de Codonian) III mill. inde ad opidum Lunellum, medio mill. est; ubi divertimus à l'escu de France. Quod hic videas, fortalitium est, non ita multis ab annis à rege erectum. ingressi hoc sumus, & propugnacula, quæ IV sunt, permissu gubernatoris lustravimus. Ab hoc opido prope abest in campo aperto situm diversorium pont Lunelle, totius Galliæ celeberrimum: per bella vero multum hodie devastatum. Pagi Valergues, S. Brest, Castelnau interveniunt, quàm V milliarib. ad urbem Monspelim venis. Ad portam regiæ erant excubiæ, quærentes de statu nostro; quo intellecto, sclopetisque ibi nostris in custodiam ad exitum usque depositis, intromissi deductique sumus in hospitium au cheval blanc. ubi

— Super omnia vultus

Accessere boni, nec iners pauperque voluntas.

ædium hera licet exquisito apparatu nos exciperet, frequenter tamen,

Et veniam dapibus nullisque paratibus orans, se excusabat.

MONSPELIUM.

VARIA huic urbi affinguntur nomina & derivationes. Alii à monte vicino, olim qui dictus Pelius; alii à moribus puellarum, quæ hec forma

forma interiore & exteriorē selecta sunt, derivant: vestimento induta serico albo, nobiliores manicis longioribus à plebeis discriminantur. *Agathopolin* etiam sunt qui volunt dictam, quasi urbem bonorum hominum, sive bonorum è terra provenientium; quo nomine hic locus dignus. Sita verò est civitas in provincia *Languedoc*; quæ differt ab illa, quæ dicitur *Langue-douy*. ut olim Francia in duo regimina fuit divisa: in linguam *ony*; cuius caput Luteriæ; & linguam *oc*. sed de his *Pasquier in memor. Franc. l. I, c. 13*. Provincia hæc ad occid. respicit montes Pyrenæos, ad merid. mare mediterraneum, ad septentr. provincias *Quercy* & *Averniam*, ad orient. partem *Delphinatus*, partem maris mediterranei. Aër hic purus, calidus & salubris, præsertim iis locis, ubi è mari adscendentes vapores eum non alterant. Proveniunt heic generosiora totius Galliæ vina, in copia sunt perdices & coturnices; triticum optimum cum frugibus, quotidianis apponitur mensis; nec desunt pisces & alia tabulæ condimenta, deliciæ quæ, tam vili pretio vix alibi coëmenda. Ipsa urbs monticulo plusculum elato inædificata est, formâ ovali, muris & fossis munita, quæ tamen deformata novissimâ expugnatione maximam partem jacent dejecta. Quæ in urbe sunt, primum videamus, post quæ extra eam.

IN URBE *plateas* videbis angustas, sed *ades* angustas & elegantes è quadrato lapide, excelsasque, ut arceant intensum radiorum solarium calorem.

Templum inter reliqua, quorum *LXXX* numerarunt olim in urbe, superest *D. Petri*. cuius vastæ moles, columnæ, muri, duæque turres arguunt quid structuræ olim fuerit. Hujus, ut &

D. Victoris, apud Massilienses structor dicitur pontifex Urbanus V, huic urbi faventissimus; quod academia testatur.

Templum D. Virginis conscensum, totius urbis & conterminorum ad Pyrenæos usque largitur prospectum.

Academia anno cIo c LXXXVI fundata ab Urbano V, multum incrementi sumsit à Saracenis huc migrantibus; qui dum essent Arabes, Avicennæ, Averrois & aliorum discipuli, medicum studium heic florere fecerunt; quod apud Hispanos, Italos, Anglos, Scotos, Germanos ubi innotuit, confluxerunt illi ob loci amoenitatem, aëris salubritatem, victûs commoditatem, herbarum multitudinem, doctorumque experientiam; quorum catalogum adjicere nimis longum esset. Sunt iv ex recta linea *Saportæ*, quorum in ultimò denati domo uni eidemque tabulæ singulorum vultus adpicti conspiciuntur:

SACRIS SAPORTARVM MANIBVS.

Ludovico Saportæ abavo, acad. Monsp. Doctor. & Profess. regio, Caroli VIII Francor. Regis Consil. & Medico, postquam vixit Arelatis an. ætatis cxx.

Lud. Sap. Lud. filio, avo, academ. Monspel. Doctor. & Profess. regio Tholosæ postquam abiit ætat. Lxxxx.

Anthonio Sap. Lud. filio patri suo, acad. Monspel. Doctori & Profess. regio & in eadem Cancell. Judici atque Decano, Reg. Navar. Reginaeque archiatro Monsp. postquam vitâ functus an. ætat. Lxx.

Joan. Sap. Ant. fili. acad. Monspel.

Doct. M. Reg. Profess. & Procancel. honoris hunc inanem tumulum piissimum cor. monument. imaginesque auro imbracteatas sibi sæpius exosculandas statui, poni exstruique voluit supremo pietatis officio dulcissimæ Saportarum reliquiæ

Jon. Saporta æt. VIII.

Stephan. Saport. æt. m. xv.

Prodesse non præesse.

*Absite impii ab hoc cenotaphio,
Atque manus procul pellitote
Ividas virtuti, invidas gloriæque,
Neque cessitem vellite de bustis,
Aut felicitum benè memoriam vellicare.
Aliud qui faxit, sacer esto.*

Collegia præsertim sunt occupata medicis, theologia à ministris ecclesiæ docetur; juris studium quiescit, olim à Pacio, qui Valentis Cavarum nobis in visu fuit & usu, celebre. Inter medicos locum sustinuit olim facetus ille Gargantua & Pantagruelis scriptor, RABELAESVS. ejus è lib. VI de vita Thuani prosopographiam adscribam:

Thuanus Chinone hospitium habebat in domo opidi amplissimâ, quæ quondam Francisci Rabelæsi fuit; qui literis Græcis Latinisque instructissimus, & medicinæ, quam profitebatur, peritissimus, postremò, omni studio serio omisso, se totus vitæ solutæ ac gulæ emancipavit, & ridendi artem hominis, sicuti ipse agebat, propriam amplexus, democraticâ libertate & scurrili interdum dicacitate scriptum ingeniosissimum fecit, quo vitia regni que cunctos ordines quasi in scenam sub fictis nominibus produxit & populo deridendos propinavit. hominis ridiculi,

culi, qui totâ vitâ ac scriptis videndi aliis materiam præbuit, memoria à Thuanò & Calignono heic renovata est, cum bellè cum Rabelæsi manibus actum uterque diceret, quòd domus ejus publico diversorio, in quo perpetuæ comessationes erant, hortus adjacens ad ludum opidanis per dies festos se exercentibus, projectum in hortum despiciens, in quo, cum literis operam dabat, libros habere & studere solitus erat, vinaria cella inserviret; ex eaque occasione Thuanus à Calignono invitatus hoc carmen extemporaneum fecit:

Ipse Rabelæsus γελῶν πρὸς τοῦτο loquitur:

*Sic vixi, ut vixisse mihi jocus, atque legenti,
Quos vivus scripsi, sit jocus usque, jocos.
Per risum atque jocos homini data vita fruenda,
Inter amarescit seria felle magis.
Et nunc ne placidos ladan quoque seria maneis,
Cavit Echionii provida cura Dei.
Nam quæ à patre domus fuerat Chinone relicta,
Qua vitreo Lemo vix amne Vigena fluit;
Postquam abii, communis in usum versa taberna,
Latifico strepitu nocte dieque sonat.
Ridet in hac hospes pernox, videtur in horto,
Cum populus festo cessat in urbe die:
Tibiaque inflato saltanteis incitat utre,
Tibia Pictonicos docta ciere modos.
Et quæ musæum domino, quæ cella libellis,
Nectareo spumat nunc apotheca mero.
Sic mihi post minimum vitæ tam suaviter actum,
Dent hodiè ad priscos fata redire jocos.
Non aliâ patrias adeis mercede locare,
Vendere non aliâ conditione velim.*

Rabelæsi pileus & toga adhuc servantur, à nobis visa, rubra, sed obsita & lacera. Cætelanus impiger nobis interpretes erat ad singula. Medicus

creandus Monspeliî septies togam illam induere tenetur: primâ vice, ubi in baccalaureorum censum adscribendus, togâ hac indutus juramentum publicum apud Decanum deponit, pro receptione gratias agendo: quater deinde ubi pro intentione disputare nititur: sextò ubi punctum rigorosum ei traditur: & tandem quando de illo disputare cogitur.

Theatrum anatomicum cathedram admodum vetustam custodit è marmore sine omni ornatu.

De acclamatione novorum Doctorum in promotione, *Vade, & occide Cain*, certi quid adponere non possum.

Professoribus olim magna fuit observantia exhibita; iisquæ, antequam statum esset salarium, in more fuit, ut à studiosis obviam in platea venientibus emptâ aliquâ re, vel vilis etiam pretii, & solidum non excedentis, donarentur: hodiè vero opulentissimi isto auctario non egent.

Quod ad ædificia politica, de *CURIAM*, quæ ex reliquiis palatii regum Majoricanorum, qui urbi imperabant, satis crasso adhuc muro superest. In hac vide *facellum & cameram rationum*. *Sacellum* habet humatos nobiles, qui erant regis officarii, sed à civibus occisi; quæ res movit regem ad seriam in cives vindictam. Inter poenas numeratur, quod Monspelienses, cum magistratus regios crudeliter, convocato per sonitum campanæ populo, trucidassent, potestate pulsan-
 sandi campanas multavit rex, atque id jus trans-
 tulerit ad academiam. *Arnif. de jur. Maj. p. 331. è Nic. Gill. in Hist. Franc.* Accidit hoc ad annum Christi cIo ccc lxxix, quo Duci Andegavensi restitère. erat is regis Caroli V Sapientis frater & vicarius, cives insolitis exactionibus gravans, cum non ita multis ab annis coronæ

Fran-

Franciae cives adscripti fuissent pretio cxx mill. aureorum, per Philippum Valesium VI hujus nominis, anno Christi cdo ccc xlix. *Vide Annal. Franciae. Camera rationum*, quæ similis Parisiensi; in qua redduntur rationes accepti & expensi à Quæstoribus regis in terra Languedocensi.

Magistratus opidanus, qui urbi præfectus est, vi personis constat; quæ sunt, *nobilis, patritius, civis honestior, mercator, opifex & rusticus*. Hi quotannis magistratu abeunt, in curia, penes regum icones, depicti.

Cives in vi cohortes sunt divisi; quarum undecim diebus dominicis, ubi sacra peraguntur, excubias agitant portas clausas. Hæc olim facies fuit: modo cives armis omnibus exuti militem numerosum in urbe in domibus inviti habent numero IIII cdo, cui omnis custodia urbis nomine regis demandata.

Accedit, quod primum visu dignum est, *EXTRA VRBEM, fortalitium*, à rege post expugnationem structum, ut urbi sit instar fræni si resistere occiperet.

Alterum prope urbem quod est, *hortus est regius, (le jardin du roy)*, à rege Henrico IV operâ Ranchini medici anno cdo lxxv strui cœptus. Frontispicio regis insignia apposita, cum hoc lemmate: *HIC ARGVS ESTO, NON BRIAREVS*. Interius primum ambulacrum Henrici IV regis, reginæ uxoris, & filii Delphini ostendit icones & inscriptionem:

UTILITATI PVBLICÆ.

Henricus IV Galliarum & Navarrae rex invictissimus, ut Musis inter armorum strepitus militaresque efflagitationes sua-

sacra restitueret, hæc regiæ in ipsas clementiæ & clientelæ susceptæ insignia ponens, fortissimis Heroibus Henrico Duce Montmorancy Galliæ Connestabulo, Annæ de Levi Duci de Ventadour ac provinciæ hujus Proregi, & Carolo de la Tour Duci de Bouillon ac Galliæ Marschallo gratificans, celeberrimum hoc Medicinæ sacrarium viro rerum anatomicarum & herbariarum professori donavit, perhonorificamque professionis provinciam Richardo de Belleval Doctori Medico imposuit, eique dissectorium & hortum hunc detulit, nec non suatore D. Andrea Huralto D. de Maisle, in secretiori suo confessu consiliario, prosapiâ cunctisque per Europam legationibus clarissimo & de hac provincia meritissimo, post perceptam loci commoditatem summâ liberalitate amplificat, &c. &c. Desunt quædam. Hortus hic regius iv in ordine habet ambulacra, tria ab hoc, quartum ab illo latere, cum his titulis: *Planta quarum in medicina his temporibus maximè usus. Planta odorifera. venenata. umbellifera, spinosa, cathartica, & scandentes, &c. Planta que in clivis, montibus, fruticetis, dumetis & locis nebulosis adulescunt. Planta que in umbrosis silvis, udis, uliginosis & palustribus proveniunt. Planta que in*
aspe-

asperis, saxosis, apricis, & in ipso litore nascuntur. Singulæ ad methodum commoditatis & naturæ rectè sunt dispositæ. Quodlibet horum ambulacrum se rursus in *iv* itiones dispescit. *Simplicia*, quæ vocant, sunt *xii* c*io*; quælibet herba areolis insita, nomine suo catalogo est inscripta, ut inventio ejus tanto facilior sit quærenti. Adsunt ibi fontes salubres & elegantis structuræ. Fornicem ibi notabis, in cujus angulo si vel mussitando quid effers, id alter in altero angulo opposito distinctè percipit, clàm aliis in medio stantibus, & nihil audientibus. Rarum hoc architecturæ est ædificium. Simile quid artis hujus observavi *Mantua* in Ducis palatio, *The dicto*, ante urbem sito: *Heydelbergæ* item in majori arcis atrio, formâ rotundâ structo. Convexitatem puto causam esse, ut echo per arcus repat ad oppositos angulos. Curioso fundamentum rei non est negligendum.

MAGELLONA.

Remotiori viâ ab urbe *ii* *nim.* milliar., sita est MAGELLONA: Equis ivimus ad *villam novam* opidulum, conducti ab hospitis nostri filio; qui noster, ut intromitteremur, erat pararius. In Villa nova relinquuntur equi; ad lacum peruntur navigia, quibus med. mill. trajicitur: sub adventum cave à canibus castelli custodibus; gladiisq; depositis ad arcæ portam, ascende. Gratus noster præfecto arcis erat adventus; affectum oblatione vini generosi signabat. Quæ heic notes, est antiquitas castelli, à mari formâ insulæ circumdati. Olim ejus major amplitudo, ut notæ superstites testantur. Olim etiam episcoporum Monspeliensium sedes & sepulture; testantibus inscriptionibus, quarum

recentissima est anni c LXXVIII. Heic Juriscōsul-
to Rebuffo sua dicitur esse quies. Circumdu-
cebamur à præsidiariis ad fontem falsæ & dul-
cis aquæ, tandemque fabulâ bellæ Magellonæ
heic repetitâ actum signabamus. Stagnum, quod
renavigare opus erat, nebulosis suis exhalationi-
bus olim pestis frequentis causâ fuit; verum ru-
pto aggere nebulæ cessarunt cum peste, ita ut
huic nullus ampliùs heic locus sit.

Si longius Monspelio excurrere voles, sunt
tres montes; quorum, quasi cæterorum caput, est
Mons lupi, iv mill. distans. alter, *Hortus Dei*,
ob amœnitatem & fertilitatem xii milliarium.
tertius, *Mons ceti*, cujus caput, dorsum & cau-
dam repræsentat, iv mill. Monspelio abjunctus.
Hi montes sunt rariorum herbarum & arborum
horti. Ad HORTVM DEI pagus est, in quo PV-
TEVS, ad cujus accessum incolæ adventantes non
admittunt; aut si admittunt, ne quid in eum in-
jiciant, sub pœna monent, propter fulgura &
tonitrua, quæ inde concitari ajunt. Ibid. opid.
Vigand, ubi fontes reperiuntur; in iis aquæ in
saxa, formâ variegatâ & nitore candidissimo,
concresecunt; saccharum existimes candidum, si,
præter usum, visus solus accedat. AD MONTEM
CETI matmora fodiuntur & scinduntur. in jugo
castrum est milite præsidiario firmum. ad pedem
est portus contra incurstationes prædonum Tur-
cicorum munitus.

Tantum de iis, quæ intra & extra urbem vi-
deri merentur: Quoad INCOLAS; sunt illi po-
tissimam partem reformatæ religionis. Cives
complures è Maranorum posteritate ibi in-
venies superstites. Illi enim è Saracenica gente
prognati ita excreverant, ut Ferdinandus Ca-
tholicus anno cloccccxii eos cum cxxv clo
Judais

Judæis ex Hispaniâ ejiceret, quorum reliquias Carolus V pòst expulit. Horum multi in hanc oram venientes jus civitatis obtinuerunt, professione & titulo pharmacopæorum; quæ ars etiamnum heic in flore & magno usu, cum ager circumvicinus variis herbis, fructibus etiam exteris, confitus sit. Copiosa heic crescit *stæchas Arabica*, *thus*, *tamariscus*, *terebinthus*, *rosmarinus*, & alia, alia; unde pulveres, olea, & alia medicamenta conficiuntur. Quid dicam de granis *alkermes*, quæ in Monspeliensi luxuriosissima quantitate colliguntur, & ad peregrinos populos in usus tinctorios exportantur. Quid de ipsa nobili antidoto, quæ dicitur *confectio alkermes*; & ad syncopen, palpitationem cordis, virium instaurationem & alios affectus singulare remedium est? Ista omnia ab experientissimo viro *Laurentio Catelan*, pharmacopæo excellentissimo, disces, coëmes, & asportabis; addet pulveres non unius generis; *dentiscalpia* è *lentisco*, *olea*, & quæ isthic loci rara pluria. Reliqui cives mercaturam exercent & opificia; heic ceræ dealbatio, ibi æris viridis confectio (*verdet* illis) conspicitur; heic vitrorum pictorum, ibi cultrorum & forficum sunt officinæ, alibi è vario ligno lagenæ, doliola & pocula pro discutienda melancholiâ tornantur, alibi culcitæ lanæ texuntur. ad summam, quisque in hoc salubri solo suo operi operatur.

Viso Monspelio & agrè relicto, (singularia siquidem hospitalitatis officia ibi nobis exhibitæ,) iter nostrum perreximus. ad portam sclopetata, sub adventum excubitoribus tradita, nobis reddita fuerunt. Comes nobis erat in parte itineris filius hospitis, usque ad pagum *S. Jean de Bedarx*. Ad sinistram est relictum opidulum *Frontigna-*

tignanum penes stagnum Advaticum sive Narbonensem. Ager hic vini generosissimi muscatellini ferax est, tametsi incolæ leprâ quâdam corripi dicantur. In maritima illa vicinia est pagus *Peru*, ad quem fons dicitur esse, febricitantibus sanitatem, bestiis autem mortem adferens, sanis omni ejus usu interdicto. Itinere hoc porro itum est inter vineas fœcundissimas, è quibus botros insolant & uvas, easque ob calorem solis, quem patiuntur recipiendo, *passas* deinde vocant; & sub vesperam *v mill.* in pagum *LOUPIAN* ventum; ubi in diversorio, *au cheval blanc*, puellæ villicæ nobis obtulêre florulentos fasciculos.

Altero mane *III mill.* perreximus ad fluvium *Eronem*, (*la riviere d' Ernaud.*) naulum pro singulis equis erat duorum solidorum Gall. Ibi prope est opidum *S. Tiberii*, in fertili & amœna planitie situm; cæteroquin parum ibi quod memorem. In devexitate viæ supersunt arcus aliquot pontis, à reformatis destructi. Ad sinistram videtur *Agathopolis*, (*Agde*,) opidum exiguum, nec splendidum, à mari Narbonensi non multum distitum. Isthinc fœcundiori solo *III mill.* ad opidum *Beziers* venimus, pransuri amplo & eleganti in hospitio *à nostre Dame*.

B O E T E R R Æ.

HOc ei verum nomen ex veteri marmore;

M. Junio Philippo Nobiliss. Cæsari Principi juventutis Septimanorum Bœterr.

Volunt aliqui, ob annonæ copiam urbis nomen dictum quasi *bis-terra*. Olim Colonia Septimanorum fuit, sita in colle vitifero. vinum laudat

dat Plinius, in agro Biterrensi proveniens. Agri undique sunt fœcundi; rivi piscibus pleni; opidi structura parum inæqualis: sunt fossæ & muri, arx etiam pro tutamine munita.

Templum cathedrale elatiori in parte positum est ad urbis extremitatem. sub imo pede labitur fluvius *Orgius*, sive *Orgio*, (Massonio sic appellante) mox sese in mare Narbonense mergens.

Hinc ad *templum Iesuitarum* te confer, miraberis in quodam conventûs conclavi fasciatus quasi oculos 1x artificiosissimè pictas tabulas, optica arte ita formatas, ut neminem nisi deceptum dimittant. sunt duo parietes, rimas ostendentes, & ruinam minitantes, armamentarium cum atramentario, cadaveris caput, candelabrum, crux, clavi & murus ligneus. singula visum fallunt, ut vel manu tangere, apprehendere, & rei veritatem experiri velis. Hæc velim ne negligas visu; Patres omni humanitate te excipient, admittent, sed sine joco & risu non dimittent.

Præter hæc videbis alio loco rudera amphitheatri alicujus, & hanc inscriptionem alibi:

VIVIRO AVGVSTALI

JVLIAE C. F. TERTVLLAE

DECIAE T. F. PROCVLLAE

HEREDES EX S. TESTAMENTO.

His visis itum est ad prandium, turdis, perdibus & aliis lautioribus avibus structum, juncto vino muscatellino, & ista omnia, addito vectoris pabulo, XVI solidis Gall. quibus numeratis perreximus itinere jucundo & solo frumentifero ad pagum *Nyffe*. Occurrit in via mons; ad quem vicus *Trente* situs, proverbio Gallico nomen fecit; *l'ay ven d'une montaigne trente & deux villes*; præter vicum nimirum *Trente*, videre potes *Bæterres* & *Narbonam*. Similis jocus natus est in

Italia

Italia apud Bononienses. extra portam in jugo montis monasterium D. Michaëlis situm est ; penes id si areæ instas , videbis centum & tres urbes ; nimirum opidulum , *Cento* cui nomen, *Modenam, Ferraram & Bononiam.*

A pago *Nyffe* monticuli aliqui lapidosi occurrunt ; mox rursus via plana tamariscorum dives, ad fluvium usque *Atacem*, (*Aude*,) sesquimill. à prandio sumto. trajectis vectoribus , (pro singulis 2 solidi solvendi erant,) ad vicum *Coursan*, rursus sesquimill. tendentes , per frumenti feracissimum solum *Norbonam* tandem venimus 1 mill, pernoctatum à l'Ange. Ad portam sclopeti custodibus dantur servanda ad discessum usque.

N A R B O.

Nomen auctores derivant alii à Narbone, provinciae istius Galliae Imperatore ; alii à Narbone fluvio ; alii ab Harbone XII Gall. rege, mutata hodiè litterâ H in N. Addunt varias appellationes. *Ciceroni* est specula ac propugnaculum Italiae ; *Plinio*, Colonia Decumanorum, à militibus x legionis. Ter colonias excepit, ante Jul. Cæsarem, à Lucio Crasso oratore, adhuc adolescente, à Cæsare ipso, & post Cæsarem à Tiberio. Dicta fuit *Iulia paterna* ; quod testatur elegans marmor, è terra effossum anno Christi cIo Io LXVI, nunc ad bivium domus Archiepiscopalis positum ; quod habes legere in *Antiquitatibus Galliae*, pag. 679, & seq.

Hodiè est propugnaculum contra Hispaniam, à qua III duntaxat leucis distat. Opidum situm est ad *Atacem* fluvium, qui secatur eam, & ponte excellenti, domiciliis vestito instar plateæ, reunit. Quâ terram, habet planitiem amœnam
ac fer-

ac fertilem; *Quâ mare*, derivatur ex eo canalis, ad portam ducens navigia & reducens; imò ab urbe 1 leuca in mari constituens portum, à quo navigia dimissis malis per fornices lapideos in urbem deducuntur. Ibi *statis* est navium, ad quam ara sive statua cum hac inscriptione: ANCHISES DE BONONIA F. L. F. I. AN. M D XXV.

Quâ munitionem, ars & natura ei subvenere. Ars profundas ac paludosas fossas, muros firmos & crassos, aggeres, propugnacula & alia munimenta fecit; natura extensam planitiem & paludes undiquaque inaccessibiles addente, ita ut non postrema sit ex hoc puncto inter Galliæ urbes. Ipsa moenia non pauca inclusa habent monumenta & lapides sepulchrales, partim regum aliquot Franciæ, partim priscorum Romanorum, non tamen lectu faciles; descriptu difficiliores, quòd non permillum valla conscendere sine præfati consensu; nedum quædam exscribere, ob vicinum suspectum Hispanum; ideoque perpetuus ibi miles & numerosus Galliæ regis in præsidio; ut finibus Galliæ contra invasionem benè sit prospectum. *Quâ internam opidi structuram*; est ea ad longitudinem magis quàm rotunditatem facta, & mediocris amplitudinis: plateæ satis amplæ; domus verò non superbæ, sed humiles, cacumina sua non in altum erigentes, ob aggeres scilicet urbis altiores, impedièntes extrinsecus ædium visum.

TEMPLVM unicum *D. Iusti*, ut reliqua taceam, heic commendatur; elegans & concinna structura, capacitas & luciditas ei lumen dant; famam verò habet ab introconspiciendis, quæ, præter *organum musicum*, sunt plura Cardinalium, archiepiscoporum & episcoporum monumenta-

menta. Accedit *monumentum Philippi regis* in medio choro, elevatum sculptâ cum statua è nigro marmore :

Sepultura PHILIPPI bonæ memoriæ quondam Francorum Regis filii beati *Ludovici*, qui Perpiniani calidâ febre ab hac luce migravit, III Non. Oct. cIo CC LXXI.

Ibi ante altare majus, tabula è marmore notetur longè pulcherrima, longitudine xv spithamarum, latit. viii. Alio in sacello est tabula, LAZARI resuscitationem representans. nota cada-verosam faciem & putrefacienda membra. Alio rursus, tabula est *extremi judicii & purgatorii*. Singula magni artificii & maximi æstimii. Si è templo *turrim* contiguam conscendere velis, invenes cccc gradus, vel præterpropter, sed non pœnitebit te laboris, ubi ad fastigium veneris.

Supremum ecclesiarum caput est archiepiscopus. ad ejus palatium est lapis sepulchralis, è marmore longo, lato & crasso, sequentia è quo faciliora lectu enoravi :

DO ✠ DO ET ✠ DO. MISER. AN.

E. IM. HOC C. L. I. T. E. ANNO

III. CS. VALENTINIANO AVG.

VI. III K. L. D. XVIII. ANNO

EPTVS RVSTICI & C.

Ex hoc lapide sunt qui sedem archiepiscopalem deducere volunt à Decim. Rustico Agratio, qui olim Joviniano Imperatori à secretis fuisse scribitur, raptus ad martyrium è Comite Constantino cum pluribus Arvernatis anno Christi cccc lxi.

Prope

Prope à palatio abest sub grandi fornice dependens ferrea immensi ponderis anchora, in testimonium, archiepiscopum etiam dominio maris præesse.

Qua profana adificia, est PALATIVM regis in area ad portum, antiquitate magis quàm magnificentia celebre. structorem volunt dare Carolum M., & id evincere Cruce, nigro è lapide, quam pro sigillo ei tribuunt, in uno parietis latere adhuc videndam.

ARMAMENTARIVM regium non longe inde abest; in quo tormenta magna c, & plura.

Olim egregium heic *Capitolium* fuisse, è Sidonio probari potest, sed ejus nulla hodie indicia supersunt; ita vetustas, & exteri hostes Gothi & Vandali, quidquid magnifice struxerant Romani, destruxere.

Amphitheatri rudera in ædibus hospitii ad + albam adhuc comparent. Reliqua omnia delevit posterius sæculum, licet *Narbona* prima omnium in Europâ colonia Romanorum credatur, & propterea Romæ etiam amicissima, ita ut tempore Antonini Pii, (*Iul. Capitol.*) incendio memorabili *Narbonam* affligente, circa annum Christi c XLV, ipsa quoque Roma ccc ædium conflagrationem perpeffa sit; non secus ac ob sympathiam quandam frater unus ex alterius morbo, per se non contagioso, morbum concipere sæpe videtur.

Narbona egressi habuimus ad sinistram montes *Pyrenæos* nive albicantes, & *Aquitaniam* in parte. Illic (*Perpignan*) *Pyrpinianum* est III leucis nobis absitum, quasi portâ incendii & principium ejus, quod olim incolæ isthoc loco ignem subdere cœpère. Isthic sunt *Bearnenses*, *Bigornenses* & *Armeniaci*; de quibus alibi. Heic cum

cum simus in confinio, satis sit pro cautela notasse, ibi gentem esse e colluvie hominum natam, quos *capots* appellant; putarim à penula cucullata; Existimantur maximà ex parte leprosi, ideoque à popularibus & consanguineis fugiuntur, arcentur à frequentia & consortio hominum communi, occupant suburbia, discriminati ab opidis, cum interiùs laborent morbo incurabili, & halitu contagiosissimi fœtoris inficere alios per cohabitationem possint; uterque sexus, licet sequior minus deformitatis in vultu ostendat, eo laborat; viri ad officia publica non admittuntur, imò pro servis in republ. geruntur; opificia tractant lignaria, & omne servile opus faciunt: hæreditas, quam si qui relinquunt in re lautiori constituti, non transit ad posteros, præter mobilia, quæ etiam metu contagii ab hæredibus non accipiuntur. De *Armeniacis* notandum; quòd Ludovicus Gall. Delphinus olim exercitum ex illis legerit 17 c10, eumque ad Rheni ripam eduxerit, ubi ex instinctu Imperatoris Friderici III Alsatiam & Helvetiam graviter adfixerunt; postea ad Basileam omnes ad unum extincti. Iis autem licet alii populi è Gallia, Anglia, &c. fuerint commixti, nomen tamen commune mansit Armeniacorum, qui corrupta voce à Germanis postea nominati sunt *die armen lecken*, fortè à misero eventu.

Verùm pergamus *Carcaſsonam*. Duobus mill. pagus *ville d'Arne* occurrit. Isthinc solo plano opidum *Lexignan* situm est, muris ac fossis munitum. Duo sequentia milliaria amantissimam nobis dedere viam, inter spicam aliasque herbas optimi odoris ad pagum *Mours*. In quo, præter prandium, habuimus in hospitio insignia *Lestwiziana*, nobilis *Silesiæ* gentis. unus ex illis dum

has

has oras periret, ad superos ivit, uti lapis sepulchralis, quem Narbonæ, ubi sepultus est, in diverforio vidimus, testatur. Duobus hinc milliariib. viâ admodum petrosâ & asperâ ad pagum *Berberat*, & fluvium *Aude*; quem, uti & opidum *Treveso*, trans fluvium relinquentes, in planitie fertili, tandem post colles aliquot saxo-
 sos superatos circa vesperam duobus milliari-
 bus venimus *Carcassonam*, pernoctatum an
Lion d'or.

C A R C A S S O N A.

SItum urbis è *Thuano* dabimus cum memora-
 bili de nive historia. ita ille libro xxxvii: *Car-*
cassona duplex, medium Atacem satis amplo inter
utramque urbem spatio interjecto habet. à meridie
ortum versus in colle superior urbs sita est, in eaque
episcopus sedem habet. in ima urbe in plano posita
jurisdictio regia exercetur. Ad episcopalem urbem,
quam vulgo civitatem vocant, rex venerat: ex qua
cum postridie, qui in eid. januar. incidebat, imam
urbem regia pompa ingredi destinasset, nocte, quæ
illam diem præcessit, tanta mole & impetu nix
incubuit, vicinisque adeo montibus, ut eversis ap-
paratibus ad eam magnificentiam exstructis, rex
totos x dies obsessus, diem B. Vincentio festum ex-
spectare coactus sit; quo in ima urbe honorifice ex-
ceptus fuit; & seniores à majoribus accepisse &
in archivis perscriptum esse ajebant, ante cxxiii
annos Mariam Andinam Caroli VII uxorem toto
trimestri à nivibus, vi pedum altitudinem super-
gressa, obsessam, in eadem urbe moram fecisse.

Talis est situs utriusque partis. *La Cité*, muro
 duplici, fossa alta, turribus densis, una porta est
 munita: ad quam, quidquid armorum adfers,
 deponis: extra eam mulier sculpta, loci defen-
 satrix

trix contra Saracenos. Præter *templum Erasmi*, de quo elegans tabula in arâ posita, & *domicilium episcopi*, è quo prospectus in inferiora, nihil est quod te moretur. *La ville* ad radicem prioris, quadratura æquilateri exstructa, muris & propugnaculis, quæ tamen sine permissione non conscendes, non destituta. Si ædificia, quæ lignea & sine ornatu sunt, cum platearum symmetria paria facerent, elegantiorẽ Gallia urbem non haberet: nam vici & plateæ artificiosâ dispositione in longum protensæ à transversis plateis recta linea decussatim transsecantur.

Ita habet inanimata urbs; Qui eam incolunt, sunt cives & inquilini, Gallo-Hispanico idioma te utentes, rem facientes è *panno* isthic loci commendato, & *pectinibus*; hos è vario ligno, cypressi, lentisci, juniperi, &c. concinne formant, & vili pretio adventantibus addicunt.

Sequenti die antequam hinc discederemus, jucundam campanarum sonantium harmoniam, quod in Gallia insolens, audivimus. Via planitie amœna & frumenti ferace nos ducebat *duobus milliariibus* in pagum *Ville seiche*; à quo *unum milliare* distat opidulum *Alzohne*; ubi prandio nos refecimus *à la coupe d'or*. Clivo adsitum est, campis & agris læto, ad amnem *lampi*; dominumque agnoscit *Russium*, præsidem *Carcassonnæ*. Inde i *lapide* opid. *Ville pinte* fuit, & alia loca, usque ad opidum *Castelnau d'Arry*, *III milliari.* ubi sub vesperam divertimus *aux coffres*, mox à nobiliori sequioris sexus triga ad eleemosynam pro reformatâ ecclesia compellati; ita enim in more illis, ut præcipuas ex opido filias ablegent petitum aureis phialis ab adventantibus numos pro pauperibus. Opidum alioquin est satis vastum, multoque populo affluens, & caput Lau-

Lauracensium; moenibus munitum probe, frequentibusque circumdatum molendinis: ædibus structum ligneis desuper despicientibus, angusto spatio sibi oppositis, forma Londinensium in Anglia, ut calorem Solis à via subtus arceant. Non multis miliarib. abhinc distat opidulum *Castres*; ubi extraordinarium sapienti regis decreto Consilium constitutum, quo euangelici & pontificii in re religionis audiuntur & componuntur. Hoc Consilium, sive Parlamentum voces, pari numero Adfessorum utriusque religionis constat in hunc finem, ne, cum in reliquis Galliarum Parlamentis pontificii numero superent reformatos, heic cum pares sint, de incompetentia judicium conqueri possint reformati. Dicitur alio nomine *la chambre impartie*. qualis etiam *Neraci* constituta est. Cum *Castello* abiremus, kal. maji erant. dies serenus nos comitabatur per vicum *la bastide* 1. mill., opid. *Ville franche* 11 mill., ad opid. *Ville nouvelle* 11 mill. Ubi paucis refecti à *S. Pierre*, perreximus 1 mill. ad opid. *Montiscart*, in monte positum; à quo in longum latumque extensa magna sese offert planities, vino frumentoque culta; interjacent pagi *Donneville*, *Cadenet*, *S. Agne*; hos excipit 11 & med. miliaribus

T H O L O S A;

VBi *aux raisins* tutum & commodum nobis fuit diversorium. Urbs hæc *Tectosagum* est metropolis, posita in planitie vino & frumento abundante; omnes reliquas Galliarum urbes, præter *Lutetiam*, populo, divitiis, annona, academia, patribus, post se relinquens. Eam *Garumna*, omnium, qui è *Pyrenæo* fluunt, fluviorum maximus, cursu rapido alluit, ibique parvam insu-

Z

lam

larn constituit. *Pap. Masson.* dicit *pag.* 530; Garumna urbem hanc sive praesidio, sive munimento ita instruit & circumvallat, ut non solum quadraginta aut plures ante ejus moenia frumentarias molas circumagat, sed etiam jumentis & hominibus salutarem potum praestet, & ab ea, ingentibus pene par fluviis, omnis generis merces & divitias Burdigalam usque devehat. Addit *pag.* 502; Varii generis numerosam piscium sobolem & fluminearum alitum dices cupedias macello subministrat Garumna; ab ipso certe amnis capite, donec se in pelagus effundat, tructis, salmonibus, mustellis, murenis, carpionibus, tincis, alburnis, gobionibus, barbis, alausis, luciis, mullis, mugilibus, & aliis id genus piscibus abundans. nec deest accipenser, quem Gallo-Romani sturionem, Burdigalenses *creac* vocant. &, quod spectantium oculos grato virore detinet, & utilitatem non exiguam suavissimae amoenitati habet admixtam, perpetui vitiferi colles illum ambiunt. unde Ausonius:

*Sic mea flaventem pingunt vineta Garumnam:
Summis quippe jugis tendentis in ultima clivi,
Conferitur viridi fluvialis margo Lyae.*

Munimenta urbis sunt murus e lateribus multiplex, fossae item & aggeres. quae Ausonius, in hac urbe literis operatus, hisce completur:

*Non unquam altricem nostri reticebo Tholosam,
Coctilibus muris quam circuit ambitus ingens,
Perque latus pulchro perlabitur amne Garumna,
Innumeris cultam populis, confinia propter
Ninguida Pyrenes, & pinca Gabennarum
Inter Aquitanas gentes, & nomen Iberum;
Qua modo quadruplices ex se cum effuderit urbes.*

Nec

*Non ulla exhaustæ sentit dispendia plebis,
Quos genuit cunctos gremio complexa colonos.*

Interior urbs plateas habet longas, mediocriter latas, puritate commendabiles: ædes è coctili latere grandiorum etiam civium sunt, antiquitatem magis quàm splendorem ostendentes. Publica ædificia ob religionis causam structa, sunt templa & collegia. Sacris generalis præest pastor, archiepiscopus Tholosanus, sedem suam habens in cathedrali templo D. Stephani protomartyris In ejus xysto nota duo epitaphia. alterum ita habet :

Guilielmo Philandro Castiloneo civi Romano eximia eruditione ac doctrina singulari, virtute nobili, scientia claro, pietate insigni, religione non aliena, morum suavitate facili, animi candore conspicuo, sensu erga omnes probo, antiquitatis & architecturæ peritiss., famæque celebritatis etiam exteris noto, qui in studiis literarum multis annis consumtis, dum antiquorum monumenta evolveret, ac se anagnosten illust. CARD. Armeniaco præberet, tandem attritis viribus corporis leni suspirio vitam efflavit. Georg. Card. Arm. fideliss. anagnostæ suo spe futuræ resurrectionis hoc monumentum mœstiss. P. C.

Vixit annos LX.

Fato verò suo functus est x kl. mart. ann.

Do. M D LXV.

alterum tale est :

Z 2

P. Pa-

P. Paschalio, rerum gestarum ab Henrico II Galliarum rege scriptori politissimo, unaque virtutis & Romanæ eloquent. æmulatori præstantissimo, amici mœrentes B. M. P.

Vixit annos XLIII.

Obiit XIII kl. mart.

an. post Christum

natum M D LXV.

Torris templi habet campanam, nomine *Cardeillac*, quæ maximis, quæ ullibi videntur, adscribi potest; continens lō centenarios, quorum singuli constant c l v libris; latitudo, x l i est spithamarum, ambitus xxxvi. Ædes archiepiscopales tenent sepulturam reformatorum laniena Tholosana anno clō lō lxxii mactatorum, inter quos magnum illud lumen Juris fuit JOHANNES CORASIUS. *Thuanus* hæc notavit lib. lII, scribens:

Tholosa major intemperies fuit. nam cum de re Lutetia gesta allatum esset, prid. kal. septembr. die Dominica, qua Protestantes Castanetum ad conciones urbe irerant, continuo portæ clausæ sunt, cautumque sedulo, ne quis exiret, libertate in urbem redeuntibus concessa. multitamen ex iis, qui exierant, recognita, in urbem redire noluerunt, & inde Podium Laurentii, Montalbanum, Regium montem, atque alii aliò migraverunt. Biduo post publico præconio edicitur Senatus auctoritate, ne cui ex Protestantibus vis aut molestia fiat. Postridie dispositis per portas urbis & compita stationibus; suspecti pars per cœnobîa distribuuntur, ceteri publicis carceribus includuntur. aliquot post dies sub Delpechii & Madronii, opulentorum institutorum,
sed

sed Protestantibus summè infestorum, ex aula adventum, in carcerem Palatinum omnes conjecti sunt; ubi mox noctu, immixtis sicariis, ex eorum præcipuè numero qui juris civilis scientiæ operam dantibus imministi gladiatoriam in ea urbe faciunt, inter quos excellibat Turrius, & aliis perditæ vitæ hominibus, ad cæ crudeliter trucidati sunt, & in iis aliquot Senatores, atque inprimis Joannes Coratius; qui postea immanitate geminata ad ultimum in area Palatii, Senatorio cultu suspensi sunt. corpora deinde casorum in fossa in adibus archiepiscopalibus excavata terræ mandata.

Alterum ab hoc templum S. Saturnino consecratum est. Interior structura habet columnas lapideas numero LX, in quinque fornicum ordines eâ positas serie, ut nemo in ullo templi angulo se occultare queat, quin desuper globo vel lapide quovisve telo petatur. ex hac structura templum ab omni expugnatione immune est. juvant tormenta bellica exterius summitati urbem versus imposita pro arcendis conatibus, si qui oboriri possint, adversariorum. Præter defensionem hanc commendatur à sanctitate; dicuntur quippe VIIII potissimum Sanctorum corpora ibi humata, quorum icones & inscriptiones sunt; Exuperii, Barnabæ, Philippi, Iacobi Minoris, Iacobi Majoris, Iudæ, Simonini, Saturnini.

Omnia perfectum quodvis si dicitur octo,

Hoc sibi præ reliquis vendicat iste locus.

Octo cui faciunt præsentia corpora Divinæ,

Cætera perfecti cedere templa Dei.

Præter hos sanctos sacrificuli de aliis adhuc gloriantur per Carolum Magn. & alios Duces & Principes eò devecis. Ad summam, narrant, tantam illius templi esse sanctitatem, ut nullum

corpus in ambitu ejus aliquo humari possit, quod, nisi sancti cujusdam fuerit, à terra mox rursus non evometur & ejiciatur. Hinc antiquis litteris isthæc ibi legitur inscriptio:

Omnia si lustres alienæ climata terræ,

Non est in toto sanctior orbe locus.

Præter hæc ungues gryphi tibi ostendentur.

Pòst ad *Cordigeros* itum est in hypogæum arcuatum, cui pars templi inædificata est. Ibi inter cadavera erecta, membris integra, cutibus tecta, interitum putredinemve nescia, monstrarunt nobis lectissimæ olim apud Tholosates formæ virginem *Polam*: Frater ordinis face accensa præibat, quæ, ubi inter media cadavera, distantia binarum ulnarum sibi opposita, & ab utroque latere sibi contigua, staremus, extinguebatur. exitus inde non sine horrore fuisset nisi fax revixisset. Putant abdita quadam facultate fieri, ut cadavera non putrescant ibi reposita; unde loco nomen *paradisi* & *campi Elysi* aliqui dedere.

Templum *S. Mariæ d' Auvade* olim Jovi sacratum fuit, in quo sub specie arietis ipsum incolæ coluere.

Templum *Iacobinorum* habet ad altare majus feretro orichalceo inclusa angelici Doctoris ossa, *Thomæ Aquinatis*, quem in Italia in cœnobio, quod Fossam novam dicunt, situm intra *Piperinum* & *Tarracinam*, exspirasse dicit Martyrol. Romanum. Ibidem seni cuidam multorum annorum tale epitaphium lapidi ad terram inscriptum leges:

DEO Opt. Max. S.

Siste viator parumper & audi. Ademarius Mandinellus ætatis cxx an. vixit cum

cum Margarita fida conjuge an. LXX. susceptis ex ea XXIII liberis. Ademarius Mandinellus fil. obsequentiss. patientiss. & matri dilectiss. fratribusque cariss. ex voto posuit. Hoc te volebat scire. Vale, & ora.

Obiit anno MD XLVII,
mense januario.

Templum *Augustini* commendabile est à sepulchris *Guiennæ Comitum & Principum*, nec non *Petri Fabri*. In sacello quodam hæc disticha leguntur :

Ligna reponere focis, flammis super addito flammæ :

Frigida flamma tua est, quæ meliore calet.

Est sacer ille locus ; videas, meditare parumper,

Quid facias ; Christus cordis opaca videt.

Peristylia ampla sunt, columnis undique marmoreis fulta.

Visis templis collegia videantur; quorum aliqua occupant *Academici*, aliqua *Iesuitæ*.

Academici originem sui *Doctoratus in Jure & Theologia* cœpere anno cdo cc sub Pontifice *Innocentio III* : auctiores facti privilegiis sub Pontificibus, *Joanne XXII* circa ann. Christi cdo ccc xxiv, & *Innocentio VI* circa ann. cdo ccc lviii. A studio *Juris academia* maximam ducit famam; testantur amplissima duo *Juris collegia*, adhuc hodie quæ supersunt, & mille pluribusque auditoribus locum faciunt. hoc vero nomine sunt famosi, & nihil minus quam studiosi, qui nescio qua insolentia non solum cives suos aggrediuntur, sed & externos adventantes exuta omni verecundia ob nescio quas eleemosynas molestant. Cùm heic essemus, ex compo-

sito cum duobus egerant in diversorium nostrum ablegatis, qui litibus & jurgiis de numis aliquot non solutis, inter sese mixtis, auctores esse turbarum debebant, ut dein excitato evaginati gladiis tumultu, reliqui, quæ platea vicina omnis oppleta, accurrerent, & hac occasione expilationi peregrinorum fenestra aperiretur. duo isti intra portam hospitii lites occipiunt; quorum conatus priusquam in flammam irent, hospes, vir apertus & peregrinorum amans, mox in cineres posuit, alterum benè dedolatum ad sanguinem usque porta ejiciendo, alterum sponte sua fugientem domo excludendo, ita ambo cum reliqua facie foris præstolante frustra erant, nosque quieti hoc pacto redditi. Est igitur quod sibi quisque caveat; nam illud, *le bien venu*, tantum abest ut honestè petatur, ut & vi extorqueatur, omnesque peregrinantium viduli excutiantur. horrendum dictu! in tali urbe, ubi justitiæ ergo Parlamentum magnus rex constituit, dignius esset, Inquisitores, quorum domus penes Parlamentum est, in id incumberent, ut inquisiti rei, cum nulla pinguior victima possit mactari Deo, ad supplicia traherentur; cum illi-
citas exactiones & violentia factas, prohibere debeat præses provincia. l. 6. de offic. præsid. congruit enim, inquit Ulpianus, lib. 13, cod. tit. bono & gravi præsidi, curare, ut pacata atque quieta provincia sit, quam regit; quod non difficile obtinebit, si sollicitè agat, ut malis hominibus provincia careat, eosque conquirat; nam & sacrilegos, latrones, plagarios, fures conquirere debet, & prout quisque deliquerit, in eum animadvertere.

Iesuitæ amplum & insigne occupant collegium, cujus porta in marmore talem ostendit inscriptionem:

Hanc

*Hanc Capitolini Proceres, autore Senatu,
Virtuti Musisque dicant feliciter adem,
Auspiciis, Henrice, tuis: Et limine parvo,
Hinc belli lauros, hinc longæ pacis olivas,
Fortunæ monumenta tuæ immortalia penunt.*

*Ædificia ob justitiam conspicua, sunt Curia
Parlamenti, & Civica.*

*Parlamentum eo loco, quo olim Capitolium
fuit situm, amplitudine magis quàm splendore
conspicitur: rudera ejus, ut & theatri, licet ob-
scura, supersunt. Sidonius Capitolii Tholosani
hanc facit mentionem lib. IX, ep. 16:*

*Equibus primum mihi psallat hymnus,
Qui Tholosatum tenuit cathedram,
De gradu summo Capitoliorum*

Præcipitatum.

A Romanis Tholosates habuere jus Capitolii,
quod paucis aliis contigit. Parlamenti ante do-
mum superest antiqui operis Romani statua, ho-
minis caput & pectus ostendens, literis deletis.
Olim præter Parisiense, Gallia nullum habuit
Parlamentum; sub Philippo verò Pulchro rege
anno c15 ccc xx erigi cœpit hoc Tholosanum,
quod sub Carolo VII suis legibus & privilegiis
postea adimpletum est. *Pasquier l. 2, des recherches
de France.* unde merito huic à Parisiensi secundus
locus inter Parlamenta datur.

*Curia Civica, quam Capitolinum vocant, armis
ad portam depositis intratur; ita enim armata
civium custodia jubet. Ædificium planè novum
est, è quadrato latere structum. ambitus inferior
fornicata ambulacra ostendit, cum Capitolinorum
imaginibus & nominibus; mox in porticu aræ
Caroli IX effigies; Eminentiori loco Henrici
Magni statua est, cum effatu:*

Henrico Magno pacis causa armato,

Z 5

publi-

publicorum ædificiorum magnique patriæ operis restitutori; magna Tolosa, regni olim alterius caput, regnum quæ Franciæ augere maluit, cum patris & suis sub pedibus regiis suorumque hinc inde Capitulinorum insignibus, insignique subactorum amante animorum & faucibus mali ereptorum nota, hoc opus debuit, dicavit, cIo Ioc VI, cIo Ioc VII.

Introitus Cameræ, ubi Capitolini consulunt & judicant, hunc habet versum:

*Tectisagum hic locus est, ubi sacra oracula
census,*

Temporaque adflctis dat meliora salus.

Parietes areæ habent Catharinam & Mariam virgines cum versu:

*Eligit octo viros urbs Catharina quotannis,
Et stringit nodi relligione sacri.*

Item:

Pallas Romanæ Tritonia præsuit arci;

Alma Tolsana virgo præest Maria.

Excellunt urbis tantum Capitolia nostræ,

Excellit quantum Pallada virgo parens.

Iidem parietes emblemata pictum ostendunt, referens formam bonæ reipublicæ: Sunt iv mulieres, habitu, colore, cultu à se discriminatæ; altera iustitiam fingit; altera animum, dextra mallem, sinistra turrim tenentem; tertia facie peregrina est, dextra scipionem, sinistra sacellum tenens; quarta circino, cynosura & amussi decorata est:

Prima vivis mores format, struit altera muros,

Hospitium foret hac, sunt huic commercia cura;

Patria sit cælum. Vestris submittere tectis

Hæc

Hoc iuvat, obsequio si perturbatis honorem.
 Nec insuper habeas heic loci armamentarium,
 cum inscriptionibus, quas festinando enotare
 non potui. Est Ludovicus XIII rex equo insi-
 dens, prosterbensque rebellionem vultus furia
 infernalis, cum his verbis:

Erit hæc quoque cognita monstris.

CLIO IO CXV.

*Thuanus in princ. lib. xcv dicit: Magistratus opi-
 danus, quem Capitolatum vulgò vocant, constat
 VIII viris; à quibus ad Senatum provocatio est.
 præterea, cum res magni momenti incidit, comitia
 urbis Ordinum cogunt, &c.*

Senatus hic merum mixtumque habet in ci-
 ves & subditos imperium, quod rarum in Gallia
 reliqua; exercetque in civilibus & criminalibus
 iudicium; unde inquisitionis & torturae conclave
 non longè abest.

Ædificia ob civium utilitatem, sunt PONS &
 Molendinum. Pons peditibus, non equitibus, ne-
 dum curribus Garumnæ perviam faciens, li-
 gneus est, in parte & saxeus, tectus superiori
 parte, clavisque ferreis combinatus, ut ultrò ci-
 troque utramque in urbem sit meatus. Molendi-
 num, LE BASACLE dictum, inter IV miranda
 Tholosanum unum est; reliqua tria sunt TEM-
 PLYM SATVRNINI, bellissima virgo POLA, pe-
 ritissimus apud Tholosates fidicen MATOVLIN.
 Molendinum istud aquaticum non procul à na-
 vigiorum statione Garumnæ inædificatum est
 novo planè artificio: XV sunt hydromylæ, ordine
 sese invicem sequentes, uno ligneo ædificio con-
 clusæ; lapides molares sive catilli è multis saxeis
 fragmentis affabre junctis constant, circumvin-
 cti ligamenti ferreis; singuli pretio aliquot

mille aureorum addicuntur. Tympana & rotæ magnæ ab aqua non circumaguntur, verum rotunda castella, doliorum instar, fundo sunt inædificata, in quæ subsclus ferrea, molam sustinens, erecto positu descendit; cujus infimæ parti pinnae sunt infixæ, quæ impetu aquæ per canalem desuper eò ductæ impelluntur, & hac circumgyratione subsclus ferrea, cui lapis molaris incumbit, circumgyratur. Cum opus novum reliquæque Galliæ incognitum sit, dignum est visu. nobis honorifica commoditas hoc & præcipua utbis ædificia videndi contigit per nobilem virum *Pierre de Thomas*, regis Quæstorem, qui duobus pientis comites mecum circumvehebat ad præcipua intra & extra urbem loca. non sufficiebant domestica ejus, non publica in urbe; addebat suburbanos hortos, tuliparum ubi xenia singulis donabantur. verè dico, excedebat ferè hospitalitatis jura; nec, nisi abitu prævenissemus, alienus erat ab opiparo apparatu; & hæc omnia nobis per recommendatitias Dominorum *Solli-glosserorum*, Massilia adportatas.

Tholosægressi, amœna planitie & vitifera pagos habuimus *Gafelaxe*, *Bourguieres*, *Masseribant*, *Bouloc*, & vicum *Fronton*, 111 mill. cum medio; ubi prandium à *nostre Dame*, sine omni apparatu & ornatu. Inde per pagos *la Bastide*, *le Clou*, *Brexolles*, qui ultima obsidionis *Montalban*. ostendunt vestigia, sub vespèram pluvioso & tempestuoso coelo 111 mill. ad opidum *Mont albanum* deverimus, commodum nacti diversorium à *S. Jean*.

MONTALBANUM.

ANtequam urbem ingrederis, pons sublimis, & altius à subtus fluente *Tarni*, tibi superandus,

dus, totus è còcto latere. *Tarnis* fluvius is est de quo *Cæsar* ait ; *Tarnoque amne discreti à Tholosatibus Petrocorii* ; & quem *Ausonius* auriferum vocat. A Cevennicis montibus perfluens, tanto strepitu & fragore inter confragosa rupium & saxorum loca. per *Gabalos* (qui vulgò *Gavax* in patria dicuntur) cursum dirigit, ut torrentis instar vicinis & terrorem & offensionem pariat. tandem latior & lenior per *Ruthenos* in *Milialdum* ultimam ejus regionis urbem se demittit, accepto priùs apud *Montem album* exiguo amne *Tescuno*. *Tarnis* abundat luciis, barbis, alausis, vaudosis, aliisque suavissimi succi & saporis piscibus. *Sidonius* in protreptico de *Tarne* & piscibus ejus loquens sic ait :

*Hinc te Lesora Caucasum Scytarum
 Vincens aspiciet, citroque Tarnis
 Limosum & solido sapore pressum
 Piscem perspicua gerens in unda.*

Situs urbis est in colle fertili & vitifero, tantaque soli ejus est ubertas, ut cum feracissimis possit contendere. unde *Masson*. appellat urbem divitem, populosam & egregiè munitam, & salubrem tabidis, ut medici ajunt. nam *FONTEM* mirandæ scaturiginis habet, decem protendentem epistomia, è quibus aqua largiter in usus inhabitantium profilit; quod unum est in urbe notandum. Alterum est *ACADEMIA*, non ita multorum adhuc annorum, in qua regiis sumtibus & munificentia viri docti suis incumbunt laboribus.

Extra urbem præcipuè notanda sunt portæ & ad stuporem facta munimenta, cum suis semilunis & cornutis operibus. *Portæ* sunt VI ; *propugnacula* VII, singula suis distincta nominibus ; quæ heic cum ultima regia obsidione defor-

deformare non licet : retriores obsidiones legantur apud *Thuanum lib. xxxiii* & alibi.

Continuemus iter nostrum. Postquam heic unam noctem fuisset, altero mane cum Consule equos conscendimus, valla & omnia circumposita munimenta, cum locis ubi castra regia fuere, lustraturi. quo facto, ad prandium; ab hoc ad iter itum est. Antequam cedis, forpiculas & cultellos elegantioris formæ, qui heic fiunt, cœmere potes.

Solum non solum frumentum fert, sed & vinum generosum. intermixta sunt querceta ad pag. *la Palliole*, 1 mill. ubi sterilior pergit terra aliquam viæ partem; mox latiora vineta ad pagum *Fond de l'estoile*; mox campi prunis confiti eleganti ordine, & via jucundior ad fluvium usque *Tarnin*: qui trajiciendus pontone, ponte per Montalbanos destructo & exusto; naulum singuli equi solvunt duos solidos. à trajectu ad opidum *Moissac* sub vesperam trans *Tarnin* situm venimus 111 mill. pernoctatum à *l'escu de France*.

M O I S S I A C V M.

POstrema urbium, quas *Tarnis* irrigat, est *Moissiacum* opidum, quod non solum *Albien-*sum factio afflixit, sed *Anglorum* flammis & rapinis prope eversum jaceret, nisi post fugatos tota *Aquitania* hostes illos, & ab incolis qui supererant, & à vicinis populis instauratum fuisset. Nunc enim non inter ignobiles (dicit *Masson*.) *Cadurcorum* urbes habetur, opulentoque *Benedictini* Ordinis cœnobio illustre est, in quo *D. Cypriani* quies & sepulchrum. Cives mercaturam exercent, vario frumento, vino, oleo, croco, lana, sale & piscibus.

Non longè ab opido hoc & intra primum lapi-

lapidem Garumna Tarnis aquas invito similis intercipit, semper turbidas & veluti flavas propter ripæ & soli argillosi naturam, à quo hujusmodi colore suffunditur; adeò ut Garumna limpidiores aquas vehens Tarnim refugere & fastidire videatur, & per milliare & amplius ab eo diverso tramite & ex obliquo fluere cernatur, ne vitreus & lucidus impari admixtione sordescat. Sic Tarnis à Gabalis perpetuum cursum usque ad Aginnates agit. *Masson.*

Moissaco abeuntes penetravimus pagos *la pointe de Moissac* & portum *Malansium*; ubi Tarnis sese Garumnæ undis commiscet; *Pomovic* item, relictis ad fin. *Obelar* opido, & *Godorville* arce ad dextram; Inde opida *Valence*, *Golfets*, & *pons de la Bargalone* sunt, amni superstratus, non procul inde in Garumnam defluenti. *La Magistere* pagus, quem Garumna alluit, nos prandio excepit à *la poste*, III mill. & medio confectis: heic prandio opiparis piscibus è Garumna recollecti, per ignobiles quosdam pagos *l'Esperre*, *Mary*, ad arcem & pagum *la Foy* accessimus, relictis hinc inde in summitate collium arcibus; subque vesperam amœnissima planitie, quamvis pluvioso cœlo, ad urbem *Aginnum* II & med. mill. devenimus. hospitium, quo pernoctabamus, insigne habebat *S. Francisci de la grande barbe*. hospes interdiu cum hospitibus agebat, noctu cum custodibus in carcere ob æs alienum.

A G I N N V M.

Garumna *Agianum* Nitiobrigum urbem episcopalem (episcopus hic archiepiscopo Burdigalensi subest) fœlicibus glebis præstantem fœcundo lapsu stringens fatiscientibus pene horreis locupletat. Et quidem commendatur Aginnens-

nensis provinciæ præfectura & prætorio regio,
 nec non memoria Phæbadii veteris episcopi,
 cujus meminit D. Hieronymus, (inquit *Masson.*)
 Extant adhuc medio in flumine prope urbem
 insignes pilæ lapideæ, quæ antiquitus ibi pontem
 erectum & magnifici operis vetustatem testan-
 tur. Hæc civitas sita est in regione pulchra, amœ-
 na, pingui ac fertili, judicataque una ex ditiori-
 bus & uberioribus Aquitaniæ totius, quod eam
 irrigent tres amnes, Oltus, Duranus & Garu-
 mna: estque posita in patentibus & latissimis
 campis. Videamus quid de ea Julius Cæsar Sca-
 liger scribit, qui Aginni domicilium sedemque
 studiorum fixit, episcopi Aginensis de gente
 Roverorum liberalitate adductus: *Agennum opi-*
dum est Aquitaniæ, ut incolæ jactant, princeps.
Ceterum neque historiarum, neque ullius memoriæ
fide, ea fama illustris est. Nominis umbra modò
Ptolomæo & Plinio, si tamen Agefinates iidem
sunt, nota. Ager ubertate soli incertum est profit-
ne magis incolis, an officiat: ita annonæ spe suspensi
omnia munia, non civilia solum, sed rustica quoque
negligunt. Propterea animi cultui minus student.
Si quis tamen ad literarum studia sese applicat, lu-
cro illectus agitur eam in partem, cujus ope fortu-
narum suarum promoveat gradum. Id unum heic
intuemur, ut acceptum patrimonium ampliore censu
faciamus. Et ne unus quidem liber venalis habetur,
præter JUSTINIANI proventum, & Grammatices
rudimenta. Per octoginta amplius miliaria ab ex-
tremo usque orbe mihi petenda fuit interdum bi-
bliotheca, Basilea, Florentia, Venetiis atque Roma.
 Hæc de Aginno Jul. Scal. tradit in orat. pro
 M. Tull. Cic. contra Ciceronianum Erasmi: nec
 à vero abest; nam clerus, ni fallor, Augustinia-
 nus, apud quem extat sepulchrum Scaligeri, alie-
 nissi-

nissimus erat à Latinitate ; quid existimarim de plebe opidana? Ostendebatur nobis cranium nudum Scaligeri, acuto occipite & in rotunditatem protenso ; nec non sepulchrum cum inscriptione :

JVLII CAESARIS SCALIGERI

QVOD FVIT.

Imo fuit omnis illa Principum gens Veronensium. Non possum, quin è *Thuanò* hæc adjiciam, lib. XXI : *Julius Caesar Scaliger*, anno ætatis LXXV *Aginni in Nitiobrigibus*, ubi uxorem duxerat, decessit : *vix*, quo superiorem antiquitas vix habuit, parem certe hæc ætas non vidit. nam ut nobilitatem omittam, de qua inter omnes constat, ingenio, animi & corporis robore simul omnes æquales suos facile superavit. Prima adolescentia militaribus muniis obeundis maxima cum fortitudinis ac solertia laude decursa, & , quamvis sero ad studia applicato animo, tamen ingenii felicitate tantum profecit, ut ad exactissimam omnium philosophiæ partium scientiam, etiam linguarum, Græcæ præsertim ac Latine, summam peritiam addiderit, atque in iisdem usum sive pedestri, sive numeris adstricta oratione scriberet ; quo in utroque genere excelluit. Hic vir divinus cum veteribus comparatus, cum nemo unus esset, qui eum, sive ingenium, sive fortitudinem spectes, exprimere posset, *Xenophonti* & *Massanissæ* citra vanitatem componi meruit. Ex *Andieta Rupia Lobejaca*, nobili femina, cui annos XIII nata jam provecta ætate nupsit, plures liberos sustulit ; ex quibus ultimus fuit *Iosephus Iustus Scaliger*, &c. quem fuso elogio vivum ibi *Thuanus* prosequitur, mortuum verò humat *Lugdunum Batavorum* in templo Gallicano. Monasterium, in quo *Julius C. Scaliger* quiescit, squalidum est & incultum, præcipuè à fratribus igno-

ignorantiæ, Prisciano infensis. *Iesuitæ* tamen hanc urbem non insuper habuere excolendam. eorum collegium non ignobile ingredi tibi liberum.

Urbs hæc olim *appennagii* loco Reginae Margarethæ, divortium à qua Henricus IV fecerat, data fuit, quæ redivitibus ejus fruebatur; nunc ditioni regis restituta.

Olim, anno *MDLXXVIII*, hac in urbe, mense *Julio*, tripertita, quam vocant, camera, juxta edicti *Bergeraciani* *XII* caput, instituta fuit; *XII* consiliariis & duobus presidibus, altero majorum religioni, altero Protestantium doctrina addicto, constans; quæ ita jus diceret, ut tertia pars in singulis judiciis ex eorum numero esset, qui Protestantium doctrina addicti essent. *Thuan.* l. *LXVI*. Idem l. *LXXIV* ait: Post delecti judices ex *Senatu Pariensi*, *Petro Seguierio* Praside, qui loco tripertitæ decuriæ, ex *Senatu Burdigalensi* *Aginni Nitiobrigum* ante triennium instituta, de Protestantium causis juxta *XI* caput collationis *Flexianæ* cognoscerent; quorum ex numero tunc sacri ordinis Senatorem se fuisse, ibi confitetur *Thuanus*.

Aginno discedentes, solo admodum pingui, juglandibus & vino divite, duobus milliar. ad *opidul.* *Clairmont* has devenimus, sic dictum ad discrimen alterius in *Limania* siti, de quo infra. Medio mill. inde portus *S. Maria* distat, opidulum colli vitifero impositum, pro muris vites ostendens, quibus mœnia vestita undique sunt. Ante opidulum prægrandis mons vitibus prægnans conscendendus nobis erat, è quo ad sinistram subjecta planities, vineis, pratis, hortisque discriminata, singulari quodam adfectu conspici potest: nil dixerim de opidis, vicis & pagis hinc inde sparsis. Duravit iter in monte hoc me-

medium mill. ad pagum *Aspelais*, cui arx adfita. Inde ad opidul. *Aisguillon* med. mill. progressi sumus ad prandium *à la croix blanche*. Opidum olim celebre ab irrita Joannis, postea regis Francorum, tunc Ducis Normaniæ, xiv mensium obsidione. Paret vidux Ducis Maynii in obsidione ultima Montalbani occisi. Incolæ Reformatis ex hoc puncto maximè sunt infensi, pontificiæque religioni addicti. Heic ad vitæ sustentationem nihil desideres; vinum, frumentum, pecudes, pisces sunt in abundantia; & hi ex *Oldo* (*Loth*) fluvio, qui mœnia Aguillioni lambit: Ubi trajectus fluminis, soluto medio solido pro equo, factus, continuatum iter est ad Garumnam, per pagos *Nicole*, *Heiget*, uno miliari, ad *Tonen-sium* urbem, nuperis bellis per Ducem Elbœusium in cines & rudera redactam, ita ut nec urbis portæ alicujus extent vestigia vel situatio. Mox fluviolus *Toussac* trajiciendus; à quo per pagos *Hougerolles*, *Longeville*, *Coignos* 11 mill. via, ipsa amœnitate amœniore, pernoctatum venimus in opidum *Marmandam*, diversati apud 111 reges, & benè habiti, modò glirium multitudo nos in parte à somno suspensos non tenuisset.

Ad ingressum opidi, quod in colle jacet ad Garumnam, prope portam, saliens fons est, tribus æneis fistulis aquam salubrem, è vicina vinea adductam, ejiciens. Quod in opido notes, vix est; ædificia nullo nomine laudari merentur. De civibus hoc habe, quòd contra regem Guisianis adstiterint, numerosas equitatus turmas domibus suis foventes. A commoditate loci & planitie campestri facile opus factu qua com meatum qua pabulum. Heic Garumna accessione Oldi fluvii intumescere primùm occipit, sentiens æstum Oceani Aquitanici, reciprocantem sin-
gulis

gulis vi horis ; de quo apud Physicos digna quæ videatur est materies.

Hinc altero die *sancta Basilie* opidum attigimus, i milliari; & per pagos *la Motte*, *Montgaude* ad *Regulam urbem* (*la Recolle*) atque monasterium opulento Benedictinorum cœnobio notum, pransuri à la poste, venimus. *Massonius* ex *Aimonio* ait : Monasterium *Regula* in honore principis Apostolorum Deo dicatum in monte est positum. Qui videlicet mons à tribus lateribus, Orientali, Aquilonari & Occidentali, aliis cingitur montibus, à meridie *Garumna* vallatur flumine, periculoſoque vallis voragine : ab Oriente inter ipsum & alterum montem vallis existit perangusta, per quam fons meat, quam incolæ *Mosellam* nuncupant. Simili modo ab Occidente alterius fontis rapido alluitur cursu, cui *Mosan* nomen est. Hæc nomina à Francis illis imposita æstimantur, qui à *Carolo Magno* ad tuitionem provincie ibi relictæ sunt. Non longè quippe ibi abest palatium ipsius magni Principis *Casignogilum*, sed quasi tribus milliariis. In quo idem Imperator uxorem suam, *Ludovici Pii* matrem, gravidam reliquit : dum contra *Saracenos* expeditionem in *Hispaniis* ageret, &c.

Dimidia leuca à *Regula* fuit parvus amnis, *Drot* vulgò dictus, non longè à vico *Girunda*; qui trajiciendus pretio i solidi pro equo. Hinc finistrorsum *Vasate*, (*Bazas*), patria *Ausonii*, relinquitur, pergendo ii leucis ad *D. Macarii* opidum, ubi *Garumna* Oceani æstuantis fluxus & refluxus vehementiores suscipit, bisque intra xxiv horas undas evomit suas & reſorbet : sic progrediens duobus ab illo municipiolo milliariibus collem testaceum subter Basilicam parochiæ *sanctæ Crucis*, prætervehitur, in quo innumera ostrea, vacua quidem, sed vera & genuina, reperiuntur.

riuntur. Trans Garumnā à læva *Alingonis portus*, (*Langon*), ultima Vasatensium urbs cum arce prætermittitur, genti Candalliæ parens. *Barsac* vicus ad sinistram, *le port de Viole*, pagus in colle, cum arce ad crepidinem fluvii, & *Loupiac*, videntur, priusquam i *milliar.* ad *Cadillacum* *Espéronii* domicilium devenitur. heic cœna à nobis amœno admodum ad Garumnā diverforio extra opidum sumta, cui nomen *Bigin*, ubi angariæ sunt.

CADILLAC,

Opidum muris ac fossis satis constat; verum ARX magnifica, qualem omnis reliqua Gallia non habet, ipsi famam dat & adventantem allicit. *Situm* si spectas, amœnissimus lucus ab altera, ab altera fluvius Garumna est: Si *structuram*, certè regium vel me tacente est ædificium. Videamus hoc & ei connexa:

Foris, fundamentum è quadra basi durissimi lapidis surgit ad fastigiatum tectum, sub se quatuor habens contignationes, fenestris pari distantia sibi respondentibus decoratas. Ubi ædificii summum est, amœnissimus in subjacentem provinciam patet prospectus: muri supremi plumbeis laminis induti, erosionem ædificii, quæ per fluvium fieri assolet, impediunt; videas ibi canales plumbeos pluviam receptam deorsum evomentes. Ubi ingressus fueris arcem spatiosam, videbis excavatum marmor sinu suo excipiens vivam aquam per canales è fonte eductam: cujus ambitus xxxv pedum, diameter vii i asseritur. *officinam* angulus aliquis habet, in qua è *Pyrenæis* marmora xxv leucis huc adportata, ferris non dentatis finduntur, ædificioque accommodantur.

INTVS,

INTVS, ipsum ædificium verè magnificum, *conclavibus* LX numerosum, & regio adparatu videndum: numerare licet XX *caminos* è marmore variegato & sibi dissimili conclavia condecorantes. Iustra attentè; nullibi enim in omni Gallia regius ejusmodi artificiosusque caminorum ordo & numerus. Regina mater ubi hospitatur, caminus habet nigram è marmore tabulam, qua per fenestras apertas Garumna præterlabens se ostendit ceu in speculo: heic scamna inaurata. Caminis artificiosissimè sculptis pictor, gente Germanus, addidit venustas figuras convenientibus coloribus. Parietes peripetasmatis auro & serico, prisco & novo more textis, integuntur, cum augmento magni pretii, auroque contra non cari, variarum picturarum, quas mirari, non numerare, non rimari licuit. Quid sedilia, lectorum conopea? quid pavimentum tessellatum? dixerim fortè falsum, si tribus heiclineis deformarem.

Conclavibus visis intende oculos in *cochleam*, quæ continuo gressu ab ima ad summam ædificii partem scandit, ita ut in basi & imo fornice consistens perforamen eductum supremum arcis cacumen visu adsequaris.

Fornices ibi subterranei, ædificium sustinentes, egregii sunt, nec non aliis usibus servientes.

Sacellum, sacris usibus patens, triginta & plus mill. coronat. pro impensis & decore requisivit.

Arce cohæret *hortus*, spaciosus & cultus: area ludo (*palemaille*) destinata passuum est cccc l: cryptoportici, & xysti in horto numerantur lxxiv, cum cameris suis. inprimis verò herbifloriferaque illa concameratio magna memoriam refricat, in qua ipse Dux Espernonius non rarò cibum sumit. è tabulæ regione est fons saliens, cui

cui Neptunus ex ære, totus nudus impositus, per omnia membra aquam ejicit; nec pudendum est opertum; imò pro assertione te vidisse regium hunc hortum, notare habes singularia circa præputium; ita lex horti habet. Nemorosa vallis, amniculo *Lille*, qui tribus milliaribus abhinc à *Langrans* oritur, divisa, cui pons pervius incumbit, circumdat hortum, alens cuniculos, proscriptis omnibus infestis animantibus.

Exituro ostenditur equile & sphæristerium, & in vicina monasterium *Capucinatorum*. Quibus lustratis summæ operæ pretium est, æquum reddas honorarium.

Cadillaco abeuntes, aliquam itineris partem cis *Garumnā* fecimus, donec oppositum haberemus *Podensacum*; ubi magno labore trajiciebamus flumen, solutis tribus solidis pro equo. *Podensacum* olim urbs munita fuit, nunc pagus lacerus & deformis. *Chron. Burdigal.* referunt hæc: *Arnoldus Comes stabuli Gallia* cum ob homagium, *Philippo Pulchro* à rege *Anglia* de Ducatu *Guiennensi* præstitum, arma & militem in Ducatum induceret, *Burdigala* confinibusque opidis *Philippo* subjectis, *Rionium* & *Podensacum* restitere, obsidionemque aliquandiu sustinuerunt; sed postea capta, muris dejectis in pagos abierunt, anno Christi cdo ccxciii.

Trans *Garumnā* fabulosum solum habuimus; à dextra *Rionium* (*Rions*) relictum, per pagos *Pirelade*, *Arbanac*, *Portes* itio facta est ad vicum *Castres* ii & med. mill. Ubi prandiolo sumto à *S. Martin*, perreximus per querceta tria milliar. *Pagila Prade*, *Cadensac*, *pons de Langon*, *pont de la Maye*, l' *Evesque* de *S. Jean* penetrandi. postea vineæ cultissimæ sese offerunt, & pagus *BEVGLES*, in quo templum & sacra sua habent ii, qui

qui Burdigalæ Reformatæ addicti sunt religioni, numero plures c10. Inde i *circiter mill. Burdigalam*, celeberrimum Aquitanix emporium, ingressi sumus, sub signo *au chapeau rouge*.

B U R D I G A L A.

Seneca cap. 1 de vita beata ait: *Nihil magis præstandum est, quàm ne, pecorum ritu, sequamur antecedentium gregem, pergentes non quæ eundum est, sed qua itur.* Quo moveor, ut alia via ineam & peream hanc urbem, quàm alii præ me fecere; quod pace eorum liceat. rerum momenta ab iis commodato sumta, nostræ huic hederæ alia methodo & ordine suspendemus, ut, quæ in prioribus nostris, eadem & heic urbis sit facies.

Burdigalæ igitur consideratio est vel *externa* vel *interna*. Illa in nominis consideratione; quò caput II appendicis Itiner. Sinceri applicetur: *ista* in MATERIALI & FORMALI.

Materiale est respectu vel *totius*, vel *partium*.

TOTUM habet *terram*, *aërem* & *aquam*.

Quoad *terram*, considero 1 *situm* urbis, respectu provincix. (*Sinc. cap. 1, pag. 358, edition. Genevens. anno 1627.*) 2 *formam*, ad quam ædificata; quò longitudo & latitudo, (*Sinc. p. 397,*) nec non magnitudo. *Idem pag. 400.* 3 *qualitatem* & *fertilitatem* (*p. 402,*) in pecoribus & avibus, (*p. 427,*) in vino. (*p. 403.*)

Respectu *aëris*, dicit Ausonius:

— Clementia cæli

Mitis ubi, &c.

Respectu *aquæ*, est OCEANVS, GARVMNA; quò PORTVS, & alii FLUVIOLI.

Oceani ab urbe situm vide apud *Sinc. pag. 404;* ubi de ostio: de ostreis verò *p. 428.*

Garum-

Garumnæ fluxum habet *Sinc. p. 403, & portus commoditatem p. 418.* Liceat cum *Michaële Hospitali*, docto & gravi Poëta, appellare

— *Terraque marique potentem*

Burdegalem, portus ubi fluminis unda capaces
Mille carinarum facit aestu inflata marino.

Masson: p. 553 ex Petro Pitheo Iuriconsulto ait :
Civitas Burdigala, ubi est fluvius *Garumna*, per quem facit mare Oceanum accessa & recessa per leucas plus minus centum, ita tamen ad *Burdigalæ* litus suas undas exporrigit, ut lunato sinu bicornem portum effingat; idcirco ab exteris portus *Lunæ* dicitur. Hoc unum silere non possum, quod cum ab ipsis *Garumnæ* fontibus ad litus *Santonum*, ripa, quæ occidentem spectat, collibus amoenissimis assurgat, non solum viribus, sed & variarum arborum genere consitis, tum maxime *Burdigala* inter cæteras hoc ornamento decora splendeat. ex adverso enim inter vitiferos colles eminet clivus in orbem & occidentem, hoc usu perantiquo præ cæteris visendus, quod ab ultima antiquitate hic mos ibi servatur, ut, qui *Burdigalam* vinum aut aliud quid mercis exportaturi veniunt, illis solvere non antè liceat quàm cupressinum ramum à *Quæstore* regio acceperunt. Quo facto pendit quælibet navis quinque asses sive solidos *Turonenses*; quod vectigal *ramum* vocant.

Duo alii fluvii sunt *DIVICIA* & *PEUGA*.
Sinc. p. 420.

Ita fuit *Materiale respectu totius*; *PARTIVM* respectu, est illud in *externis & internis*.

Externæ sunt *PORTAE XII.* *Sinc. 401.* quibus adjicio ludum *palemaille* in suburbio.
Sinc. 431.

Internæ, sunt *PLATEAE*, (*Sinc. p. 395, & seq.*)

A a

& AE-

& AEDIFICIA. HÆC VEL PUBLICA VEL PRIVATA. Publica SACRIS VEL PROFANIS dicata usibus. Ad sacros usus refero TEMPLA, ACADEMIAM, & XENODOCHIA.

Inter templa cathedrale est D. ANDREAE. *Sinc. p. 432.* in quo epitaphium Lucillæ, (*Idem p. 392.*) & organum musicum, forma & opere quod totius Galliæ dicitur amplissimum. Penes templum est aula archiepiscopalis, quam Cardinalis inhabitabat Surdaus. archiepiscopus dicitur Primas Aquitaniæ, qui litem de primatu cum Bituricensi multos annos habuit. *Sinc. p. 463.*

Templum D. AUGUSTINI monumentum habet ultimi Ducis gentis Candala, è nigro & candido marmore, suffultum IV statuis ex ære. *Sinc. p. 453.*

Templum SEVERINI, cui merum & mixtur imperium tribuitur. In hoc S. Severinus sepultus dicitur, cui tantam superstitionem olim exhibuerunt cives, ut in prælium non ierint nisi prius in ara Severini episcopus enssem & armis consecraret. Juxta aram est baculus S. Martialis admirandæ efficacix. Coemeterium habet sacellum ad lavam totius urbis antiquissimum. Super præterea ibi c. circiter tumuli antiqui; inter quos est tumba ampla, sinu suo aquam fovens perpetuam, quæ ad lunæ incrementum & decrementum, ut ajunt, augefcit atque decrefcit. *Sinc. 433.*

Templum S. LOY parvum est; cujus antica pars soleis ferreis vestita est. superstitionem habent, equos morbosos curari per hujus Sancti invocationem.

ACADEMIA habet tria collegia. *Sinc. p. 438, & seq.* inter quæ Jesuitarum eminet, anno d. c. lxxiii institutum à Baulonio, regis eo loci ubi ante

antea erat Prioria S. Joannis. Accedit collegium RAPHAELIS. *Sinc. p. 468, & seq.* Huc referendi viri docti. *Sinc. 441, & seq.*

XENODOCHIVM, in quo epitaphium Boërii Jurisconsulti; cujus inscriptio non potest legi. obiit improlis, destinans ædes pauperibus, & Senatui bibliothecam. *Sinc. p. 432, & 468.* Gulielmus Dux Guiennæ, postquam ad Jacobum Gallicensem, autore S. Bernhardo, peregrinationem suscepisset & finiisset, redux in honorem D. Jacobi multis sumptibus instituit xenodochium, anno c l o c x i x. In hoc xenodochio voluit exciperentur ad D. Jacobum peregrinantes, puerique expositi alerentur & educarentur ad pleniorē usque ætatem.

POLITICIS usibus dicata ædificia sunt :

ARX VMBRARIA. *Sinc. 434.* ubi nunc sedes *Parlamenti.* *Sinc. 465.* quod tribus præfidiis & x i i x consiliariis Carolus I I X confirmavit; Ludovicus verò x i i ampliavit. In hoc est CAMERA EDICTI, constans duobus Præfidibus, catholicæ & reformatæ religionis; x i i consiliariis, quorum v i hujus, sex illius sunt religionis. In hac curia munus Advocati quidam gessit; nomen reticere malo; vir non vulgariter doctus. Hic aliquando melancholiæ plus justo indulgens, maximam penis partem sibi præscidit, hacque parte adempta ineptus ad concumbendum factus. Interrogatus qua de causa id fecisset, respondit; se rem Deo gratam præstitisse, occasionemque nactum, castitatem, rem Deo placentem, exercendi. Non absimile legitur de Origine, qui, ut castitatis votum ex voto impleteret, testiculos sibi ademit.

I I. BASILICA VRBIS sive CVRIA, cujus ædificium spatiosum satis, minus speciosum, nisi ob

antiquitates Romanas eo transportatas. Exeunt ex intimiori curia ad lavam sub dio obveniunt (*Sinc.* 387, & 437) antiqua marmora, (*Sinc.* 380, 367, & *seq.*) tres statuæ, (*pag.* 381,) & inscriptiones (*pag.* 382, 383, & *seq.*) Intranti vero ad lavam ostenduntur monumentum duorum conjugum, (*Sinc.* 388,) sigillum Neronis, & alia (*Id.* 389.) Notes ibi, nec prætereas conclave Belgici pictoris, qui icones regum, reginarum, Cardinalium, & similia alia ostendet. In ipsa Curia conclavi, ubi conventus habentur, effigiem Ludovici XIII cum uxore videbis, cum hac inscriptione:

Anno Christi cIo Io cxv Ludovicus XIII Galliarum rex ibi nuptias celebravit cum infante Hispaniarum Philippo III regis filia primogenita, frementibus Condæo, Bullionio, aliisque Principibus & confœderatis.

Regis reginæque latera jurati opidani ad vivum depicti circumdant.

A curia hac ibimus III, ad AVLAM MERCATORVM, illis *laborsæ*, curia è regione oppositam institutam anno cIo Io LXXVI, ad mercatorum lites dirimendas, more Parisiensis & Lugdunensis; anno nimirum, quo Parlamentum edixit ut Normannus ille mercator omnes Æthiopæ & mancipia, quæ ibi venum habebat, libertati restituta dimitteret; Gallia siquidem libertati mater & defensatrix nullam servitutem admitteret. Quod in aula hac notes, est *porta cum duabus columnis*, quibus inscriptum: *Pietati & Justitiæ*. sub regis verò insignibus sequentia:

Fidei justitiæque sacrum

Mer.

Mercatorum Burdigal. ordo opus hoc
ex Dei Principi. benefi-
cio ac jussu instituit, cujus prima fun-
damentum. Joannes Riniacus
mercalium rerum judex, Pe. Salvagius &
Joa. Pratanus consilia-
rii jacenda curaverunt. mense mart.
ann. Christi M D LXXI.

lextrorsum :

*Ton Dieu sur tout aime d'amour extreme,
Et ton prochain ainsi comme toy mesme.*

inistrorsum ;

*Au magistrat rend humble obeissance ;
Il a de Dieu cest honneur & puissance.*

Hinc IV ad ARMAMENTARIUM, curiæ proxi-
num, Sinc. 438. In quo molettrinam pulveris ni-
rati notabis, & tormenta, eaque pauca.

v. Arces dux videantur insigniores ; altera
quarum dicitur du FAR sive HA. Sinc. p. 434. al-
tera TROPEITA. Id. 435.

Hinc VI, ad Podium Paulini eatur. Sinc. p. 435.

VII. Nec insuper habeantur quadratorum mu-
rorum reliquia. Sinc. p. 375. nec rudera amphi-
theatri, sive palatium Galieni. p. 377. nec palatium
utela. p. 379.

Dicerem VIII de fonte antiquo, si quædam ejus
extarent vestigia ; conjecturas habent à canali
plumbeo quondam in horto Consilarii Parla-
menti de Lange invento, aquæ limpidæ & fluentis
pleno, instar alicujus aquæ ductus. Olim Auso-
rius eum commendavit :

*Salve fons ignote ortu, sacer, alme, perennis,
Vitree, glauce, profunde, sapore illimis, opace.
Salve urbis genius, medico potabilis haustu,*

*Divona, Celtarum lingua, fons addite Divis.
Non Aponus potu, vitrea non luce Nemausus
Purior: aequoreo non plenior amne Timavus.*

IX. Nec negligentur *TURRES* urbis, inprimis illa quæ Curia prope est, è qua urbs circumfusa egregio conspectu patet.

X. Si margaritis unionibusque delectaris, domicilia *Portugallensium* adeas, *le quartier de Portugais*. sin fessus ab omnibus his visis, quæ modò dixi; *tabernas vinarias* ad *Garumnâ* structas, (*aux chartiers*,) videbis mille mille ibi dolia vini; & gustabis, si lubido est.

Tantum de publicis edificiis: Inter *PRIVATA* sunt:

Ædes Condæi. (*Sinc. 439.*

La maison du Duc d'Espèron, ædificium in parte veteris urbis muro adstructum.

Extra urbem item: *hortus Ræmundi* & *pinacotheca*; (*Sinc. 440*;) ubi statua Jovis, (*id. 390*;) *D. Adriani*, (*ibid.*) duæ statua procera, & lapis rotundus cum inscriptione. (*p. 391.*)

Hortus item & *Cardinalis de Sourdis palatium*, dignum à structura, fontibus, fructibus & picturis, ut videatur. Janua habet dicta sacra: atrii ingressus ostendit *Luciferum*, sinistra ab angelo vincitum, qui dextra cælum monstrat:

*Monstrat iter dextra, quæ sit tutissima sedes,
Angelus, & summi proculcat Numinis hostem.*

Pergamus, quo dextra vocat; docet illa salutem:

Mergit at, infernis teritur qui calcibus umbris.

Caminus omnium *purpuratorum patrum* sub pontifice *Paulo V* ostendit effigies. Præcipuum, quod heic notes, est *xystus*, sive galeria, longitudine *xciv* pass. Tabula artificiosissima manu *Ludovici Pasquil Hispani*, *Ordinis Carthusiani*, pictæ utrumque vestiunt parietem. Ad finem est

resur-

resurrectio Christi, & assumptio Mariæ, cum emblematis adpictis. Videamus utrumque latus.

Sinistra conspiciuntur :

I, Victoria Constantini Magni contra infideles :

*Nescia crux vini, certi præsaga triumphi,
Victricem Christo vindice spondet opem.*

II, Imago Johannis Baptistæ :

*Castus eques Christi casta pro virgine pugnat;
Talia commovit prælia castus amor.*

III, Translatio imperii Romani per Gregor. III. ad Carolum Magnum, ejusque coronatio :

*Imperii summus transfert moderamina Præsul:
Nec mirum ; partes sustinet ipse Dei.
Carolus Imperii Magnus diadema capessit ;
Romani Regem non habuere parem.*

IV, Effigies D. Bernhardi , januas apertis, ducemque Christum in cœlo monstrantis :

*Mente ducem timida Christi præsentia flectit,
Depositoque lupi-pectore format ovem.*

V, S. Franciscus stigmatibus Christi decoratus :

*Infigit Cherubin Francisco stigmata Christi ;
Huic animus sacro saucius igne calet.*

VI, Imago Brunonis :

*Bruno sapit vagi fugiens spectacula mundi.
Delitiis mundi vivere desipere est.*

VII, Effigies Mariæ Patri & Filio offerentis Franciscum & Dominicum.

VIII, Benedictus & soror scholastica

vitam monasticam restituunt.

IX, Franciscus de Paula.

X, Imago Jesuitæ Xaverii; subtus emblema, pugio à serpente circumdatus cum corona, & verbis: HIS DVCIBVS.

Dextra conspiciuntur:

I, Paulinus, pro redimenda filia viduæ se in mancipium dat.

II, Martinus mensæ accumbens, cui famulatur regina:

Sedula Martini mensæ regina ministrat;

Sacula prisca sacros sic coluere Patres.

III, Hilarius mortuum resuscitans:

De superis revocat functum vitalibus auris:

Fulta Deo pietas ardua quæque potest.

IV, Hieronymus cum leone ludens.

V, Augustinus Triunitatis mysterium expendens:

Æquor inexhaustum fundis concludere fossis

Tantas: credere fas; sed penetrare nefas.

VI, Ambrosius Cæsarem excommunicans:

Cæsar ab Ambrosio sacra depellitur æde:

Imperium Præsul Cæsare majus habet.

VII, Gregorius morbidos sanans:

Gregorius pestis supplex contagia pellit:

Quod Medici nequeunt, hoc potuere preces.

VIII, Carolus Cardinalis de suggesto orationem habens:

Moribus & verbis cultum restaurat avitum;

Non alio pietas restituenda modo.

IX, Martyrium Thomæ episcopi Cantabrigiæ.

X, Pon-

x, Pontifex Amandus Severino administrationem committens.

His singulis visis, adi *facellum*, in quo Christi effigiem videbis à Luca euangelista penicillo formatam.

Hucusque *Materiale* vidimus; *FORMALE* est in *statu pacifico & turbato*.

Pacificus respicit *MAGISTRATVM & CIVES*.

Magistratus olim ad formam Romanam consistebat in consulatu annuo. (*Sinc. pag. 461, & 470.*) Hodie magnus *Seneschallus* est. (*id. 464.*) Insuper collegium *Majoris & Iuratorum*. (*Sinc. p. 472, & 475.*) Nam Henricus II rex Gallix anno cIo Io L, restituitis urbi huic privilegiis & libertatibus, corpora & collegia restauravit, reducens ea ad *Majorem unum & vi Iuratos, Procuratorem i. & Secretarium*; ita ut Major & Jurati gubernent biennium, more Parisiensis magistratus, singulisque annis tres Jurati eligantur, una cum xxi v Senatoribus. Majori & Iuratis concessa est potestas eligendi Procuratorem & Secretarium, deque aliis civitatis officariis dispensandi.

Quoad *CIVES*, negotiantur illi panno Hispanico & vino heic nato. gaudent binis nundinis, i mart. die, & xv octob. durantibus singulis xv dies. Eorum privilegia & constitutiones aliquas adjiciemus, quæ in viridi observantia fuerunt circa annum cIo ccc xiv: *Patres habebant in liberos jus vitæ ac necis, ut & mariti in uxores. Vir uxorem ex ira aut doloris impatientia occidens, modo solemnî juramento pœnitentiam declararet, omni pœna erat exemptus. Mas & scæmina in adulteria deprehensi fune utrinque genitalibus alligata*

per urbem traherentur. Nuptiæ de die fiebant, non noctu. Convivia nuptialia & funebria legibus municipalibus definiebantur. Multa pecuniaria civium non poterat LX solidos excedere; adeo tum erant exigua illorum facultates. Anno cLo cccc xi alia leges condita fuerunt. Debitor in urbe non poterat eligi Iuratus. Meretrices & lenæ incederent diverso ab honestis fœminis habitu. In generale civitatis consilium si quis vocatus non veniret, ei non modo multa imponerentur, sed & fores à li-
 etoribus rumperentur. Ut Medicinam illic factururus primo coram collegio Medico theses quasdam propugnaret; deinde si idoneus reperiretur, fidelitatis juramentum Majori & Iuratis præsaret, &c.

Tantum de statu pacifico. TURBATUS Burdigalæ status consistit in motibus bellicis, seditione, fame, peste, prodigiis. Sincer. p. 453, & seq. Iis adjicit Luporum & Capotiorum historias, p. 458, & seq.

Adiciemus nos lanienam & tumultus novissimos. LANIENAE patranda, referente Thuano lib. LIII, ad ann. cLo lO LXXII, auctorem & precipuum incentorem Enimundum Augerium è Claromontano sodalitiò habuerunt; qui & Francisco Bauloni Senatori Burdigalensi admodum locupletis, ut ab uxore diverteret, persuasisse dicebatur, ejusque opibus sublevatus opimam in ea civitate scholam fundaverat. is in concionibus, ad exemplum Parisiensium, cum, ut aliquid dignum pietate sua auderent, astanteis cottidie inflammaret, tum S. Michaëlis die, cum de angelis gratiarum Dei & ultionum ministris ageret, quæ Lutetiæ, Aureliani & aliis locis acta essent, ea ab angelo Dei patrata sæpius repetito sermone identidem inculcaverat, & subinde Romanum Mulum regium cognitorem & Carolum Monserrandum urbis gubernatorem sua factio-

factionis homines, ut segneis & in eo negotio tepidos, palam & in privatis colloquiis increpabat: qui Protestantibus publice ad conciones conveniendi libertatem interdixisse, & portas urbis stationibus apposis custodire contenti, de cetero à vi & cadibus abstinnerant; à Strozio Rupellæ imminenti, & qui, ne ea res conatibus suis incommodaret, verebatur, ut creditur, moniti. Sed cum sub id tempus Monpesatus Blaviam venisset, quasi fundendi sanguinis signum ejus adventu datum esset, quidam in opido interfecti. ubi vero ille Burdigalam appulit, plebs fremere, seditiosi huc illuc discursare, Enimundus in concionibus plus solito intonare. Ad extremum; post aliquot dierum, occulta Monpesati cum Monferrando, incertum vetantis an suadentis rem, colloquia. cum Monpesatus abiisset, paullo post dysenteria extinctus, v. non. novembris, qui in Veneris diem incidebat; urbis consules cum decuriis suis, sicuti jussi erant, in Monferrandi ædibus post prandium venere, adductis secum perditæ vitæ & prostitutæ audaciæ sicariis, à Petro Lestonaco conductis; mandatoque ab eo accepto, per urbem ad cædes discurrunt, rubris pileis (id erat insigne sanguinario consilio conveniens) conspicui. A Ioanne Guillochio & Gul. Sevino Senatoribus initium factum, qui in suis uterque ædibus statim direptis crudeliter interfecti sunt. Bucherus item Senator grandi pecunia cum vitam à Monferrando redemisset, vix periculum evasit, cujus & ædes direptæ sunt. Inde promiscuæ per urbem factæ cædes & rapinæ, totoque triduo CC. LXIV homines occisi memorantur, multoque major cædes edita esset, nisi Buccina & alterum urbis castellum plerisque opportunum perfugium præbuisset. Iacobus Benedictus Largabastonus Curia princeps periculum mortis in eo tumultu adivit, vixque ope amicorum servatus est, &c.

De novissimo tumultu, nec sine sanguine nec
 cæde qui fuit, audi eundem *Thuanum lib. xciv*,
 sub finem, ad annum *clō lō xxcix*, dicentem :
Eodem tempore & Burdigalæ tumultuatum est. jam-
que munitiones in urbe à conjuratis erigebantur,
capta Sanjuliana porta; & Consules ad strepitum
accurrentes primo impetu repulsi fuerant, cùm Ia-
cobus Gobio Matignonus E. T. Aquitania præses
summa animi præsentia cum delectis è nobilitate
comparuit, pedes per urbem discurrens; qui signo
dato arcis Buccinæ præsidiariis, ut tormentis dis-
plofis confluentem plebem armatam terrore injecto
disturbarent, motum compescuit. Pauci ex iis inter-
fecti, ceteri huc illuc dilapsi. quorum plerique se
per portam, quam ceperant, urbe ejecerunt; reliqui
per funeis se è muro demiserunt; capti duo, &
mox laqueo suspensi. Tormentis subjecti composi-
tum insidiarum ordinem detexerunt; pridie festi
Paschatis inter conjuratos convenisse, ut Matigno-
num in adibus suis oppressum pugionibus confo-
derent, atque è vestigio machinas bellicas in adi-
bis publicis depositas ad arcem admovent, &
proposito Matignoni cadavere territos præsidiarios
ad deditionem compellerent. Matignonus, quæ erat
animi moderatione & prudentia, ulterius in con-
scios inquirere noluit, ne in sacri ordinis infamiam
res verteret; contentusque fuit, quo conspirationi-
bis hujusmodi imposteriorum præverteret, Patres Ie-
svitas auctores urbe exigere, qui Aginni Nitio-
brigum, & Vesunæ Petrocoriorum, quæ civitates
sub id rebellarunt, perfugium habuerunt. Hactenus
Thuanus & nos circa Burdigalam.

Quam relinquentes, navigiis conductis ab-
 ivimus *Blariam*; alterum habebat equos, alte-
 rum nos; pro se & vectore quilibet solvebat
xii solidos Turonenses. Primum obveni dex-

tro-

trorsum vicus cum arce *Larmond*, sub Cardinale Burdigal. Proximum sequitur *Burgus* *xv* milliarium, opidum antiquum, & validum bello, à Paulinis ejus auctoribus ad confluentes Garumnæ & Duranii fluviorum positum. Tantus verò, inquit *Masson. pag. 591*, ab hoc Duranii ostio Liburnam usque Oceani æstus intumescit, tantoque impetu præcipitantes se undas repercutit, æquinoctio præsertim autumnali, ut in ipso æstus primordio scaphas in litore positas evertat, majora navigia momento in altum evehat, & vasto cum strepitu terrorem & pavidos metus exterius hominibus hujusce rei ignaris incutiat; ita ut attoniti res humanas iterum diluvio commisceri putent. Hunc æstum incolæ *Mascaret* vocant, tantaque est vis consuetudinis, ut Liburniæ pueri in ipso litore intrepidi hunc æstum libenter & expectent & excipiant. Duranius sui natura mucosus est, & parum nitidus, quæ res efficit, ut Garumna, qui aquis perspicuis & puris gaudet, nisi cum imbribus & solutis Pyrenæi nivibus prætumidus vix intra margines suos cohibetur, piscium omnium copia à Duranio superetur. Alit enim multos barbos, lucios, carpiones, alaufas, anguillas, lampreras, salmones, gobiones, sturiones, & aliorum piscium vim infinitam. Honos autem maximus mensarum *carpio* habetur, quem in Duranio & Ella piscari vulgus solet; ac reperiuntur in eo troctæ singulares. Et id quidem flumen Arari penè parem, aut nihilo majorem viatores putant. Cives, durante inter Gallos & Angios bello arctissimum cum Burdigalensibus fœdus fecerunt. anno cdo Id *LXIX* Pilius, reformatæ religionis miles, opidum hoc, magni momenti ad com meatus subvectionem, intercipere conatus fuit; sed, à Mon-

lucio in tempore summissis, obsidionem solvere coactus est. *Thuan. lib. XLV.*

Hec navigantes vidimus Garumnā jam latiore, & magni in speciem freti, receptis fluvio-
liis *Burda & Gala*, ad promontorium, quod
accolæ vocant *Bec d' Ambez*, (*Beccum ambarum
aquarum*) porrigi. Ibi in frontispicio rupes con-
spicitur *la roche d' Estaux*; & *Duranus* sive Dor-
donia, fluvius Garumnā conveniens, nec alvo
nec æstuoso aquarum impetu diffusus magis,
totum eum terrarum tractum humectat; ait
Masson. pag. 555. Exin à dextera perpetuo sem-
per colle & vitium cultu fertili ad *Blaviā* opi-
dum arcemque munitissimā II milliar. per-
tingit.

B L A V I A.

Hec navigiis egressi modico prandiolo à la
croix blanche refecti sumus. *Blavia* olim erat
sub dispositione viri spectabilis, Ducis tractus
Armoricani; ut videre licet in Notitia imperii
Romani: (inquit *Masson.*) & hodierno die cu-
stodes vigilesque habet perpetuos, qui ex eodem
loco tamquam ex specula, quid tota Garumna
rerum afferatur, diligenter observent: inolevit-
que mos ab expulsis Aquitania Anglis in hunc
diem, ut minimè his liceat navibus *Burdigalam*
tendere, nisi prius ante *Blaviā* supparum &
reliqua vela submiserint, & positis anchoris tor-
menta ænea consignerint, arcisque præfecto sin-
gularium navium ergo aureum persolverint. Ve-
teribus appellabatur promontorium *Santonum*,
eò quòd in finibus *Xantonix* sita sit *Blavia*, tur-
ribus & propugnaculis benè munita.

Flagrantibus bellis civilibus urbs regi *Henri-
co* sese opposuit anno cLo *IX* xciii; quam cum
castro

castro Matignonus Franciæ Mareschallus ipso natalitio festo mari & terra obsedit. Præses loci Luffanus ad angustias redactus, auxilia ab Hispano sollicitans, XVI naves bellicas impetravit. Unde ancipiti Marte utrimque pugnatum est; verum, Matignono obsidionem solvente, Luffanus castrum cum opido regi obtulit. lege *Thuanum lib. CVII.*

Castelli hujus dominus quondam fuisse dicitur Rolandus, Caroli M. nepos, & heic humatus; cujus & arma etiamnum incolæ ostendere volunt.

Castro, si admittère, viso, quod ab opido separatum, ingredi templum opidi S. Romani, in quo Chariberti regis Parisiorum tumba, qui Clotarii I Regis fuit filius primogenitus.

Blavia, si te committere voles Garumnæ secundo, XIII miliarib. ad ostium fluminis, videbis *Corduanam turrim, la tour de Cordoan.* pharos ingens est, à multis sæculis constructa, navigantium cursus regens. Ea cum imbrum & ventorum tempestate, nec non insanis Oceani fluctibus, ruinam minaretur, tamen Principis beneficio, anno cDc Id LXXXIV, architectore regio *Ludovico de Foix*, & impensis publicis, instaurata est; sed adeò egregia & divite opera, ut ipsam Alexandria Pharon tot scriptorum & sæculorum fama præstantem superet. Ex qua lucerna accendenda duobus eremitis mandatur: quibus alimenta, signo dato, ex vicino opido vel pago deferuntur ex vectigali quod à singulis navibus ejusce rei gratia Burdigalæ penditur. Turris ipsa in ambitu suo habet passus LXXV, in diametro XXV. fundamenta sunt egregii operis: tota moles è quadrato lapide intus & extus affabre inciso constat. Exedras habet IV; quarum secunda

cunda ostendebat VII pyramides, singulas utrinque duobus globis auctas. Conclavia sunt spatiosa & ornata; in medio eorum est corona, cum inscriptione symboli Henrici III regis; *Magnet ultima celo*. Gradus sunt CCXV, quibus per concham ascenditur ad summum, cui lucerna imposita.

Nos Blavia equis abivimus *Pontet* usque ad pagum, I & med. mill. Ubi densum quercerum, pagis aliquot mixtum, obvenit, ad pagum usque *S. Aubin*, II mill. Inde campi & agri, sed non adeò fertiles, pro via sunt, ad pagum *le petit Niort*; in quo pernoctavimus *à la fontaine*, III mill. Paret verò *Marchioni de Mirembeau*, reformatæ religioni qui addictus, subditi contra omnes pontificiæ. *Mirembeau* vicus, & arx *Perou*, *la Bergerie*, pagi, dicto marchioni subsunt. Ager frumenta & ligna fert, nec non vinum, ad pagum *Belongre*. Quem sequitur opidum *Ponts*; ubi IV mill. confectis pransum divertimus *à l'escu de France*. Opidum à pontium subliciorum ingressu nomen habet, situm in colle, hortis gaudens amœnis, ad *Singenam* fluvium; qui, è tractu *Albæ terre* veniens, abundat percis, troctis, carpionibus; & plures insulas ad opidum hoc facit: sunt enim IV pontes.

Paret Dominis de PONTÉ, antiquissimæ familiæ. Ibi inventi ante aliquot annos lapides sunt cum verbis:

DIVVS CAIVS IVLIVS CAES. IMPER.

ÆLIVS PONTIVS NEPOS ROM.

MAG. TVMVL.

A prandio, agro in plano, minus vero frugifero, ad vicum *les arenes* tribus milliariis perreximus; unde uno milliari distabat opidum *SAINCTES*; ubi mansuri hospitabamur *à la croix blanche*. XAIN-

X A I N C T E S.

REgio hæc ob fertilitatem nomen habet, *la Perle de France*. Metropolis est *Saintes*; quam alluit fluvius *Carantonus*, in *Limania* oriens; opida *Coignac* & *Soubize* lambens, in mare ibi ruit. In hac urbe plures Romanarum antiquitatum reliquæ videntur, ut amphitheatrum, aquæductus; ponſque ipſe lapideus, quo *Carantonus* alluens cernitur, hanc inſcriptionem habet:

CAESARI NEP. DIVI JULII

PONTIFICI AVGRI.

Campanile S. Petri in ea urbe à *Pipino Aquitaniæ* rege exædificari curatum, pulchritudine operis atque artificii præſtantia cætera *Aquitaniæ* campanilia vincit.

Sequenti die, meliori agro, & frumentifero, ivimus *II mill.* ad vicum *S. James*. inde pons totius *Galliæ* longiſſimus viam facit ad opidum *Tailleburgum*, *Carantono* navigabili adſitum; utramque ripam amœni campi cingunt; colli impoſita eſt arx Ducis *de la Tremouille*. Sequens inde via in parte ſylvoſa eſt, ad vicum *S. Savignien*, *Carantono* gaudens præterlabente; *Bord pagus*, *III mill.* ad fluvium *Boutonnam* ſitus, trajectum facit; hic ſe *Carantono* jungit ad pagum *Cande*. A trajectu in territorio *Rupellanorum* pergis amœno in querceto *I mill.* ad opidul. *Tonay charente*; quod integrum diem nos habuit ad inſigne trium mercatorum. Amœnum opidum ſitu qua terram qua aquam. Terra frumento & ligno abundat campique dives eſt; Aqua *Carantonus* admittit naves grandiores ex *Anglia* & *Belgio*: Arx inſuper vetus adest, *Domina de Morte male* parens, præſidio regio munita. A tergo
nemus

nemus quercetanus est, quod nostræ deambulationi multum serviebat, accedente nimirum hospitis non injucundo convictu. Hinc campis abivimus, latis armentis & gregibus, ad pagos *la Coudre & Chertre*, 11 mill. Silva densa quercetana & erronea hinc nos duxit ad palustrem locum 1 milliare, ubi *le pont de Soile*, saxi fundatus, elevatioque instar aggeris. *Ive* vicus 1 mill., distat; mox mons superandus ad opidum *Chateleton*, 1. mill. rupi marinæ impositum, muris dejectis turri sola superante. Litus inde legendum ad opidum usque *Angoulein*, 1 mill.; cujus muri regis mandato destrui. Unde pane & vino refecti perreximus campo palustri, arenoso, sterili & saxoso, relinquentes opidum *Nestre* ad lævam in ruinis. Via, proximè 1 mill. *Rupellam* ducens, lapidibus strata & sinuosa est, nec urbs, nisi prope ipsiis muris sis, conspici potest. Ad portam excubia erant, quibus ducebamur in hospitium ad tres mercatores.

RUPELLA.

Quod lim hæc fuit exiguum opidulum, robustum tamen & rupi inædificatum; unde *Rupella* ei nomen mansit; quod & Papa in decretal. cap. ex parte. de consuetud. retinet, scribens: *Majori & Burgensibus de Rupella*. Gulielmus Comes *Pictaviensis* & Dux *Guiennensis* *Rupellæ* Dominus incolis postea jus communitatis & privilegia civitatis indulgit; simulque potestatem concessit, fossas, muros, propugnacula exstruendi, & quæ ceteræ civitates obtinebant, privilegia & libertates, veluti jus eligendi Majorem, Senatores, Iudices & Pares, ad constituendam politiam. *Rupellæ* situm & munitionem è *Thuan*o dabimus, lib. LV, ad an. c. 15 10 LXXIII. Ea in *Alnetensi* pago, qui ad *Santones* pertinet, ad Occa-

Oceanum patenti planitie sita est, quæ paullatim tamen ut vix sentiatur, ad eam partem quæ Orientem & Septentrionem spectat, assurgit. Mare quod urbem alluit, alveo facto c10 passuum longitudine porrigitur, & dimidium in longitudinem patens *portum* efficit, tutissima ad naveis tam longas quàm onerarias capiendas statione; in cujus faucibus *bina turres* ingentes erectæ sunt, lateritio solidiori opere structæ, & fenestratæ, in mare prospicientes; tormentis in latera directis firmatæ, quæ vel minimas scaphas subeunteis portu submovere possunt: atque is locus, quod catena utrimque ducta ingressum à mari prohibeat, *Catena* vulgo appellatur.

Masson. p. 677 ait: Mare, dum æstuat bis quotidie, in intimam urbis partem influit, celebremque *portum* instituit, ubi naves in mare, & merces sub tecto collocari solent. Neque enim in clausum portum penetrant naves; neque intromissæ sibi invitæ solvunt, quia præter antiquæ urbis muros, immensa machinarum bellicarum omnis generis copia munitos, turres altitudine ad propugnandum sunt aliquot delectæ, quæ vix æneorum tormentorum fulminibus dejici posse videntur. Ædificatæ utrimque ad portus ingressum à Carolo V Joannis filio ex castri ruinis *turres* validæ, & machinis ingentibus munitæ, ad terrendos arcendosque hostes & piratas, si fortè sub noctem scaphis in portum irrepere tentent. Opidani enim *catenam* ferream quotidie prætendunt, ne quisquam noctu ingrediatur aut exeat. *Catenæ* præfectus à singulis navibus majoribus exeuntibus quinque, à minoribus duos & medium exigit solidos Turonenses: nec piscatores à captura reduces immunes sunt à vectigali; solvere siquidem ex
pisci-

piscibus aliquos tenentur; cui rei corbis fune in navigium è turri demittitur, & impositum attrahitur.

Turribus binis Rupellanis, quæ portum claudunt, (è *Thuano*) *muris* mira crassitudine jungitur, rectoque ductu, novo & in orbem exstructo, mediocris magnitudinis propugnaculo occurrit, *Garrotio* communiter dicto; quod totius alvei imperium obtinere videtur, & pro armamentario urbi est. inde murus trans portus alveum, qui heic vado transiri potest, ad *portam S. Nicolai* producit, quæ altissima fossa & compluribus propugnaculis ac lateribus munita ingenti mole exsurgit. Murus deinde paullum oblique propugnaculo *Dominarum* ita dicto, quod superioribus bellis matronæ nobiles terræ in illud comportandæ operam navaverant, conjungitur; & ibi angulo factò introrsum curvatus, rursus cubiti specie longo ductu porrigitur, subiectasque ab ea parte salinas habet; dein ad alteram portam, quæ à Mariæ delubro præter turrim omninò diruto & nova munitione occupato *Cunea* vocatur, paullatim ascendendo extenditur: hujuscemodi muri positus, quod crebris sinibus sese invicem spectantibus distinctus forcipis speciem referat, vulgari architectorum nostrorum consuetudine de forcipis nomine appellatur. Fossa toto eo tractu profunda; & æstu maris per salinas vicinas restagnantis impletur; dein paullatim aqua destituitur, scalpellis in ea parte, quæ septentrionem spectat, fossa excavata. *Cunea* autem porta hac arte munita est, ut terreo eoque acuto propugnaculo contineatur, quam novæ ex lapide quadrato munitiones excipientes ad pomœrium introrsus continuato muro ductæ regunt, industria Scipionis

pioni Vergani Foro-Julienſis, qui Condæo tunc
 operam & Colinio navabat, & poſtea ad regis
 partes tranſiit. Delubri turris ſtudioſe ab opi-
 danis dejecto faſtigio murus extat, ex eaque tan-
 quam opidi ſpecula in ſubjectos campos diſpoſi-
 tis campeſtribus tormentis libera ejaculatio eſt.
 Huic murus, aggere introrſus adjecto, & extror-
 ſum profunda fossa ad terreum munimentum,
 cui *veteri fortuna* nomen, oblique paulum jun-
 gitur; unde in campos proſpectus eſt. inde ad
 inſigne *Euangelii propugnaculum* declivi paul-
 lum poſitu deſcenditur: ubi aqua fossam com-
 plere incipit, à Vido Dallonio Ludæ Comite,
 provinciæ præſide olim exſtructum. Eam molem
 frequentibus turribus interſtructis murus exci-
 pit; qui angulo facto oblique ſenſim introrſus ad
 arcem veterem extenditur, & inde ad *portam no-*
vam pertinet; quæ duplici fossa eaque aqua
 æſtuario regurgitante plena, magno inſuper ad-
 jecto à Scipione propugnaculo, præmunitur.
 Inde murus rurfus cubito facto ad *Molinaam*
 portam ac poſtremo fauces portus ducit. Ea
 porta, ſi ulla alia, munitiſſima eſt, duplici fossa
 totidemque propugnaculis vallata, quorum alte-
 rum altero continetur, non orbiculari, ſed tri-
 quetra forma; eaque amplitudine ſingula exſtru-
 cta ſunt, ut duarum cohortium præſidium facile
 capiant. In his fenestræ, quibus globi emittun-
 tur, ſibi invicem reſpondent; mediocri magni-
 tudine fabricatæ, ut in hoſteis quoquo verſus
 libera ſit ejaculatio. Opidi totius *ambitus* III clo
 paſſuum amplectitur, quadrangulari ferè forma.
 Muro magna ex parte rupes pro fundamento eſt,
 ejuſque ac fossæ plerique locis altitudo ſcalas
 non admittit: cuniculi ne agantur, æſtuaria pro-
 hibent, uno tantum loco excepto, qui à *Cineæ*
 porta

porta ad *Euangelii* propugnaculum porrigitur. Contra tormentorum ictus interioribus tam veteribus, quàm novis exstructis munitionibus defenditur. Mœnia fossæ labrum exterius altitudine superat, ita ut ab eo contegi videantur. Æstuario bis cottidie fossæ alluuntur, quo recedente aqua ad non exiguam altitudinem claustris retinetur, per urbem ad molas farinarias & fordeis purgandas eadem arte multis locis derivata. Hæc olim munitio; modo cum urbe amplificata & ampliores munitiones erant; quas tamen quid juvat deformare, in pulveres depositas nuperis expugnationibus.

Videamus paucis in urbe ædificia. Tria *Reformatis* erant *templa*, quinque quibus pastores ministrabant. ubi sacra synaxis est, *vir* *clō* mensam Domini accedunt. Nec Pontificiis deerat templum, angusto numero comprehensum. *Xenodochium* amplis satis redditibus firmatum erat. *Gymnasium* philosophica & theologica florebat prælectione. *POLITICIS* usibus destinata erant *curia* & *armamentarium*. *Illa* in area Henricum Magnum regem, habitu regio ostendebat è vivo saxo; *Conclavia* interiora, trophæa varia è bello reportata suspensa habent. *Istud* inter plurima tormenta æneum unum servat longitudine *xl* pedum, cui nomen *la vache*.

Urbs fortis non indignos alit *incolas*, qui militem stationarium jugiter præsentarunt. De *mercatura* heic nihil agemus. Integritatis est sine affectu dicere, cum anno *clō* *lō* *lvii* evangelica recepta esset religio in urbem, recepit hæc exules in *sinum*, & fovit post famosam illam Parisiensem lanienam: Nec tantum minorum gentium homines; Fuere Navarræ regina, Princeps Bearnæ Henricus, postea rex;
Prin-

Principes Condæi, Colignii, alique illustri gente nati. Virtutem hanc existimo à maioribus eos recepisse, regum in quos tanta benevolentia, tanta *privilegia* manarunt. *Carolus V*, ut pauculis fidem rei faciamus, rex sigillo regio anno *clōcccLXXII* signavit; & voluit, *Omnibus Majoribus & Senatoribus Rupellanis, tam presentibus quàm futuris, ut sit jus veræ ac plenariæ nobilitatis, & ipsis, & eorum familiæ cognatis, ita quidem ut equestri dignitate frui illis licitum sit, prædia nobilia occupare, feudaque liberè, eo quo alii Galliæ nobiles modo possident, possidere. Vbi eidem regi se submisere, accessere privilegia: Vt à corona Galliæ, quamcumque etiam ob causam, nunquam separarentur: Vt idem jus haberent monetam cudendi nigram & albam, nec non florenos; quod habent Parisienses: Vt custodirent ipsi suam urbem, catenas maris, ac propugnacula; nec coacti essent ulla præsidia aut milites præter semetipsos admittere; Vtque Major esset capitaneus perpetuus & præfectus urbi, omnesque liberi & exempti castelli alicujus exstructione: Vtque liceret illis pro munitione urbis pecuniam colligere, & mercibus tributa imponere. Privilegia hæc, ut virtutis merita, sequentes reges confirmarunt & auxerunt. Verum uti nulla res æternat, ita nec heic regum gratia. Inclementiæ exemplum fuit Andinus anno *clō Id LXXIII*. historiam longo filo nectit Thuanus. Nupera quid obsidio & expugnatio anno *clō Idc xxviii* acceleravit? horribile dictu. incolæ plurimi, nullo panis aut carnis esu refocillari, cute, corio, radicibus vesci coacti fuere. nonnulli humanorum cadaverum carnes detractas vorarunt. mulier non abhorruit filiam suam pro victu & alimento usurpare; soror item fratris sui digitos dero-*

dere.

dere. Hinc factum, ut xv cl^o circiter hominibus fame extinctis, urbs sese jugo submittere coacta fuerit. Ipse rex deditam urbem ingressus, attornitus intuitus est fatalem hunc casum. non cruore, sed fame, hostes periisse, ostendebant plateæ & cœmeteria, quas obstupescens rex penetrare & præterire necesse habuit, cum kal. novemb. sacris interessent, quæ à Ioanne Armando Plessæo de Richelieu, Cardinale, templum inittante, peragebantur.

Rupella discessuri secessionem fecimus à duobus itineris comitibus, qui *Parisi*os pergebant; nos retro *Lugdunum* per *Limaniam* & *Arverniam*, sequenti viâ ductu.

Prima ab urbe via molesta satis à pluvia & paludibus terminos quandoque egredientibus. Vici, qui occurrunt, desolationis sunt vestigia, *Perigne*, *S. Regratien*, *Clavette*, *Poy de Louart*. singula vix hospitium concedunt: in ultimo hoc tamen pago *111* ab urbe *mill.* prandium sumturi, nihil præter atrum panem, frustulum casei, & mensuram villi, in ignobili quadam domo, habuimus. Surgere vicus *11 mill.* coenam ad tres mercatores paullo struatiorem dedit. Agri fertiliores sequenti die obvenere; ubi pagi *Boissen 1 milliari*, & *S. Felix 1 milliari*, paucula tilia & campi amœniores duxerunt nos in vicum *Dompierre, 11 milliari* ubi arx *Baronis de Dompierre*, in *Pictonibus* sita. villicum heic prandium à *trois marchands* nos diu non detinuit. Quercetum & planities erat ad vicum usque *Orie, 1 & med. milliari*: cui præter rudera nihil reliqui. incolæ testantur suam segnitiam, dum *LX* annorum ruinam ferunt. Eadem facies in pagis *Coudion*, *Romasier*, *Touche*, *Gou*, *Richard*, ad vicum *S. Fraisine, 11 milliari*bus, est in *Santonibus*. arx parens *Domino*

mino de la Grave adstructa non multum superbit. Heic summis precibus pernoctare licuit; incolæ siquidem, pro militibus nos habentes, clausis ostiis, se abscondebant, memores facinorum præteritorum à militibus exantlatorum. undique domus erant si non combustæ, dejectæ saltem & spoliis laceræ & fœdæ.

Inde sequenti die *III mill.* in Encolismensem terram ad opidum *Vertueil* deventum; ubi refecti prandio à *la croix blanche*. Opidum ab arce Ducis de Rochefaucault illustrius est, situque ad Carantonum fluv. ter illud discriminantem amœnum. segetes rariores solo sabuloso proveniunt & clivoso. *II milliar.* itinere facto inter arva & castaneas, per pagos *S. George*, *Chevalantin*, *Chatrillau*, devenimus in vicum *S. Laurent de Chaud*; ubi pernoctaturi habuimus hospitem virum bonum, male tamen à militibus tractatum, teste cicatrice antica in vultus parte. Clivofius inde solum ad *pont Singoulet* fuit; nuces, cerasa & castaneæ afficiebant prætereuntes. *Vigenna* fluvius, Lemovicum lambens, prope heic; cujus ripam campi & agri satis opulenti vestientes nos ducebant *IV mill.* ad opidum *Cabanesium*; in quo prandium commodè habuimus *chez Mons. le Pont*, jadis l'enseigne *S. Jaques*. Situm est opidum ad fl. *Vigennam*. Hic in finibus Lemovicum oritur: nec *Vigennæ* nomen apud eos habet; *Vignanum* enim vulgus appellat. fons ejus non procul à *Tarnaco* opidulo situs est: amplior mox factus matrem urbium Lemovicarum alluit; postea ad *S. Iuniani* opidulum sub lapideo ponte fuit ad *Cabanesium* usque hoc nostrum opidum, cui præfectus est Comes *Schombergius*. hic pontificius licet sit, omnem Jesuitis & Reformatis juxta heic præclusit mansionem. A prandio pon-

tem Vigennæ superstratum transivimus in vicum prope junctum, fluvio ad dextram relicto inter prata amœna. Ad dextram arbores habuimus castaneis luxuriantes, quibus sues saginantur. *Estagnac* vicus cum arce 1 mill. Schombergio pareret, egregio nemore cinctus. clivus inde ad pagum *Immont* ducit, à quo descensus fit ad *Vigennam* usque flumen; cujus ad ripam equitantes venimus in pagum *la Roche*. Inde *Pont des malades* lapideus, duorum arcuum, amni *Gliane* superstructus, superandus, ad opidum *S. Juniani*, qui influit in *Vigennam*. Opidum hoc cœnam & quietem 11 mill. confectis nobis largiri in suburbio ad aureum leonem, jucundo loco situm qui facit hospitium. *Ædes* opidi, in clivo *Lemovicensium* forma rotunda siti, humiles sunt, tegulis & opere lateritio. vites in collibus, non humi repunt, sed pedatæ sunt, perticisque firmatæ, more ad *Rhenum* usitato. solum arenosum est nec *Cadurcorum* regioni simile, quod gens arimæ semper obsessa, impeditur à cultura & melioratione. Hinc montoso itinere, castaneis tamen abundante, ivimus per pagum *la Barre*, ad hospitium *la Bouteille*, 11 milliaribus; ubi sordidæ arcebant nos subito; prandium, quod ovæ & caseus erant, solvimus, sed non sumimus vinum austerum impuris in vitris & cantharis oblatum, & relictum; ita male heic excepti causam hanc existimo, quod *Lemovico* urbe tam propinqua, raro illuc hospites commeari soleant. duobus hinc mill. festinabamus, sudo ad modum cœlo, vigilia ascensionis Domini, ad *Lemovicum* urbem, divertentes ad album equum.

L I M O G E.

Regio in qua urbs *Lemovicum* sita, dicitur *Limania*; quæ superior & proprio vocabulo dicta

dicta continet hanc urbem; inferior, *Arverniam*. Nomen Limaniæ à solo limoso adscribunt; quod filiginem, hordeum, rapas & paucum triticum producit; silvescit vero castaneis adeò, ut non solum incolas hoc edulio nutriat, sed & gentes longinquas & propinquas hoc vulgari obsonio reficiat & recreet: quin imo in Britanniam insulam copiosa hæc messis transfertur: idem faciunt Petrocorii. Situs urbis rotundus est; vineæ undique circumjacent, tametsi vinum austerum, nec ad palatum. in parte urbs cliuo & plano inædificata, Vigenna fluvio irrigatur: alioquin fossis profundis munita, nec non propugnaculis binis, *S. Martialis*, & *Martini*. portæ VII referant urbem; aquæ limpidissimæ eandem perluunt, quas fons (*la fontaine royale*) duodecim canalibus in superiori urbis parte suppeditat.

Ædificia sacra constituunt *templa* diversa. Primarium est *S. Martialis*, famosum à sepulchro ejus, cui perpetuus ignis suspensus: si extinguitur, manes dicuntur excitare tumultum, ut nemo vel in templo vel in aula episcopali commorari possit. reliquiæ ejus, altari impositæ, sunt reservatæ in cista, quam sub pœna mortis nemo aperire audet. Ibidem locus ostenditur, idolorum ethnicorum ubi cultura fuit; qui ejecti, & sacellum sacris restitutum. Horologium templi exteris etiam pro artificio monstratur.

Templum *Michaëli* obscurius est, sine omni ornatu. ante ingressum duo è lapide sunt leones; antiquitas formam ornat.

Collegium *Iesuitarum* xx jam annorum opus est, necdum absolutum ob amplitudinem. templum columnis non sustinetur; patres vero pinguibus sustententur redditibus.

Reformatorum vix xv numerabis ædificia.

Opera politica sunt *palatium* & *curia*, sed sine fama.

Fontes urbi divitias & puritatem invehunt. Præter regium, qui generalis ad omnes urbis usus est, sunt alii apud *Iesuitas*, ubi labrum v siphonum. apud *D. Martialem* in peristyllo è nigro marmore, quod, antiquitate ruinam & rimam faciens, ferreis ligamentis consolidatum durat: aqua hæc fontana medica est opidanis, & utilis fabris cultrariis, qui sine hujus usu manubria cuprea cœruleo non possunt tingere colore. artificiosa ista sunt opera & magna copia ad Turcas ablegantur.

Ades privata latere & ligno sunt structæ, levata forma, quod cives magis student mercimoniis & opificiis quàm culturæ vel ædium vel corporum. Merces sericas in longinquas emittunt terras. Habitus foeminarum & virginum cum urbe Lemovico natus comparet. si quæ Parisiis aliove comtiori loco huc veniat habitatum, nec deposito habitu Lemovicensem assumat, vel sit castissima & proba, habetur vilis & tantum non lasciva. verùm simplicitas gentis est, & deformem habitum tuetur antiquitate; quod à ratione alienum est. Incolæ cibi potusque sunt parcissimi, panis tamen helluones, de cetero lautitiarum osores. Quoad rem familiarem, industrii sunt, ingeniosi & cauti, nec præcipites, egregiè sibi suisque consulentes; vulgus alioquin tenax, cultu sordidus & victu. Ætatem vivere dicuntur provectam & perfectam. Belleforestus scribit, se vidisse familias, quibus centum cognatione per nuptias juncti simul vivebant, ut collegia quædam agnoscere quis posset.

Lemovico discessus per protensa suburbia factus est ad fluvium Vigennam, aspera & inæquali via,

via , in qua præter quercus & castaneas nihil videas. *uno lapide* ab opido abest pons *vi* arcuum, Vigennæ incumbens, quo superato pagus *ii mill.* obvenit *S. Priebe* : ubi tenue prandium *à la couronne* ; nam præter castaneas & ova nihil appositum. Hinc salebrosa via mons superandus , & aliqui ignobiles pagi transeundi ad pagum *S. Sauviat* , *iii milliaribus* ; in quo cœna *au cheval blanc*. nihil quod in hoc itinere notes, præter difficilem viam & vectoribus molestam. Provincia hæc certe male culta ; in causa barbaries incolarum, non genius terræ. rari pagi sunt ; nam *iv* intra *mill.* vix unum videre habes. gens rustica operatur curæ ovium ; paucas vel nullas transeundo vaccas offendes. nihil frequentius agris petrosis , quos difficili transitu habitos , in pagum *Compeis* ad hospitium *à la Poste* deductus, relinques. Prandio refocillati , per ignobiles pagos , qui præter aquam & panem nihil suppeditant, perreximus. ager licet lapidibus mixtus, cura tamen inhabitantium purgari posset & excoli. silvæ nullæ, sed arbores hinc inde raræ sunt. quæ non segetibus cultæ sunt, lolium ferunt. Ita *iv* *leucis Feletinum*, exiguum opidulum, ubi aula & tapetes texi mos est , superioris Marchiæ, attigimus , positum in via militari , qua itur *à* Lemovicibus Arvernum seu Claromontem. Divertimus ad angarias , quæ nobis lautos pisces, quos Crausa flumen largo proventu, gustu & esu bonos , suppeditat , adposuere. Nundinæ heic erant, & confluxus gentis Lemovicensis. Præter vultus distortos & immundum cultum in ea nihil notes ; *à* moribus illorum non est quod tuos corrigas.

Mane hospitio egressis mox lapideus mons longo tractu obvenire; mox depressiores valles;

dextrorsum Arvernæ montes niveis jugis in obtutu. *Montcharran* pagus i *leuca* distans *la ville du Croye*, opidum cum arce, ii *leucis*, colli inædificatum, salebroso admodum itinere penetrandi erant. inde i *leuca* pagus *Anchere* in angariis nos recipiebat pransum. Molestum certe iter hoc est, non solum ab ascensu & descensu viæ, sed gentis ruditate & agresti victu. acetosum vinum illi est nectar Deorum, insalubre alioquin advenis. nec vel uvam heic videas; quidquid vini habent, Claromonte mulis advehitur, utribus & vasculis onustis. Heic à prandio subitis tenebris cælum inhorrescere coepit; mox nimbus, tonitrua & fulgura, quæ nos morabantur, non rara heic loci ob vicinos Arvernæ montes, cessantibus paullum fulminum strepitu & fulgurum minis, iter continuavimus per pagos aliquot *Marchiæ* (quæ segregato tractu per *Lemovices* & *Arvernos* terminatur) & *Arvernæ*; donec in imam vallem nemore amœnatam iv *mill.* descenderemus in pagum *Pontemurum*; ubi statio dispositorum equorum nos subsistere & pernoctare invitavit. *Ædes* prægrandi subjacent saxo, ad fluviolum *Sivolin*, exili quidem aquarum strepitu oberrantem, sed barbis & truttis suavissimi succi & saporis abundantem; ita fit plerunque, ut rivulorum piscis esu præstet, gratiorque sit, quàm majorum amnium. fluviolum pons ligneus in pagum pervium faciebat.

Luce sequenti præcípites montes conscendendi erant, qui jugi nexu sese sequebantur. . i i *mill.* confeceramus per saxa, per horrida; tandem hiatus erat, qui devexa via, lapidibus strata & perplexa, nos in vallem ducebat ad vicum & castrum *pontis Gibaldi*, (*pont Gibaud*) *Sivoli* fluviolo irrigatum; cui herus est Comes ejusdem nominis;

nis; truculenta cheu! manus quem non ita pridem Parisiis è vivis sustulerat. Hospitium nobis erat à *la croix d'or*, quod prandio dato nos dimittebat ad montes hospitio proximos. *una* lenca circiter *mons Comi* erat, quercubus densus, à quo propè abest *la Cave de la glace*: fons certe mirabilis, cujus aqua Julio & Augusto mensibus gelu vehementer astringitur, minime verò hyeme. fontem hunc plures descripsere; cui ob veritatem nos subscribimus. Quercera heic continua iter monstrant; interrumpptos montes & steriles istud continuatur *unum mill.* & amplius ab urbe, sita, ut videbatur, amœnissima valle montibus circumclusa. Pluviosum cœlum sufflaminabat iter; quod magis difficile fiebat à lutosa & anguina via, circa montes sensim repente ad devexitatem molestem formidulosis despectibus. Tandem in imam vallem ubi delati, agros, campos, prata, hortos suis luxuriare vidimus proventibus. Ubi pagus *Bojart* situs, vineæ cultissimæ sese offerunt, jugiter viam cœruleis & grandibus saxis stratum sepientes, ad ipsam usque urbem *Claremontem*, *iv milliar.* à cella glaciali absitam. pluvia nos perluens nitidam reddebatur viam, ita ut pedestre hoc iter non adeo tædiosum fuerit, equis jam defatigatis. Ita ad urbem sub vesperam delati, diversorium ingrediebamur *S. Barbaræ*; in quo materfamilias erat vidua, non communi, quod tædium viæ exantlatum tollebat, nos habens modo, sed lauto apparatu & facili pretio.

CLAIRMONT.

VRbs hæc in altera Limaniæ parte, quæ *Arvernica* dicitur, sita est; & reliquarum metropolis. de qua *Sidonius epistola xxi lib. iv*, ad *Aprum*; Tacco, inquit, *Arvernici territorii peculiarem*.

liarem jucunditatem, taceo illud æquor agrorum, in quo sine periculo quæstuosæ fluctuant in segetibus undæ; quod industrius quisque quo plus frequentat, hoc minus naufragat: viatoribus molle, fructuosum aratoribus, venatoribus voluptuosum; quod montium cingunt dorsa pascuis, latera vinctis, terrena villis, saxosa castellis, epaca lustris, aperta culturis, concava fontibus, abrupta fluminibus. Quod denique hujusmodi est, ut semel visum advenis, multis patriæ oblivionem sæpe persuadeat. Taceo civitatem ipsam (*Arvernâ*) cui semper sic amantissimam, ut soli nobilium contubernio præferre nihil debeas: cui tu manu injecta fœliciter raptus inscribare: sicque omnis præsentia vestra voluptas; quod tamen nullum satias cœpit.

Ego, quæ *Salvianus de Aquitanis lib. vi de gubernatione* scripsit, *Arvernatis* non ingratis tribuo, eos nimirum esse uber totius fœcunditatis, sed, quæ proponi interdum fœcunditati solent, jucunditatis, voluptatis, pulchritudinis: ad eò illic omnis admodum regio aut intertexta vineis, aut florulenta pratis, aut distincta culturis, aut consista pomis, aut amœnata lucis, aut irrigata fontibus, aut interfusa fluminibus, aut crinita messibus est; ut verè possessores ac domini terræ illius non tam soli istius portionem, quam paradisi imaginem possedisse videantur. Heic non immerito *Theodoricus Gothorum rex*, occupata Aquitania, etiam hanc subjugaturus, ad milites suos: *Ad Arvernos*, inquit, *me sequimini, & ego vos ducam in patriam, ubi aurum & argentum accipiat, quantum vestra potest desiderare cupiditas, de qua pecora, de qua mancipia, de qua vestimenta in abundantiam accipiat.* *Gregor. Turonens. Fluvius Elaverus* non procul ab urbe in ipsis pene radi-

radicibus altissimi montis *Gergovia* labitur. Ipsa urbs surgit in clivos, præcipue ubi templum D. Virginis & saliens fons eminet. Videamus nunc urbem paucis; post, ea quæ in contermino agro sunt.

Portæ urbis, ut à partibus externis occipiamus, III sunt, cum portula, cui inscriptum:

Sic fœdera prisca novantur.

Item:

D. Catharinæ Gall. reginæ immunitate donata, splendorique pristino restituta civitas.

Internas partes constituunt templa, & profanorum usum ædificia.

Templum cathedrale, cui præest Episcopus, dedicatum est D. Virgini; ad quod per plateam clivosam & bene multos & latos è saxo gressus scanditur. Aula episcopalis, quæ prope adjacet, illustris est ARTIFICIOSO FONTE; ad quem per canales subterraneos aqua de Royac derivata est, ita ut rupes, cui inhæret, perforata compluribus siphonibus aquam in incolarum usum evomat. Ei verò hæc inscriptio est:

Urbis æternitati fontem hunc perennis aquæ eximio cratere, siphunculis pluribus ornatum, Ambasiæ præsulis munificentia summo urbis clivo constitutum, vetustate & castellorum vitio interruptum, Scabin. Clar. canalibus plumbeis exceptum usu publico restituere, Anno M D LXXII.

Er. Pu. Op. per.

Chap. arti. faci.

B b 5

Tem-

Templum *D. Virginis du Port*, sub Childeberto natum, à Normanis combustum, ab episcopo Sigonio resuscitatum, his versibus ornatur :

*Hoc templum sanctus primo fundavit Avitus,
Inclitus antistes, nobilis & genere.*

*Quod dicavit ovans Christo sanctaque Maria,
Censibus & propria nobilitavit ope.*

*Hoc Normannorum flammis gens usit acerba,
Bacchans, & strages, heu! miseris faciens.*

*Sed Sigo hanc Prasul prisco decoravit honore,
Ut tibi Celsitonans afforet aula micans.*

Huic templo aliud substructum est non minoris capacitatis.

Præter hæc templa sunt multi conventus, uti Jacobinorum, Carmelitarum, Cordigerorum, & aliorum, aliorum. Clerus in urbe à sua dissentientibus religione maximè est offensus. Exemplum habet *Thuanus* libro XLIV, ad ann. cId Io LXXIII, dicens : *Claromontii in Arvernus*, quod in festo, quo Dominicum corpus pompa solenni circumvectatur, quidam in via minus se reverenter gessisset, & adeis suas, ut moris est, eod die, non relasset, plebem impetum fecisse, adibusque deprædatis hominem productum in foro convectorum domo ipsius lignea strue inauditum combussisse, connivente ad ea magistratu.

Politicis usibus dicatum est *Palatium* regium; cui hoc lemma inscriptum :

Henrico III Gall. & Pol. regi Christianissimo & Catharinæ Reg. Just. Matr. Opt. veris Just. cultoribus, hanc veterum Arver. Comitum domum, ab eadem R. Cathar. Arver. Comit. Just. cultui dica-

dicatam, vetustate labentem, Scab. civium decreto in memoriam benefi. sempiternam restit. anno c l o l o LXXXI.

Quod notatu dignum, offendes in urbe cellas vinarias è vivo saxo vel xl. & plures gradus altas; eas ubi ingressus vinum prægustatum, frigore nimio mox ejicere, nisi de sanitate periclitari velis.

Ad urbis muros est *la fontaine S. Pierre*, in fossa urbis sita, acidulis salubribus clara, nec Spadanis cedens colore, sapore, operatione vè; calculosis præsertim sana, qui vel xx & amplius milliaribus huc iter sanitatis ergo suscipiunt.

Contrarium opus facit fluvius *Tiretaine*, olim *Scateon* dictus; cujus fluxum excipit mirabilis pons naturali è lapide, natus ex aqua fontana concreta, non vulgari urbis secreto. Vbi in fluxu est, limpida cernitur, mox verò crassescens, sistitur sabulo rubro. tale opus in corpore humano, si hausta fuerit, nimirum lapides in testibus & vesica, operatur. Versus de ea hi sunt;

Hunc modicus lambit veniens de montibus amnis;

Iuxta & fons salsus pontem lapidescit in altum.

Pons iste longitudine xxx ulnarum est, v l crassitudine, & viii latitudine; quem Carolus IX rex Bayonna redux videre gestiit, & miraculum naturæ esse in suo regno notavit.

Penes hunc fluvium videre est *abbatiam Illidii* (de *S. Allyre*) extra urbem. Superba architectura est, turribus instar castri munita, opulenta columnis, sepulchris, aris è marmore & jaspide variegatis; splendida sacello *S. Venerandi*, multorum martyrum repositoio.

Quadrante ab urbe mill. adest *D. Marci*, ad quam tres fontes diversissimi saporis sunt;

nitrum, sulphur & vinum esse dixeris. *Moletrina* numero xvi diversis usibus eadem via inveniuntur.

Hinc discedentes vix quadrante mill. habuimus opidum *Montferrat*; quasi mons ferax vini & frumenti, mox *le Put de la paix*, fontem oleaginosum; è quo crassior profluit liquor, terebintho nigrior, picis instar, à qua non multum abscedit; flammam concipiens: multum podagræ frigida nervorumque adfectibus prodesse dicitur, præsertim si cum terebintho miscetur. *Rions* opidum ad sinistram, ubi Curia appellationis in Arvernia. *Pont du Chateau*, op. 11 mill. in colle vitifero exstructum; cujus pedem alluit fl. *Alion*, pons ligneus cui impositus. quo superato *Bourgar* vicus & arx episcopalis eminet in vinea, 1 milliario. una inde leuca est op. *Leson*; quod nobis in suburbio à *la croix d'or* mediocre præbuit prandium. quo sumto opidum, in colle vineis & hortis amœno situm, transivimus; non longe solum frumentiferum, mox quercetum, penetravimus; è quo descensus fit in vallem fluvio *Dora* irrigatam. cui pons lapideus vi arcum incumbit. Per hunc ascensus datur ad opidum *Tiert*, 11 leucis; longus vero is strata è saxo via, & latus ad portam. quam ubi ingressus es, cliuosiore platea ex imo surgit, vectoribus molesta ad anhelitum usque. hospitium heic contigit *au chapeau rouge*, insolens & minus humanum. Opidum hoc in excelsa monte situm, forma longiori elegantem habet speciem. Incolæ sunt cultorum artifices, quos venales faciunt ex ebore manubriis, sed pretio auctiore. In sublimi montium iugo, quod mirandum, optimum frumentum crescit: quo medio eò aratra cum bovis pertrahantur, non facile est dictu. latera
mon-

montium vitibus sunt cooperta, & omni ex parte luxuriantes conspiciuntur colles: in valle humiles constitutæ sunt domus, & ad amnes interluentes longo tractu moletrinx, quæ muris nudatæ pagi cuiusdam formam amœnam fingunt. Hæc exacta nocte, ex opido in devexum vallis fundum equi ducendi erant. post sublimis mons & præceps, unius horæ conscensum intricata per vineas via facit. ad cacumen ubi perventum, finiuntur vineta, vallesq; frumento extenduntur, omnibus hinc inde irriguæ, rectam quæ monstrant viam ad pagos *la Cortade*, 11 mill., & *la poste*, itidem 11. quos regio *Forensium* (*Forest*) sequitur. Quod viatori difficile est, sunt montes vallibus mixti, ita ut planitiem montes interrumpant, & hos rursus planities: vix equum conscendisti, mox is liber dimittendus in declivem vallem, mox inde rursus educendus in acclive. Vicus *Noire estable* ad lxxviii est. pagus cum arce *Landervicil*, 1 mill., transitum præbet ad montem, qui sublimitate sic fastigiatus, ut famosum montem Credo, qui Lugduno Genevam eunti non parum molestiæ facit, post se relinquat: ad jugum ubi deductus es, magnæ molis Crucem erectam habes; à qua in declivem vallem rursus eundum, vico *S. Didier*, sub dominio Marchionis d'Urfe, med. mill. ad sinistram relicto. è valle ascende rursus ad arcem *Roche fort*; quæ cum pago adjecto in ruinis, 1 mill. Inde med. mill. abest opidulum *l' Hospital*, ad fl. *Auson*, casis humile, incolis destitutum; satis tamen pro prandio à *la poste* nobis appositum, imprimis inopinato fragis & cerasis accedentibus. A prandio jucunda planities nos ducebat, *Consanarce* & *Luny* cœnobio dextrorsum relictis, 1 mill. ad opidulum *Baing*; à quo per

ignobiles pagos *Bouteresse, S. Agette, S. Ivé, Nacane*, III mill. venimus ad fluviolum *Linionem*, minime latum, sed multum profundum, & pontone, pro quolibet vectore medio solido soluto, pervium. Ab hoc, virides campi nos duxere ad fluvium *Ligerim*, ubi nec pons, nec ponto, quod vadus videbatur, & penetratu facilis, tametsi sat latus: inivimus recta, non tamen sine discrimine, quod alter ductorum, cum equo medium in fluvium cadens, non longe à suffocatione aberat: aliqui nostrum repente cum equo sublevatum alacriter educebant, madentemque semianimum (ita periculum precordia cinxerat) in opidulum *Feurs* deponebant. heic in *angariis*, largo foco & lauta cœna refocillati, pernoctabamus.

Forum opidum regioni *Forensium*, quæ olim *Segusiani* erant, nomen dedit. Murus templi in lapide subnigro, litteris cinerei pene coloris, juxta viam publicam positi, hanc ostendit inscriptionem:

NVMINI AVG.

DEO SILVANO

FABRI TIGNVAR.

QVI FORO SEGVS.

CONSISTVNT.

D. S. P. P.

Milites cccc in opido quiescebant, omnibus occupatis domibus præter *angarias*.

Hinc postridie, ne iniquas in manus eorum veniremus, ante diluculum, omnes cum sternerent, in viam nos dedimus. *S. Martin* primus pagus est, II mill., solo frumentifero sine vinetis indificatus. Inde per montosa, per valles, IV mill., ad pagum *Crouxieu* deducti, splendide satis excipiebamur à la poste: Sed non multum morati, æstuoso præsertim cœlo, reliquum itineris

neris inivimus, *iv mill.*, ad urbem *Lugdunum*; quam & via quæ *Tholosam* ducit, *Rhodano* dextrorsum sito, circa quintam vespertinam salvi intravimus, repetentes antiquas nostras habitationes, *au lion d'or de la lanterne*.

Heic sex dies desedimus, ut à quiete cum vectoribus itineri Italico alacriores incumbere-mus. Cui, priusquam *Lugduno* abivimus, *TRIA* scitu digna & notatu suspendimus: nimirum, *Contractum inter ducendos & ducentem ineundum & subscribendum: Litteras de sanitate assertorias: & pecunia de exportanda monitum.*

De *PRIMO*, auctor tibi sim, rebus ad iter instructis, sine dolo id habeas expeditum, ne circumveniare: cum ductore de via, pretio, tui & vectoris alimentatione, ceterisque itineris requisitis convenias; modum, quo convenisti, bino schemate signes, & ab utraque parte subscribendum cures, hac ferè formula:

*Je soubsigné N.N. à Lyon promets à Messieurs N.N. aussi soubsignez, de conduire ou faire conduire par un homme, qui sera à cheval, lesdits Sieurs gentilshommes d'icy à Geneve, & de la à Turin, & de fournir à chacun d'eux, à mes frais, un bon cheval, les defrayer eux & leurs chevaux honorablement, & ainsi qu'il convient à personnes de leur qualité, tant de tous les peages & passages qu'ils auront à payer, que de la nourriture de leurs personnes & chevaux, despuis cette ville jusques au dit Turin: & c'est pour le prix de trente neuf ou livres; que les dits Sieurs gentilshommes me promettent payer pour homme & cheval d'icy au dit Turin: dont j'ay receu en cette ville livres à mon contentement, & le restant sera payé à moy, au à mon homme qui les conduira pour moy, en chemin, ou à Turin, en monnoye de France, ou
en or,*

en or, au prix qu'il vaut à present à Lyon; sçavoir la pistole d'Espagne ,....., celle d'Italien, l'escu sol, le zequin Et si les dits gentils hommes vouloient séjourner plus d'une nuit à Geneve, ils promettent de me payer à part les despens de bouche pour eux & leurs chevaux, & aussi pour mon homme & son cheval, durant le dit séjour. En foy de ce, ont esté faits deux semblables escrits; dont l'un à esté retiré par les dits Sieurs gentils hommes, & l'autre par moy N. N.

A Lyon ce

⊙ ⊙ ⊙. &c.

Contractu itineris hoc modo signato, opus est SECUNDO Litteris sanitatem asserentibus; quæ tibi erunt immunitatis à peste & omni contagio symbolum: his verò neglectis impeditum tibi iter erit in primo Italiæ ingressu Novalesiæ in Pedemontio; sine iis enim progredi non potes; adportatas vero ejus loci Commissario subscribendas offeres. Hoc sanitatis symbolum, (le bulletin de la santé,) à Magistratu Lugdunensi impetrandum, continere debet nomen tuum cum loco natali, nec non testimonium, te menses vi & plures Blœsii & Lugduni (quæ duo loca à saluberrimo aëre benè apud Italos audiunt) substitisse.

TERTIUM, quod te monitum volo, est de pecunia exportanda. Caveas monetam accisam nec probam tecum habeas, injustive ponderis: Ex ea vero feligas aureos solares Franciæ & pistolas, quas vocant, Hispaniæ; (escus d'or en or, or en espee; & pistoles d'Espagne de poids:) utrisque facile iter tibi erit, nec onerosum marsupium. Unicum sed & hoc nec te insuper habere velim; Ubi Sabaudiam penetras, præ manu tibi sit, si
ipsum

Ipsus pro te & vectore alimenta solvis, moneta Gallica, non Sabaudica; hanc incolæ rejiciunt quasi improbam & nullius valoris extra Sabaudiam. Cautus verò sis, ne Gallicam illam monetam eodem pretio, quo in Gallia valet, sed majori apud Sabaudos expendas; plus enim valent *les quarts d'escu* in Sabaudia quàm in Gallia. Idem de reliqua moneta gradatim sit judicium.

Instruâi itaque hoc modo, diis vialibus propitiis, Lugduno secessimus *Verbanam*, v mill. Sequenti die *Idanus* fluvius (*Ain*,) hippagone trajiciendus, pro naulo à singulis v poscebat solidos. Fluvius hic propè urbem Nozaretium surgit in Comitatu Burgundiæ; ac parte Sequanorum decursa ingreditur ultra *montem Iovis* regionem *Bressiam*, illamque in partes duas secatur apud Idanum opidum, pontemque nominis sui; postea, incredibili pene numero rivorum jam collecto, in Rhodanum labitur, non minorem æque secum trahens copiam quàm rapidus ille fluvius facit. Non longe inde, *Arbatine* fluvius vaduosus transeundus erat ad vicum *Cerdon*, v mill. ubi pransi *au lion d'or*, maturè in opidum *Nantua*, IIII milliar., intravimus pernoctatum, à *l'escu de France*.

Subsequente ad vicum *Chastillon* tetendimus. illinc ad locum illum ubi *Rhodanus* absorbetur, itum est: via horrida præcepſque est; nec equis accedi potest; pedites ivimus ad ponticulum *le pont de Lusigny*, Sabaudiam à Gallia, quæ heic dicitur *le país de Bougie*, disternantem. heic propè Rhodanus ingenti cum murmure per saxa prægrandia defluit in præcipitem abyssum; ubi evanescit, quietus intra viscera terræ; post longam viam absconditus, ex antro veluti è sepulchro

chro resurgit, & anfractuoso itinere Lugdunum tendit. Hinc repedantibus mons Credo ad lavam relinquitur; iterque per *pontes de Bellegarde & des Oeules* continuandum, v mill., in pagum *Longeret*; ubi pransi à la *† rouge*, recta ad destinatam urbem *Genevam*, sero tamen cum die, venimus, iv milliar., divertentes à la *balance d'or*. De hac urbe cum supra egimus, nihil heic adjiciam, præter quædam de lacu è *Massonio* p. 360; qui dicit: *Lemanus* lacus procurrit in longitudinem leucarum xiv versus *Veragros*; ubi est *Agannium*, martyrum *Mauritii & Thebeorum* illorum memoria nobile: & in x tantum, versus *Antuates* sive *Vaudios*: in latitudinem vero in iv duntaxat: sed quam maxima est latitudo, inter *Conchias* & *Morgen*, angustus est; & in ripa, quæ ad *Chablasios* pertinet, vicus est, ejusdem cum *Lemano* cognomine, aquam perpetuo effundens. In hoc lacu (ait *Gregor. Turon.*) tractarum piscium magnitudinem usque ad centum librarum pondera trutinari. *Masson.* p. 351 addit: In lacu *Burgite*, qui *Rhodano* proximus est, & *Alta-cumbæ* monasterio Ordinis *Cisterciensis*, sevidisse captam tractam ponderis Lxxx librarum; quam convivæ, quorum ipse unus fuit, ab *Alphonso Delbenio* episcopo *Albiensi* prandio excepti, hilariter comederunt.

Genevæ unum diem subsistentes, convasavimus retro relicta; iisque domum missis subsequenti die, qui x erat Junii, urbe excessimus; amicis è primoribus quibusdam, qui ægrè relinquere nos volebant, ad cœnam nos comitantibus; reliquis, quorum magna erat multitudo, à prandio, quod nobiscum habebant, partem viæ sequentibus, subque seram vespèram in urbem redeuntibus.

Pro-

Progressi itaque , ad ligneum *Arva* pontem venimus. Fluvius hic è *Fulcinatium* jugis dilapsus, imbris hibernis intumescere solet, adeoque inflari, ut seipse non capiat. Ad lævam defleximus montes versus Sabaudia, sed steriles; quibus mixtus pagus *le chasteau de Beaume*, *II mill.* Per quercetum in vicum *Croisille* *I mill.* perreximus; à quo *Sala nuova* & *le pont du Broigni*, pagi ad amnem *Fleurie*, *I lapide* absunt. via undiq; montibus circumfusa *I inde leuca* ad opid. *Nicy*, *au gryphon*, duxit nos pernoctatum; situm hoc est sub montibus in valle viridi ad lacum de *Nicy*.

Nocte jucunde exacta, sequenti die amicos comites agrè remisimus Genevam. Pergentes ad lacum, qui ad sinistram; ad montes, qui ad dextram, plana via per pagos *Savery*, *Very*, *Menton*, *Faloire*, *Vertu*, ad vicum *Servage* *IV mill.* devenimus, ibique pransi sumus *au chapeau rouge*. Festum dominici corporis celebrabant incolæ explosione scloporum: devotio plumbeos globos per aëra egerebat; mera tonitrua & fulmina, quæ verè sub vesperam sequebantur, intra valles & montes audiebantur. A prandio via tota montosa fuit & ascensu difficilis, *I mill.* Inde iter *I mill.* à jugo montium fuit in præcipitem vallem frugum infœcundam ad pagum *S. Vian*; inque inferiori adhuc valle situs est, pagus *la Chaignie*; quem *Isara* fluvius alluit; ad quem florentibus in pratis *medium mill.* equitavimus, priusquam hippagone trajiceremus. Ad sinistram munitio *Confluentia*, scopulo acuminato imposita, relinquitur, in concursu *Aræ* & *Isaræ* fluviorum ædificata, ad servandum aditum, è quo in Tarentasiensem vallem descenditur. Nos in ima valle constituti, prægrandem montem obvium habebamus; in
cujus

cujus summitate pagus est *Eton*, 1 mill. Ad dextram *Miolanum* castellum erat saxo arduo impositum, undique prærupto, quod in *Isaram* subiectum despicit. A summitate jugi devexam in vallem descendendum ad vicum *S. Catharine*. eò priusquam venis, *Arca* fluvius ligneo ponte transitur. à quo recta sequitur vicus *Aqua bella*, 1 milliar. (*Aigue belle*.) ubi in angariis hospitabamur. Huic imminet turris *Carbonaria*, (*Charbonniere*, ou le *Château de l'esqueille*;) locus montium jugis arduus; muro, vallo & fossa munitus, qui aditum in *Moriennensem* vallem servat in montium faucibus, quæ per convallem porrectæ ad *Cenisium* montem desinunt. celebris præterea locus *Beraldi* Saxonis primi *Morier* nati Comitum & familiae *Sabaudicæ* conditoris primum domicilio, ac postea *Thomæ Humberti* III fil. cunis memorabilis; ad *Isaram* saxo undique inaccessibili, nisi quæ per collem angustum ad *Porteriam* itur, situs: domicilio præterea Comitum *Sabaudicæ*, cum primùm in hanc provinciam migrarunt, nobilis. *Thuan. lib. cxxv*. Huic subest *Aquæ bellæ* municipium, locus munitissimus. quò aditus à *Sabaudia* ad *Vocontios* & *Tarentinos* præcluditur, in *Alpinis* asperitatibus, in quibus nihil feritur neque metitur. *Botereus lib. iv comment. p. 342*. Municipium hoc anno c^{lo} *Io c* à *Crequio* & *Abele Berengario* Morgio cum delecta manu præmissis tanta celeritate occupatum est, ut prædiiarii arcis de loco incendiando, ne usui nostris esset, cogitantes pœnè in eo oppressi sint. ix machinæ murales à *Ronio* ad arcem admotæ, & ii minores; quarum dispfusione post *Io c xxxvii* ictus, cum omnem auxilii spem præcisam viderent, postremo deditionem pacti sunt, vita & res salva tantum con-

concessa ; nam signa relinquere & funibus extinctis exire debebant. *Thuan. lib. c. xxv.* Heic loci, dum cœna pararetur, tempestas fulmine & tonitru mixta oriebatur; madebant viæ, cœlo in lacrymas soluto ; sed madebat etiam hospita , à marito vapulans ebrio.

Postera die ad *Arcam* fluvium , cujus origo duabus leucis *Laneburgo* abest, superato ligneo ponte , iter factum est. *l' Argentiere*, *Epiere*, *la Chapelle*, pagi fluvio mixti , interjacent ; isque ter cum discrimine sinuoso flexu vadofus fit; præter viam lapidosam & horridam, incultosque jugi sequela montes & saxa , nihil est quod heic videas, & notes. Ad vicum *la Chambre*, *iv mill.*, delati, prandium sumimus *in angariis*. hinc *med. mill.* abest unius arcus pons *Arca* superstructus; mox alius *ii* arcuum ; cui aditus pagus *pont Amaffe*, *med. mill.* , cum arce. prope huic alias duas videbis arces , *Barmy* & *Estignay* ; quarum herus *Genevæ* cum aliis suspendio mansit. *med. mill.* tertius *Arca* pons binorum arcuum est ; & porro fanum *S. Ioannis*, (*S. Jean de Muriane* ;) quod licet primarium vallis sit opidum , nullo negotio tamen à *Desdiguero* occupatum est. Vicus *S. Julien* *i* inde distat lapide ; relicto ad *lævam vico S. Martini*; à quo angusto & saxoso tramite inter fastigiatas rupes *i mill.* ad opidum & castrum *S. Michaelis* venimus , à *l'escu de France*; ubi commode satis cœnavimus & cubuimus. De hoc *Boter. tom. i, lib. iv, pag. 341* ait: *In castro subalpino S. Michaelis Comes Salinarius , Sabaudi nomine, minabatur Gallis , si non exitium , saltem longius progrediendi impedimentum : sed vir fortis celeritate adventum Gallorum prævertens, castro & finitimis locis cedit; turbate adeo convasat, ut Allobroges sui arma, sarcinas, munitionesque bellicas*
Desdi-

Desdiguero vel remoto ac nihil tale expectanti reliquerint.

Altero mane intra mera saxa ad fl. *Arcam* pergendum fuit; qui multis anfractibus pervius, relinquebatur ad montem maximè excelsum. cui vicus *S. Andreas* pro cacumine impositus. Hunc magno labore, anhelitu & periculo vix ingressi, *II mill.*, ad imum rursus præcipitium nos demittere tenebamur. locum horridiorem faciunt desuper è montibus cadentes conglomeratæ aquæ, tanto stridore hinc inde in valles & *Arcam* fl. sese præcipitantes, ut comitibus omnis mutui colloquii usus auferatur, nedum risus & jocus. *Vno lapide* itur isthinc in vicum *Modane*, amabiliori in planitie situm, per fluvium *Arcam* dissectum, sed ligneo ponte junctum; in quo frequentes videas officinas ferrarias, cultumque mulierum diversum à prioribus; nobis prandium exhibitum *à trois rois.* quo finito, è planitie rursus ad præruptas rupes angustioribus quam unquam ante id hac semitis, pergendum erat; ad lævam valles tam altæ ut effugiant visum; ad dextram saxa capiti imminencia, cum stridentibus aquarum præcipitantiis: subtus pontes hinc inde lignei tabulati, sub quibus instar imbrium aqua defertur è jugis, saxosa juga connectunt. hæc omnia circumspectum reddunt viatorem, nisi vel momento cum equo in abyssum ire velit. *Bourgue* vicus ad sinistram loco salebroso, frugibus tamen culto, cernitur. *Vilars*, *I mill.*, vicus, in jugo montis hæret; à quo descensus fit ad ponticulum ligneum, qui vix ferundo est vectorem; sub quo in abyssò velocissimi aquarum fluxus, abominabili cum strepitu. *Abrieu* vico ad sin. in valle relicto, paulatim descenditur *I mill.* ad vicum *Bareman*, qui olim civitas. hinc egredienti
 facel-

facellum ostenditur picturis variegatum : virgo erat , antica parte tota nuda , manibus caput & ossa humana tenens ; media ejus facies carnea , media ossæa erat : penes hanc Dææ infernales & vitia cum cruciatibus & diabolis conspiciebantur , cum inscriptione : *O lecteur regarde moy : integrum enotare non potui*. Hinc pagus *Souliere*, 1 mill. , abjacet ; cujus pars ad pedem , pars ad caput montis ædificata est. Prope abest *Tremignan* vicus , in valle ad *Arcam* ; quam amnis *Vannoise* heicaugetur. ex hoc , clivoso itinere tendimus solo satis frumenti ferace in vicum *l'Asnebourg*, 1 milliaris ; ubi fessi , angustum vix , impurum satis , habuimus diversorium à trois rois.

Laneburgi unam noctem substitimus , frustrati spe , quam conceperamus de nobis portandis , ut moris est , supra montem *SENIS* , ut quiesceremus in vallem usque ; quòd bajuli immoderatum exigebant pretium. Talis verò bajulandi modus est : Sella lignea est è perticis consolidata , agresti forma , ligno quam homini portando aptior. huic bajulandus insidet , manibus super eminentes perticas , ne elabatur , prehensens , supposito , si mollius sedere vult , pallio pro culcitra. equus penes ducitur vacuus , bajulo altero præeunte , subsequente altero. Mensuratur via ab argento , quod numeratur. qui *Laneburgi* è diversorio portari volunt , aureum solarem solvunt *Novalesiam* usque : qui vero à finibus *Sabaudia* , ubi grandis t est , medietatem numerant. Incommoditatis verò non parum hæc res habet , uti vidimus : bajuli illi saltibus emetiuntur viam , non passibus , moderatisve gradibus , præsertim ubi finis *Sabaudia* & ingressus *Pedemontii* est , declivi maxime & salebroso viarum
aufra-

anfractu : prægrandia sunt saxa, non strata, nec ordine posita vel consolidata, sed confusis tumulis extantia, quæ duarum horarum viam deorsum faciunt; his insiliunt certis saltibus, quandoque & incertis, ut labantur, & ipsi cum bajulando, alioquin ex succussatione jam non parum fesso & debili, desuper non sine periculo & ossium fractura præcipitentur. Dum plus æquo à nobis postularent bajuli, conclusum est, illos negligere, &, qui passi jam graviora eramus in priori itinere Lugdunensi, & hoc, quidquid futurum erat molestiæ, devorare.

Ita sequenti luce diversorio egressi, quisque cum suo vectore iter hoc cœpimus. Mox ad dextram est mons saxosus angusta semita conscendendus, flexuoso ductu *1 milliari*: ubi locus *la Ramasse*; cui aliquot tuguria pro pecore stabulando in ætate inædificata: heic vero nulla adhuc æstas, licet mensis junius cursum medium jam absolvisset, sed mera hyems erat; nives resolutæ fluere per semitas, pergentibusque magno impedimento esse contrario delapsu comparebant. Medio isthinc milliari porro egregia planities, montibus præruptis undique & niveis jugis circumfusa, offenditur; per hanc iter est unius & medii milliari. Hæc planities *situ & fertilitate* paucis à nobis heic videatur.

Altitudo loci ab itinere duarum ferè horarum mensuranda est Laneburgo. ubi eam assequutus es, amœna conspiciuntur prata *unius & med. mill.*, undiq; tamen circumdata altioribus montibus. Prata hæc habent *lacum & adificia*. Lacus peregrinanti ad dextram est, *medii mill. longitud.*, fructus copiosus; in quo Victor Amadeus Pedemontii princeps, cum sponsam Christinam à Gallia domum duceret, navale prælium ei exhibuit

buit XII navibus, nec modicis sumtibus. Huic propè adjacet *palatium Principis*, ducennio structum, in saxo, forma quadra & humili, pro quiete reficiendæ sponſæ è Gallia in Pedemontium euntis. Non longe hinc absunt alia aliquot ædificia; ubi angariæ. locus dicitur *la Tavernette*, huc usque *med. mill.* est. Ad sinistram porro devexa via sacellum est, (*la chapelle des corps morts*,) in quod, qui nive vel frigore congelantes pereunt viatores, sine omni ordine & situ, abominabili modo abjiciuntur. pereunt vero non pauci in via hac, signata perticis erectis; quas tamen ventus vehementior quandoque dejicit; ita ut viatores subita cadente nive & viam & vitam perdant. post, regelata nive, inque aquam versa, exeunt è xenodochio, (*l'hospital S. Nicolas*,) quod *medio mill.* abest à lacu, & Sabaudiam à Pedemontio determinat, quæsituri si qui nive suffocati sint: repertorum excutiunt sacciperia, iisque exuunt vestimenta; si destituuntur sphærule precatoriis, sub dio relinquuntur cadavera à volucris & silvestribus animalibus lanianda; sin verò sphærule tales vel cruces lignæ videntur, è via communi in sacellum modo dictum deportantur. tanta huic itineri devotio tribuitur. Talis planitie hujus est situs.

Quoad *fertilitatem*, consistit hæc in animalibus & volucris. Sunt lepores albi coloris, hyeme canescentes; alaudæ æstate nigrescunt, hyeme albescunt; perdices, quarum abundans copia est, hyeme albescunt, æstate canescunt: de lupis silvestribus, quos non vidi, nihil adponam: dicuntur tamen viatoribus quandoque infestari obvenire.

Sed pergamus ex hac planitie. Ubi xenodochium, terminum Sabaudie, attigeris, superest

medium mill. ad tabernam, cui prægrandis lignea † adstat. Heic saxosa hæc, declivis, & anfractuosa sese occipit via, molesta equo & equiti, bajulandis periculosa. descensu *med. mill.* facto, conscenditur equus, ut flumen *Semar* vel *L. Nicolai*, quod è lacu in monte *Senis* ortum, ad præcipitium hoc deductum, magno strepitu in vallem delabatur, penetrari possit. à nive copiosa quandoque impervium est; habuimus ad ephippia usque vadusum; verum ubi eminentes in fluvio lapides conspiciuntur, altius est: pedites obivimus lapides, equis sinistrorsum flumen tranantibus. nebulae adeo densæ erant ut devii facti vix ponticulum ad lævam invenire potuerimus. per hunc procedentes, profunda itione ad alium pontem itur, à quo protensum illud lapidosumque iter pedibus terere *med. mill.* necesse habuimus ad pagum *la Ferrerie*; nec heic quies erat usque dum Herculeis laboribus declive hoc saxetum ad pag. *Novalesiam* 1 *mill.* continuaremus, quo à *l'escu de France* lautè satis habiti fuimus, refocillati foco & vino. Heic literas tuas de fannitate assertorias (*la fede di santà*) à Commissario Sabaudia Ducis subscribi cures, si Gallia audit infecta, ne Thurino postea excludaris. A prandio 1 *mill.* iter fuit inter angustas montium fauces pluvioso cælo ad opidum *Suzam*, cui castellum, (*le chasteau de Suse, ou port de Suse, ou port de S. Marie,*) defendens vallem, transitumque impediens, imminet. amœna hæc vallis ad fluvium *Doriam*, clauditur meris vineis. cum per opidum iremus, obvium habuimus præfectum Pedemontanum, à nobis quærentem, num nomina nostra militiæ dare vellemus; à quo, cum, qui essemus, quave de causa veniremus, intellexisset, benevole dimissi sumus, juncto ad fe-

ad felix irer voto. Hinc expandit se amœna planities, utrinque secedentibus montibus, ad opidum *Boxolengo*, 1 mill., situm ad fl. *Doriam*, cui *Civesta* se jungit. Vix pernoctare poteramus à *trois rois*; turba militum siquidem omnes angulos occuperat, ferox in incolas cruentis plagis.

Summo mane surgentes, vicum *S. Georgii* cum arce med. mill. transivimus; ad sinistram duo castella montibus inhærent, Gallo & Italo subiecta dominis. Hinc coeunt in angustias viæ ad pagum *S. Anthoine*, 1 & med. milliar. Declinavimus nos ad lævam planitiem, relicta abbazia *S. Michiel des estoilles* dextrorsum in iugo montium; devenientes 1 mill. in vicum *Saint Ambroise*, una platea pervium. ex hoc pergentes opidum *Avigliana* cum castello editiori in monte, medio milliari, intravimus, pransuri à l'*escu de France*: portæ suspensa erant Gallica & Sabaudica insignia, cum lemmate:

Felicissimo nexu & tutissimo.

Heic montes planè utrimque eunt in meram planitiem; vites videntur arboribus suspensæ, agri frumentis prægnantes, horti luxuriantes fructibus. Hac via ducimur 1 mill. ad splendidum & opulentum coenobium *D. Antonii Ravasini*, à quo abest opidum *Revoli*, 1 mill., commendatum bonitate aëris, agrique amœnitæ, maximè vero natalibus Ducis Caroli Emanuelis, qui in castello, ubi primum lucem aspexit, multa atria, porticus, aliaque ædificia molitur. Tribus abhinc milliariibus vastissima planitie, densissima in pluvia, ventu impetuoso, qui pluviam cum tempestate miscebat, ad urbem TAVRINVM, Pedemontii metropolin, delati sumus; ubi ad portam quæsitum, qui essemus, unde veniremus, quo

iremus, ubi hospitari & quamdiu in urbe commorari vellemus. ad singula ubi recte responsum, iussi sumus signare nomina; nec inquirebatur *la fededi santa*, cum Gallia à contagione libera ubique audiret. Sed nec cessabat pluvia, etiamsi in ipsa urbe subsisteremus ad portam diversorii *à la rose rouge*; quod molestum à diuturniore admissione. tandem bene madidi omnes unum intrare conclave, quod totum diversorium erat occupatum.

T A U R I N U M.

NON mihi, amice lector, heic mens est, urbem hanc, uti meretur, suis coloribus expedire; fiet alibi, si Deo visum. brevioribus saltem dicimus, esse caput *Tauriscorum* ad ostium in *Pado Duria*, quam Ptolomæus, Plinius & Tacitus *Augustam Taurinorum* vocant. Olim fuit Romanorum colonia, ad montium radices sita, forma quadrata; portis patens IV, *Phaëthontis*, *Secusina*, *Memoria*, *Palatina*, vel *Dorianâ*.

Ædificia splendida continens. inter quæ summum templum *Ioanni Baptista* dicatum est; cui præsidet archiepiscopus. Præter hoc, sine nosocomiis, numerantur adhuc XX. Accedit academia celebris; in qua *Erasmus Roterodamus Theologia* Doctor est creatus. auget famam officina libraria, quæ heic inter omnes Italiae urbes prima fuit.

Politicis usibus dicata est aula Ducis, palatium Cardinalis, equile. ARX est pentagona, ab Emanuele Philiberto Sabaudia Duce condita, amplitudine & arte admiranda, in B. Solutoris ruinis, quam (referente *Thuano lib. xxxi*) Dux ad firmandum novum principatum extruxit, & veluti compedes suorum animis, Gallia libertatis

auram

auram adhuc respirantibus, iniecit. Dux *Carolus Emanuel*, qui nuperis temporibus denatus, *VI-VARIO* arcem decoravit; quod quinque aut sex m. ambit, longe amœnissimo situ, cincto undique à Pado Duriâ & Sturâ fluminibus, & omni genere ferarum, quas Dux undique huc conduxit ad filiorum suorum exercitium & oblectamentum. Nec insuper habeas hortum extra urbem, dictum MILLE FIORI.

Est præterea *mons*, quarta milliaris parte ad ripam Padi se attollens. qui propter incredibilem sinuum varietatem (nam heic se attollit, illic declinat; hac se exserit, illac se recipit. ubi aquæ scaturiunt, ubique optimos fert fructus, & præsertim vinum) *AVREVS* appellari meretur: tanta ibi villarum & prædiorum, viridariorumque copia, ut alterum *Taurinum* esse videatur.

Ita steri promissis meis, & te, amice lector, *CALETO TAURINVM*, per varios anfractus, montes & valla, bono Deo gratiam, stiti. Si ipse iter hoc obiveris, familiariorem me tibi fore confido, impetraturumque, ut, si bonus es, fa-veas; sin improbus, ne laudes.

I N D E X
LOCORUM, PERSONARUM,
R E R U M.

A.		<i>Acidula Claramonten-</i>
A	<i>Ebatia Bernhardi</i>	<i>ses.</i> 587
	<i>prope Rupel-</i>	<i>Accusio.</i> 381
	<i>mundam. 80</i>	<i>Ædificia in Flandria. 29</i>
	<i>Abbatia S. Martini de</i>	<i>Æstus maris. 547, 548</i>
	<i>Condo. 243</i>	<i>Agathopolis. 510, 520</i>
	<i>Abraham Pening civis</i>	<i>Agde. 520</i>
	<i>Lugdun. 399</i>	<i>Aginnum. 543</i>
	<i>Abrenethus Scotus Me</i>	<i>Aigue-belle. 563</i>
	<i>dic. 422, 500, 507</i>	<i>Aigue billette montes.</i>
	<i>Abriez. 598</i>	363
A C A D E M I A		<i>d' Ain fluvius. 337.</i>
	<i>Andegavensis. 247</i>	<i>Aiguillon. 547</i>
	<i>Arausionensis. 422</i>	<i>Aix. 564, 454</i>
	<i>Avenionensis. 441</i>	<i>Albani statua. 42, 43</i>
	<i>Aurelianensis. 203</i>	<i>S. Albanus decapitatus.</i>
	<i>Bituricensis. 275</i>	176
	<i>Burdigalensis. 554</i>	<i>Albertus Dux Saxon.</i>
	<i>Heydelbergensis. 247</i>	122
	<i>Lovanensis. 96</i>	<i>Albinagii jus. 36</i>
	<i>Lugdunensis. 314</i>	<i>Aleator punitus. 200</i>
	<i>Massiliensis. 465</i>	<i>Allectura quid sit. 290</i>
	<i>Monspeliensis. 511</i>	<i>Alecum conditura. 30</i>
	<i>Montalbanensis. 541</i>	<i>Alexander Farnesius.</i>
	<i>Pictaviensis. 261</i>	40, 118
	<i>Taurinensis. 604</i>	<i>Alincourt arx. 183</i>
	<i>Tholosana. 535</i>	<i>Alion fl. 588</i>
	<i>Valenciana. 412</i>	<i>Alkermes confectio &</i>
	<i>Accipitrum privilegiata</i>	<i>grana. 519</i>
	<i>venundatio. 432</i>	<i>Allobroges. 342, 343</i>
	<i>Achan. 394</i>	<i>Alpes Cottiae. 343</i>
		Al-

I N D E X.

<i>Alzohne op.</i>	528	<i>Antrum pervium.</i>	473
<i>Ammanus Antverpia.</i>		<i>Antverpia.</i>	38
68		<i>Antverpiense castellum.</i>	
<i>Ambianum.</i>	193	41	
<i>Amboise.</i>	235	<i>Antverp. divitiæ.</i>	73, 74
<i>S. Ambrosio.</i>	603	<i>Antverpienses linguarum</i>	
<i>d' Amian.</i>	369	<i>periti.</i>	72, 75
<i>Amoris maritalis exem-</i>		<i>Antverp. virgines.</i>	72,
<i>plum.</i>	365	75, 76	
<i>Amphitheatrum.</i>	406,	<i>l' Appannage royal.</i>	245
421, 480, 500, 525		<i>Aquæductus.</i>	172, 234,
<i>Ampulla sancta.</i>	241	263, 307, 323, 413,	
<i>Anchora grandis.</i>	525	423, 472	
<i>Andegavum.</i>	245	<i>Aqua Sextiæ.</i>	454
<i>Anderlee hortus.</i>	115	<i>Aguense Parlamentum.</i>	
<i>Andius sine bono.</i>	247	456	
<i>Andium regio.</i>	245	<i>Aquensis obsidio.</i>	459
<i>S. Andreas.</i>	598	<i>Araris fl. & pons.</i>	283,
<i>S. Andrea crux.</i>	465	288, 289	
<i>Angerville.</i>	200	<i>Arausio.</i>	418
<i>Anglicæ libræ.</i>	1	<i>Arausionensis Principis</i>	
<i>Anglicus sudor.</i>	117	<i>titulus, & privile-</i>	
<i>Angoulein.</i>	570	<i>gia.</i>	423
<i>l' Annonciade fortali-</i>		<i>Arbalina fluv.</i>	337, 593
<i>tium.</i>	363	<i>Arca fl.</i>	595, 596
<i>Antichat arx.</i>	414	<i>Arcium Gall. & Angl.</i>	
<i>l' Antiquaille.</i>	321	<i>comparatio.</i>	147
<i>Antiquitates Viennen-</i>		<i>Arcueil.</i>	162
<i>ses.</i>	407	<i>Ardesiæ lapides.</i>	244
<i>S. Anthoine pagus.</i>	603	<i>Arelate, quasi ara lata.</i>	
<i>D. Antonii Ravens-</i>		475. quæ ad Germa-	
<i>cænobium.</i>	603	<i>nos devenerit.</i>	484.
<i>Antonius Faber Iurif-</i>		& seq.	
<i>consultus.</i>	366	<i>Arelatenfis regni archi-</i>	
<i>Antonius Henrici IV.</i>		<i>cancellarius.</i>	486
<i>pater.</i>	186	<i>Arelatenfe regnum pran-</i>	

I N D E X.

<i>dio devoratum.</i>	486	285	
<i>Arsechotorum ducum</i>		<i>Avigliana op.</i>	603
<i>genealogia.</i>	103	<i>Aurelia.</i>	200, 345
<i>Argente fl.</i>	418	<i>Aurelianenses canes &</i>	
<i>Argentueil, Argentea</i>		<i>vespæ.</i>	229
<i>vicus.</i>	182	<i>Aurelian. processio.</i>	201
<i>Armaignanus.</i>	259	<i>Aurelian. vinum noci-</i>	
<i>Armeniæci, die armen</i>		<i>vum.</i>	200
<i>Iecken.</i>	526	<i>Aurenge.</i>	418
<i>Arquatium.</i>	449, 450	<i>Auriacaturreis.</i>	405
<i>Artaç.</i>	398	<i>Auronius pons.</i>	270
<i>Artenay.</i>	200		
<i>Arva fl.</i>	346, 595	B.	
<i>Arva pons.</i>	361, 362	B <i>Aing oppid.</i>	589
<i>Arvernica.</i>	583	<i>Balgen & belgen</i>	
<i>Asaile.</i>	269	<i>quid sit.</i>	35
<i>les Assemblées.</i>	172	<i>le Balliage de Gair.</i>	341
<i>Affer genus ferrea secu-</i>		<i>Bancum cænobium.</i>	102
<i>ris.</i>	93	<i>Barraux fortalitinum.</i>	368
<i>Assessor nationis Germ.</i>		<i>Bareman.</i>	598
<i>Aurelia.</i>	207	<i>Barsac.</i>	548
<i>l'Asnebourg.</i>	599	<i>S. Bartelemy.</i>	393
<i>Asylum.</i>	320, 406	<i>Bartholomæus Erwarde.</i>	
<i>Atax, Aude fl.</i>	522	399	
<i>Avaricum.</i>	270	<i>le Basacle molendinum.</i>	
<i>Auberion.</i>	260	539	
<i>Auberive.</i>	407	<i>S. Basilia opid.</i>	548
<i>Aubette amnis.</i>	185	<i>Bastia munitio.</i>	401
<i>Auchere.</i>	582	<i>la Bastye.</i>	398
<i>Auctiones quid sint.</i>	32	<i>Batavinauta peregrinan-</i>	
<i>Avennes le sec vicus.</i>	134	<i>tes.</i>	147
<i>Avenio, 431. quæ ad</i>		<i>Baucis & Philemon.</i>	278
<i>Papam devenerit,</i>	445	<i>Bausille abbatia.</i>	507
<i>Augustus Cæsar Lugdu-</i>		<i>Bazas.</i>	548
<i>ni habitans.</i>	306	<i>Beaucaire.</i>	490
<i>Augusta Sequanorum.</i>		<i>Beausse & ejus divisio.</i>	
		230,	

I N D E X.

230, 231		Blois.	230
Bec d' ambez (<i>beccum</i>		<i>Boërii Iuriconsulti epi-</i>	
<i>ambarum aquarum.</i>)		<i>taphium.</i>	555
566		Boëtterræ.	620
Beckenhuys.	114	Bojard pagus.	583
Bellarmini imago.	331	Bois vicus.	193
la Belle cour.	297	la Boisse pagus.	337
Bellefaye.	259	le Bois de Trahison.	
Belgica ingenia laudan-		165	
<i>tur-</i>	73	le Bois de Vincennes.	
Belloquadrum.	490	174	
Berre opid.	472	Bonay pag.	269
la Berre fl.	414	Bonæul.	196
Bergen pagus.	115	Bons hommes.	175
Berriæ ades.	459	Bord.	569
Bernas arx.	394	Bossutum.	129
Bernates.	340, 351	Boterou minister verbi.	
Bessay vicus.	280	383	
Beugles reformatorum		Bougie regio.	337
<i>pagus.</i>	551	la Bougie lacus.	339
Beziers.	620	le Bourg la royne.	199
Bibliotheca. 22, 158,		Bourgne vicus.	598
208, 349, 408		Bournay opid.	337
Bienna.	400	la Bouteille.	578
le Bien venu Tholosa.		Boutonna fl.	569
536		Bozolengo op.	633
Bieure amnis.	174	Braine le Comte.	124
Bigin diversorium.	609	Brese arx.	303
Bironius captivatur.	149	Bresle opid.	282
Bissestre.	172	Brettæulop.	196
Bituricenses Canonici.		la Briglia Neapolitana.	
274		18	
Bituricensium insignia,		Brion.	269
<i>pannus, rex.</i> 277, 278		Brissac.	250
Bituriges, Bourges.	270	Brugæ.	8
Blavia, blaye.	566	Brugarum enlogium.	15
		Cc 5	Brugæ-

INDEX.

<i>Brugelius pictor.</i>	53	<i>Camargues insula.</i>	476
<i>Brugensis fœmina.</i>	15	<i>Camberium.</i>	365
<i>Bruno Colonienfis.</i>	373,	<i>Camera edicti.</i>	192, 385
	374		555
<i>Bruxella.</i>	105. <i>Ejus si</i>	<i>Camera justitia.</i>	466
<i>tus.</i>	106	<i>Camera rationum.</i>	385,
<i>Bruxellæ una vice 7. re</i>			456, 515
<i>ges.</i>	106	<i>Cameracum, Cambray,</i>	
<i>le Bulletin de la santé.</i>		<i>Camerick.</i>	134
	592	<i>Campana magna.</i>	51,
<i>Burda fl.</i>	566		186, 239, 240, 299,
<i>Burdigala.</i>	552		444
<i>Burdigalens. privilegia</i>		<i>Campanæ modulantes.</i>	
<i>& Constitutiones.</i>	561		51, 82
<i>Burgus op.</i>	565	<i>Campanarum modulan-</i>	
<i>Bursa Burdigalens.</i>	556	<i>tium auctores.</i>	51
<i>Bursa in Italia.</i>	58, 59	<i>Campi Elysi.</i>	534
<i>Bursæ origo.</i>	13	<i>Campi lapidei.</i>	473
<i>Bursa Londinens. nomen.</i>		<i>Campus Martius.</i>	503
	58, 59	<i>Cancrina verba.</i>	479
<i>Bussi arx.</i>	243	<i>Candalia gens.</i>	549, 554
<i>Bustidianum colleg.</i>	99	<i>Cande pag.</i>	569
<i>Butyrum de Vanves.</i>	171	<i>Canonici Iohannitani</i>	
<i>Buzançais.</i>	269	<i>Lugdunens.</i>	303
<i>Byzantii destructio.</i>	509	<i>Cap dueil, sive capito-</i>	
<i>Byon reformator. tem-</i>		<i>lium.</i>	503, 525, 537
<i>plum.</i>	226	<i>Capillus suppositivus &</i>	
		<i>adscititius.</i>	505
	C.	<i>Capones.</i>	259, 346,
C <i>Aballio, Cavail-</i>		<i>Capots.</i>	526
<i>lon.</i>	452	<i>Carantonus fl.</i>	569
<i>Cabanes.</i>	472	<i>Carbonaria turris.</i>	596
<i>Cabanesium.</i>	577	<i>Carcaffona duplex.</i>	527
<i>Cabilloniorum provin-</i>		<i>Cardeillac campana.</i>	532
<i>cia.</i>	381	<i>Cardinalis Guisus con-</i>	
<i>Cadillac.</i>	549	<i>foditur.</i>	232
<i>Calerum.</i>	2		Cardi-

I N D E X.

<i>Cardinalis magi decapitatio.</i>	445	<i>fues.</i>	578, 579
<i>Cardinalis Richelieu.</i>	575	<i>Castellum Ambianense.</i>	195
<i>Cardinalis Surdi palatium & hortus.</i>	558.	<i>Castellum Cameracense.</i>	135
<i>Carnople & Carlopolis.</i>	144	<i>Castelnau d'Arry.</i>	528
<i>Caroli And. Burg. gladius.</i>	110	<i>Castelnau de ratte calstrum.</i>	414
<i>Carolus Lotharingus ab Hugone Capeto capitur.</i>	228	<i>Castratio sui.</i>	555
<i>Caroli Magni insignia.</i>	525	<i>Castres.</i>	529, 551
<i>Caroli IX Gall. R. abominabilis mors.</i>	174, 175	<i>Catelanus pharmacopæus.</i>	513, 519
<i>Caroli IIX obitus notabilis.</i>	235, 236	<i>Catulus pagus.</i>	178
<i>Carolus IV Cas. hirundo imperii.</i>	486	<i>Cavaræ populi.</i>	410
<i>Caroli V Cas. nativitas & baptismus.</i>	17	<i>la Cave de la glace.</i>	583
<i>Carolus Scribanus.</i>	108	<i>les Caves gonttieres.</i>	242
<i>Carthusianorum cœnob. incensum.</i>	371.	<i>Celeyn.</i>	409
<i>à regibus Gall. dotatum. ibid. Eorum hospitalitas. ibid. Ordo maxime austerus.</i>	377.	<i>Cellæ vinariæ.</i>	558, 587
<i>Vestimenta, silentium distinctio.</i>	378, 379	<i>Genis mons.</i>	409, 599
<i>Casimiri Pol. R. monumentum.</i>	437	<i>Cento opid. de eo pro-verb.</i>	522
<i>Castaneis saginantur</i>		<i>Centumviri.</i>	133
		<i>Cerdon pagus.</i>	337
		<i>Ceræ dealbatio.</i>	519
		<i>Cererisia vinum Cereris.</i>	31
		<i>Certosia magna.</i>	372
		<i>Chabreillan arx.</i>	414
		<i>Chalemonts.</i>	381
		<i>S. Chamas arx.</i>	473
		<i>Chambery.</i>	365
		<i>Chambort, ejus quantitas.</i>	229
		<i>la Chambre vicus.</i>	597
		<i>la Chambre mipartie.</i>	529
		C c 6	Cham-

I N D E X.

Champier.	398	thasianos.	376
Chanteloupi viridarium.		Cinquerat duroy opid.	
199		454.	
la Chapelle.	145	Civesta fl.	603
la Chapelle des corps		la Claire villa.	335
morts.	601	S. Clari castrum.	295
Charboniere castellum.		Clairmont.	196, 546,
596		583	
Charenton.	159	Clery.	229
Charroix opid.	270	Clanivs fl.	260
aux Charniers.	558	Claudius Bernard le mes-	
le Chasteau del' Esqueille.		sager.	399
596		S. Clou.	167
le Chasteau de Rhosne.		Clusa.	289
414		la Cluse fortalitium.	
le Chasteau gaillard.	337	340, 341	
le Chasteau neuf.	414	Cochlearii nobiles.	350
le Chasteau de Serve.	407	Colinius.	370
le Chasteau vieil.	370	Colloquium inter Perro-	
le Chasteau de Zonas.		nium & Mornaum.	
364		155	
Chastelraut.	268	Colorum oleaceorum in-	
Chastillon pag.	339	ventor.	14
Chastillon & Chastillon-		Columna flagellationis	
net arces.	337	Christi.	305
Chastres.	199	Comici histriones.	256
Chateleton op.	570	Comitia Centuriata.	133
Chaumont op.	235	Compiègne, convici-	
le Cher fl.	238	num.	140
Chersonesus.	289	Compeis.	581
Christi vestis.	182, 183	Comunay op.	399
Christophori magni sta-		Concordia civium.	391
tua.	244, 491	Conflans.	160
Christophorus Pregel ho-		Confluentes Araris &	
spes Lugd.	283	Rhodani.	287, 288
Cimices nulli apud Car-		Confluentia munimen-	
		tum.	

I N D E X.

tum.	595	Crux verba edens.	484
Confort.	297	Crypta Bruxellenses.	112
Confoulant.	409	163	
Conscientia.	389	Crypta S. Germani.	163,
Conscientiarum tortores.		164	
169		Cujaci tumulus.	274
Conti tumulus.	275	Culatona.	388
Contractus de itinere faciundo.	591	Culemburgica pyramis.	
Coquus personatus.	465	114	
Corbolium.	159	Cupet pons.	363
Cordi domus.	276		
Corduana turris.	567	D.	
Cornelius Adrian, vulgo Broer Cornelis.		D Arynca Flandrica.	
12		24	
Cornu cervi. 233, 234, 236		Delia fl.	81
Coronationis regia in Gall. ornamenta. 181, 182		Delphinatus divisio.	
Couleuvre.	279	380, 381. qui ad Galliam venerit. ibid. & 400. est feudum imperii Germanici. 400	
Coulonge.	341	Dens Servatoris.	175
Coursan.	522	S. Denys. 178. cœnobii abbas privilegiatus.	
Couzon mons.	288	179	
Crausa fl.	581	Desdiguierius Antipater Henrici IV.	395
Creac Burdigalensium.		Diana fons & templum.	
530		507, 508	
Credo mons.	339	Diepa.	192
Crestum op.	413	Dilia fl.	87
Crocodyli exuvia. 262, 276, 331, 332, 349		S. Dionysius decapitatus. 176. ubi ejus verum corpus.	179
Croisille.	595	Divion in Burgundia.	
Crouzien.	590	120	
Crux in loco prælii Neoportani.	7	Dodonæus fons.	394
		Cc 7	Doeg-

INDEX.

<i>Doëgbrugk.</i>	21	<i>les Escroüelles.</i>	140. &
<i>S. Dominicus Hispanus.</i>		<i>seqq.</i>	
378		<i>Egues fl.</i>	417
<i>Dompierre vicus.</i>	576	<i>Elavero fl. & pons.</i>	279,
<i>Donzerra op.</i>	414	584	
<i>Doria fl.</i>	588,603	<i>Ella fl.</i>	565
<i>Douay, Dovæum.</i>	251	<i>Emauntem euntes disci-</i>	
<i>Dovere fl</i>	453	<i>puli.</i>	490
<i>Douvranus portus.</i>	1	<i>Emblemata.</i>	333, 538
<i>Dracus fl.</i>	392, 394	<i>Epitaphium Franc. Cla-</i>	
<i>Drot fl.</i>	548	<i>piſsonii, 332. ince-</i>	
<i>la Duchere.</i>	335	<i>ſuoſum. 184. mona-</i>	
<i>Dünkercka. 3. ejus oc-</i>		<i>chica eruditionis.</i>	
<i>cupatio tentata ſcalis</i>		315, 404. <i>Philippi</i>	
<i>admotis.</i>	5	<i>Decii.</i>	333
<i>Dünkerckanipirata.</i>	4	<i>Equan vicus.</i>	198
<i>Dunum Regis.</i>	277, 278	<i>Erasmus Rotterdamus.</i>	
<i>Duxrum amantium ſe-</i>		604	
<i>pultura.</i>	308	<i>Erc fl. ſive Erhand.</i>	520
<i>Duranius fl.</i>	566	<i>Erycius Puteanus.</i>	86
<i>Durantia fl.</i>	453	<i>Eſcouy.</i>	183
E.		<i>Eſcures.</i>	235
<i>E</i>		<i>Eſperance.</i>	197
<i>Cho. 159, 160, 339,</i>		<i>Eſpere.</i>	472
508		<i>Eſpernay.</i>	369
<i>Echo Monſpelii, Man-</i>		<i>Eſpernonius Aquenſium</i>	
<i>tua, Heidelbergæ.</i>	517	<i>hoſtis.</i>	459, 460
<i>Ecoran pag.</i>	342	<i>Eſſonne.</i>	148
<i>Edictum Nannetenſe.</i>	191	<i>Eſtagnac vicus.</i>	478
385, 386, 390. &		<i>Eſtampes.</i>	200
<i>ſeqq.</i>		<i>l'Eſtang de Berre.</i>	472
<i>Edoardus III R. An-</i>		<i>Eteſticha Genevenſia.</i>	
<i>glia.</i>	267	361	
<i>Educatio Philippi I,</i>		<i>Exteri apud Flandros.</i>	
<i>Hiſp. R. & Caroli V</i>		36	
<i>Imper.</i>	81	<i>Eyrien.</i>	399

INDEX.

F.

- F.** *abrica laminarum.* 398, 406
Fabula de Hercule. 474
Fames Cameracens. 138.
Rupellana. 575
Fanum S. Andrea. 432.
columbae arx. 400
Fanum S. Spiritus. 415
la Fede di santà. 592
Felicitium. 581
Ferdinandi II Imper.
canis. 110
la Ferrerie. 602
Feurs opid. 590
la Fiere fl. & pons. 363
Filius decollans patrem.
 21
Flandria. 23. à Gallia
arulsa. 26
Flandri bibuli, eorum
temperamentum. 33
Flandrica fœmina. 31
Flandrica ingenia. 29
Flandrica lingua. 28
Flandriae opida, pagi,
reditus. 27
S. Fleuva. 270
Fleurie amnis. 595
Flores magni pretii. 115
Fœtidum marmor. 261
Fœtura ovium in Flan-
dria. 24
Fons diversarum opera-
tionum. 520
Fontes diversissimi sa-
poris. 587
Font la poste. 399
Fontaine-bleau, fonte-
bellaqueum. 149
La fontaine hospitium.
 281
La Fontaine qui brusle.
 393
il Fontego Venetiis. 61
Forcy, aquæ Forcenses.
 193
la Forest de Fontaine-
bleau. 148
Franchesse. 279
le Fraisne mons. 369
S. Fraisne vicus. 576
Franciscus de Cossi. 251
Franciscus de Harlay ar-
chiepisc. Normand.
 189
Franc. Lotharingus sclo-
peto perit. 228
Franciscus Petrarca.
 434. ades. 447. pa-
 rentes. 449. mors.
ibid. museum. 451.
fons. *ibid.*
Franciscus de Puteo In-
visconsultus. 376
Francisci I, Reg. Gal.,
de Carolo V dictum.
 73. carcer Madritti.
 166. titulus facetus.
 171. insignia. 176,
 504, 232, metrum in
 Lau.

I N D E X.

<i>Lauram Petrarca.</i>		<i>Gandavensium rebellio.</i>	
436		22	
<i>Francorum apostoli.</i>	178	<i>Gardo fl.</i>	491
<i>Frenum Gandavensium.</i>		<i>Garumna fl.</i>	529
18		<i>Gazophylacium.</i>	265,
<i>Frere Jacques Clement.</i>		459, 481, 489	
168		<i>Generalissimus Carthu-</i>	
<i>la Frette.</i>	398	<i>sianorum.</i>	374
<i>Frenil pagus.</i>	185	<i>Geneva.</i>	342. <i>Ecclesiæ</i>
<i>Fridericus Endorfer.</i>	399	<i>constitutio.</i>	351
<i>Fridericus Henricus Co-</i>		<i>Genevens. Episcop.</i>	350.
<i>mes Palat. aquis per-</i>		<i>insignia.</i>	348. <i>liber-</i>
<i>it.</i>	271	<i>tas sub tutela regis</i>	
<i>Fridericus Hefsus Hel-</i>		<i>Gall.</i>	352. <i>politia.</i>
<i>vet. capitán.</i>	140	354. & <i>seq. seditio</i>	
<i>Frontignanum.</i>	519,	& <i>invasio bellica.</i>	
520		355. & 361. <i>stipen-</i>	
<i>Fronton.</i>	540	<i>dia à rege Gall.</i>	341
<i>Fuentius Comes.</i>	138	<i>Genevensis puella salta-</i>	
<i>Fuggerus.</i>	74	<i>tio.</i>	351
<i>Funera Antverpia.</i>	78	<i>Genon pagus.</i>	268
<i>Fura fluv.</i>	101, 102	<i>Gentilly.</i>	174
<i>Furiæ Antverpianæ.</i>	79	<i>S. Geran.</i>	280
<i>Furtum.</i>	230	<i>S. Germain ad Leyam.</i>	
		162.	
		<i>S. Germain la cheuvre.</i>	
		339	
G <i>abrielle la Duches-</i>		<i>Germana natio Aure-</i>	
<i>se.</i>	153	<i>lia.</i>	20, 203. <i>ejus</i>
<i>Gala fl.</i>	566	<i>privilegia à regibus</i>	
<i>Galleux d'Artenay.</i>	200	<i>confirmata.</i>	220, 224.
<i>Galliæ centrum.</i>	271	<i>ubi conveniri potest.</i>	
<i>Gamelon, Sieur de Hau-</i>		224	
<i>te ville.</i>	165	<i>Germanæ mulieris pay-</i>	
<i>Gandavum & ejus ma-</i>		<i>tus.</i>	481, 482
<i>gnitudo.</i>	16, 17	<i>Germanorum sepultura</i>	
		<i>Lug-</i>	

I N D E X.

<i>Lugduni.</i>	311	<i>Guifiani cineres.</i>	233
<i>Germanorum excubie</i>		<i>Guilielmus Naffov.</i>	427
<i>Lugd.</i>	296		
<i>S. Gervas pagus.</i>	494	H.	
<i>Geryonis statua.</i>	504	H <i>Ala Lovanienses.</i>	
<i>Geusen testament.</i>	45		98, 119
<i>la Gie fl.</i>	364, 370	<i>Hallæ.</i>	118. & seq.
<i>la Giere fl.</i>	400	<i>Hallense facellum.</i>	120
<i>Giga-Buardus.</i>	411, 412	<i>Hamptoncourt.</i>	147
<i>Gildæ quid sint.</i>	101	<i>Hannibalis crudelitas.</i>	
<i>Gladius iustitiæ.</i>	466		326
<i>Gliane amnis.</i>	578	<i>Hansa.</i>	36
<i>Girunda vicus.</i>	548	<i>Happa pag.</i>	134
<i>Gonelle.</i>	171	<i>Hareng foré.</i>	30
<i>la Gorge du Loup.</i>	336	<i>Havre de grace.</i>	186
<i>Gournay opid.</i>	140	<i>Hellespontus Britanni-</i>	
<i>Gouvieux.</i>	198	<i>cus.</i>	I
<i>la Grande Chartreuse.</i>		<i>Henricus Fridericus,</i>	
	372	<i>Princeps Araufion.</i>	
<i>Gratianopolis.</i>	380		428
<i>Gravelinga.</i>	3	<i>Henricus Guifius inter-</i>	
<i>Gre opid. cum arce.</i>	197	<i>ficitur.</i>	232
<i>Grenoble.</i>	380	<i>Henrici IV R. Gall. res</i>	
<i>Grohan.</i>	250	<i>gestæ. 151, 152. ejus</i>	
<i>la Grotte Berluee.</i>	322	<i>titulus facetus, 174.</i>	
<i>Grotta Brugensis.</i>	14	<i>Epitaphium.</i>	180
<i>Gryphi unguis.</i>	534	<i>Henrici III R. Gall.</i>	
<i>Guerguis.</i>	193	<i>monumentum cordis.</i>	
<i>Das Gufenstadtlein.</i>		<i>167. corporis depofi-</i>	
	338	<i>tio. 144. symbolum.</i>	
<i>la Guillotiere.</i>	295, 345	<i>167, 568. morituri</i>	
<i>Guingcourt reformato-</i>		<i>ultima verba. 169</i>	
<i>rum templ.</i>	195	<i>Henryopyrgus.</i>	475
<i>Guifii adolescentis car-</i>		<i>Herculis gentilitia infi-</i>	
<i>cer.</i>	240	<i>gnia,</i>	494
<i>Guifiana ades.</i>	459	<i>Hermanus Ludovicus E-</i>	
		<i>lett.</i>	

I N D E X.

- lect. Palat. filius a-*
quis perit. 270
Hernia gutturis quæ à
rege Gall. sanetur.
 140. & seqq.
Herodis, infanticidium.
 304
Heverlea. 96, 102
Heyd Helvetius. 369
Hispanorum transitus in
Burgundiam. 340
Homicidium. 283
Horologium. 131, 136,
 157, 299, 384, 579
Q. Hortensius Orator.
 349
Hortus Dei. 518
Hortus Gallia cum inco-
lis suis. 237, 242
Hortus Mercerii. 275,
 276
Hospital op. 589
Hospital de S. Louys.
 177
Hospitia bona. 178, 179,
 280, 281
Hospitia mala. 124,
 193, 196, 259, 268,
 269
Hospitia in Picardia.
 194
Hôtel de Clugny. 173
Hostia à Iudæis confixa.
 108
D. Hugonis regula apud
Carthusianos. 376

I.

- I**acob de Brûen, hospes
Dünkerkanus. 5
Iconoclasmus. 189
Idanus fl. 593
Ianimedium. 13
Ianus Vitalis. 333
S. Iean de Bedaz. 519
S. Iean Castellum. 464
S. Iean de Muriane.
 597
S. Iean le vieil. 337
Ieanne pucelle d'Orleans.
 191, 227, 228
d'If castellum. 464
Ignis de cælo lapsus. 325
 326
Iesuitæ auctores cadis
Henrici III. 170. se-
ditionum tubæ. 564
Immort. 578
Infantum educatio apud
Flandros. 34
Infortunia bina. 228,
 229
Insignia Lugdunensia.
 286
Inquisitio in hæreticos.
 440
Ioannis Avennensis tu-
mulus. 130
Ioannes Calvinus. 355
Ioannes Corasius Iuris-
consultus. 533
Ioanna de Pontebrefang.
 251

I N D E X.

251

Ioannes Poltrot crema-
tur. 229

Ioannes rex Gallia. 267

Ioannis caput suppositi-
tium. 194

Ioannis imago. 247

Iosephus Iustus Scaliger.

544

Isabella arcu dejicit psit-
tacum. 113. *eius cur-*
rus sponsalis. 110

Isara fl. 368, 369, 381,

595

P'Isle Barbe. 328

P'Isle op. papale. 446

Iffodunum. 269

Iffy. 172

Iudei Avenionenses. 441

445. *illis conciona-*

tur monachus. 440

Iudex arcae Galliarum.

310

Iudicium Dei immuta-

bile. 373

Ive vicus. 570

Iuliodunum. 258

Iulius Caesar Scaliger ejus

caput, vita & sepul-

chrum. 545

Iuliomagum. 245

Iulius Pacinus Iuriscon-

sultus. 412, 500, 512

S. Junien, opid. 578

Iura mons. 289, 341

Iuramentum adseßoris

Aurelia in Nat. Ger-

man. 218. *immatricu-*

landorum. 215. *præ-*

fecti bibliotheca. 219.

Procuratoris. 216.

Quæstoris. 217. *Se-*

niorum & Consilia-

riorum. 220

Iurisconsulti Bituricen-

ses. 276

Ius Issuorum. 35

S. Iust, pagus. 278

S. Iusti abbatia. 196

K.

K *Ammerduch.* 133,

137

S. Katharina fortali-

tium. 186, 362

Katharina Medicaa se-

pulchrum. 231. *eius*

cubiculum. 233

Kieuraing pagus. 129

Körllings quid sint. 16

L.

L *Acus Lemanus.* 289

345, 594

le Lac de Bourgeois. 363

S. Ladre 145

le Laiet de Montdragon,

fl. 417

Lambec op. 453

Lana Hispan. & Angl.

emporium. 13

Langon. 549

Lan-

I N D E X.

<i>Languedoc.</i>	510	384. uxor.	<i>ibid.</i>
<i>LANIENA</i>		<i>Lesignee pagus.</i>	268
<i>Arausienensis.</i>	428,	<i>Lesou.</i>	588
429		<i>Lewatte.</i>	193
<i>Aurelianensis.</i>	229	<i>Lexignan opid.</i>	526
<i>Burdigalensis.</i>	562	<i>Liberta Massilia libera-</i>	
<i>Lugdunens.</i>	301, 302,	<i>tor.</i>	464, 468. & seq.
326		<i>Ligeris fluv.</i>	281, 590.
<i>Parisiensis.</i>	129, 575	<i>pons.</i>	228, 234, 235,
<i>Tholosana.</i>	532	238, 243, 250	
<i>Lansac pagus.</i>	488	<i>Lillo.</i>	40
<i>Lapis Lauretanus.</i>	246.	<i>Limania.</i>	546, 578, 579
<i>natans.</i>	315. pręgran-	<i>Limoge.</i>	578
<i>dis uno digito moven-</i>		<i>Linas opid.</i>	199
<i>dus.</i>	296	<i>Lingua d'ouy & d'oc.</i>	510
<i>Larmond vicus.</i>	563	<i>Lingua Gall. puritas.</i>	
<i>Lavecon.</i>	421	235	
<i>Laurę monumentum.</i>		<i>Linio fl.</i>	590
435. & seqq. ades		<i>Lipsii canes.</i>	94. epita-
& parentes.	448.	<i>phium.</i>	91. penna ar-
<i>mors.</i>	449	<i>gentea.</i>	123
<i>S. Laurent de chaud.</i>	577	<i>Lipsio contradicatur.</i>	480
<i>S. Laurent des eaux.</i>	229	502	
<i>Lazaretum Parisiense.</i>		<i>Littera sanitatem asse-</i>	
177		<i>rentes.</i>	592
<i>Lazari caput.</i>	464. re-	<i>Lœuvre vicus.</i>	146
<i>suscitatio.</i>	524	<i>Lodun.</i>	258
<i>le cheval fol Lugduni.</i>	316	<i>la Loggia publica.</i>	451
<i>Leges Flandrica.</i>	35	<i>la Loire fl.</i>	238
<i>Lemovicenses cultri.</i>		<i>Londinenses ades.</i>	529
580		<i>Longeret pag.</i>	340
<i>Lemovicensium mores,</i>		<i>Longini epitaphium &</i>	
<i>habitus.</i>	580	<i>decapitatio.</i>	328
<i>Lepores IV habentes 4 au-</i>		<i>Longiumean.</i>	199
<i>res.</i>	298	<i>Loth fl.</i>	547
<i>Lesdiguerii palatium.</i>		<i>Lotii rectigal apud Ne-</i>	
		<i>spa-</i>	

I N D E X.

Spasian. Imp. & Pontif. 173

Lovanium. 86. *ejus*
ἑτυμον. 87. *situs.* 88

Lovanienſes leges. 92

Lovanii cum Roma comparatio. 88

Lovanienſium ſtudioſorum forum. 97

Loup gras. 342

Loupiac. 549

Loupian. 520

Luca Evangeliſtæ pictura. 136

Ludovicus Naſ. Montes

Han. intercipit. 127

Ludovicus Valeſius. 439

Ludovicus Mediolan. dux captivus. 292

Ludus palmarius. 240,

297, 330, 550, 553

Lugdunum. 283, 399,

591. *fidelitas.* 325.

adium deformitates.

297. *cives Romani.*

317. *mercatura.* 324,

336. *motus.* 323. *xenodochium.* 316. *elogium.* 328, 336

Lunel opid. 509

Luiſettes vicus. 362

Lufarche. 198

Lutetia. 146. *orbis compendium.* 147

M.

D. *Macarii op.* 548

Madrid. 166

Magellona. 517

la Magiftere. 543

Magny vicus. 183

Mauillet. 242

Malamort. 453

Malauſius portus. 543

Malmaifon diverſorium.

193

Mamillaria. 475

Manumiffio Romana.

202

Maranorum poſteritas.

518

Marixmontium. 113

Marl arcus. 417, 419

Marianæ thermæ. 420

Marignanus lacus. 472

Marmanda. 547

Marmonſtier. 241

la Marne fl. 159

S. Mars. 242

Marfane vic. 414

D. Martha reliquia. 489

S. Martin pagus. 338,

398

Martineſſe pagus. 394

S. Martin de Cran. 473

Martinus Lutherus. 172

S. Martini reliquia. 239.

ejus tumba. 242

Mafcaret aſtus mari-

nus. 565

Maſſi-

INDEX.

Massilia.	462	Metis Lotharing.	186
Massilia condenda occasio.	ibid.	Meudon.	170.
Massilienses proditores.	466, 467	S. Michaelis castrum.	597
Mater Alemanorum.	238	S. Michel des estoilles.	603
S. Mathurin vicus.	244	Mille fiori hortus.	605
Matoulin fidicen.	539	Milch-zins oder Huren-zoil.	440
Matricula Germ. Nat. Aurel.	209	Milton hospes Parisiensis.	146
Mauberon.	260	Miolanum castellum.	596
S. Maur.	175	Miramas op.	473
Mauritius Nassovius.	428	Mirebeau.	259
Maurit I Auriaci soror abbatissa.	261	Mirebeau vicus.	568
Mauritiana prudentia ad Neoportum.	7	Mocajarri panni.	133
Maximilian. I Imperat.	122	Modane vicus.	598
Mechlinia.	81	Mojencourt arx.	193
Mechliniense tribunal.	84	Moissiacum.	542
Mediolanense castrum.	135	Molinium oppid.	279
Medo apud Flandros.	31	Monachorum insolentia.	239
Meduana fl.	245	Moncerau.	243
Mesters vom Polijt.	85	Moneta cudenda jus.	234
Melamberii venti.	474		235
Melodunum.	158	Moneta exportanda monitum.	I, 592
Mercatorum mores vi-les.	338, 339	Monerville.	200
Meretrices Avenioni.	440	Monmelianum op. & castellum.	366, 369
Merieu pagus.	398	Mons aureus.	605
Merignan pag.	338	Mons Ceti.	518
		Mons Comi.	583
		Mons Credo.	339
		Mons lupi.	518
		Mons.	

INDEX.

Monspelim. 509
 Monspelienses campanis
 destituti. 514. pro-
 fessores. ibid. Virgi-
 nes. 509, 510
 Mons pietatis. 114
 Monstra. 266
 les Montagnes de Carthu-
 se. 372
 Montalbanum. 540
 Montcharran. 582
 Montcontour. 259
 Montdragon op. 417
 Montelimart. 414
 Montes. 282, 337, 338,
 370, 589
 Montes Euganei. 449
 Montes Hannoniæ. 125
 Montes Hannoniæ inter-
 cipiuntur. 127
 Montes Sabaudia. 363
 Montfaucou arx. 363
 Montferat op. 587
 Montfront op. 491
 Monthaison. 413
 Montjoyes. 176
 Montjouzien, Iudaorum
 cæmeter. 507
 Montlehery arx. 199
 Montluys. 237
 Montmartre. 176
 Montmorency arx. 182
 Montiscart op. 529
 Montreulbolay. 287
 Montoux præses Parl.
 Sab. 366

Monumentum crudelis
 memoria. 483
 Moreti epitaphium. 50
 Mournas op. 417
 Mours. 526
 les Montons de Berry. 277
 Moyran. 398
 Mulier mirabiliter ser-
 vata. 242
 Mulierum resipiscientium
 domus. 54, 108
 Musici. 124
 Mynen quid sit. 32

N.

NAntua oppid. 338
 Narbo. 522
 Nassovia domus succes-
 sio ad Principatum A-
 rausionensem. 423,
 424. & seq.
 Nationes Aurelia quot
 olim & hodie. 205
 Nemausus. 494. septi-
 collis. 495. à refor-
 matis intercipitur.
 496. fons urbi fata-
 lis. 497. paullò minor
 Roma. 495, 503
 Nemorosius Dux capti-
 vus. 293
 Neoportus. 5
 Neoportana constitutio-
 nes. 5, 6
 Neoportanum prælium. 7
 Nerac. 529
 Nero.

INDEX.

Nero.	326	Orsmael Iehan de Falc-	
Nerva Iurifconsult.	350	kenburg.	419
Nesla propugnaculum.		Ostenda.7. dicitur Tro-	
	140	ja.	8
Nestre opid.	570	Ostendani auctores hale-	
Nicy op.	595	cum conditarum.	8
S. Nicolas fl.	602	Oosterlinga domus Ant-	
Nilus fl.	289	verpia.	58,61
Nismes.	494	Ourgon op.	453
Nix magna.	527	Oyse fl.	197
Niza.	367	Ozance pagus.	259
Nonciutz.	347		
Norimbergensis respu-		P.	
blica.	133		
Novalesia.	592,602	Pacificatio Gandaven-	
Novocastrum op.	446	sis.	23
Numisma de Ostenda &		Padus fl.	604
Sluisa.	8	Palastrarhetorica.	315
Nuptia apud Antwerp.		Palatium Maria Medic.	
iterata.	77	regina.	173
Nyffe pag.	522	Palisse opid.	280
		Pallium D. Martini.	
O.			175
		Panis de Gonesse.	171
Obsidiones diuturna		Pantagruel.	264
quid sint.	8	Pantheon.	412
Obstetrices Bruxellenses.		Papa Arenione fugiens.	
	107		443
Odoratus in amphithea-		Papa Benedictus XII.	
tro.	502	molitoris filius.	441,
Oetingensis Comes.	281		442
Oldo fl.	547	Parcum cœnobium Præ-	
Optica pictura.	521	monstratense.	102
Ordam.	40	Parisenfiumcatena.	174
Orengé.	417	Parlamentum Aquen-	
Orgius fl.	521	se.	456
			Bur-

INDEX.

<i>Burdigalense.</i>	555	<i>Philip. Gulielmus Prin-</i>
<i>Gratianopolitanum.</i>		<i>ceps Araus. 427. ejus</i>
385		<i>nuptia. 428</i>
<i>Rhotomagensis.</i>	190	<i>Philip. Mornaus Ple-</i>
<i>Tholosanum.</i>	537	<i>siacus. 244</i>
<i>Parma urbs imperii.</i>	487	<i>Piase de Russillon. 407</i>
<i>Passe lourdin.</i>	264,	<i>Picardia. 139</i>
265		<i>Pictavia. 260</i>
<i>Pasquaudiere op.</i>	280	<i>S. Pierre d'Entremont.</i>
<i>Patavium.</i>	449	370
<i>Pax religionis.</i>	389	<i>Pierement. 193</i>
<i>Pectines Carcasson.</i>	528	<i>Pierre-late. 414</i>
<i>Pedellus Nationis Germ.</i>		<i>la Pierre levée. 263, 264</i>
<i>Aurel.</i>	209	<i>la Pierre scize. 292</i>
<i>Pelius mons.</i>	509	<i>Pierre de Thomas thre-</i>
<i>Pegma Hornani & Eg-</i>		<i>sorier du roy. 540</i>
<i>mondani.</i>	113	<i>Pilatus, ejus sceptrum,</i>
<i>Penis privatio,</i>	555.	<i>404. turris. 406. py-</i>
<i>triplex.</i>	501	<i>ramis, domicilium,</i>
<i>le petit Niort.</i>	568	<i>451</i>
<i>Peregrinantium vulga-</i>		<i>Pipetum castrum. 401</i>
<i>ris mos.</i>	146	<i>la Pisse vache: 338</i>
<i>la perle de France.</i>	569	<i>Pistorius. 500</i>
<i>Peronna.</i>	139	<i>Pinlone op. 417</i>
<i>Perpignan.</i>	525	<i>Placentia civitas impe-</i>
<i>Peru.</i>	520	<i>rii. 487</i>
<i>Petermanni qui sint.</i>		<i>la Place pie. 444</i>
100		<i>la Plain palais. 346</i>
<i>Petralata.</i>	414	<i>Planasia. 415</i>
<i>Petrus Luxemburgius.</i>	439	<i>Podensac. 551</i>
444		<i>Podium in amphithea-</i>
<i>Petrus Sardus Iuricon-</i>		<i>tro. 501</i>
<i>sultus.</i>	376	<i>Pola virgo Tholosana.</i>
<i>Pharos Alexandria.</i>	567	<i>534. 539.</i>
<i>Philippi Audacis Bur-</i>		<i>S. Polycarpi sepulchrum.</i>
<i>gund. tumulus.</i>	119	306
		<i>D d</i>
		<i>Pon?</i>

INDEX.

<i>Pont Amasie.</i>	597	<i>la Porte de trions.</i>	322
<i>le Pont Anthou I.</i>	199	<i>Portus S. Mariae op.</i>	546
<i>le Pont de Bonne.</i>	392	<i>les Poulles de Lodun.</i>	259
<i>Pont de Céc.</i>	250	<i>Pounas.</i>	399
<i>Pont de Chargy.</i>	278	<i>Poy de Louart.</i>	576
<i>Pont du chasteau op.</i>	588	<i>Poyssin op.</i>	413
<i>Pont du chat.</i>	491	<i>Pratum Germanorum.</i>	
<i>le Pont de Codonian.</i>	250		
	509	<i>Preully op.</i>	269
<i>Pont des malades.</i>	578	<i>Priapus Antverpia.</i>	52
<i>le Pont des Oeules.</i>	339	<i>S. Prieck.</i>	581
<i>le Pont de Soile.</i>	570	<i>Primas Gallia.</i>	303,
<i>Pons à naturali lapide.</i>	323		
	587	<i>Principum libidines.</i>	
<i>Pontemurum.</i>	582		165
<i>Pons Gardius</i>	491	<i>S. Privé Baro hospita-</i>	
<i>Pons Garumna.</i>	539	<i>lis.</i>	493
<i>Pons Gibaldi , pont</i>		<i>Processio Andegavensis.</i>	
<i>Gibaud.</i>	582		246
<i>Pont Hermenbois.</i>	145	<i>Processio corporis domi-</i>	
<i>Pont Hierry.</i>	148	<i>nici.</i>	586
<i>Pontificia sedes Avenio-</i>		<i>Procurator Nationis</i>	
<i>nem translata.</i>	443	<i>Germ. Aurel.</i>	204, 213
<i>Pontificis Urbani VII.</i>		<i>Propugnaculum anseri-</i>	
<i>insignia.</i>	300	<i>num.</i>	346
<i>Pontiri castellum.</i>	139	<i>Proverbium de Momme-</i>	
<i>Pons la steccada ad Ant-</i>		<i>liano , 367. d'Oren-</i>	
<i>verpiam.</i>	40	<i>ge , 418. de provin-</i>	
<i>Pont Lunel diversorium.</i>		<i>cia Gall.</i>	456
	509	<i>Provinciae Gall. deriva-</i>	
<i>Pontoise op.</i>	183	<i>tio nominis ,</i>	452.
<i>Ponts opid.</i>	568	<i>ejus domini , ibid.</i>	
<i>Pont Singoulent.</i>	577	<i>quæ ad Gallos deve-</i>	
<i>Pont S. Esprit.</i>	415	<i>nerit.</i>	489
<i>Porcelletorum historia.</i>		<i>Puerperia Antverpia.</i>	78
	481	<i>Mechliniensium.</i>	84

I N D E X.

le Pnt de la poix. 588
 Putens fulgura concitans. 518
 Pyrenæi montes. 525

Q.

Questor nationis German. Aurel. 206

le Quartier des Portu-
 gais. 558

Quevilly pagus reformato-
 rorum. 192

R.

Rabelæsus, 264,
 276, 512, 513.
 ejus pileus & toga.
 513, 514

Radigunda. 261, 263

la Ramasse. 600

S. Rambert vicus. 407

Ranchinus Medicus
 Monspel. 515

Rebuffi sepultura. 518.

Rektor Aurelianensis,
 204. Lovaniensis. 97

Reformatorum ecclesiæ
 quot in Gallia. 192

Reformatorum sepultura
 Lugd. 324

Regia ædificia in Gal-
 lia. 176

Religio non cogenda. 391

Remilly op. 363

Renchir cervus. 274

Renette amnis. 185

Reolle, sive Regula op.
 548

Rex Gallie canonicus.
 245, 261

Rhodanus fl. 345. ubi
 absorbeatur, 593. ejus
 pons. 290, 345, 349,
 406, 432, 476.

la Rigaudiere armamen-
 tarium. 321

la Rimanche amnis. 394

Rions op. 551, 588

Rives. 398

Rivoli op. 603

Roane sive Rodumna.
 281

Robec amnis. 185

S. Robert pagus. 398

la Roche d'Etaux. 566

la Roche insula. 491

Roche sur grane, arx.
 414

P'odior numisma. 204

Roënac, pag. 414

Rogiero Compignano.
 367

Roja op. 140

Roland campana. 19

Rolandi turris, 481. sal-
 tus, 483. & calva-
 ria & epitaphium.
 484

Rollinus minister verbi.
 393

D d 2

S. Ro-

INDEX.

<i>S. Romans.</i>	407	<i>Salmurium.</i>	243
<i>Ronneau castellum.</i>	465	<i>Saluzensis marchiona-</i>	
<i>Ronella fl.</i>	130	<i>tus.</i>	342
<i>Rosmarinus.</i>	414, 452,	<i>Sambucus.</i>	261
	453, 519	<i>Sancerra.</i>	277
<i>Rosinus.</i>	368	<i>Sancta liza initium.</i>	
<i>Rotapapalis.</i>	444		139
<i>Rothomagum.</i>	185	<i>Saone, sive Sagena fl.</i>	
<i>Rothomagi reformato-</i>			288
<i>rum Ecclesia.</i>	192	<i>Sapene pag.</i>	379
<i>Rothomagi sceleratissi-</i>		<i>Saportæ Medici.</i>	511.
<i>mus à Canonicis li-</i>		<i>Saturvini templum.</i>	533
<i>beratur.</i>	188		539.
<i>Roubion fl.</i>	414	<i>Savasse vicus.</i>	414
<i>Rubenius pictor.</i>	53, 65,	<i>S. Saviat.</i>	581
	113.	<i>Saxonicalingua.</i>	28
<i>Ruël.</i>	161	<i>Scaldia fl.</i>	39
<i>Rupella, 570. ejus ex-</i>		<i>Scholares Pictavienses,</i>	
<i>pugnatio, 575, 576.</i>			266. Tholosani. 535
<i>porius, 571. privile-</i>		<i>Schombergius Comes.</i>	
<i>gia.</i>	575		577
<i>Rupelmunda.</i>	80	<i>Scipio Verganus Italus,</i>	
			572, 572
<i>S.</i>		<i>Scropharum familia.</i>	
S <i>Abandi, 342. unde</i>			482
<i>nomen, 344. Sa-</i>		<i>S. Sebastiani castrum.</i>	
<i>xonibus oriundi, &</i>			294
<i>quando Duces facti.</i>		<i>Seditiones.</i>	165
	344	<i>Semar fl.</i>	602
<i>Sabaudia nives.</i>	280	<i>Senense castrum.</i>	136
<i>les Sablonniers d'Estam-</i>		<i>Seniores nationis Germ.</i>	
<i>pe.</i>	200	<i>Aurel.</i>	206
<i>S. Saforin.</i>	399	<i>Senis mons, & ejus</i>	
<i>Salica gens.</i>	485	<i>descriptio. 599. &</i>	
<i>Salis costura apud Flan-</i>		<i>segg.</i>	
<i>dros.</i>	30	<i>Senlis op.</i>	145
			Septe-

I N D E X.

<i>Septenarius numerus.</i>	<i>Straßiana gratia , bey</i>
107, 433	<i>der straffen.</i> 472
<i>Septimaniorum ingenia.</i>	<i>Stratagemain carro nu-</i>
496	<i>cum.</i> 194
<i>Sepulchrum Salvatoris.</i>	<i>Stupratoris pœna.</i> 443
402	<i>Stura fl.</i> 605
<i>Sequana fl.</i> 183	<i>Swarie galeje van Dort.</i>
<i>Sericum opificium in</i>	38
<i>Gallia.</i> 238	<i>Sudarium Salvatoris.</i>
<i>Servage vicus</i> 595	144
<i>Servorum fidelium ex-</i>	<i>Suevica lingua.</i> 28
<i>emplum.</i> 236	<i>Surgere vicus.</i> 576
<i>Sicilia.</i> 230	<i>Suza op. & cast.</i> 602
<i>Siebenschlaffer sepul-</i>	
<i>chrum.</i> 242	T.
<i>Silvanectum.</i> 145	T <i>Ailleburgum , op.</i>
<i>Sluysen , sive exclusæ.</i>	569
107	<i>Tarara.</i> 281
<i>Simonia pontificiorum.</i>	<i>Tarascon.</i> 488
272	<i>Tarentasensis vallis.</i>
<i>Singona fl.</i> 568	595
<i>Sinna fl.</i> 106	<i>Tarnis fl.</i> 542, 543
<i>Sisara apud Flandros.</i> 31	<i>Tavernette.</i> 601
<i>Sivolis fl.</i> 582	<i>Taurinum, Turin.</i> 604
<i>Sogniacensis silva.</i> 101.	<i>Tausendt mitteln Ant-</i>
106	<i>verpia.</i> 65
<i>Solighofferi.</i> 472, 463,	<i>Tectosages.</i> 529
465, 540.	<i>Telum immensa magni-</i>
<i>Somia fl.</i> 193	<i>tudinis.</i> 124
<i>Somona, Somme fl.</i> 139	<i>Templum Agrippa Ro-</i>
<i>Sorga fl.</i> 431. 447, 448.	<i>ma.</i> 254
<i>Soutiere.</i> 599	<i>Templum D. Pauli Ro-</i>
<i>Sphæristeria.</i> 321, 443	<i>ma.</i> 323
<i>Scapula quid.</i> 13	<i>Terminus Sabandiz &</i>
<i>Scapula frumenti ,</i> 24.	<i>Pedemontii.</i> 601
<i>Vini Gallici.</i> 133.	

I N D E X.

<i>Tescunus amnis.</i>	541	<i>Trinquetaille.</i>	476
<i>Textrina</i>	30, 100	<i>Trochon.</i>	363
<i>Teya fl.</i>	271	<i>Trulla fl.</i>	125
<i>Thauredunum.</i>	497, 408	<i>Trutta magni ponderis.</i>	659
<i>Theo fl.</i>	269	<i>Turnonium op.</i>	407
<i>Theodorus Beza.</i>	199, 362, 492, 496.	<i>Turris Antverpiens. & Argentis.</i>	50, 51.
<i>Thesaurus in Rhodano.</i>	344, 345	<i>Romana.</i>	508
<i>Tholosa.</i>	529	<i>Typographeium Plantinianum.</i>	64
<i>IV. Tholosana miranda.</i>	539	<i>Tyranni Maxentii interitus.</i>	325
<i>Tholosani scholares.</i>	535	<i>Tyranni Severi interitus.</i>	326, 327
<i>Thomæ Aquinatis ossa,</i>	536		
<i>534. pulpitum.</i>	91		
<i>Thorasius.</i>	236		
<i>Thouris.</i>	200		
<i>Thubise.</i>	124		
<i>Thynnium vic.</i>	407		
<i>S. Tiberii opid.</i>	621		
<i>Tiert op.</i>	588		
<i>Timuchi.</i>	465		
<i>Tiretaine fl.</i>	587		
<i>Tonay charente op.</i>	569		
<i>Tonon op. rasum.</i>	547		
<i>Tornatores artificiosi.</i>	196		
<i>la Tour pag.</i>	282		
<i>Tours.</i>	238		
<i>Tourfour.</i>	200		
<i>Toury.</i>	342		
<i>Toussac fl.</i>	547		
<i>Tous Saintes arx.</i>	473		
<i>Trente vicus cum pro-</i>			
<i>verbis.</i>	521		
		<i>V.</i>	
		<i>la V Ache pag.</i>	413.
		<i>tortimentum.</i>	574
		<i>Vade & occide Cain.</i>	514
		<i>du Vair præses parlam.</i>	
		<i>Aquensis.</i>	456
		<i>Valentia, Valence.</i>	409
		<i>Valentianæ, Valen-</i>	
		<i>chiennes.</i>	129
		<i>S. Valer I opid.</i>	407
		<i>Vallis clausa, Vauclu-</i>	
		<i>se.</i>	446, 447
		<i>Vallis cygnum.</i>	129
		<i>Vannoise amnis.</i>	599
		<i>Varennes.</i>	259
		<i>Vanves.</i>	171
		<i>t Veer propè Antver-</i>	
		<i>piam.</i>	37
		<i>Vebi-</i>	

INDEX.

<i>Vehiculum Alberti archiducis.</i>	110	<i>Ville neuve.</i>	433
<i>Vellaus arx.</i>	472	<i>Ville nouvelle.</i>	529
<i>Venen apud Batavos quid sint.</i>	87	<i>Ville pinte.</i>	528
<i>Venetiana theriaca.</i>	260	<i>Ville seiche.</i>	ibid.
<i>Venectorum Dux.</i>	98	<i>Vincenstre.</i>	172
<i>Verbonne pagus.</i>	337	<i>Vini adulteratio.</i>	30
<i>Verdet quid sit.</i>	519	<i>Virgines religiosæ maritanda.</i>	126
<i>Verloren kost turris Lovaniens.</i>	89	<i>Virgo docta Iuliana Hispana.</i>	303
<i>Verpus Antverpiæ.</i>	38	<i>Vitrum ductile à quo inventum.</i>	68
<i>Veronense amphitheatrum.</i>	502	<i>Vitulus aureus.</i>	307
<i>Vertueil vicus.</i>	577	<i>Vivarais regio.</i>	416
<i>Vesuve pag.</i>	235	<i>Vlin pagus reformatorum.</i>	324
<i>Vexilla suspensa.</i>	124, 299, 349	<i>Vnicornus.</i>	181
<i>Via varia.</i>	269, 278, 282, 369, 398, 461, 589, 597, 598	<i>Voreppe pagus.</i>	398
<i>Vienna.</i>	399	<i>Vrina cum cineribus.</i>	240, 349
<i>Vif vicus.</i>	394	<i>Utica, Uzcza urbs.</i>	491
<i>Vigand op.</i>	518	<i>Vra passa.</i>	520
<i>Vigenna fl. & pons.</i>	268, 577, 578, 579		
<i>Vigile arx splendida.</i>	394. & seq.		
<i>Vigilii Zuichemi monumentum.</i>	17		
<i>Vigny vicus.</i>	183		
<i>le Village de Chartreuse.</i>	370		
<i>Villa nova.</i>	517		
<i>Vilars vicus.</i>	598		
<i>Ville Franche.</i>	529		

W.

W Aghâlser quid sint
16

Waldensium origo. 324

Wettengeli Bohemi epistaph. 310

Windsoor castellum Angl. 268

X.

Xainctes. 569

Z. Zen-

I N D E X.

Z.

ZEnnafl.
Zythus qui praparetur.

119

31

F I N I S.

Hectores domi nascimur :
Ulysses foris evadimus.



